





~~29. (II) IV. 7. SS. IX. 2.~~





OTHONIS ZYLII E SOC. IESV



HISTORIA
MIRACVLORVM
B. MARIÆ
SILVADVCENSIS.

iam ad D. Gaugerici Bruxellam translata.



ANTVERPIÆ;
EX OFFICINA PLANTINIANA
BALTHASARIS MORETI.
M. DC. XXXII.

*Bibl. Collegij ss. Blasij et caroli Romæ
Dno Typographi.*

ISABELLÆ
CLARÆ EVGENIÆ,
HISPANIARVM INFANTI,
MATRIS DEI
MARIÆ
CVLTRICI EXIMIÆ.



T hæc MIRACVLA, Latinis
à me litteris ad posteritatis
memoriam consignata, CEL-
SITVDINI TVÆ, partim lu-
cis, partim tutelæ adsciscendæ
causâ venerabundus offerrem, tum alia non
pauca, tum hæc præ ceteris me impulerunt;
propensio animi mei, ductus ipsius DEI-
PARÆ, & præsens Reip. atque Imperij Tui
status. Quamvis enim sponte meâ, ac pro-
næ voluntatis impulsu (quem sanè maxi-

mum sentio) non vehementer incitarer, ut
hanc Historiam benignissimo patrocinio
Tuo committerem; deduceret me tamen
ad Te ipsa Regina cælestis, neque sineret
alteri cuiquam hæc tam admiranda poten-
tiæ suæ monumenta consecrari. Cùm enim
latissimis oculis DIVA viderit Statuam il-
lam suam tot prodigiis nobilitatam, tot be-
neficiis in calamitosos deriuatis celeberrimam,
Te gratulante in hanc urbem acci-
pi, Te prosequente in ædes novas deduci,
Te maximè volente optimorum civium
venerationi ac desideriis exhiberi; non fuit
mihi diutiùs ambigendum, quónam hoc
volumen, de clarissimis eius operibus à me
conscriptum, destinandum esset: Nam
cùm in Imagine suâ Te potissimùm DEI
MATER adierit, quò mihi sequendum ef-
fet, signavit iter: cùm Tuæ urbis hospitium
ipsa delegerit, ad Te quoque mihi diuer-
tendum esse, quasi digito monstrasse visâ
est. Ad quam igitur MARIA ipsa præue-
rat,

rat, eam mihi præterire non licuit: neque
consultum erat aut à tantæ Ductricis vesti-
giis per temeritatem aberrare, aut ab Opti-
mæ MATRIS nutu per impietatem descen-
dere. Ita quæ inchoandi laboris auctor,
atque absoluendi adiutrix fuerat, eadem
quoque mihi dedicandi operis auspex fa-
cta est. Quamobrem neque solus ad CEL-
SITVDINEM TVAM venio, quem co-
mitatur DEIPARENS; neque aliò tende-
re potui, cui præeuntem VIRGINEM
intueri iucundissimum, sequi tutissimum
videbatur. Ergo meum hoc munusculum
tamquam per DEIPARAM accipies, quæ
Tibi & Imaginem suam, & MIRACULA
sua, & Scriptorem suum tradit atque com-
mendat. Sed & ipsa Reipub. tempora, non
Musis tantum & cultioribus litteris, ve-
rùm communi etiam Belgarum tranquilli-
tati haud parum infesta, postulare à me
credidi, vt CELSITVDINI TVÆ, quam
graues publicarum aduersitatum procellæ

circumstant , salutiferam hanc M A R I S
S T E L L A M non vt ignotam obscuramve
ostenderem, sed tamquam fulgidam lucen-
temque quasi in tabellâ depictam exhibe-
rem ; cuius S T E L L Æ aspectus optatissi-
mam lucem, lux serenitatem, serenitas por-
tum fluctuantibus omnibus semper ape-
ruit. Illa sanè Tutrix clementissima, quæ
tot priuatorum misérias respexit, tot cla-
des depulit, toties sæuissimos turbines à
pereuntibus amolita est; cùm Reipub. na-
uëm aduersi ventorum flatus non sinant
quiescere, auxiliatricem quoque manum
gubernaculis Tuis additura est, ac tempe-
states omnes compositura: quando & à Te,
& à Belgis Tibi obsequentissimis, Augustæ
cælorum D O M I N Æ, eiusque F I L I O pro-
pitando, non tam timoris obsequia, quàm
pietatis vota (quæ vnica regnantium firma-
menta sunt) adhibita fuerint. Tutissimas
enim sceptrorum opes non arma, non æra-
rium, non exercitus, non signa, non duces,
sed

sed castum purumque DEI cultum, & germanam pietatem existimo. Longè fortior, longeque securior est inermis virtus, quàm armata impietas. Hæc diu stare, illa diu iacere non potest: hæc aliquando vincit, vt pereat; illa vincitur, vt seruetur. Quæ tamen non eò à me dicta sunt, quòd iudicem à Reipub. procuratione humana illa præsidia, quæ Tu optimè nosti, abesse posses: sed quòd primas in Regno partes Diuini Numinis reuerentiæ tribuam, quodque magna secundùm DEVM in DEIPARAM pietas pro firmissimo ac palmari imperantium præsidio habenda sit. Hæc est prætoria cohors, hæc infracta triariorum phalanx, obsequium, amor, cultusque DEIPARÆ; cuius deprecatio Illum Principibus conciliat, sine cuius Numine ac tutelâ, & propugnacula, & legiones, & castra, & excubiæ, & machinæ, & armamenta omnia leuissimis aranearum telis infirmiora sunt. Hanc Tu MAGNÆ MATRIS venerationem sic æsti-

arctimas , vt profitearis ; sic profiteris , vt
exerceas ; sic exerces , vt doceas ; sic doces ,
vt exemplo persuadeas , auctoritatis maie-
state tuearis . Atque vt cetera taceam Tui
in MARIAM affectus indicia vel crebra
vel publica , omnium oculis accepta , om-
nium præconiis decantata , omnibus pænè
templis , aris , tabulisque spectanda ; hanc
Siluaducensem DIVAM hospes exulem ,
salutatrix charissimam , supplex DOMI-
NAM frequenter inuisis , amplecteris , ve-
neraris : quam ex meo ac bonorum om-
nium voto senties quoque publicorum pe-
riculorum , cladum , bellorum , non mi-
nùs quàm priuatus quilibet afflictionum
peculiarium , depultricem ; & fatigatos bel-
lis ante ipsos natis Belgas aliquando in inti-
mo desideratæ pacis gremio collocabis .
Quemadmodum autem Tu peregrinan-
tem Virginis exulis Stratuam incredibili stu-
dio ac veneratione suscepisti , atque ad hanc
cuius MIRACVLORVM HISTORIAM
per-

pertexendam me materno magis, hoc est
verè Tuo, quàm Regio imperio incitasti:
sic equidem MISERICORDIÆ MA-
TREM pronus veneror atque obtestor, vt
Te, postquam impleueris quam mereris æ-
tatem, decursâ felicissimè vitæ huius per-
egrinatione, in præparatas virtutibus Tuis
sedes accipiat, atque ALBERTO OPTI-
MO, PATRIÆ PATRI, OPTIMAM
BELGARVM MATREM ferò adiungat.

SER^{MÆ} CELSITVDINI TVÆ

Cliens æternùm deuotissimus

OTHO ZYLIVS
Soc. IESV Sacerdos.

**

LECTO-

LECTORI BENEVOLO.



VM circiter annum à CHRISTO
nato CIO. IDC. XXII. Siluæducis
de B. V. MARIA, plurimorum mi-
raculorum effeëtrice, nihil vulgò certi
extaret, præter confusam, & iam se-
nescentem eorundem miraculorum me-
moriâ, solis hominum sermonibus, nullis litterarum mo-
numentis celebratam; fortè euenit, ut in aditum tabula-
rio complures vetusti Commentarij, omnibus optima fidei
notis insignes, in manus meas inciderent, sermone patrio
ingentem miraculorum numerum complexi. Eos equidem
excussi auidè, atque in ijs supra CCCC. LXXX. miracula,
temporibus, locis, personis, testibus, signata reperi. Quæ
cum, ceu folia Sibyllæ, inter se parum cohererent, non mo-
dico labore à me in ordinem coacta sunt. Verùm, incredibili
dolore meo, superstitis dumtaxat duobus ultimis, desi-
derabatur primus liber: è quo ut multa prodigiosè à Dei-
parâ patrata, ita inprimis origines totius operis arcessi po-
tuisse credibile est. Dubitabam interim, plûsne iacturæ mi-
hi obuénisset, an lucri: qui thesauro quidem tam locuplete
inuento latabar plurimum; non exiguum tamen dolorem
perci-

percipiebam ob deperditam principem partem tam augustae rei. Videbar namque mihi peruenisse ad uberem aliquem riuum, cuius fons exaruiisset; & pulcherrimum corpus sine capite (si tamen id pulchrum dici potest) reperisse. Accendebat sitim meam non improbabili coniectura; quae ex repertorum miraculorum numero ac magnitudine, amissorum eminentiam aestimabat: atque eò etiam acrius sollicitabat animum, quò minor desiderata potiundi spes aderat. Ergo ne his quoque posterioribus duobus libris (ita iam seu dissolutis, seu squalore situque obsitis, ut proximè ab interitu abessent) idem quod primo eueniret, nève tam nobiles tot prodigiorum reliquiae obliuioni pariter darentur; non antè mihi cessandum duxi, quàm & vetusta illa tabula in volumen satis spissum compingerentur, & nouum earum exemplum non ineleganti charactere exaratum exstaret. Duo itaque confecta sunt eiusdem huius argumenti volumina: quorum alterum ex priore descriptum, vulgò omnium manibus & oculis patuit; alterum intentione curâ seruatum, uti erat vetustius, ita parem dignitati ornatum accepit. Ceraui quippe coloris holoserico inuolucro opertum, emblematis scitè obductis distinguitur. Una inuolucris facies grandibus ex argento litteris argumentum indicat libri, hac inscriptione expressum: MIRACULA B. MARIAE SILVADVCENSIS. In alterâ argentea item caelestis Reginae exhibetur effigies, habitu triumphantis. Quamquam ne hoc quidem satis nobis vi-

sum est, comprehensa tantummodo scriptis codicibus magis latere, quam exstare miracula. Quamobrem Latinis ea litteris consignauimus: vt ne externa quidem nationes, aut posterius, res publicæ orbis terrarum luce dignissimas, ignorarent. Quo in conatu non illi modo libri duo miraculorum iam à tenebris vindicati, sed & alia nobis monumenta veterum, quæ vndique labore fructuque non pœnitendo conquisiimus, permagno adiumento fuere. Tametsi verò, & Maiorum nostrorum incorrupta in miraculis prodendis integritas, & illorum sermo, presenti haud paullo sincerior, & vetustas litterarum, quibus miraculorum codices exarati sunt, satis superque tum scribentium fidem, tum rerum perscriptarum veritatem affirmant: nihil tamen æquè tot inauditis euentis auctoritatem conciliat, ac magna testium multitudo, quorum nomina atque cognomina cuiuslibet panè miraculo subiecta sunt. Quæ nomina, licet hominum illis tempestatibus honestissimorum, idcirco suis intexere locis consilium non fuit, ne aut legentibus tedium, aut stilo moram, aut libro prolixitatem afferrent. Ceterum, quotiescumque toto opere miraculorum indices aut internuntij astruenda fidei producuntur, ea plerumque verborum solemniū formula usurpatur, quæ abunde significet, vnius veritatis studio adductos; magnæque adstrictos religione, testimonia dixisse. In marginibus porrò nostri operis, præter annos, etiam diem expressimus; non tam quo quodque miraculum contigit, quam quo Siluam-
ducis

ducis nuntiatur, & in tabulas relatum fuit. Libros au-
 tem non materia equalitate pares, sed annorum habitâ ra-
 tione distinctos, partiti sumus; ut velut vna esset eiusdem
 & temporis & libri narratio. Atque eò factum est, ut
 secundus liber ceteros quemadmodum affluentia miraculo-
 rum, ita mole excederet; cuius nimirum annus vnicus lon-
 gè vberiore caelestium frugum prouentum peperit, quàm
 tres reliqui, duorum ferè saeculorum euenta complexi. Cum
 verò in miraculis supra cccc. & lxxx. (quot ferè inda-
 gando affecti sumus) occurrerent plurima inuicem ita simi-
 lia, ut paribus morbis aut cladibus curationes quoque & ex-
 itus parum dispares responderent; plusquam cc. ac xx. con-
 sultò à nobis prætermissa sunt; non quòd ea ceteris aut admi-
 rabilitate, aut splendore, aut copia testium inferiora videren-
 tur; sed quòd legentium siue patientia, siue fructui consulen-
 dum putaremus. Quippe salubrior est fastidio fames; &
 parcioris cibi facilius digestio. Deterruit quoque tenuitatem
 meam tanta prodigiorum moles, tanta rerum eminentissima-
 rum multiplicitas atque maiestas. Imbecilles oculi, nimia luce
 circumfusi, caligabant. Ne tamen omissorum miraculorum
 numerum aut præstantiam ignoraret caca posteritas, eorum
 indicem ad calcem operis attexere placuit, ac tam benefica
 Matris cultoribus caelestia eius dona annumerare. Ex quo
 deinde peritus quilibet estimator haud agrè conficiet, quàm
 secundam nobis messem amissus miraculorum primus liber
 ademerit; in quo ut prima, ita ferè ad famam conciliandam

seu plura seu illustriora perſiſſe conſicio. Demum ſi quem Ca-
 tholica fidei aduerſarium contradicendi prurigo in hac Mi-
 racula incitarit; eum rogatum velim, vt, priuſquam nobis
 bellum indicat, diligenter euoluat quæ Scriptores vetuſtiſſimi,
 veraque religionis tenaciſſimi, de Sanctorum miraculis me-
 moria prodiderunt. Excutiat Auguſtinum^a de Stephano, atque
 alijs, Prudentium^b de Romano, Nyſſenum Gregorium^c de Gre-
 gorio Thaumaturgo, Hieronymum^d de Hilarione, Sulpitium^e de
 Martino, Fortunatum^f de Hilario, Theodoretum^g de Thalaffio,
 & ſexcentos alios de variorum Celitum profuſis in calamito-
 ſos beneficijs copioſe, grauiter, eruditè differentes. His addat
 quæ clariffimi Theologi, Bellarminus, Richeomus, alijsque com-
 plures ad tuendam miraculorum maiestatem ſolidiſſimè con-
 ſcripſerunt. Illos enim exercitus Catholici triarios niſi qui
 iugulauerit, me ledere non poteſt: illis ſtantibus non poſſum
 cadere. Deinde, ſiquod in nos telum conijcere conabitur, pro-
 uideat, obſecro; vt illud ſaltem nouum ſit, & non ſepius iam
 à Nouatoribus iactatum, ſepius à Catholicis reuſum atque
 contritum. Si enim mel crebrius guſtatum ſaſtidio eſſe poteſt;
 quis tranquillo ſtomacho belleborum per omnia ſercula diffu-
 ſum excipiet? Quocirca quibus meridie hic miraculorum ſol
 non lucere videbitur; dum id perſuadere contendunt, aut
 noua, quibus nos infeſtent, argumenta communiſcantur, aut
 vetera taceant: & quoniam illa ſine falſitate non poterunt
 cudere, hac ſine pudore ne recudant.

^a Li. xxii.

de Ciuit.

cap. viii.

^b Hym. in

eum.

^c In Vi.

^d In Vi.


^e In Vi.

^f In Vi.

^g Theophil.

cap. xxii.

C E N S V R A
R E V E R ^{MI} E P I S C O P I
S I L V A D V C E N S I S .

 V I A clarissimè constat in decursu tot
seculorum , quòd piissima Virgo Dei-
para proprias quasdam Sedes & Imagines
elegerit , ad beneficia gratiasque mor-
talibus conferendas , tamquam fidissima thesauro-
rum diuinorum dispensatrix ; & inter cetera loca
ingentibus miraculis & gratiis Sacellum quoddam
ad plagam Occidentalem Ecclesiæ Cathedralis no-
minatissimæ ciuitatis Siluaducensis situm , ad dulcis-
simi nominis sui inuocationem , & suæ præsentiam
Imaginis , illustre & nominatissimum reddiderit , vt
ex populi vndique agminatim confluentis concur-
su & frequentia semper patuit ; & nostri maiores &
parentes fidei relatione testati sunt , nosque oculis
vostreis à quinquaginta & amplius annis (vtpote in
eâ ciuitate nati , & educati) vidimus : magnoperè lau-
dare cogimur Reuerendi P. Othonis Zylj , Rectoris
quondam Societatis I E S V in eadem vrbe Siluadu-
censi , studium & laborem , quo ex authenticis scriptis
tabulis ac monumentis eruit miracula multa ac gran-
dia , alijs innumerabilium miraculorum memorijs ob
iniqui-

iniquitatem temporum deperditis, summâ fide registrata & authenticè probata, quæ intercessione gloriosissimæ Virginis illius Vnigenitus operatus est in supradicto Saccello, ad deuotionem erga illam sanctam Imaginem, quæ Dulcissimæ Virginis appellatione ab aliis beatæ Virginis Imaginibus discreta fuit. Hanc verò Inaginem, vel Statuam potius, singulari Dei providentiâ, nostræque ac deuotarum quarundam personarum operâ, in occupatione ciuitatis Buscoducensis ab hæreticis seruata, transferri curauimus Bruxellas, & Serenissimæ Hispaniarum Infanti ISABELLAE CLARAE EVGENIAE consignauimus, quæ illam, per solemnem supplicationem, comitante totâ Aulâ & Clero, reposuit in templo S. Gaugerici in eadem ciuitate Bruxellensi, vbi magno in honore habetur & colitur. Ita attestor manu propriâ, & sigillo nostro, hac decimatertiâ Decembris, anno Dorpini millesimo sexcentesimo trigésimo, in Geldorp loco residentia nostrâ.

*F. MICHAEL Episcopus Buscoducensis
ex Ordine PP. Prædicatorum.*

IN
DIVAM SILVADVCENSEM
MIRACVLIS NOBILISSIMAM
R. P. OTHONIS ZYLII
HISTORIA CELEBRATAM
BRVXELLÆ
HONORIFICE EXCEPTAM
PIE CVLTAM
ODE PANEGYRICA
CVM ALLVSIONE AD ILLVD PSALMI CXXXI.
INVENIMVS EAM IN CAMPIS SILVÆ
NEMPE IN CAMPINIÆ SILVA.

BRVXELLA, claræ gloria BELGICAE,
Palæstra honoris, regia Principum
Cultrix alumnorum, superbas
Purpureo trabeata luxu
Agis quadrigas, tot super inclyras
Sublimis vrbes. Scilicet emines
Inter paludatas profano
Nobilis exuuias honore,

Splen-

Splendore sacro nobilior : tuis
Quando illa terræ Sospita, Cælitum
Diua Imperatrix, magna Mater
Sponsa Dei, celebratur aris;
Atque multis : prodigialibus
Quas dedicarunt astra fauoribus,
Quas æuitermo dicet ore
Partheniæ data Fama laudi.
Vnde ad stupendas rursus imagines,
Inusitatis Effigies venit
Spectata miraculis, nouoque
Condecorat tua templa cultu ?
Iò (iuuentus & senio grauis
Acclamat ætas) CAMPINIAE in piâ
INVENIMVS SILVA, potentem
Hanc genio meliore Nympham.
Campaniæ tu CAMPINIA æmula,
Non pingui oliuæ diuitis vbere,
Domesticique fonte Bacchi,
Aut patriæ probitate glebæ ;
Ast in myricis fertilis aridis
Nisus coloni, dum steriles agros
Industrius sudor maritat,
Delicias parit, alma nutrit,
Suas Brabantis, exitialia
Rapace quamuis agmina turbine,
Belli que non semel furorem, &
Hannibalem tuleris frequentem.

Hic

Hic SILVA (fallor: nullus amœnior
Cantatur hortus) Virginæ virens
Amore Diuæ, intacta faustos

SILVADVCIS numerabat annos.
Non huic, odoro viuida murice
Roseta Pæsti, non violaria
Hyblæa certarint, suosque
Quæ niuibus fouet Ætna flores.

MARIA SILVAM compserat: hinc decor
Vernus comarum, lætaque frondium
Cælo voluptas editarum,
Religio Pietasque puri
Fauente solis quas animant face,
Et rore dio. Delicium hinc erat

Hortusque SILVA. Silva rursum,
(Plangite deciduos honores)
Vrbs illa, facta est silua, vbi Martium,
Heu! sideratas fulmen in arbores
Illisit hostis: sic bidental

Flebile tota, nemusque luco
Nunc horret atro. Iure igitur migrans
E siluâ in Aulam, maxima siderum
Regina, mutauit vetustas

Exsilio potiore sedes:
Nec exsul vsquam est. Sed Dominæ lubens
BRUXELLA semet subdit, & hospita
Cælestis augustos adorat
Obsequio famulante vultus:

*** 2

Et

Et gaudiorum prodiga, Virgini
Gestit dicatos, exstimulantibus
Ad celsa promissis, clientes,
In celebres animare plausus.
Quos antè, docto in pulvere, Olympica
Virtutis artes, atque Machaonum
Victricis, enarrare magnos
Gnarus OTHO MARIAE triumphos;
Portenta laudum ingentia, posteris
Transcribit annis, & nitidus stylo,
Perenne victuris in æuum
Gesta notat memoranda fastis.
Sic nempe, non iam SILVA, nec vnica
BRUXELLA, tantum contineant decus
Sed orbe declamata toto
DIVA, per Oceani solique
Extrema tender, quâ later occidens
In parte Titan, quaque oriens patet,
Huc ZYLIAÆAE prouolabit
Remigio properata pennæ.

Pangebatur IACOBVS CATERVS
Sacerdos Societatis IESV.

R. P.

R. P. OTHONI ZYLIO
SILVADVCENSIS DIVÆ
MIRACVLA SCRIBENTI.

LIVOR testis erit ; geminas miracula ZYLI:
Scribere sic de se non nisi DIVA dedit.
Seu tibi flamma pia est, mollique innoxia tabu
Æquora suspensis siue moraris aquis ;
Siue iubes rigidi mollescere vincula ferri,
Seu facis aratas sponte patere fores ;
Seu recreas subitis infirmos viribus artus,
Prodigijs certat pagina queque suis:
Sic mediâ ventos in tempestate coërces,
Et placidum inuito gurgite sternis iter.
O quoties sua pro tabulis sunt vota natanti,
Cum ratis insanis victa dehiscit aquis !
O quoties pallens coram latrone viator
Vix, Fer opem Virgo, dicit ; & illa tulit !
Ducis & interdum strictos impunè per enses,
Quem circum sitiens sanguinis Ira fremit.
Vidi ego, quod medio ferrum torpebat in ictu,
Virgineâ vires eripiente manu.
Sapè globum vidi, qui fulmine pulveris actus,
Pectoris in summâ parte pependit iners.
Quin etiam tenues redeunt in corpora vitæ,
Natalemque novum sapè cadaver habet.

*** 3

Vita

Vita licet redeat, tamen hanc mors altera tollet :

Quam tu das ZYLI, vita perennis erit.

O noua præteritis miracula iungere felix,

Hoc age ; DIVA tuas dirigit ipsa manus.

Præcessere duces, animosi LIPSIVS oris,

Et Phæbi & Charitum par PVTEANVS amor.

Nomen erit LIPSI donec MONS stabit AGVTVS,

Et rapidis HALLAM SENNA rigabit aquis.

Et PVTEANVS erit, duro dum nomine COLLIS,

At non languentum vocibus ASPER erit.

Tu quoque, dum votis ZYLI tua DIVA coletur,

Doctæque dum viuent scripta, superstes eris.

SILVA dabit meritos, quamuis mæstissima, plausus ;

Heu SILVA ! heu ! nullis flenda satis lacrymis.

Fas audire fuit, fas & spectare dolentem ;

Sit quoque fas luctus, SILVA, referre tuos.

Dicebas, memini, Prius ô à stirpe reuellar,

Quàm vitiet ramos illa Megara meos.

Vana precor, sauis victam tenet Hæresis armis,

Perque meas multo sibilat angue comas.

Tristior hic sonus est, quàm Martius antè tumultus :

Audiui ; atque iterum sum mihi visa capi.

Hæc spiris tenet implicitam : vix libera vox est ;

Libera vix tacito gutta dolore fluit.

Libertas tamen est, Batavis si creditur. cheu !

Quanto libertas me premit illa iugo !

Impia libertas, arctandaque mille catenis,

Quæ, nisi quæ pereant, non finis ire tuos.

Vnica,

Vnica, te Dominâ, miseris obstrueta salutis,
Et centumgemina mortis aperta via est.
Libera sic non sim, mihi vix captiua videbor.
Hæresis est luctus causa caputque mei.
Illa necaturi perfundit tæbe veneni,
Ætherio solitas rore madere comas.
Ergo ego paulatim stygiâ corrumpar ab aurâ;
Ille mei sensim defluet oris honor:
Qualiter aut gelidis pallens Aquilonibus hortus,
Aut vitio calî deficit agra seges.
Pugno quidem contrâ; sed Tempus, vt Hæresis, instat,
Et spoliûm de me quilibet annus habet.
Cumque alios sanet Tempus, minuatque dolores,
Nostra quod augebit vulnèra Tempus erit.
Ah! potiùs ferro victor me perde, vel igni:
Sic mihi, si nescis, lenior hostis eris.
Non flebo in cineres verti, bustumque meorum,
Dummodò sit pretium cladis, auita Fides.
Hoc mihi contingat; reddent hæc funera vitam,
Æternosque rogos obruet ille cinis.
At nunc, ô vtinam! (miseris ignoscite votis)
Quàm quod sum, potiùs campus & herba forem!
Vos stentum precibus faciles subscribere DIVI
Hoc date, si mereor clade minore premi.
Erige SILVA animos. Spes numquam in VIRGINE nulla est;
Spes falli augurijs non solet illa suis.
Respice quo soleat succurrere tempore VIRGO.
Hoc tibi spem, quamuis flebile, tempus alet.

Cum

I

OTHONIS ZYLII E SOC. IESV
HISTORIÆ
MIRACVLORVM
B. MARIÆ
SILVADVCENSIS
LIBER PRIMVS
CAPVT PRIMVM.



*Multiplicia MARIÆ Virginis in omnes homines,
ac præsertim Siluaducenses, beneficia.*



MARIAM in cælis Reginam esse, vel-
ut sidus quoddam, non potentia
magis, quàm misericordiae radiis
conspicuum, partim diuinis oracu-
lis, & sapientissimorum hominum
auctoritate, partim gentium ac sæ-
culorum consensu satis constat. Sed & magnitudo
atque varietas beneficiorum, quibus illa humanæ
gentis vota superat, Maiestatem eius, diuinæ proxi-
mam, atque vtilitatem nostrarum mirè prouidam,
ignorari minimè sinunt. Neque enim sine errore aut

A pia-

piaculo credi à quoquam potest, eam ab omni humanarum rerum procuracione vacare, atque otiosam esse, cuius tanta est & ad opem calamitosissimam offerendum propensio, & ad repræsentandum facultas, ut supplicum desideria antè occupet quàm admittat: & gratiam beneficij potiùs promittere, quàm rogari; potiùs effundere, quàm donare festinet. Hinc melior mortalium pars, quorum doctrina vanitate, consiliium turbis, animus impietate vacuus fuit, cum profusis à MARIA muneribus, tamquam salutaribus illecebris capti tenerentur, nullum propè illius amandæ colendæque finem fecêre. Cesserunt tamen hæc illorum studia liberalitati Virginis, plus, quàm mortalitas capere poterat, largientis. Imò cum eximia MARIAE erga nos voluntas in incremento semper sit, obsequia nostra iam in fine sunt; quibus licet exhaustis, illius tamen munificentia nunquam deficit. Quare etsi cælestes honores beneficentiæ plus quàm humanæ reddidimus, tanta nihilominus est meritorum eius in nos copia, ut ne immensâ quidem votorum nostrorum avaritiâ, Patronæ utique clementissimæ indulgentiam fatigemus. Verùm in hoc mutuo benemerendi certamine, MARIA semper triumphante, ad ipsam victoriæ laus, ad mortales fructus rediit. Et Virgo quidem vulgando superbas suas, arcendisque ab humano genere pestibus, id effecit, ut nobis hæc ad salutem certa sit via, miseriam carere velle. Hæc sanè publica felicitatis ara omnibus patet: hac stante, plura nos remedia,

media, quàm mala circumstant: hac protegente, nemo exitium, nisi quod amat, incurrit. Quot enim MARIA clades auertit? quas non extinxit faces? quæ non tela à pereuntium iugulis depulit? quos non in mortis limine prostratos erexit? quot cæcis diem, surdis aures, rationem amentibus, mutis sermonem restituit? quoties catenas atque custodias innocentium libertati aperuit? quoties incendia, tempestates, & sæuiorem his omnibus inferorum rabiem, compescuit? quoties demum infortunia, & strages ultimas, à capite ac fortunis afflictorum, maturatâ ope, disiecit? Adeò iam difficile est perire, vbi faultrix illa tantam periclitantibus adiumentorum suorum copiam ingerit. At verò mortales, quò se beneficiarios tantæ Reginae esse ostenderent, ferè munera pro se quisque, ceu tributum quoddam, & præstantiorem muneribus venerationem dependere studuerunt: ne tali Præsidente, cuius opem documentis spe suâ maioribus sensissent, indigni viderentur. Hinc tot dicata Deiparæ templa, tot statux, tot aræ: quorum vulgata longè lateque celebritas, testatissimis miraculis parem famam inuenit. Hinc tot votiuæ tabulæ, tot lychni, tot coronæ, simulachra, torques, annuli, vestes, & immensa alia omnis generis donatorum vis: quæ tamen semper donantium animis Virgo posthabuit. Ea verò siue clementiæ MARIANÆ indicia, siue humanæ spei ac venerationis inuitamenta, non sunt vnius regionis, aut loci. Quaquauersum terminos porrigit orbis terrarum,

rarum, nullum vsquam gentium angulum reperias, qui non huiusce Reginæ, in cultores suos tam effusæ, tropæum aliquod aut mereatur, aut ferat. Atque vt dissitas regiones præteream, vnum Belgium, plus miraculorum MARIA adiutrice patratum vidit, quàm quantum scriptores multi litteris persequi valeant. Remotissimis nationibus, non solum Belgis, abundè nota sunt, quæ Hallis, in Aspero colle, apud Insulas, Camberonæ, Grauelingæ, Bruxellæ, Traiecti, Louanij, Brugis, Viluordix, aliisque plurimis locis, quos enumerare nec necessaria, nec parua sit opera, supra omnem naturæ vim Deiparæ precibus hodieque impetrantur. Verùm in Belgio eminere dixeris Siluamducis, siue incolarum in MARIAM, siue MARIAE in ipsos vetusto studio. Ex quo enim apud hanc gentem impensius coli cœpta est, vix alibi clariora certissimi fauoris indicia edidit. Constat sanè, Siluaducensis Patronæ ope amplius centum mortuos vitæ redditos esse. Ex quo reliquorum miraculorum numerum (quem vetustas alioqui nobis subduxit) facile metietur æstimantium ratio. Sed illum cælestium beneficiorum cursum collapsa, vt in rebus humanis, maiorum pietas, ac deferuescens propitiandæ Virginis ardor, paulatim inhibuit. Quippe Virgini exhibendæ gratiæ occasio defuit, cùm deesset hominibus promerendæ cura. Inde neglectus obliuionem, obliuio ignorantiam peperit. Nostrâ verò ætate Siluæducis in animis posterorum nihil ferè præter emorientem sensum

fenſim memoriam hærebat. Quo equidem animadu-
uerſo, fugientibus ſaltem clariffimæ quondam famæ
veſtigiiſ inſiſtere, atque euaneſcenti nobiliſſimorum
miraculorum celebritati pro virili conſulere ſtatui.
Inuitabat argumenti maietas, quâ ingeniorum im-
petus mirè accenditur. Et quamquam in veſtigando
ſalebræ, in ſcribendo terreret labor, credidi tamen, &
illas affluente Virginis luce, & hunc eiſdem ope
haud dubiè leuatum iri. Quam meam de optimæ
Matris facilitate fiduciam ſummæ eiſ, in indigos
præſertim opis ſuæ, humanitati debeo; non modicis
ab eâ, ſecundùm Deum, beneficiis auctus. Sed & ip-
ſius intereſt, nobis opitulando tueri ſaſtigium hono-
ris ſui; ac beneficentiâ, non ſolùm dignitate, Filio ſi-
millimam ſentiri. Eâ magis ſpe, quàm domeſticis co-
piis menſus vires meas, viſus mihi fui in diuulgandâ
MARIAE gloriâ, cui me pridem deuoui, ceſſare non
poſſe. Exiſtimaui, nihil arduum fore illius opera me-
moranti, quæ etiam ingratorum felicitatem non ra-
rò procurat. Miracula, extra naturæ fines poſita, cre-
didi non intuentium oculos, ſed rimantium effuge-
re; humani ingenij captum, non fidem excedere; in-
dagineſ, non ſtilum auerſari.

Verùm hæc ordienti haudquaquam ſilere licuerit
de ipſâ miraculorum ſede, Siluaducis: vnde ad cir-
cumiacentes latè populos MARIAE honos tanto
ſplendore inclaruit.

CAPVT II.

Siluaeducis vrbis situs, atque origo.

BRabanti eam Belgij provinciam obtinent, in quâ Belgarum ferè Principes Regiam habuère. Omnis ditio in quatuor præcipuas ciuitates diuiditur; quarum imperio vrbes plurimæ, nec ignobiles, parent. Louanium vetustate & litteris, Bruxella nobilitate & curiâ, Antuerpia mercaturâ & honestis artibus, maximè inclytæ sunt. Siluaeducis (quam exteræ nationes ferè Bolducum, nostrates etiam Buscumducis appellant) rebus bello gestis, & celebri in Deum ac Principem fide, nomen sibi ac gloriam addidit. Ea ad Septentriones vergit, Hollandis iuxtà Geldrisque finitima; nec procul ab iis Brabantia locis, quos Taxandriam nuncupatam fuisse à veteribus, magis credo, quàm scio. Accolæ vrbis, à Meridie maximè & Oriente, nunc Campinienses vocantur. Eius gentis indoles, & disciplinæ & fortunæ cuiusvis capax, viros factis artibusque magnos edidit. Regio ericetis vastissimis pænè arida, sed salubris latè circumquaque excurrit, pluribus pagis quàm oppidis frequens. Plerisque locis vix stirpes & humilia virgulta operiunt solum, planicie longum oculorum prospectum concedente. Ingénitam fundo sterilitatem abolet pertinax colonorum labor, vnicum inopiæ remedium. Itaque tellus, naturæ parcimoniâ vix ad tutelam incolentium fertilis,

affli-

assiduo opere domita, etiam in vbertatem cogitur, ac satis opulentâ tenuitate cultores suos alit. Ceterum, vbi nunc est Siluaducis, initio nemus fuisse traditur, condensum arboribus, ac manantibus tranquillo cursu riuis amœnum : Principes amore loci adductos, cum delectis amicorum, hunc saltum ad agitandas feras frequentasse. Inde Siluæducis nomen hæsit: cum nihil iam minùs quàm silua sit, arboribus insidiarum metu, atque ad prospectum latè aperiendum, vndique excisis. Paulatim structis venantium receptaculis accessit finitimorum confluxus: cumq; opportuna commercii ea sedes videretur, permixti inter se aduenæ speciem futuræ breuî vrbis præbere cœperunt. Crescebat interim multitudo, non tam viribus quàm opibus: quæ ne vanæ essent, adiectis subinde munitionibus, licet modicis, firmatæ sunt. Sed mox Siluaducensium felicitas in inuidiam vertit, noui conuentus famâ parùm secundis animis à vicinis acceptâ; qui surgentem iuxta se molèm sibi ac posteritati suæ metuebant. Nimirum suis cervicibus arcem imponi, attolli speculam, vnde Brabantiæ Duces viciniam omnem obseruent: accidi libertatem, carpi fortunas suas, vtilitates auerti: per suum exitium Brabantos ad prosperitatem tendere: ne inualescant, è vestigio contrà eundum esse; vix gladio futurum opus, imbellem turbam ne conspectum quidem armatorum laturam; prædam fore, non pugnam, ab inconditâ multitudine, eademq; opulentâ: serò hostem premi, cum timeri

po-

potest. Ergo irâ & cupiditate stimulante animos, velut exciti classico Hufdani, coactâ raptim manu, hostiliter in Siluaducensium fines incursionem faciunt. Primo impetu, vt improuiso, direpta omnia; fusi conuenæ, fugatique; rapinis, eadē, incendio vastatus locus. Neque tamen his cladibus ceciderant animi. Namque haud longis inde temporibus, nouas denuò placuit moliri sedes. Quod impigrè factitatum, etiam telis ad defendendam hostium vim inter operas expeditis: donec, coërcitâ Hollandorum Geldrorumque incursantium audaciâ, Godefridum tertium Ducem cupido cepit, vrbis in iis ditionis suæ limitibus condendæ. Huic enim auctori verior fama bellatricis iam tum vrbis originem adscribit. Annus post CHRISTVM natum centesimus octogessimus quartus supra millesimum principia fundatæ vrbis aperuit. Et quamquam affluentem vndique multitudinem eò non solum spes lucri inuitabat; sed etiam opportunitas commercij, Campiniam, Geldriam, Hollandiam, Leodium, respicientis; Principi tamen altius consilium fuit. Spectabat idoneum in paucis locum, vnde Brabanti aut suis finibus, si quæ vis ingrueret, exteros prohibere, aut ipsi in hostium finibus bellum gerere, & imperium promouere possent. Iam, si tributa finitimis bellum agitantibus imponenda, si conatus eorum explorandi, si occupandi forent; si Mosa, si Valhalis, flumina infestanda; non tutior, quàm opportunior statio futura erat. Nam & pari ferè spatio Hol-

lan-

M. C.
LXXXIV.

landiâ Geldriâque distat, &, hiberno præsertim tempore, omni ex parte cingitur fluctibus, speciem insulæ præbens. Tum quippe modicis alioqui alueis flumina Aada ac Dommela, super ripas effusa lenibus stagnis, nec adiri vsquam mœnia sinunt; & vbi intra alueos retulère sese, resudantibus aquarum venis, multoque diffuso limo, circumquaque molle & humidum relinquunt solum. Mosa quoque in fauces Disi amnis, qui urbem maximè intersecat, sæpè restagnans, & consueto aquæ fastigio superfusus, non modò inaccessa mœnia, sed intra urbem plateas etiam quandoque imperuias facit. Hoc situ propè inexpugnabilis ciuitas, magis tamen ciuium pectoribus quàm mœnibus inuicta perstitit. Itaque Brabantiae claustrum non minùs scitè quàm verè fama appellat.

CAPVT III.

Loci gentisque indoles: aliquid de rebus bello gestis.

Ceterùm ager, quàm maximè ad Mosam pertinet, frugum fertilis: campestria ad solis ortum & meridiem pecori meliora. Inde vber lanæ copia, mellisque ac ceræ prouentus, & linum aliunde importatum, non exiguam opificum occupant manum. Neque alibi meliores dilucendis dealbandisque pannis aquas occulto beneficio natura effundit. Porro vrbs plura ferè, quàm pro mœnium ambitu, Monasteria complectitur; haud dubiam suæ in pietatem omnem

B

pro-

propensionis ac beneficentiæ faciens fidem. His tot Cœnobitis anno CHRISTI nati M. D. LXI. prægnante in Belgio hæresi, Episcopi adiuncti sunt; quorum scitis publica priuataq; sacra subiecta; quorum doctrinæ ac fidei popularium credita salus: nequid auitæ pietatis, evertendo pristinos ritus, nouosque adsciscendo, turbaretur. Eos Episcopos Princeps legit: Romani Pontifices auctores fiunt. Ceterum Siluæducis ædificiorum maior vsus, quàm splendor, mediocritatem domi caram, etiam foris ostendit. Genus hominum vegeto ad animi obsequia corpore, multiplice industriâ. Paci ac bello habiles, sine discrimine militiam aut agriculturam exercent, laborum vtriusque patientes. Equitèsne an pedites promptius dimicent, ambiguum habeo. Commerciorum quoque ac litterarum perinde auida indoles, ab otio abhorret. Ita genitam, ita educatam iuuentutem, aut litterarius ludus famâ inclytus, aut deinceps egregiæ bello cohortes excipiunt. Neque pauci apud externos mercaturæ dant operam. Ab his opes, ab illis etiam gloria patriæ obuenit. Ad litterarum porrò studia sedulitatem atque constantiam adhibent, optima doctrinæ capessendæ adiumenta. Scientiarum arcana vt gnauiter penetrant; ita, cùm didicere, feliciter retinent. Hinc ciues permultos memorant eruditionis ac sapientiæ famâ præstantes. Vniuersè autem externis hospitales sunt, egentibus benigni, neque minùs seduli, quàm frugales: ad hæc in hostem intrepidi, fidei in Principem

pcm

pem ac Deum æquè ac libertatis tenaces. His naturæ ac disciplinæ præfidiis inde à primordio breuiter eorum res adoleuit, armorum ac Religionis gloriâ pari. Atque ut superiorum tempestatum bella cum Geldris Hollandisque præteream, quibus, inter assidua finitimorum arma, sui quoque terrorem fecerunt; Calviniani certè ciues anno superioris sæculi LXXIX. cruentâ dimicatione cum omni stirpe exacti; ac deinceps Philippus Hollakius Comes, sexto ferè post anno, pleno agmine ad urbis pænenè forum progressus, inde cum non minore suorum clade, quàm periculo suo pulsus fugatusque, inueteratæ Siluaducensium fortitudinis documenta sunt. Nostrâ quoque memoriâ non quotidianas tantummodò Batauorum insidias, verum etiam duplicem obsessionem, alteram primo, alteram tertio huius sæculi anno, memorabili ad posteros constantiâ, fregerunt. Ita apud eos Religio, difficillimis Reip. temporibus, sancta & illæsa permanfit.

M. D.
LXXXV.
XIX. Ian.
nuar.

CAPVT IV.

B. MARIAE *statua in templum illata, coli incipit.*

ATque hæc quidem Siluaducensium fortitudo, ceteraque humana præfidia, periclitanti idemtidem ciuitati, magis opportuna quàm firma erant; ni sæpè adfuisset diuinæ opis virtus, humanæ tutelæ excedens modum. Virgini certè Deiparæ res Siluaducensis inprimis curæ fuit. Illa ad annum vsque

CHRISTI M. DC. XXIX. hanc urbem, velut patrimonium suum, ex omni fortunæ sæuitiâ eripuit : illa civium piissimorum salutem tutata est : illa circumiacentium populorum ærumnas ex hac arce suâ non modò respexit, ut Præses, sed curavit, ut Parens. Cuius patrociniæ ac beneficentiæ origo nobis paullo altius arcessenda est. Templum est Siluæducis structurâ spectabili, inter ceteras totius Belgij sacras ædes facile eminens. Ingentis operis moles venustatem artificio parem ostentat, ac tum vrbi magnificentiam conciliat, tum externorum oculos ad spectaculum elicit. Vniuersa Basilica cælatis egregiè operibus miraculo est. Intus gemini columnarum assurgunt ordines, altitudine numeroque concinno, magnificam arcuum ac fenestrarum seriem sustinentes. Illis fornices quoque incumbunt, velut operi tam eximio corona respondens. Extrinsecus fenestras singulæ alæ distinguunt, simul tecto, simul fornicibus continendis interiectæ. Has alas & sigilla venustè sculpta adornant, & ambulatio è secto lapide circumuenit, fasciam satis elatam, ac ramosis flexibus demissius tectum cingentem, prætendens. Ad structuram tam nobilem, ingentis præterea seu artis seu pretij ornamenta, Siluaducensium liberalitas adiecit. Organum musicum, laudatissimorum artificum manu perpolitum, cælatis perbellè receptaculis valuisque includitur. Fistulæ magnitudine, & copiâ pari, exceptam leniter animam in modulos colligunt, quos discordi sonorum concentu

centu temperatos diffundunt. Itaque præstantissimi operis pulchritudo non oculos modò, sed etiam omnium aures in semet haud immeritò cōuertit. D. Ioannis Euangelistæ statua, & circumferendæ Eucharistiæ theca prægrandis, ex argento vtraque, inter mirabilia quoque numerantur. Cetera templi decora, nec pauca utique nec spernenda enumerare, longioris sit moræ. Porro anno post CHRISTVM natum M. CC. XXX. conditam ædem accepimus, & siue Deiparæ, siue (quando Auctores variant) D. Ioanni Euangelistæ potius dedicatam. Nunc templum Euangelistæ nomen, ædiculæ inibi duæ MARIAE Matris titulum præferunt. Harum altera, versus Occidentem, turri subditur: altera summi Chori ambitum, Septemtrionem versus, eleganti ornatu claudit. Illam statua tot fecunda miraculis nobilitat: hæc B. MARIAE Sodalitatem complectitur, simul instituti vetustate, simul Sodalium splendore memorabilem. Complures ex immenso donariorum numero, quæ Virgini dicata fuerint, creuisse prima templi initia autumant. Quæ fama mihi constantior semper, quàm verior visa est: præsertim, cum longo annorum centum, ut mox dicturi sumus, post templum ædificatum interuallo, imaginem è latebris ac situ eductam, prodigiis nobilitari cœpisse constet. Ad hoc vetustâ manu exarati codices, è quibus hæc transcripsimus, non semel docent, simulacrum Virginis, etiam primis miraculorum increbrescentium temporibus, in D. Ioannis

Basilicâ, ceu in domicilio, vtiq̃ue iam pridem antè constituto, cultum fuisse. Neque tamen prorsus à vero abit eorum opinio, qui ex oblatiis Virgini donis, manasse tantas opes credunt, quæ tam augustæ moli adornandæ suffecerint. Cùm enim salutis nostræ anno xix. supra m. cccc. coortus esset in Hintamensem vicum vehementissimus ignis, præter ædificia priuata complura, etiam hoc fanum, modici tum splendoris, eo incendio comprehensum, defendi non potuit. Conflagrauit igitur ædes, optandâ clade, vt innox pulchrior resurgeret, & ignobilem vetustatis squallorem exuit, vt illustriore deinceps ornatu, ceu aurum igni excoctum, duraret. Atque in hanc secundam renascentis ædis exstructionem Deipara, ex destinatis sibi opibus, ditem gazam effudit. Inde fluxit multorum error, qui simpliciter templum è sacelli opulentiâ natum asserunt; eius primùm constructi, ac deinde reædificati tempora haudquaquam distinguentes. Quare, etsi non desunt, qui miraculorum Siluaducensium primordia anno CHRISTI millesimo trecentesimo atque octogesimo vetustiora existimant, non possum tamen in illorum transire sententiam. Meæ enim opinationis manuscriptos codices complures, in hunc annum omnes conspirantes, auctores habeo: illi nullos, quos equidem viderim, adhuc producunt. Meum tempus tum monumenta vetera, tum patrium hac de re carmen, tum commentarij antiqui stabiliunt, quorum non exempla modò

modò inſpexi, ſed aſſeruo. Aduerſæ ſententiæ aucto-
 ribus quid concedere debeam, vbi prodierint, expen-
 dendum erit. Ceterùm in ſubiecto turri ſacello ara
 exſurgit, ligneam Deiparæ ſtatuam tot miraculis ful-
 gentem excipiens. Infernè cancelli ænei, ſigillis ſcitè
 factis diſtincti, aram includunt, opere viſendo. Statua
 ipſa quatuor pedum altitudinem vix attingit. De eius
 primordiis hæc à veteribus conſcripta, longo iuxtà
 multoq̃ue labore conquiſita, didicimus. Haud procul
 ſummâ æde, publicum eſt opificum receptaculum,
 vbi fabriles operæ miniſteria ſua curant. Inibi ma-
 china, ſaxa, omniſq̃ue materies, ſtruendæ inſtauran-
 dæve ædi idonea ſeruantur. Lapidida hunc locum M. CCC.
 ingreſſus, fortè iacentem humi Deiparæ ſtatuam con- LXXX.
 ſpicit, ſitu deformem. Ille, vt ignarum vulgus ſpecie
 magis, quàm pretio, diuina metitur, ferrum corripit
 (adeò religio omnis animo exceſſerat) vt diſſecto in
 fruſta ſimulacro ignem exſtruat. Sed quem reueren-
 tia Virginis ab audaci cœpto non reuocat, cum op-
 portunè ſuperuenientis architec-*t*i increpatio, tam fœ-
 dè Virgineum ſignum temerari vetantis, abſterret.
 Hinc ſanior homini iniecta mens eſt, impietatis in
 Virginem admiſſæ nouâ veneratione reſarciendæ.
 Ergo ſanctioris hebdomadæ quinto die, quando va-
 riæ Diuorum effigies ad templi ornatum comporta-
 bantur, idem opifex, ſpreto paullo antè ſimulacro ho-
 norem redditurus, id cum ceteris in templo permi-
 ſcet. Verùm cuſtodes ſqualentem imaginis formam
 aſper-

M. CCC.
LXXXI.

aspernati, eam loco excludunt. Postero die, cùm simulacra suis quæque sedibus redderentur, vnam Virginis statuam retulit nemo. Enimuerò id Valerio, Religioso viro, nefas visum. Itaque nihil moratus, in D. Michaëlis aram simulacrum extollit, sibi quæ à Theodoro Loetio ædituo donari postulat. Haud grauatè conceditur. Post aliquot inde menses, circiter Purificatæ Virgini sacrum diem, anno post CHRISTI natalem M. CCC. LXXXI. cùm suæ iam statuae domum auferendæ causâ rediisset ad templum Valerius, eam leuare aggressus, tantum inesse pondus sensit, vt nequiret attollere. Ita inter initia celebrandæ huius imaginis prodidisse se numen, ad indicandam futuræ claritatis magnitudinem, creditur. Et verò tam salubre populorum præsidium, cultui publico, non modò priuatæ vnius Cœnobitæ pietati destinabatur. Hinc igitur ad B. MARIAE sacellum, quod ad Septentriones vergit, ac superius vocant, transfertur; debito tamen honore nondum obtento. Deinceps sub Pentecosten sacello isti ornando intentus pictor, à Valerio rogatur, vt Virgineam iconem ne præteriret. Negat ille rem tanti esse, vt pretium operæ futurum sit. A pictoris tamen filio vilioribus pigmentis adpersa, ab aliis etiam loco mota, in lucem ac celebritatem nondum euadit. Sic ad vnum Valerium rediit vniuersa ornandæ aliquando statuae cura. Ac tum quidem peropportunè illi vestis dono data est, ad explicandam Virgini chlamydem; vt primum, ita haud

haud dubiè pergratum Deiparæ munus. Cumque ^{M. CCC.}
 Oda, nobilis femina, quæ aptandæ vesti operam ad- ^{LXXXI.}
 dixerat, tardiùs, quàm pro feruidi hominis voto, pal-
 lium absolueret; Valerius ipse moræ impatiens, occu-
 pat femineum opus, & maiore festinatione quàm pe-
 ritiâ conficit. Infantis deinde IESV effigies, quæ propè
 etiam perierat, maternæ addita est. Hinc, utraque al-
 tari D. Martini imponitur; mox contemptum sui
 demptura mortalibus. Equidem mulieres duæ, adhuc
 rudem imaginis cultum eludentes, iniectis diuinitus
 terroribus vexatæ sunt. Quippe alteram noctu visa
 Deipara corripuit; alterius sanitas repentino XIV. die-
 rum morbo afflicta est. Quibus rebus admonitæ, ver-
 sâ in religionem impietate, etiam nummos quæ or-
 nandæ quæ placandæ Virgini obtulerunt. Ita illis pax,
 Virgini honos sancitus est; Siluaducensibus verò hoc
 miraculorum initium, quasi progressuræ apud ipsos
 beneficentiæ MARIANÆ pignus datum.

CAPVT V.

*Paralytica mulier, caelesti monitu imaginem B. MARIAE
 Siluaducensis venerata, sanatur. Imago locum tandem
 certum obtinet.*

EXinde, velut iam apertâ exundantis misericordiæ
 scatebrâ, perennes miraculorum fontes mortali-
 bus patere cœperunt; auiditati ac multitudini haurien-
 tium pares riuos daturi. Prima iucundissimum cæ-

C

lestis

M. CCC.
LXXI.*Septemb.*

lestis liberalitatis fructum Henrici Vichteni filia Hedwigis, Ioanni Timmermanno nupta, cepit. Hanc percempto cruris sensu motuq; paralytis longa affligerat, in tres ferè annos protractum malum. September mensis anni post CHRISTVM natum M.CCC.LXXXI. nouâ ei salutis aperuit viam. Intempesta nox erat, cum illa cælesti viso inhonoræ ad illam ferè diem imaginis primum decus exordiri iussa est. Adstare cubanti visus, insigni vir ore spectabilis, humanâ specie augustior, Maiestatem vtique diuinam præferens. Talaris tunica colore habituq; Nazarenæ seruatoris CHRISTI vesti similis erat. Is blandè Hedwigim appellans, Velitne sanari, interrogat. Cùm læta affirmasset; Abi, inquit, in D. Ioannis ædem, & cereum cruris, quantum volueris, sigillum obscuro adhuc Dei parentis simulacro appende. Hoc certum recuperandæ sanitatis pretium. Hedwigis tam gratâ pollicitatione ad spem salutis erecta, vtcumque potuit, superatâ morbi molestiâ, ad templum euasit. Verùm ita resoluti torpebant artus, vt ne cereum quidem munus valeret affigere destinato loco. Ergo interuenientis cuiusdam viri adhibitâ ope, è pariete iuxta statuam donum suspenditur; moxq; iners mulieris corpus vigori pristino redditum, ipsam immenso gaudio, familiares admiratione non minore compleuit. Neque debitas Deo Virginiq; laudes Hedwigis omisit. Ac vulgata sermonibus tam noua, tam iucunda res, facilè propensis ad religionem animis sollicitudinem iniecit
imagi-

imaginis honorandæ. Præcipuè Oda, cuius antè me-
 minimus, cum nonnullis aliis conquisito sumptu effe-
 cit, vt statua denuò pigmentis elegantioribus illu-
 straretur. Quod simul perfectum est, non iam ad
 aram D. Martini, vbi hætenus steterat; sed ad Dei-
 paræ ædiculam, quæ inferior appellatur, Baptisterio
 propinquam, ac turri subditam, vbi ad hanc ætatem
 perstitit, imago relata est; eodem M. CCC. LXXXI.
 quem suprà indicauimus, anno. Ac deinceps paulla-
 tim (nam de tempore nihil comperi) alius etiam ho-
 nos MARIAE, ex certâ iam sede opem suam propa-
 ganti, accessit. Nam DVLCIS, seu DVLCISSIMA pas-
 sim Siluaducensis Diua appellari cœpta est. Quod no-
 men vti illo in loco nouum erat; ita vel ad indican-
 dam optimæ Matris suauitatem, vel ad conciliandum
 populi amorem, maximè valuit. Atque eâ nuncupa-
 tione velut capta Deipara, ne gratuitum ferret hoc no-
 men, longè magis etiam Dulcis esse, quàm dici stu-
 duit, & continenti beneficiorum multiplicatione pro-
 bavit mortalibus indolem suam, quouis arundinis In-
 dicæ succo dulciorem. Ita ab his, quæ memorauimus,
 initiis cælestis planè thesaurus, longèque nobili-
 ssimum ciuitatis huius ornamentum, Siluaducensibus
 obligit. Cuius beneficij magnitudinem mereri
 visus est piorum ciuium, aut nunquam, aut semper
 nouus in MARIAM amor.

CAPVT VI.

Eadem mulier graui dentium dolore leuatur.

M. CCC.
LXXXI.

PORRò Hedwigis, quam nuper degustarat fau-
cis MARIAE misericordiam, eiusdem fructus de-
nuò afflicta relegere statuit. Dentibus dolor insede-
rat; acerbius quàm periculosius malum, nec vllam
quietis partem laboranti relinquens. Noctu dolore
fessa, cùm somno paulisper acquiesceret, per quietem
vidit cælestium Reginam, pulchritudine ac splendo-
re iuxtà mirandis, astantem sibi. Nec vanum fuisse
somnia, Deiparæ sermo, non solùm præsentia testa-
ta est. Exsurge, inquit, atque in ædiculâ meâ, quæ sa-
cro Baptisimi lauacro adiacet, imaginem meam vene-
rata, quot dentes numeras, toties Dominicæ precatio-
nis carmen recita. Tu modò animum mihi fiduciæ
plenum adhibe; & cuius beneuolentiam agnoscis,
virtutem senties. Mulier primo diluculo præscriptas
ante Virginis statuam preces decurrit; & cruciatu mox
leuata, duplicem Patronæ optimæ fauorem, repetitis
largiter gratiis laudibusque, pensauit.

CAPVT VII.

Iuuenis aquarum periculo eripitur. Incendium sopitur.

INde mox etiam ad aquas potentiam suam Virgo
protulit. Nam iuuenis aquandi causâ in profluen-
tem

tem equo vectus, atque in vndas delapsus, vbi supremum sibi discrimen adesse sensit, voto Deiparae facto euasit incolumis. Multitudo spectantium celebrauit miraculum: ereptus quoque leto iuuenis, votiuo munere ad Seruatricis suae imaginem delato, beneficii memoriam consecrauit. Neq; magis vndae, quam flammæ, MARIAE imperio obnoxiae sunt. quod Siluæducis quoque inter ipsa miraculorum primordia compertum est; Deipara in mediis aduersantium elementorum furoribus supplices suos tutante. Domus erat, incendio intus flagrans: subsidio fuere mulieris incolentis preces. Hæc quippe obnixè Diuam precata, nequid sibi, nequid viciniae detrimento esset, ceream quoque domunculam se Virgini dedicaturam ingerminat. Eâ precatione, velut frigidâ multâ superfusâ, conquiescens flamma subsedit; illæsa, non modò domo, sed omni viciniâ. Mulier voti rea, ceream seruatricis domus effigiem, miraculi indicium, de Virginis arâ suspendit.

CAPVT VIII.

Imaginis suæ contemptum Deipara vindicat.

HIs rebus celeriter crescens tam prompti à Virgine subsidij fama, mirum, quantum Siluaducensibus omnibus vel fiducia vel religionis adiecerit. Itaque magni concursus fieri cœpti, talem vrbs suæ Præsidem præcipuo honore colentium. Quæ incolarum

C ;

rum



M. CCC.
LXXXI.

rum studia dum magis magisque exemplis mutuis exardescunt; nescio quâ rabie instincta mulier se piam in turbam immittens, vniuersos, qui tum fortè ad sacellum supplicaturi confluxerant, immani vecordiâ turbauit. Nimirum ignobilem esse illam imaginem, tantâque populi veneratione indignam, insanè proclamat. Maritum suum haud difficulter sculpturum, cui deformis hæc statua cedere debeat. Desipere populum, statuæ contemnendæ cultorem. Fortè plura agitantem animo, sine morâ, cælestis vindicta corripuit. Nam derepentè inter astantes collapsa, animo linqui cœpit. Cumque mortuæ similis videretur, à proximis in ferculum imposita, ac raptim domum suam deportata est. Neque celerius, quàm grauius id supplicium fuit. Intra breue spatium mulier infelix exstinguitur; publico mortalibus documento, ne posthac cuiusquam furiosa temeritas ipsam clementiam sibi cogat irasci.

CAPVT IX.

*Mulier à Dei Matre edocta, furem in scelere
deprehendit.*

REcentis exempli memoriam breuî alius terror, sed misericordiâ temperatus excepit. Fur quidam refractam per tenebras domum ingressus, patefacto iam armario subducebat prædam. Mulier præcipuo in Deiparam studio quieti dederat sese, omnis ignara

ignara periculi. Sed pro cultoribus suis excubat vigi-
lans MARIAE sollicitæ cura. Quippe, cum arctiore
iam somno teneretur femina, & fur silentio exceptis
insisteret, in quiete à muliere visa fuit augusta Dei
Matris species, etiam atque etiam monentis, exiliret
strato, ac furem in alterâ domus parte rebus imminen-
tem suis arceret intrepidè. Illa plus, quàm pro sexu,
ausa, Virgine animum firmante, raptim adhibet lu-
men, atque ad indicatum prouolat locum. Ibi fur,
conuasatâ plurimâ veste, stetit attonitus, ac velut ictus
occultâ vi. Femina, tutamento cælesti munita, etiam
seuerè miserum increpat, & vix hiscere audentem: tan-
tus terror incesserat. Inde, vt sese ex subitâ consterna-
tione colligere potuit, iam supplex fur obsecrat, ve-
niam tribuat, seque è portâ missum faciat. Quod cum
non impetraret, quâ in domum irruperat, eiicere sese
coactus est. Mulier, nullo accepto damno, tutissimam
Deiparæ custodiam celebrauit.

M. CCC.
LXXXI.

CAPVT X.

Imago B. MARIAE incendio eximitur.

A Lienam rem tutata Virgo, negligere non debuit
suam. Ab improuiso incendio periculum non
modicum fuit. Fortè ædicula tota flammis, incertum
vnde ortis, correpta, triste primum superuenientibus
spectaculum præbuit. Inde secuta trepidatio & cla-
mor plures ad ferendam opem exciuit. Interim proxi-
ma

ma quæque imagini sacræ infesto igne cremabantur. Iam aliæ Diuorum statuar, iam Virginis ferculum ac sedes, iam pallium eiusdem, conflagrauerant. Cetera, vt propiora erant, afflatu vaporis ambusta. Tum, à promptioribus quibusdam statua, cui vni flamma pepercerat, erepta rogo, atque seruata est. Qui subduxerant, è vestigio ad pictorem deferunt, insignientiam ornatu nouo. Interea volitans de absumptâ imagine rumor, ingenti consternatione ac luctu urbem compleuit. Gemitu ciulatuque miserabili personant omnia, suam tutelam, spes suas, suum solatium abesse querentium. Verùm vbi euauit temerè ortus rumor, certique auctores attulerunt, superstitem incendio imaginem nouis coloribus decorari; tum verò incredibili gaudio multitudo effusa, nullum gratandi inuicem finem fecit. Ceterùm, restincto iam incendio, supplicationem ad reponendam in suum locum statuam indicare placuit. Ergo resecta supra pristinum cultum imago, quantâ maximâ tum potuit pompâ, vniuersis prosequendi studio concurrentibus, sedi suæ restituta est.

CAPVT XI.

Cæca mulier visum recipit: captiuus vinculis liberatur.

HInc propagata miraculorum fama, non ad incolas modo, sed in finitimis quoque regionibus ad exteras gentes valuit: nec celebritas solum ad eas, sed

sed utilitas etiam se extendit. Bommeliæ erat Elisabetha totum annum oculis capta. Hanc ipsa misericordiæ Mater admonuit, ut Siluamducis profecta, ibi leuamen mali supplex flagitet. Neque cunctanter paruit mulier, ac, recuperato mox visu, sine duce in Geldriam rediit. Sed & remotioribus Brabantis iam tum Siluaducensem Diuam aperuisse beneficia sua, Ioannes Vandenberghius Bruxellanus argumento est. Is D. Willibrordo sacrâ luce Siluaducensi MARIAE cereas compedes obtulit, libertatis acceptæ testes. Per id enim tempus inter Brabantos ac Flandros bellum erat: in quod Ioannes pro speculatore captus Teneramundæ custodiebatur. Anxio curis multis Deipara astitit, ac Siluamducis, ad imaginem suam miraculis iam clarescentem, cum votiuo dono tendere iubet: omnia ad libertatem prona fore. Percussus primùm cælesti spectaculo Ioannes, ubi spatium ad se redeundi habuit, soluta vincula defluxisse comperit. Nec quidquam prætereà fuit, quod fugam eius moraretur. Itaque libertatem occupat, ac Siluamducis mox ire pergit, voluntate summâ, quam posset gratiam, liberatrici redditurus.

CAPVT XII.

Nautæ quatuor & quadraginta triduanâ tempestate defunguntur.

M. CCC.
LXXXII.

A Dhuc ferè singula singulis, nunc vnum pluribus miraculum obuenit. Soluerunt è Liunionâ nautici

VIII. Nomb.

D qua-

M. CCC.
LXXXIJ.

quatuor & quadraginta, onerariam nouam vario pel-
 lium genere grauem agentes: vt plenis in altum velis
 iuêre, mutata repentè cæli facies haud vanas immi-
 nentis periculi minas edidit. Velut ad prælium oblu-
 ctantes imbris venti exsurgunt, spissâ admodum
 nebulâ vtrisque perfusâ. Nec respirandi locum tem-
 pestas dedit, quamuis enixè renitentibus nautis: sed
 incrementis frequentibus sese instaurans, tantum
 aquæ in nauigium immisit, quantum nullâ diligentîâ
 ac celeritate exhauriri posset. Ipsum carinæ alueum
 sic vndæ impleuerant, vt viri quantumuis proceri ver-
 ticem altitudine superarent. Ad triduum protractus
 insani maris furor, nullam euadendi spei relinqui-
 rat; affirmantibus præsertim senioribus, multâ qua-
 draginta aut etiam quinquaginta annorum nauigatio-
 ne, nullam ipsis procellam fœdiorem, nullum præ-
 sentius exitium adfuisse. Ac nihilominus, cum tantâ
 loci ac rerum iniquitate premerentur, ausi sunt ani-
 mos ad salutem sperandam attollere. Nam velut di-
 uinitus iniectâ cunctorum mentibus Siluaducensium
 memoriâ miraculorum, vnanimi voce cælestem ma-
 ris Dominam sibi propitiant, tot fluctuantium an-
 choram, tot naufragorum portum. Quâ inuocatio-
 ne, quamquam extremis in rebus, tantum, pulso timo-
 re, animis robur accessit, vt, maiore religionis fidu-
 ciâ, quàm discriminis curâ, sortitò de focis vnum ca-
 perent, qui acceptum ab vnoquoque munus, velut
 omniū legatus, Siluamducis deferret. Ea fors Godscal-
 cum

cum Redeghisum petiit, Besoudâ oriundum, ac tum ^{M. CCC.}
 Liunionæ incolam. Sortitionem quoque tanta tran- ^{LXXXI.}
 quillitas momento subsecuta est, ut cunctis admira-
 tione gaudioque defixis, niteret cælum, silerent æquo-
 ra, & venti iam placidissimi securis nauigantium de-
 sideriis obsecundarent. Ergo velis in Meridiem da-
 tis, diuini Numinis MARIAEQUE Virginis erga se be-
 nignitatem lætissimis laudum præconiis celebrantes,
 Wismariz portum subeunt, expositoque in terram
 Godscalco, eius fidei, votium auri argenti que nu-
 merum, & Siluaducensem professionem commit-
 tunt. Ille nullâ interpositâ cunctatione maturat iter;
 & sextâ post periculum hebdomadâ oblati, omnium
 vice, muneribus, voto semet ipsosque absoluit. Id
 quod Arnoldus Hontius, Siluaducensis Canonicus,
 tradita Godscalco syngraphâ testatus est.

CAPVT XIII.

Cuiusdam viri crus, fistulis plenum, sanatur.

AD propiora reuertamur. Dordraci Maio mense ^{XII, No-}
 Ioannes Vlemingus pannitonfor ancipiti cala- ^{uemb.}
 mitate affectus est. Quippe tabula ex altiore loco in
 sinistram eius tibiam fortè delapsa, haud sanè leue ei
 vulnus impressit. Adhibentur Medici: sed ab iis ac-
 ceptum nihil præter incrementum doloris, quem ad
 octo vlcera, perpetuo tabo fluentia, ciebant. Pertina-
 cia mali inspectantibus pro officio amicis curam inie-
 cerat,

M. CCC.
LXXII.

cerat, ne in ignem sacrum ea noxa verteretur. Cum-
 que ad quintum iam mensem ingrauesceret vitium,
 ipsis remediis exasperatum, omnibus visum fuit, am-
 putandâ tibiâ reliquo corpori consulendum esse. Eâ
 denuntiatione haud secus, quàm par erat, motus Vle-
 mingus, cum dudum tristi cogitatione iactatus esset,
 eam tandem in Siluaducensis Virginis patrocinio de-
 fixit: hinc sibi medicinam, hinc salutem petendam
 esse. Ergo omisâ omni aliâ spe, iussisque valere Me-
 dicis, suauissimæ consolationis Matri Siluæducis ti-
 biam ceream offerre constituit. Votum plena sanitas
 mox excepit, ac Ióannes libenter implendo voto ope-
 ram dedit.

CAPVT XIV.

*Fædus annorum xxx. morbus tollitur. Epilepsia
 infantem deserit.*

xii. Nov.

VT veteris morbi diuturnitas ferè curationem re-
 spuit; ita curatio remedij præstantiam demon-
 strat. Vtrumque Montfortij in Ultraiectionâ ditione
 Ioannes Vten-winkelius factor expertus est, totos
 xxx. annos fædam utique protrahens infirmitatem,
 cuius vocabulum ac sedem haud grauatè præterit ve-
 recunda oratio. Ceterum inueterata mali vis ut pu-
 dore arcebat inedentium oculos ac manus, ita crucia-
 tum intendebat afflicto. Iamque proximo superiore
 quàm sanaretur autumnò, in eum locum iacentis va-
 letudo

letudo deducta erat; vt, animo ritè expiato, salutare morientium viaticum capefferet: tantus aderat discriminis metus. Verùm Ioannes cælesti pabulo non ad mortem obeundam paratior, quàm ad sperandam salutem alacrior factus est. Proinde haud dubius de Siluaducensis Diuæ misericordiâ, quæ semper inuocantibus miseris pateret, còdem selibram ceræ supplicis mentis voto destinat. Etecece decedens de corpore vitium, exauditas à Deiparâ preces fuisse ostendit; atque ab Ioanne promissum breuè repræsentatum est. Sed & matrum pro liberis deprecationi facilè Matrum optimam annuere, Margareta Iacobi Meyeri vxor didicit. Filiolus enim patri cognominis, nondum bimus, caduco morbo penitus liberatus est, simul ac mater, imploratâ Deiparæ ope, sese certum tritici ac vini modum Siluæducis dedicaturam sponndit.

CAPVT XV.

Vinctus è custodiâ euadit.

IN carcerum quoque penetralia lucis ac solatij radios hæc Aurora immittit, Sole ipso clarior benigniorque. Testis est Godefridus Croysius textor, Etæ natus in Bredani agri pago. Is Romersualix in cauponulâ quadam cum Arnolde Bruxellano perpotans, exortâ, vt fit inter compotores, rixâ; nullo suo merito pugnâ ab Arnolde cæditur. quâ iniuriâ accensus Godefridi furor, stricto haud segniter cultro, luculentam

D. 3 tam

M. CCC.
LXXXII.

tam percussori plagam imponit. Idcirco mox comprehensus in custodiam conditur, pedibus trabi insertis, ac ferreo insuper vecte depressis. Tres ultra mensem dies exegerat in hoc squallore ac situ; salutifera deinde cogitatio subiit animum, non minore se fructu, quàm ceteri mortales, Siluaducensis Liberatricis clementiam tentare posse. Quâ persuasione animatus, Ergone, inquit, dulcissima miserorum auxiliatrix, non respicies hanc meam calamitatem? hæc vincula? hæc angustias? Ergone optatissimo libertatis fructu diutius carebo, & criminis tam improvisò admissi, tam acerbis, tam prolixas expendam pœnas? Et tu Domina, non efficies, ut ex meâ depulsione miseriæ augeatur celebritas honoris tui? Redde, redde captiuo lucem, oppresso spiritum, lætitiâ afflicto. Prima libertatis vestigia imprimam liminibus tuis; beneficium profitebor amictu lineo: argenteus numinus, tuæ dicatus aræ, testis erit magis grati animi mei, quàm index opulentiae. Precationis huiusce finis Godefrido initium soporis fuit; quo leuiter obdormiscens, admirabili viso recreatus est. Nam Regina cælestis, Maiestatis suæ splendorem benignâ vultus comitate temperans, torpenti adsistere visa est, eumque hac voce ad capeſſendam libertatem accendere: Age, surge, & apertâ ad salutem fugâ vtere; quæ fugiendi consilium dedit, eadem euadendi securitatem præstabit. Experfectus nuntio tam desiderato Godefridus, non somni ludibrium, sed oraculum veritatis agnouit;

rebus

rebus omnibus stupendum in modum respondentibus promissioni cælesti. Nam & pedicæ cippus suâ sponte laxauerat, & à tibiis ferri onus excussum iacebat humi; nullâ adhibitâ vi, nullâ ope aut ministerio humano. Igitur soluto iam, pedibus incedere licuit; & primo diluculo, quod quintum efferebat hebdomadæ diem, occultare fugam. Tum verò miraculi magnitudo etiam magis enituit. Quippe locus in quem demissus erat Godefridus, parietibus vndique muniebatur. inde nitenti effugere deni vtrunque scalarum gradus peruadendi erant: quos cum raptim captius ascendisset, fores quoque, amoto præter morem repagulo, patentes reperit. Exinde rursus descendens binas item valuas, assiduè, vt in custodiâ publicâ, obserari solitas, apertas fugæ nactus est. His diuini fauoris indiciis longè factus alacrior, ad pensilem pontem, quo fossæ transitus coniungitur, festinat. Neque hîc quidquam fuit quod abeuntem moraretur. Pons quippe demissus ad extremum carceris ostium viam præbuit. vbi custodes duos sopore victos silentio prætergressus, tandem è turri sese proripuit, liberiore fugâ consulturus sibi. Interim nouus moræ terror diuinâ prouidentiâ superatus, sollicitudinem Godefridi in fiduciam vertit. Geminum obstabat fretum, nullo citra nauigium traiectu. At ecce stabant expeditæ instructæque in ripâ nauiculæ, quasi vectorem præstolantes. Ipsi insuper nauiculatores, ceteroquin auidissima lucri natio, alius post alium in cym-

M. CCC.
LXXII.

M. CCC.
LXXXII.

cymbas Godefridum recipiunt, ac gratuito in aduersam ripam exponunt. Ille toties sese libertatem recuperasse ratus, quot nouæ morarum species occurrant, nunc demum extra metum omnem positus, omniumque præterquam voti immemor, ante octauum diem Siluamducis deuolat; gratiisque Virgini impensè actis, ac dono pro copiolis dedicato, iuratus apud complures tum Sacerdotes, tum ædituos, euentus tam admirandi seriem enarrauit.

CAPVT XVI.

Cruris vitium periculosum abigitur.

XIII. Ne-
nemb.

Ille quidem carcere; verùm Hermannus Dornius Goudanus, is de quo deinceps traditurus sum, morbo victus fuit. Quadam enim nocte pes eius enatâ subito vesiculâ nonnihil inflatus, cùm pro rei leuitate negligeretur, modico subinde attritu laceratus est. Hinc ingens tumor vehementi cruciatu mistus sequitur, æquè nocte infestus vt die. Diligens quoque Medicorum sedulitas exasperauit malum; sacro igne curationem intercidente. Sic à viris destituto mulier spem ostentare ausa, iam emortuæ carnis frustum exsecuit, profectu nullo. Demum à peritis omnibus edicitur, vitam aliter, quàm præcisâ tibiâ, retineri non posse. Ceterùm anxius hisce periculis Hermannus animus, solatium pariter ac subsidium à Deiparâ, tot morborum profligatrice, flagitandum esse con-

constituit. Ceream ergo tibiam cum votiuo munere ^{M. CCC.}
 Siluaducensi Matri pollicetur. Itaque desertum omif- ^{LXXXI.}
 sumque ab hominibus virum, Diuæ providentia cu-
 raque excepit. Nam primùm quidem fulcris nixus
 corpus promouere; deinde fulcris ipsis in humeros
 sublatis, Siluamducis rectà contendere valuit, ac
 promissi fidem explere.

CAPVT XVII.

Surdi duo audiendi sensum diu desideratum recuperant.

HAud paullò plus admirationis habent, quæ de
 sanatione Guilielmi Scriuerij Campensis me-
 moriæ prodita sunt. Res altiùs repetenda est à sexa- ^{Circiter}
 gesimo quinto, supra millesimum trecentessimum, ^{xx. De-}
 CHRISTI anno. Tum quippe Scriuerius cum qui- ^{cemb.}
 busdam vicinorum ab Aquis Grani discedens, in pa-
 triam intendebat iter. Vt Ruremundam ventum est,
 secundo Mosâ defluere placuit ad tractum Moudica-
 num exscensuris. Verùm offensa inter nauigandum
 valetudo sic aures Guilielmi insedit, vt prorsus nihil,
 cùm domum rediisset, auditu valeret percipere. Hoc
 afflicto malo, in Sacerdotem incidit; qui de peccatis
 confesso magnoperè auctor fuit, vt tribus Regibus,
 quorum monumento Colonia habetur honos, desti-
 naret animo votiuæ ceræ libras omnino XIII. quas
 precariò ab aliis CHRISTI nomine quæsitæ, ad co-
 rumdem deferret aram. Salutari consilio promptè
 E æger

M. CCC.
LXXXI.

æger obsequitur, & mox omni penitus morbo liberatur. Sed plerumque haud minùs est obliuiosa felicitas, quàm calamitas pia fuerat. Nam qui aduenientem gratiam cupidè acceperat, præteritæ confestim oblitus nihil minùs quàm de Colonienſi profectione cogitat; donec poſtliminiò velut in ſedem ſuam reuerſus dolor, haud obſcurus diuinæ vltionis ſatelles adfuit. Interim effuſa latè Siluaducenſium recens fama prodigiorum nouis ſubinde incrementis ac ſermonibus diuulgabatur. Hinc ergo Guilielmus petendam ſibi quoque opem ratus, nil aliud aut animo tractare, aut votis flagitare inſtitit. Nec ardentior quàm diuturnior fuit ea precatio, non iam ſupplicis modò, ſed pænè etiam expoſtulantis. Quidni enim, inquit, ab eâ mihi ſalutem pollicear, quæ tot mortalium cladi-
bus finem impoſuit? cuius potentix numquam ceſſit benignitas, benignitati numquam facultas deſuit? Non me fallit animus, ô Virgo, ex aliorum fortunâ de ſubſidio tuo ſecurus. Sed & in te maximæ felicitatis eſt, in plures felicitatem transfundere; & ſummæ caritatis, caritatem immerenti non abnuere. Haſce atque alias ſpes agitans animo, noctem Diuorum omnium memoriâ ſolemnnem trahebat inſomnis, cùm vox clamanti quàm dicenti ſimilior, tertio audita, exſiliret è ſtrato, iterque voto conceptum ſuſciperet. Ita & ſuâ ſponte, & cæleſti velut oraculo admonitus, conſurgens properè ſuo ſibi ære XIII. ceræ libras coëmit; voti quoque iam olim facti non ſatis
memor,

memor, alimentis, non ceræ mendicandæ curam intendit. Tum maior vis morbi adorta est vexatione subitâ non doloris modò impatientem, sed propè indignatione & voti pœnitentiâ victum. Nec aliud à Parocho quem consuluit solatium fuit, quàm voto standum esse: alioquin funestam spreti Numinis instare mercedem. Mox longè diuersum ab alio Sacerdote consilium accipit; mitigari posse voti modum; Superos conatu magis nostro, quàm rei euentu metiri hominum fidem; quod præstari non posset, exactum non iri; si mendicata cera difficilè pararetur, hanc molestiam pecuniâ redemptam declinari posse. Hæc responsa ægro animi curas & metus augebant: donec adhibito Franciscano Sacerdote didicit nihil sanctius, nihil antiquius esse debere, non tantum voti religione, verum etiam ritu ac modo: quam sibi ipsi mendicandi legem dixisset, eâ temerè solui non posse. Non exiguam animo sollicitudinem incusserat hæc Sacerdotum dissensio; & quidquid in vtramque partem aut metus aut spes subiecerat, attentâ æstimatione reputabat. Et tunc nox erat immaculatis Deiparæ primordiis sacra, quæ tandem multa de periculo suo pensanti somnum attulit. Sed breuem illam quietem species quædam diuinitus missa (MARIAM Virginem fuisse deinde perceptum est) confectum ademit. Ingens luminis vis remoto iam sopore excitum circumdat, ab adstantis emissâ manu. Ad hæc vox audita suo Guiliclmum

M. CCC.
LXXI.

nomine compellantis, Promissio, inquit, tua, prece, non pretio paratam ceram exigit. Abi ergo, & interposito Matris M A R I A E nomine, quæ in D. Ioannis colitur, tantum ceræ conquirito, quantum voti præscribit religio. Ne quid porro aut de meâ potentiâ, aut de visi huius veritate ambigas, integrâ tibi capitis sanitate præsentia meâ fidem adstruo. Non lætum modò Scriuerium hæc vox, sed etiam grauissimo capitis tormento aliquantisper liberum fecit. Cum enim ad eum diem inclusus capite ventus vi tantâ intrinsecus eius aures verberasset, vt plena turbinum agmina eò, velut ad decretum prælio locum, concurrere atque furere viderentur; cumque molestia acerbitas propè ipsum audiendi desiderium fastidio iamdudum mutasset; repentiè discussa insani murmuris rabies tranquillitatis initio dedit locum. Cuius repentini miraculi fructum ne denuò irritum faceret prolatantis cunctatio, attonitum rursus Diua, comitate in seueritatem iam versâ, appellans, Nunc demum, inquit, tarditas tua finem inueniat. Quòd si nondum fat magno hæ tibi moræ steterunt, multaberis labore non leui, sed pio, quo præterita dilationis noxam expies. Abi ergo, & tum hoc, tum postrema quinque miracula, Filij mei patrata subsidio, templis omnino centum, proximè Siluamducis positis, palàm de prædica atque diuulga. Adhæc, in æde qualibet, lucente cereo imaginem ornabis meam. Toto itinere nullus nisi emendicati cibi vsus erit; amore ac mentione nominis

minis mei excitabis donantium largitatem. Ab hac
 profectiois votiue ratione rituque vel latum vn-
 guem discedere nefas esto. Ceterum expletis piaculis,
 si quid tibi piorum hominum eleemofyna reliqui fe-
 cerit, id ad me adferes sedulitate pari ac fide. Ad vl-
 timum sic habeto; si ex hoc præscripto meo cuncta ri-
 tē peregeris, morbi vice, non tantum certa, sed etiam
 longa te sanitas manet. Cum hæc Diua pronuntiaffet,
 subito Guilielmi oculis subducta est. Tum enim uerò
 ille simul viso, simul monitis caelestibus ardentius in-
 citatus, pristinaeque ignauiae damna reputans, quon-
 dam salubre consilium serò exequi cœpit. Nec defuê-
 re vicini ac familiares, ad quinquaginta numero, qui,
 ad implenda Virginis iussu, discedentem Siluamdu-
 cis usque prosequerentur. Eò ut peruentum est, ceruim
 pro se quisque ardentem obtulêre. Guilielmus, cuius
 vultus inter omnes pietate notabatur, tredecim pon-
 do ceræ pependit, ac latum propinquorum agmen
 lætior ipse domos reduxit. Huic alterum & morbi &
 remedij similitudo coniunxit. Triennium integrum
 Vrolinus Eppensa Teneramundæ surdus egerat; nul-
 lam, nisi quam plenus clamor intenderet, vocem ac-
 cipiens. Audiuit tamen miraculorum Siluaducen-
 sium famam, eo præsertim tempore totâ Flandriâ de-
 cantatam. Ex eâ quantum sibi creuisset fiducia mox
 ostendit, votis pro recuperando audiendi sensu hæud
 cunctanter susceptis. Nec quidquam citius, quàm aut
 diuini vis auxilij, aut restituta audiendi facultas præstò
 E 3 fuit.

M. CCC.
LXXXI.xxiv. De-
cemb.

M. CCC.
LXXXI.

fuit Ad vota deinde reddenda breuî Siluamducis peruenit, & argenteam capitis effigiem, octo vnciarum pondere, ad honestandam Virginis aram suspendit. Ibi Sacerdotes alijsque præsentium, cum ad explorandam miraculi fidem nihil inexpertum omitterent, submissis vocibus cum aduenâ collocuti, eum dictorum omnium compotem esse senserunt.

CAPVT XVIII.

Captiuus carcere euadit.

XXIX.
Decemb.

SVb hæc Albertus, Alberti Loyeni filius, nihil turpius afflictis rebus publicâ fide & clementiâ Virginis ratus, postulatum ab eâ auxilium, pænè proprius quàm petierat, expertus est. Schindelio pago oriundus in Flandriam abierat, atque inde Scuenbergam, Henrici Arnoldi litterarum pyxidem ferens. Ea pyxis, quia aperta erat, Scuenberganis suspicionem iniecit, explorandi prodendive causâ ignotum aduenam accurrisse. Ergo comprehensum ciues in turrin abducunt, & situ & opere multum editam. Huic mandatum custodiæ non modò numellâ includunt, sed nouem insuper catenis sic adstringunt, ut corpus ægrè moueret. Panis quoque & aqua in alimoniam parcè præbita sunt. In minore spe quàm periculo versans Albertus, inire tandem rationem cœpit, ut quod humanæ industriæ deerat, diuinâ prouidentiâ leuaretur. Ergo totas animi vires in Siluaducensis Virginis cultum

tum vertere: huic optimam conscientiam suam, fortunam iniquissimam repræsentare; eam iudicem causæ suæ, eam calamitatis patronam deponere. Si libertati redderetur, primum omnium amiculo dumtaxat laneo velatum, ac nudatis pedibus properaturum Siluamducis: ceterum ad proximum vrbi lapidem, vellem reliquo corpori, quoad pudor sineret, detracturum, eaque nuditate beneficij magnitudinem professurum. Hæc pro se magno sensu locutum è vestigio Regina cælestis absoluit. Nam simul stipes, cui artus victi inferebantur, cum ingenti fragore dissiliit, simul catenæ omnes vtrò solutæ sunt. Neque segnior fuit Albertus in occupandâ libertate, quàm in eadem postulandâ ardentior. Quippe felici saltu in subiectam fossam delapsus, nullo accepto incommodo, etiam aquas traiecit. Inde rectâ ac properè demptis calcis Siluamducis abiit, nec quidquam eorum, quæ ad voti religionem pertinerent, omisit. Demum, vt exactius ad fidem constarent omnia, narratio sacramento, sacramentum Euangelici codicis tactu firmatum est.



OTHO.

OTHONIS ZYLII E SOC. IESV
 HISTORIÆ
 MIRACVLORVM
 B. MARIÆ
 SILVADVCENSIS
 LIBER SECVNDVS.

CAPVT PRIMVM.

Brugensis signifer in prælio seruatur.



Ls ad quem nunc transimus, à Virgineo partu annus M. CCC. LXXXII: miraculorum copiâ & magnitudine longè clarissimus exoritur. Vt enim frugum, sic & miraculorum tempestates quædam feraciores fuere. Huius itaque libri diuitiæ præterita vincent, & quantumuis auidi Lectoris cupiditatem leuabunt. Quamquam neque superioris anni penuria à Deiparæ parsimoniâ est: sed tum ab humanæ sortis vitio, rerum etiam præstantissimarum diuturnitatem carpentis; tum ab eorum incuriâ, qui olim vel conscribendis diuinorum

rum

rum beneficiorum monumentis, vel iisdem custo-
 diendis præponebantur. Ex iis enim quæ Libro pri-
 mo tradidimus, tamquam ex reliquiis magni alicuius
 operis vetustate exesi, facilis coniectura est, longè plu-
 ra, quàm quæ à nobis iam narrata sunt, intercidisse.
 Sed cùm illorum desiderio præsentium copia sit mul-
 tò iucundior, obsequar iam nunc animo meo, liben-
 ter ad sequentium miraculorum contemplandam
 magnitudinem se transferenti. Primi certè mensis eo
 die, qui D. Antonio sacer est, non vulgare miracu-
 lum in ephemerides relatum accepimus. Ardebat
 hisce annis vniuersa Flandria non modico bellorum
 tum ciuilium tum externorum motu. Gandauum
 præsertim & Bruga, bellicosæ tum vrbes, frequen-
 tibus, variante identidem fortunâ, inter se præliis col-
 lidebantur. Cruentæ dimicationes nunc pro salute,
 nunc pro imperio susceptæ, incendebant fatales vtrif-
 que iras. In medio tamen tot furorum, pietati quo-
 que, licet exemplo rarissimo, locus fuit. Gerardus
 enim Grasius, Brugâ editus, priùs quàm in aduersam
 hostium aciem creditum sibi signum moueret, votiux
 peregrinationis, ac doni alicuius dicandi cogitatione
 apud animum tacitè firmatâ, Siluæducensis Patronæ
 fauorem sollicitauit. Sperabat vtique fore, vt, si non
 victoriam, at salutem certè ex illo certamine repor-
 taret. Itaque Virginis velut signifer effectus animique
 plenus constanter in hostem ducit. Sed primæ Gan-
 densium irruptioni, qui Grasium sequebantur, im-
 pares

M. CCC.

LXXI

pares fuere; & celeriter plerique concisi sunt. Signifer tamen ipse, cum telorum, sanguinis, fugæ circum plena essent omnia, tot gladiatorum ictus, telorumq; missus exspectans, & ab hostibus undique circumuentus, desperatis rebus omnibus, à Virgine tutelam sperare ausus est. Ad spem tam salubrem voti quoque, initio pugnae concepti, repetitionem adiungit. Interim magna fit strages, & tota propè eius cohors occisione deletur. dena ferè cadauera alia super aliis aggerata iacebant. Nec sic quidem constantia Gerardi victa, magis hostium ardorem exstimulat. Crebris ergo missilibus perstantem adorti, incassum omnia, protegente nimirum Diuâ, effudère. Quam tutricem cum ille non iam vitæ suæ, sed morti solatium adesse crederet, repentè semet extra pugnantium globum constitutum esse, pari admiratione ac gaudio defixus, cognoscit. Ibi MARIAE Matris, in quâ vltima spes eius hæsisset, cum alia euadendi via nulla patuisset, liberationem sui gratulus adscribit. Inde Siluamducis profectus, testibus optimæ fidei rem gestam enarrauit, votoque sese, uti par erat, exsoluit. Id miraculū eò visum fuit illustrius, quòd in tam ancipiti concursu non in acie prosperâ, præsertim vexillifer, ac ne saucius quidem, seruatus est. Ita Virginis præsidio prius muniti, quàm in vltimo discrimine de totâ retrò æternitate periclitentur, vel in mediâ morte vitæ tutelam inueniunt.

xvii. Jan.

CA-

CAPVT II.

Mulier cruce perſanatur.

MAriam quoque Tauernieram, cui Bruxellæ domicilium erat, Deiparæ MARIAE beneficentia obſtrinxit. Plus quàm tertius erat menſis, ex quo crucis dexteri acerbo cruciatu torquebatur. Sic atrocitas doloris increuerat, vt intumeſcente circùm carne, perinde quaſi ſtimulis foderetur, nec vllam quietis partem capere, neque veſtigium ægra mouere poſſet. Sed ne in lectulo quidem augendæ carnicinæ metus, in quem ſemel ſe compoſuerat corporis habitum, mutare ſinebat. Quare adhibitus ſerò Mædicus, vbi vitioſam partem diu multumque contemplatus eſt, dolenter pronuntiat, plus apud ſe timoris eſſe quàm conſilij. Verùm poſtquam tumor extra conſuetum modum erupit, tandem diſſimulato magis, quàm ſpreto metu, nouaculâ cutem diſſecare atque diſſoluere placuit; ne artis inopiæ vltior remediorum dilatio adſcriberetur. Sed quia morbus medicinam vicerat, parum proſper curationis euentus tumorem auxit, ac ferum non tam adiumentum ſanitatis, quàm vexationis irritamentum fuit. Cùm itaq; acerbiffimi tormenti ſenſu magis magisque ægra affligeretur, ab humanâ ope ad diuinam verſa, Siluaducenſis Diuæ implorat auxilium: dumque votum precibus miſcet, ſuppleuit Medici vicem Diuæ manus, ac tumorem ſedauit. Benefi-

M. CC.
LXXI
XXVI. Jan.

neficiū tamen Bruxellæ inchoatum, Siluæducis impletum fuit. Nam tamenſi depulſa eſſet cruciatuum acerbitas, in genua tamen neque dum procumbere valuit. Verū ſimul atque medicæ Virginis ſimulacrum aſpexit, in coque MARIAM venerata eſt, haud ægrè corpus exceptum poplitibus ſuſtinuit. Itaque velut duplex miraculum experta, cæleſti Virgini lætâ voce gratulata eſt; diuturniorem ſperans fore membrorum uſum, quæ Deiparæ potentia reparaffet.

CAPVT III.

Cæcus illuminatur.

xxix. Jan.

PAtrem in diſpari morbo B. Virginis opem Henricus Cloeckius Weſtphalus Molanus obtinuit. Quod enim cariſſimum æquè ac neceſſarium eſt mortalibus, oculorum auxilio ſic deſtitutus erat, vt alterum oculorum quadriennio, alterum biennio amiſſum lugeret. Igitur inueterata cæcitas neq; vllū fulgoris diurni ſenſum reliquerat, neque multiplici Medicorum induſtriæ cedebat. Quocircâ ille damnatâ remedium ope, quorum vim fruſtrâ expertus fuerat, diuinæ curationi ſe ſtatuit committere. Et fortè, circiter natalem Virginis diem, recens ad eum fama pertulerat, non exiguo ægrorum numero ingentia diuinitus auxilia Siluæducis eſſe collata, atque etiamnum maiora ferè tribui, quàm petantur: tantam ibi Diuæ largitatem enitere. Enimuero multis opus non fuit, vt
cæco

cæco videndi cupiditas iniiceretur. Itaque fiduciæ plenus obnixo studio Diuæ implorat auxilium : peregrinationem Siluamducis initurum, dona pro facultatibus oblatorum vouet, si vel tantillum lucis dispiceretur, quantum capeffendæ viæ, & regendis citra errorem atque periculum pedibus necesse fit. Vouendo sic increuit sperantis fiducia, vt, supplicum propè modum egressus, etiam posceret, intra octauum deinceps diem aliquod sibi signum præberi, quod abituræ cæcitatatis faceret fidem. Res mira : excussis repente tenebris, affulsit quidem nouus aliquis iucundæ lucis radius, verum oculis adhuc malignè rerum conspectum præstantibus : donec tertio inde die, submotâ omni caligine, sic pristinum recepit oculorum lumen, vt nihil aciem eius effugeret. Id adeò iuratus ipse apud complures testes exposuit, vbi Siluamducis probè videns, iuxtaque successu lætus, cum votiuo munere peruenit. Nec illi alia mens fuit, quàm vt deinceps perpetuò illam in oculis ferret, à quâ tam illustri beneficio perditos oculos recepisset.

CAPVT IV.

Tibia perusta restituitur.

Nihilo minùs admirabile est, quod deinceps de xii. Feb.
Ioanne Queckero Gheerulitano traditur. Is enim, cum sali excoquendo interesset, fallente per lubricum vestigio, crus alterum feruenti aheni immer-

F 3

fit.

fit. Non aliud doloris genus offensos artus aut celerius depascitur, aut vehementius infestat. Primum itaq; vitiosa pars insolito tumore attolli, deinde atroci inflammatione aestuare cœpit. Verum ut malo gliscenti æger occurrat, summâ curâ remedia omnia, quæ insula non maxima suppeditaret, explorat. Quæ cum incremento seu noxæ, seu periculi, parum resisterent, celeriter Bruxellam deportatus, in vrbe principe nobilissimos Medicorum, aliaque istic in auxilium morborum vulnorumque prompta, experitur. At verò cum inibi neque mali vis leuaretur, neque moram ultra ferret (nam ad pestis illius foeditatem etiam tanta odoris grauitas accesserat, ut ministerium eius ceteri ferè auersarentur) ad alias etiam vrbes circumlatus, postquam nihil inexpertum omisit, tandem intelligit, spem sanitatis vnicam, sed acerbam, in amputando crure repositam esse. Ultima necessitas salubre menti consilium dedit. Tum demum nihil potius habuit, quàm ut sanctissimam Siluaducensium Patronam voto nuncupato propitiaret sibi. Et subitam commutationem videre licuit. Quippe & crus confestim detumuit, & ardor refrixit, & pedes obsequium breuî reddidêre. Ille porrò expletis, quæ vouerat, omnibus, ac scipione, qui gressum fulciuerat, apud signum tot miraculis conspicuum relicto, Siluaducis cum salute pariter & copioso gaudio in patriam rediit; cum inde vsque à Præcurforis Christi feriis ad Februarium mensē curationis expers iacisset.

CA-

CAPVT V.

Nautæ naufragij & piratarum periculo eripiuntur.

NE magis terras quàm inaria Deiparæ ditio-
ne gubernari autumes; eius Filio complaci-
tum fuit, vt inter piratarum incurfus ac Syrtium
fraudes maternæ quoque potestatis indicia extarent.
Nam ante decimumquartum, quàm Siluamducis ad-
uenerant diem, Deipara Virgo duplex discrimen ab
Nicolao Henrico, eiusque filio, æquè periclitantibus,
tamquam salutare pelagi fidus auertit. Hi enim ido-
neum nacti ventum, nauem frumento onustam è ce-
leberrimo Daniæ freto, quod Balticum mare cum
Oceano miscet, producebant; Schiedamum, urbem
patriam, petitori. Superatis faucibus freti, nauis lon-
giùs in altum prouecta, maius nautarum opinione
periculum incurrit. Nam in Syrtes secundo flatu de-
lata, primùm ex improviso substitit: ac deinde non si-
ne fragore ita vadi angusto transitu excepta est, vt nul-
lo nauticorum molimine expediri potuerit. Ne in
gubernatore quidem quidquam opis erat, tenacitate
vadi omnem facultatem seu ministrandi, seu opitu-
landi, vincente. Itaque magna, id quod necesse erat
accidere, vectorum omnium perturbatio facta est,
præsentibus grauiora; quæ sequerentur, expectan-
tium. Naufragium præ oculis erat. Horrorem mortis
& vltima quæque ignari sibimet ominabantur. Nec
vllibi

M. CCC.
LXXXII.
XIV. Feb.

M. CCC.

LXXXI

vlubi promontorium aut continens aliqua aperiebat
 sese. Iamque spes salutis absceslerat, cum repente bea-
 ta **MARIAE**, quæ Siluæducis colitur, ope simul ab
 omnibus imploratâ, tota naus personuit: cereum na-
 uis simulacrum Diuæ offerendum inclamant. Crede-
 res Virginis elementiam cum ipsorum pietate certare.
 Extemplò, aquis leni tractu subeuntibus, cœpit leuari
 nauigium, & mox secundis ventis impulsus lætissi-
 mo cursu vela fecit; cunctis insperatam salutem im-
 modico gaudio celebrantibus. Sed rarò lætitia mor-
 talibus diuturna est. Aliquantum inde prouectis subi-
 tò nouus & pristino maior terror incutitur. Nam præ-
 dones non paucos ex inopinato prospiciunt, pirati-
 cum lembum in nauem ipsorum inermem celeriter
 incitantes. Hic neque maritimis nauticisque sollertia
 atque ars præsidium ferre, neque timor pauidorum
 fugam intendere potuit. Quin & numero piratæ
 præstabant, non minùs quàm arinis & pugnandi usu.
 Ergo facilè sine prælio naus capitur, raptorum præ-
 dationi relicta: ac naufragio vix subducti, in alterum
 discrimen incurrunt, cò scilicet grauius, quò impo-
 tentior est hominum auara crudelitas, quàm violentia
 elementorum. Itaque prædæ faciendæ nullus finis
 fuit; cumque omnia direpta essent, ne vestimenta qui-
 dem velandis corporibus reliqua fuêre. Nec finis ma-
 lorum. Quippe in flentes atque nudatos denuò cœorti
 latrones, morituris manus iniiciunt, vndarum vorti-
 cibus vniuersam turbam destinantes. Verùm in sum-
 mâ

in illâ omnium trepitatione, vitæq; discrimine, præ-
 sens calamitas recentem Diuæ benignitatem in me-
 moriam reuocauit. Ad quam denuò maiore quoque
 fiducia conuersi, Nicolaus inprimis, ceterique (vt sunt
 preces miserorum) vehementer orant, vt quos semel
 iam exemisset periculis Virgo, eosdem secundo bene-
 ficio obstringat sibi; ceream vtique hominis effigiem
 Siluæducis, si licuerit, dedicaturos. Nec vana precatio
 cecidit. Rabiem quippe latronum vis quædam cæle-
 stis repentè in clementiam vertit. Nam primùm qui-
 dem (quis credat?) libertatem, tum prædam cum na-
 uigio totam afflictis restitunt, ex prædonibus tam-
 quam tutores nauigantium facti. Ceterùm illi Diuæ
 auspiciis prosperam deinceps tempestatem nacti, exul-
 tantes gaudio patrium breuî portum incolumes ad-
 spexêre, ac Siluamducis ad venerandam inibi Diuam
 profecti, nihil eorum quæ in periculis vouerant, in
 securitate omiserunt: testantes longè vtique maio-
 rem fuisse Diuæ potentiam in hominibus, qui avari-
 tiâ prædæ ardeant, mitigandis, quàm in Syrtium dis-
 crimine superando.

M. CCC.
LXXXIIF.

CAPVT VI.

Aqua intercus, ac diuersi morbi, abiguntur.

NEquè magis latrones, quàm morbi infestas mor-
 talibus aquas faciunt. quæ quidem cùm inter cu-
 tem intumescere, præsertim si malum inueterauerit,

G non

M. CCC.
LXXXIII.

... Feb.

xii. Feb.

xiii. Feb.

non sine magnâ molestiâ discutiuntur. Huiusmodi tumorem in ventrem contraxerat Petrus Hugonis, Zelandus, haud procul Ziriczâ pagi incola; cui pago Westerscoudiæ nomen est. Acuta morbi vis, aluo non modicè intentâ, triennium totum durauerat; sed postremus annus ita tumorem pariterque tormentum auxit, vt lecto, non solùm somno abstinere cogeretur æger. Ita demum secundæ valetudinis spes omnis abscellit. Non tamen Petri animus sic desperatio salutis affecerat, quin votis precibusque pro medicamentis atque remediis vteretur. Nudis itaque pedibus ad Siluaducensem Diuam lanceo amictum vestitu profecturum vouet. Nec minùs ad morbum quàm ad animum ægri respiciens Diua, laboranti promptè succurrit. Ergo confestim finitus est dolor, & aqua, quæ miserum inter cutem pessimè habuerat, copiosa defluxit. Neque pristinus corporis habitus dudum abfuit. quo ille fretus peregrinationem ex voto peregit, quatuor & viginti testibus è tractu Ziriczæano, siue gaudij siue veritatis celebrandæ studio, vnâ secum adductis. Eodem ferè tempore præclara Diuæ beneficia antecius aram Siluaducensem complures professi sunt. Guilielmo Thenensi Lugduno-Batauo vnicam in crure, Lamberto verò Rytio Millensi triplicem in vnicâ tibiâ fistulam siccauit inuocata Dei parens. Catharina Ioanni Clauwartio in Duuelandiâ nupta acerbum capitis dolorem, perque sex ferè menses tentatis nequidquam medicamentis insanabilem, eodem

eodem remedio dispulit. Tum Scheuenissæ Elifabe-
 tham, Petri Ioannis vxorem, mamilla altera ad pilei
 virilis altitudinem inflata vitæ periculo terruit: nam-
 que & triduum omni vocis caruit vsu. Is quoque tu-
 mor Virginis ope resedit. Postremò Nicolaus Marti-
 ni Harleinius exiit dexteræ habitum longè teterri-
 mum. Ea utique manus in maritimâ navigatione sic
 dirigerat gelu, vt non tantum curua, sed etiam inuti-
 lis facta, turpi quoque nigritie fœdaretur. Verum be-
 nigna Deipara, nautæ manus vsu coloremq̃ re-
 stituit.

M. CCC.

LXXXIII.

XIII. Feb.

XVI. Feb.

CAPVT VII.

Ignis sacer extinctus, atque incessus mulieri redditus.

TAm beneficam in externos auxiliatricem dome-
 sticis quoque non deesse, Catharinæ Siluaducen-
 sis mulieris ærumna monstrauit. Hæc Gerardo Sto-
 rems nupta in hac vrbe Hintamensem regionem inco-
 lebat. Iamque aliquot menses erant, postquam sacer
 ignis alterum eius pedem, serpente paulatim ardore,
 vehementer incendit. Augebat vexationem, curatio-
 nis, frustra tentatæ, desperatio. Sed miraculorum no-
 tissimorum præsens memoria remedio fuit. Patronæ
 Virginis opem exposcit, eiusque sacelli visitationem
 addicit. Nec ea pietas supplicantem fefellit. Statim
 omnis inflammatio, velut iniectâ frigidâ, constitit.
 Interim verò dum ad integram sanitatem pes reduci-
 tur, illa quietis longè pertæsa, ac prodeundi cupida, ex

I. Mart.

M. CCC.
LXXXIII.

suis milit, qui duo lignea sustentacula, promouendo ad incessum corpori, à Virginis arâ tantisper mutuaretur, dum pes eundi facilitatem reciperet. Exinde ubi certa euidencia redditæ sanitatis adfuit, relictis domi adminiculis ad Virginem pedes sese confert, actisque enixè gratiis domum reuertitur. Verùm haud ita multò post sopore oppressa visa est sibi audire vocem, iterùm ac tertio monentem, Restitue fulcra templo vnde sumfisti. Catharina somno soluta, cælesti monito confectim paruit, verita ne cunctatio grauiorem aliquam vltionem prouocaret.

CAPVT VIII.

Puero aquis suffocato vita redditur.

II. Mart. **E**T si maxima sunt quæ adhuc litteris consignauimus miracula, tamen ea quodammodò minora videntur, mortuum vitæ restitutum scripturo. Waelwicæ Ioanni Meyero domus erat templo proxima. Inde postridie Kal. Martias Nicolaum eiusdem filiolum siue videndi, siue ludendi, aut in vetitum nitendi cupido ad vicinam fossam inuitauit. Eò progressus puer, malus sui tutor, in subiectas aquas præceps corruit, auxiliique inopiâ breuî vitam amisit. Tandem post tres horas circumactas, à domesticis, metu anxiis, requiri diligenter cœptus est; atque (vt est præfagus parentum timor) ante omnia ad fossam decurrere, rati, id quod erat, puerum ætatis illius more, aqua-

aquarum illecebrâ decipi potuisse. Ibi suauissimum pignus facile conspicati sunt, nempe aquis iam placidis, & liquidò ostendentibus cadauer iacentis in fundo pueri. Extrahunt pro se quisque extinctum, & rigentes artus utcumque componunt. Totum corpus, exclusâ utique animâ, iamdudum calor vitalis liquerat, nullâ humanâ ope reuocabilis. Sed qui alios exanimasset, repentinus sobolis interitus, Nicolai parentibus solatio remedioque pariter fuit. Mox enim cum circumfusâ adstantium turbâ ad Reginam cæli curas vertût, eandemque sese vnâ cum puero, si reuiuiscat, Siluæducis veneraturos pollicentur. Mira dictu res. Confestim vitæ compos fit puer, nec tantùm valens, sed etiam loquens, tam ingenti miraculo affirmat fidem. Parentes cum rediuuio filio magnoq; vicinorum numero, post quintum ab accepto beneficio diem, Siluamducis delati Matrem Virginem ante eius signum salutarunt, donis quoque augendo Diuæ cultui relictis. Sic didicere quorum custodiæ tenella ætas creditur, vnde opem periculis, etiam ab ipsorum incuriâ profectis, & sperare debeant, & obtinere possint.

CAPVT IX.

Puella à præsentis mortis periculo reuocatur.

CETERùm, dum inter vicinos Diuæ beneficia propagantur, Wendelinam quoque Gisberti & Wendelinæ filiam cõmunis adiutrix complexa est. VII. Mar.

G 3 pagus

pagus est, quem Mosa amnis præterfluit, Disum fluuium Siluaducis effusum eo tractu excipiens. His in locis pernicialis eâ tempestate lues iuniorem Wendelinam inuasit. Puellam pestilens malum sic breuî afflixit, vt vltima quæque passam vita omnis destitueret. Ergo deploratam è lectulo in stramenta reclinant, vbi extremum, si quis adhuc superesset, spiritum effunderet. Cumque vtrâ in eius corpore vitalis nulla motio percipi posset, mater iniectâ lugubri sindone velat membra, ac tristi silentio muta, ad cogitationes, num quid spei succurreret, dolorem conuertit. Subibat inter hæc animum vicina Diuæ statua, atque apud eam benignitas in omnes singularis. Igitur votum nuncupat; nec tantummodò triticum & vinum, sed auri quoque & argenti iustum numerum, Deiparæ offerre constituit. Verùm puella totos deinde quinque dies noctesque in eodem corporis habitu vitæque deliquio durauit; omnibus siue mortis, siue miraculi potiùs expectatione suspensis. Donec tandem appetente sexto die, meare spiritus cœpit, & lingua nonnihil moueri. Hoc primum viræ indicium, postquam in eo statu fuerat, propinata modicè frigida confirmauit. Inde paulatim reddito animo, corpus quoque vigorem suum expectatione maturius recuperauit. Quippe virium compos, haud ita multò post MARIAM Virginem cum turbâ vicinorum adiit, Diuamque velut alteram parentem promissis à matre donis venerata est. Quæ quidem puella, siue morbo siue

siue morti (neque enim affirmare sustineo de quibus ^{M. CCC.}
 ambigo) exempta diuinitus fuit , ostendit certè om- ^{LXXXIII.}
 ne prorsus malum , quamquam remediis humanis
 maius sit, Deiparæ tamen potestate longè inferius esse.

CAPVT X.

*Mulier amissum dimidiij corporis vsum recipit : Fistula,
 tibiae pueri infesta, curatur.*

EVndem diem, qui ante idus Februar. septimus ^{VII. Mar.}
 fuit, illustrauit Catharinæ Yuelariæ aduentus, &
 miraculi magnitudine, & numero testium memora-
 bilis. Quippe Catharina, cùm triennium integrum
 resolutis morbo artubus Berlicomi iacuisset, sex præ-
 terea menses, stupore paulatim corpus hebetante, ita
 sensum omnem amiserat, vt nulla pars earum quæ à
 medio pectore ad imas plantas tendunt, dolore et-
 iam quæsito moueretur. tantùm corde tenus vita
 supererat. Nam & in ignem delapsa flammæ tibiam
 depascentes non sensit, & quandoque defixâ in carnem
 aciculâ, vt cruciatum experiendo nouaret, vulnera si-
 ne dolore iterauit. His fatigata molestiis, ac diutinæ
 moræ pertæsa, mentem ad altiora humanis remedia
 erigit. Spondet Reginæ Cælitum protectionem voti-
 uam, in eamque quinquaginta comites, velut Maria-
 næ potentia præcones, se contracturam addicit. Vo-
 tum sanitas, protectio sanitatem breuî subsecuta, te-
 stium etiam numerum repræsentauit. Inde Ioannes ^{VIII. Mar.}
 Gerar-

M. CCC. Gerardi Meyeri filiolus saniosâ fistulâ diuinitus libe-
 LXXXIII. ratus est. Subter dexterum poplitem totum annum
 id malum hæserat, adeoque altè penetrauerat, vt,
 quamquam in puerili corpore, insanabile à peritis
 crederetur. Perenne quippe & copiosum pus ferebat-
 tur, remediis nequidquàm cohibentibus. Ne tamen
 quidquam intentatum parens omitteret, mananti fœ-
 dè vlceri Medicorum artes opponit. Quibus nihil
 proficientibus, omisâ omni aliâ spe, sollicitudinem
 in pietatem conuertit, & Siluaducensem Diuam,
 tot miraculis celebrem, pro sobole curandâ inuocat.
 Nec incassum missæ preces. Nam tertium intra diem
 coiuit fistula, omnisque circà caro non modò inte-
 gra, sed etiam pulchra ac nitida, faciliè diuinam cu-
 rationis virtutem asseruit. Pater autem vnâ cum so-
 spite iam filio Hagâ-Comitis (ibi enim tum habita-
 bant) ad reddendas Diuæ gratias Siluamducis pro-
 fectus est.

CAPVT XI.

Mulier in partu difficillimo seruat.

VIII. Mar. **H**Arlemi porrò Mechthildem, Bartholomæi cæ-
 mentarij coniugem, manifesto vitæ discrimini
 creptam fuisse constat. Huic simul grauidæ, simul
 morbo vehementi ac repentino correptæ, parturiendi
 quoque labor adfuit. Qui vbi totum mensem pari
 tormento ac pertinaciâ ægriè nitentem exercuit,
 emor-

emortuum tandem fœtum vtero excussit. Verùm illam secunda post hoc naufragium tempestas excepit; siquidem partus alter priore formidabilior subsecutus, tres ipsas hebdomadas miseram torisit, mortuæque similiorem quàm viuæ. Interclusus enim subinde spiritus, arctèque means non satis compotem mentis fecerat. Mulieres intereà, noctu diuque ad moribundæ lectum excubantes, nihil intentatum omisère. Ergo sacro Oleo iam iam expiraturam inungi placuit, vt salubri medicinâ saltem animus, corpore iam deposito, leuaretur. Ea desperatio luctu mista, diu tenuit non tam puerperam quàm funus visentes, donec animis etiam longinqua auxilia, vt assolet, in extremâ necessitate circumspicientibus, miraculorum Siluaducensium famam retractare cœperunt. Inde pro se quælibet mulier ad vota confugere, ac moribundæ nomine Diuam obsecrare: hæc candelam humanæ statuæ magnitudine, illa ceream laborantis effigiem, aliæ vestem, aliæ nummum promittere. Et placita Deiparæ fuit seu multitudo, seu potius ardor vouentium. Ne multa. E vestigio, abstersâ molestiâ omni, monstrum vitæ expers effundit, partu magis facili quàm sperato; & quindecim continenter hebdomadas tam funesto puerperio oppressa, decimo quàm reualuerat die, Siluæducis, aliena vota pro se concepta, liberaliter exsoluit. Complures è viciniâ testes debitam Diuæ laudem, ac miraculo veritatem astruxerunt.

M. CCC.
LXXXIII.

CAPVT XII.

Puellam opprimens veternus grauis discutitur.

xii. *Mar.* **V**Sque eò in humani generis possessionem morbi venerunt, vt vel somno intentiore noceant. continuata in lethargum quies fuit, quâ Guilielmus Deenkens & Hedwigis coniuges Helenam filiam Virginis ope solutam vidère. Buxtellæ miraculum contigisse accepimus. Proximo superiore autumno Helenam tantus marcor, tamque inexpugnabilis dormiendi necessitas adorta est, vt nunc duas cum interposito die noctes, nunc totum triduum continenti iungeret somno. Ac postquam semel hic lethargus obruerat, consopitam nemo antè excitare poterat, quàm sponte suâ torpor remitteret. Simul verò expergiscebatur, subibat os ac vultum fœda contorsio, qualis ferè obsessos à dæmone mortales agitare consuevit. At parentes partim vero pauore territi, partim cæleste spectantes auxilium, quidquid in alterutram partem aut metus aut spes suggererat, accipiti æstimatione pensabant. Tandem diuersa voluentibus Siluaducensis Diuæ in mentem venit. Eam patronam deprecati, facile exitiali sopore discussio, filiae sanitatem impetrarunt.

CA-

CAPVT XIII.

M. CCC.

LXXXIII.

Iuuenis carcere eximitur.

NEc minùs prompta fuit Deipara ad vinctos car- xvi. Mar.
ceribus, quàm ægros morbis expediendos. Id
sensit Petrus Poelmannus è Prussiâ, ad sacram Cru-
cem Aschæ visendam, ex voto profectus. Qui cùm
Mechliniâ iter haberet, exceptus à vigilibus explora-
torem credentibus, atque in vincula raptus est. Ibi
squalidus ac mœrens septem hebdomadas produxit,
solâ carceris patientiâ magis Deo quàm hominibus
innocentiam suam probans. Etenim respexit affli-
ctum Deus, & MARIAE matris fiduciam menti, con-
siliis humanis destitutæ, subiecit. Quâ ille cogitatio-
ne accensus in tantam recuperandæ libertatis spem
venit, vt imploratâ Siluaducensi Virgine, de læto vo-
ti successu, etiam dubitationem excluderet. Igitur so-
latiis quoque à Deiparâ cælitus immisissis recreatus,
de euadendi certitudine, quàm de modo securior sibi
videbatur. Inter hæc, vt à carcere non diu abest vexa-
tio, superuenit cum tortoribus Prætor, quæstionem
de suspecto habiturus. Iam tormenta in promptu
erant, nec quidquam reliquumerat, nisi vt trepidanti
admouerentur. Verùm sopor repentè Prætorem ob-
ruens, supplicio non finem, sed moram iniecit. Præ-
tor enim denuò in custodiam reuersus, iterùm à mini-
stris in conspectu Poelmanni crudelitatis instrumen-

H 2

ta

M. CCC.
LXXIII.

ta proponi iubet; sed diuina cum vis secundò in somnum impulit, atque ab innoxij iuuenis cruciatu cohibuit. Tandem pij quidam homines, seu hospitis miseratione, seu diuino veriùs instinctu adducti, testimoniis suis Petri integritatem asserentes, infontem libertati vindicarunt. Ille verò hoc discrimine liberatus, curas omnes ad destinatam animo profectio- nem intendit, Diuæque in peregrinos homines carita- tem libenter prolixèque celebrauit.

CAPVT XIV.

Quidam ob dilatam voti solutionem mulctatus, graui tandem morbo eripitur.

XVII.
Mart.

Sequitur miraculum tam præfenti opitulatione mi-
rificum, quàm exemplo fructuosum. Nam pluri-
mum quidem Deipara se beneficiorum largitricem
petentibus præbuit: iam verò sese eorundem quo-
que vindicem ingratis ostendit. Ioannes Boelius è
Teneramundano solo, vnde oriundus erat, domicilio
Brilam translato, inibi brachij dextri amisit vsum.
Ea debilitas cùm iam annum tenuisset, & spatium
longius receptura videretur, Siluaducensis Virginis
imploratione sublata est. Sed & votiuum è cerâ bra-
chium Ioannes Diuæ addixerat: verùm absente iam
malo facilè beneficij oblitus, quatuor circiter menses,
si non depositâ, at omisâ proficiscendi curâ, moratus
est domi. Eam voti implendi tarditatem grauis infir-
mitas, velut cælestis iræ nuntia, confestim subsecuta,
partem

partem vnde diuinitus depulsa fuerat, duriore etiam M. CCC.
 post interuallum impetu, repetiit. Et primùm qui LXXXII.
 dem brachium inflari cœptum est; acerbissimo deinde
 cruciatu torqueri. Nec intra pristinam sedem calamitas
 substitit; sed inusitatum quoque tumorem in
 fauces imminisit, vt ne voci quidem, quæ votum negle-
 ctum emiserat, suum deesset supplicium. Ita quinque
 hebdomadæ absumptæ, dolore faucium pænè spiritum,
 non tantùm cibum intercludente. Tum deum
 Ioannes malo cautior factus, spatio aliquo ad respi-
 scendum dato vti constituit, atque ad labes animi
 confessione piandum curas vertit. Protinus celeri
 nuntio Sacerdotem, voce propè inclusâ, accersi iubet,
 vt, damnato ingratae mentis flagitio, accusator sui fa-
 ctus absoluator. Sed interim dum Parochus aduoca-
 tur, vitium in angustiores sedes contractum ita spiritum
 arctare cœpit, vt, quamquam Sacerdos nihil cun-
 ctatus aduolasset properè, non verbis tamen, sed sin-
 gultibus dumtaxat loquentem offenderet. Atque vt
 maximè loquendi facultatem moliretur, vox tamen
 nil prorsus significare liquidò valuit. Hæ faucium an-
 gustiæ toto triduo non tantùm sermonem, verùm et-
 iam omnem cibi & potionis vsum exclusêre. Tum
 verò ingens hominem incescit anxietas, voti nondum
 soluti conscientiam obiectans. Ergo tam atroces ad-
 missi delicti pœnas à se diuinitus repeti sentiens,
 æstuarè cœpit animo, etiam magis quàm corpore: &
 voti religione mentem stimulante infensum placare

M. CCC.
LXXXIII.

Numen, ab Siluaducensi Virgine veniam sibi & poscere, & polliceri. Proinde manus pariter oculosque tendens in cælum, profusis copiosè lacrymis, toto pectore (nam vox etiamnum aberat) dilatatum redintegrat votum: si ad secundam valetudinem recursus datur, fixum sibi ac statutum esse, tam noxias moras promptissimæ celeritatis obsequio refarcire. Hac supplicatione mitigata misericordiæ Mater, iustæ severitatis aculeum extemplò cohibuit, præter dolentis pœnitudinem spectans nihil. Itaque patefactis repente faucium angustiiis, primum vox laxata tenorem suum, deinde corpus quoque vires pristinas opinione maturius recuperavit. Aduit etiam Sacerdos reuocatus, ac iam disertè crimina profitenti aures præbuit. Ceterum leuatus noxis animus non dubiam corpori firmitatem reliquit; & ne quid cunctatio periculi nouaret, abiectâ omni morâ, Ioannem statim in viam protraxit; non iam sibi vota, sed votis accommodantem sese. Vbi autem Siluamducis cum piaculis peruenit, veniâ irarum cælestium, ac pace Dei Matris impetratâ, ægrè grates agendi faciebat finem; vicinis quoque non paucis, quos in viâ societatem rei nouitas contraxerat, euidentiam duplicis miraculi, non minus vtili quàm læto sermone celebrantibus. Salubri vtique exemplo MARIA, & misericordiæ parens, & seuera scelerum vltrix, effecit, vt & spreta religio in religionem verteret, & repetitam ex interuallo pietatem integrata denuò salus remuneraret.

CA.

CAPVT XV.

M. CCC.

LXXIIII.

*Parens quidam sibi vitam, egrotanti filio mortem
optatam impetrat.*

SEd ad ea quæ plus solatij quàm terroris ostendant, xx. Mar.
quorum longè præstat numerus, reuertamur.
Mechliniæ Ioannes Mannartus grauissimâ prostratus
valetudine, vehementer afflictabatur. Namque sic vi-
res effugerant, vt non nisi lineo torali exceptus è le-
ctulo moueri, aut gestari sustineret. Itaque totas tres
hebdomadas mortem non tam imminensem oppe-
riens, quàm præsentem spectans, Oleoque sacro ritè
delibutus, velut nuntium remiserat rebus humanis.
Inter eiusmodi angustias deprehensus ad Reginam
cæli spem conuertit; adiecto quoque, si conualesceret,
voto. Eius voti summa fuit, vt pedibus ad augendum
viæ laborem nudis, soloque vestitu laneo tectus, Sil-
uaducensem MARIAM viseret. Gratum Virgini vo-
tum fuit. Nam defunctum omni morbo corpus cele-
riter reualuit. Interea Mannarto filiulus iacebat ma-
gis acerbo quàm letali & ipse oppressus morbo: qui
vt omnium miserationem exciuerat (nam neque vi-
uere diu, neque mori citò sinebat infirmitas) ad exper-
tam Diuæ opem parentis fiduciam reuocauit. Quippe
cùm in viginti hebdomadas malum traheretur, nec
vlla eius mali quies veniret, obnixè Diuam rogauit
parens, vt, quod soboli benè verteret, aut in terris ei
fine

M. CCC.
LXXXIII.

sine morbo, aut in cælis potius sine morte liceret vivere. Vtrumvis autem accideret, simulacrum filij offerre constituit. His etiam precibus Diua annuit, & mox puerum transmisit ad domicilium sanitatis æternæ. Ioannes verò & suam & filij vicem Siluæducis Dei Matri gratulatus est.

CAPVT XVI.

Infirmis quatuor redditur sanitas.

XXIII.
Mart.

HAud dubiè rerum naturam sub imperio MARIAE constituit Filius, quam omnia naturæ vitia permittit expellere. Eteccè comitiali morbo eripitur Elisabetha Rodolphi Mokartij filia. Erpam parentes incolebant. Ex eo pago vini, tritici, ad hoc argenti auriq̃ue votiui tantum pondus attulerunt, quantum religio voti conceperat. Huic miraculo successit cruris curatio, quinque & viginti admodum annos interno quodam vitio ac tandem vlcere quoque erumpente afflicti. Petrus Vlugghenus Phuslychius ægro nomen fuisse traditur. Qui sanitate iam recuperatâ, ceream cruris effigiem vnus libræ pondere dedicauit, munus vtique dantis animo, quam suâ mole magis spectabile. Tum Ioannes Snellenbergius Westphalus, promus Leckanæ Domine, qui biennium vtraque capus aure, nihil admodum audierat, recuperatum aurium vsum Siluaducensi Matri acceptum retulit.

XXIV.
*Mart.*XXVII.
Mart.

XII. *Apr.* Aleydis porrò Campensis sex continenter hebdomadas

das tantis tibiæ cruciatibus iactabatur, vt, postquam in Medicis nihil esse opis apparuit, fracta magnitudine incrementis mali, satius duxerit, ægram partem ferro amputandam obicere, quàm impatibili dolori toties succumbere. Verùm anxiam de instantibus malis, angusta species MARIAE matris, vltro semet illi offerentis, solata est, cùm ægra tantisper somno acquiesceret. Inde percepisse sibi visa est benignam admonentis vocem, quâ Siluamducis petere, ac ceræ libram offerre iuberetur apud Virginis aram. Hoc illa viso potius quàm somno relaxata, sequitur animi impetum, iam spe sanitatem præcipientis, & confestim vortum concipit ex præscripto moniti cælestis. Id verò Diuæ placitum fuisse rei ostendit euentus. Protinus sedata mali vis, intra triduum penitus abscessit.

CAPVT XVII.

Puer in cænosâ lacunâ extinctus, vitæ redonatur.

S Vb idem tempus acerba mors manum puero iniiecit, periculorum adhuc securo. Is aquarum infidiis exceptus est; cùm fortè propinquior factus lacunæ fœdè stagnanti, lubricâ ripâ non excipiente vestigium, à lapsu sese sustinere non potuit. Igitur nemine opitulante in profundum defluxit, ac repentè aquis suffocatus, ampliùs horam in fundo iacuit, haud dubiâ morte sublatus. Verùm, vt faciliè se produnt infortunia, non diu fefellit is casus vicinorum oculos,

I præ-

M. CCC.
LXXXIII.

XVI. Apr.

M. CCC.
LXXXIII. præsertim puerorum; quorum pars vagi & amentibus similes, alijque aliis occurrentes, omnem viciniam ciulatu ac vociferatione compleuerant. His exciti parentes raptim, neque minùs sollicitè ad foueam ferebantur. Neque extrahendo puero defuit fida adstantium manus; qui simul rigentis filij cadauer permiscere parentibus, inter eos velut certamen quoddam mororis cernere licuit. Cùm tres circiter horas in erepti sibi filij luctu hæssissent, tandem, animis ad Deiparæ auxilium erectis, voluere cœperunt tum miracula, tum solatia, quæ Siluaducensis illa malorum omnium victrix innumeris pænè mortalibus contulisset. Ea cogitatio mox in votum transiit, sobolem, si reuiuisceret, cum tritico vinoque votiuo deportandi Siluamducis intra octauum diem. Protinus Ioannem (id puero nomen erat) Arnoldus cum coniuge aspicunt incolumem, receptâ omni vitæ sanitate. Ergo gaudiis triumphantes, nullum sibi in vitâ illuxisse latiore diem recordabantur: nec filij, velut iterum sibi nascentis, aspectu amplexuque satiari poterant. Et quamquam auxiliatrici Virgini parem gratiam referre nequibant, Siluamducis tamen impigrè contulerunt sese, & vitæ parenti vitam filij sui gratificati sunt. Inde Tuylam, vnde accurrerant, lætitiâ cumulati rediêre.

CAPVT XVIII.

M. CCC.
LXXXIII.

*Sagitta cuiusdam corpori altius infixæ diuinitus
inde exigitur.*

NE quod porro medicinæ genus in Virgine desideres, nunc etiam ad vulnera, non tantum morbos, curationem extendit; in vtrisque superandis æquè facilis ac felix. Id adeò Quadegodi Astensis periculo ostenditur, ex immisâ in dorsum sagittâ contracto. Tam altè telum in viscera descenderat, vt nullâ medentium industriâ posset euelli. Nam superfusâ carne obtectum, non tantum oculos aut manus nequidquam prensantium effugerat; sed specillum etiam, quo altitudines vulnery perterritantur, fallebat. Ita in præcipiti constitutum, seruari non posse credebant Medici, nisi spiculum, admotis à tergo machinis, per ventrem, nouo vulnere, expelleretur; aut certè nisi patefacto ventre latens ferrum extraherent. Et quamquam hoc auxilij genus, certæ desperationis plenum, ars suggereret; nullus tamen inuentus est, qui illud sustineret attingere. Nempe stultum videbatur, subire speciem occidentis cum, quem sors ipsius iam quodammodò peremisset. Interea & corpore & animo confectus æger in maximo dolore versabatur, magisque in morbi quàm medentium potestate erat. Ergo consuetis morientium adiumentis, ac sacro demum Oleo, Christiano ritu, munitus, vnde viginti ferè heb-

M. CCC.
LXXXIII.

domadas extremum vitæ terminum operiebatur. Scilicet cupidissimus tam longa tormenta finiendi breui leto. Ad vltimum tamen incessit animum non dubia spes salutis impetrandæ à Dei parente. Et morbi grauitas, crescente quoque Diuæ fiducia, non parcam votis materiam dedit. Primò igitur sacrum iter nudis pedibus inire constituit; tum abstinenciam ciborum omnium, solo pane & aquâ exceptis, adiecit; lanæa deinde veste vsurum spondet; ac postremò virile simulacrum, infixum etiam telo, perpetuæ memoriæ Virginisq̃ue honori oblaturum. Non magis votum, quàm voti modum, adiutrici miserorum placuisse probauit euentus. Siquidem mitigatis quamprimùm doloribus, spiculum quoque intra septimum diem è faucij tergo prodiit; nempe eadem quâ venerat viâ. Ille verò confirmatis subinde viribus, Siluamducis properauit, non aliàs magis admiratus felicitatem suam: atque vt gratissimâ Diuæ consolatione persusus erat; ita iucundam illi gratulationem reddidit; nihil ambigens, plus se Virginis præconio impendere, quàm partâ salute lætari debere. Accessit huic lætitiæ altera spes, cui Virgini corporum vulnera tantæ curæ fuerant, eidem haud minùs ægritudines animorum cordi fore.

CA-

CAPVT XIX.

M. CCC.
LXXXIII.

Sacerdos videndi sensum recuperat. Puerpera è duplici periculo euadit.

Quemadmodum morborum, sic & hominum or-^{xxi. Apr.}
dines omnes admittit Virgo ad opem suam ob-
tinendam. Et hætenus quidem ferè in vulgus benefi-
cia sparsit; nunc Arnolfo Klinckartio Falckenbur-
genſi Sacerdoti ſeſe beneficam præbet. Is è Limbur-
genſi ditione Siluamducis delatus, hæc ferè, manu ad
pectus admotâ, ex animi ſui ſententiâ iuratus prodi-
dit: integrum annum extincto prorsus oculorum lu-
mine vixiſſe ſeſe: inter hæc latè vagantem miratulo-
rum Siluaducenſium famam, ad ſuas item aures per-
latam, animo hinc cupidinem inde ſpem ſubdidiſſe
recipiendæ oculorum voluptatis: tum ſpe in votum
conuerſâ, cum animo ſuo ſtatuſſe per omnem vitam
quolibet ſabbati die, qui dies Virgini ſacer habetur,
nihil præter aquam & panem deguſtare, ſi videndi
ſenſus redderetur: nec deſuiſſe vltrâ Virginem deſi-
derio ſuo, aut lumen oculis; quorum obſequium de-
inceps non litteris tantum exarandis, legendiſve, ve-
rùm etiam Sacrificio peragendo impenderit. In hæc
cùm iuraſſet, Sacerdoti fides, honos Virgini habitus
eſt. Arnolſus verò accepti boni memor, ipſum ocu-
lorum lumen auxiliatricis tam benignæ amoris dein-
ceps poſthabuit, vt ſe eius beneficentiæ gratum pro-
I 3 baret.

M^o CCC.
LXXXIII.
XXI. Apr.

baret. Huic superuenit iam firma & valens Alejdis, Ioannis Lumperi vxor, salutiferam Diuæ manum bis experta. Primùm enim in grauissimos partus dolores incidit, totos nouem dies, fœtum emittere frustra connitens. Ingentem omnibus miserationem incusserat non minùs difficilis, quàm diuturna pariendo, necessitas. Tandem, fessa longo cruciatu mater, extincto tot malis infante exonerata est: quid monstro, quàm homini similior, extra oris ac nasi tenue vestigium, nullam humani habitus speciem præ se tulit. Vt facillè pateret, illam partus difficultatem non tam genitricis infirmitati tribuendam fuisse, quàm tergiuersationi naturæ, fœtum monstro affinem producere tardantis. Ceterùm hic abortus, vt prægnanti infausus, ita iam enixæ pænè exitialis fuit; neque magis principio quàm exitu funestus. Nam fœdas prioris mali reliquias facer deinde ignis incendit: qui celeriter serpens nullis medicamentis sisti potuit. Igitur misera atrocissimè affligebatur. Iamque desertæ ab omnibus nulla spes salutis aderat, donec Siluaducensem Diuam (cuius miracula tum fortè celebrari audiuerat) venerabunda implorat. Nec spes eam fefellit. Et si enim id vitium ex his quæ serpunt difficillimè tollitur, mox tamen Virginis potestati cessit. Alejdis verò sic conualuit, vt breuî & partu tam infelici superior, & secuta deinceps inflammatione vacua, Siluamducis perrexerit ad vota reddenda.

CAPVT XX.

M. CCC.
LXXXIII.*Puella apud parentes in lecto extincta reuiuiscit.*

Nihil vsquam tutum esse mortalibus, nihil ar-
 duum Dei parenti, Sophia Sonnenfis puella à fi-
 nu matris ad necem, à nece ad vitam, Deiparæ sub-
 sidio euocata ostendit. Bertholdus enim Bertholdi
 cum Mechtilde coniuge ad nocturnam sese quietem
 receperant, filioli, ut sit, in complexum matris assum-
 ptâ. Ita periculorum securi, productis aliquantum
 colloquiis, soporem captarunt. Quo cum tota nox
 placide traducta esset, postridie albescente primùm
 cælo mater euigilans, cum primas dici cogitationes,
 matrum more, ad filiam vertisset, eam insolito modo
 torpentem offendit; & quò magis explorat, eò certio-
 ra se produnt veræ mortis indicia. Siquidem cadauer
 frigore glaciem, duram quercum rigore referebat. Et
 primùm quidem cohorrui Mechtildis, atque attoni-
 tæ similis hæsit, dirâ inopinati mali specie defixa. Ut
 verò dolor se diffundens oppressam vocem laxauit, il-
 la familiam omnem somno excire, pectus plangere,
 mortuam sobolem lamentari, Diuorum hominum-
 que opem implorare, in suam denique incuriam
 tanti, uti credebat, sceleris culpam transferre. Pertur-
 bati his clamoribus domestici haud segniter concur-
 runt, atque igni celeriter excitato Sophiam vitâ fun-
 ctam admovent, exploraturi, an fugientem animam
 blandiore caloris afflatu detinere possent. Sed letalis
 horror

M. CCC.

LXXXIII.

horror frigoris sic artus constrinxerat, vt fomenta nequidquam adhibita magis familiarium dolori, quàm iacentis saluti seruirent Quippe etiam ferro patefactis dentibus, lingua, vt in mortuis, ad fauces contracta haud dubiæ mortis specimen intuentibus dabat. Iamque mœsti ac lugentes totam horam cadaueri assederant, de exequiis magis quàm de vitâ puellæ solliciti; cùm adstantium aliqui simul animis simul vocibus repetere cœperunt, quàm insignia eximia charitatis à Deiparâ profectæ testimonia Siluæducis vulgarentur: ibi ægrorum corpora sanari, morbos fugere, vires præberi languentibus, defunctos reuiuiscere, & omne miserorum genus ad certam spem salutis excitari. Ea commemoratio sic incendit parentum animos, vt facilè votum eliceret. Vouent igitur, si iucundissimâ filiæ vitâ denuò frui liceat, referendis Diuæ gratiis pro copiâ suâ non defuturos. Nec votum secundo euentu caruit. Quippe Virgo orbitatis eorum miserta, defunctæ puellæ spiritum reddidit, qui paulatim per venas vltro citroque liberius commeans, vitalem calorem in membra reuocauit. Puellam igitur non modò spirantem, sed etiam vegetam vniuersi amplexi sunt, quâ miraculo attoniti, quâ lætitiâ gestientes. Vicini autem cum parentibus voti damnatis impigrè Siluamducis petiêre. Ibi votum exsolutum est, eo vini, tritici, ceræ atque argenti modo, qui rediuiuæ Sophiæ causâ debebatur, oblato Deiparæ.

CA.

CAPVT XXI.

M. CCC.

LXXXIII.

Vir nobilis ab interitu vindicatur.

ATque illa quidem præmatura mortis iniuria in ^{xxi v.} imbecillem ætatem fuit : nunc eadem in virile ^{April.} robur pari sæuitiâ grassata, euentu perinde felici vincitur. His ferè temporibus in magnâ Belgij parte morbis pernicialibus laboratum est. Nec à bellis, præsertim domesticis, quies fuit. Tum certè plebs Louanienſis iustam Wenceſlai Brabantix Ducis iram accenderat. Quippe ad xvii. patricios è curiæ fenestris præcipitados hastilibus spiculisque exceperant, ac laniatos distraxerant : tam atrocis facinoris immanitate necem vlti Walteri Leydani textoris, factionorum antesignani, quem Bruxellæ patriciorum insidiis periisse credebant. Wenceſlaus itaque Dux, quanto maximo potuit coacto exercitu, ad urbem Louanium copias admouit, pœnam in seditiosos capturus. Inter equestris ordinis milites Duci adiunxerat se Guilielmus Campenus, haud ignobili natus loco. Sed eum foedæ luis contagio, quâ infectus erat, breuî castris excedere compulit, viribus ad arma ferenda non suppetentibus. Igitur Asscham, prodigiôsæ crucis memoriâ inelytam, delatus, atque vxoris curæ traditus est. Ibi magis magisque vis morbi ingrauescens vxorem vehementi dolore, amicorum verò fidissimos insuper metu compleuit. Magna enim clades in vrbibus agrisque, promiscuè omnis ætatis pernicië

K acce-

M. CCC.
LXXIII.

acceptâ, ante oculos erat; aliis super alios in eam pestem incidentibus. Quare ut animam agere cœpit, ne pestilentem spiritum proximus quisque hauriret, omnes, præter vnam coniugem, dilapsi sunt; cum ministeriis inuicem & contagione ipsâ morbos vulgari, exhaustæ funcibus domus testarentur. Accedebat, quod vitam quoque omnem penitus fugisse necessarij vno ore omnes assererent. Itaque omisâ iam defuncti curâ, satius esse, vnumquemque ad suimet tuendi curam reuerti. Sola vxor (ut est spei pertinax verus amor) negare mortuum, omnem salutis diffidentiam excutere, vitam mariti non extinctam, sed sopitam credere; itaque nullam operam funeri ac sepulturæ dare velle. At postquam longa expectatio nullum vitæ indicium attulit, tandem à familiaribus iusta parari cœpta sunt, & illud, siue cadauer, siue homo (nam id in incerto positum inueni) funebri amiculo velatum, ac lapis denique, qui familiaris tumuli aditum panderet, loco motus est. Cum in eo statu Campensis duas & triginta horas produxisset, depositus ab omnibus, deploratus à suis; ecce subito diuina quædam cælestis Reginae species torpentem excitat, & voce non obscure misâ hortatur, ut sacris dedat animum, & præsertim Siluaducensi profectio- ni, eamque vnam opem exanimato sibi relictam credat. Ea vox iacentem tanto vigore impleuit, ut mox linguâ in votum solutâ pronuntiarit, se cum vxore totaque familiâ, cercis in singulos distributis,

ad

ad aram Seruatricis Diuæ properaturum. Hanc vocem sanitas excepit. Neque is segnius iter quam votum arripuit. Adscitis quippe XVI. comitibus, asperiores, quam pro equestri dignitate, sibi vestem induit, & nudis pedibus viam confecit, tantâ omnium lætitiâ plausuque, vt non à funere, sed triumpho venientes videre te crederes.

CAPVT XXII.

Puer ad vitam plorando amissam redit.

NVlli mirum videbitur, si, quæ vitæ Auctorem ^{xxv. Apr.} peperit, idemtidem mortalibus vitam restituat. Nimirum eius Matris propè immensa est etiam in adoptiuos filios charitas, quæ in Ioannem Wildium, puerum infantem, admodum illustris extitit. Gisbertus Arnoldi Outhusdanus parens fuit, eximio item in puerum amore. Ceterùm charissima parenti soboles, in cunis acquiescens, siue morbo, siue aliâ intemperie agitata, in tantum ciulatum erupit, vt ab ancilla domesticâ sedari nullo modo posset. Et certè plus quàm vagitum esse animaduertens Mater, ipsa, sublato in amplexum puerulo, nihil inexpertum omisit, quo erumpens tam grauiter planctus finiretur. Sed mali, velut remediis exasperati, vehementiam lenire non valens, mulierum ritu viciniam aduocat; partim ad auxilium prolis, partim ad solatium suum. Inter hæc infans ab insolentiâ ac vi cruciatus vltimi ciere spumas,

mas, artus motare, & morti tamdiu reluctari, donec intercluso prorsus spiritu, vitâ excederet. Neque consueta certissimæ necis indicia, oris deformitas, & pallor nigritie fœdâ mixtus, defuere. Inde ubi conclamatum fuit, cadaver loculo inclusum, & feretro mandatum est: nec quidquam præter iusta funebria lacrymasque supererat. Ceterum patris, tam repentinâ filij amissione exanimati, eminebat mœror. Ille suam, ille sobolis vicem flebat. Atquebat dolorem conspecta vxoris incontinentiâ, ab adulteri consuetudine vterum ferentis: coque grauior erat iactura sobolis suæ, quod alienam domui imminere prospiceret. In has sollicitudines reuolutus, tandem ad cælum tetendit manus, & Siluaducensis Virginis clementiâ memoriam subeunte, ad ipsam transfert cogitationes precesque suas. Hanc mentem illi fortunauit, prolixè respondens optatis, Deus. Siquidem infans repenti non tantum spirare ac viuere, verum etiam Diuæ subsidio valere cœpit. Hinc clamor concursusque hominum factus, beneficij magnitudinem in cælum ferentium. Gisbertus, recuperato ex morte filio, exultans, Siluamducis mox contendit, debitoque Virgini honore habito, triticum ac vinum, quantum infantis vitæ recuperandæ deuouerat, donum tulit.

CAPVT XXIII.

M. CCC.
LXXXIII.

*Nautæ filium undis submersum atque extinctum
Deipara seruat.*

INter vndas periclitantibus MARIAM ceu maris^{xxxvi.}
stellam affulgere, prodidit Ioanni Scinnartio, aquis^{April.}
perituro, asserta salus. Hic, cum parente ipsi cogno-
mini, fortè ab Slusâ Flandriæ transmittendis Dordra-
cum mercatoribus operam dabat. Iamque Greuenif-
sam secundâ adhuc nauigatione præteruesti erant,
cùm atrox repentè ventus nauim adortus, vectores
nautasque in maximum adduxit metum. Ergo ne
cæcis errantes fluctibus, in ignota vada abriperentur,
gubernatori curæ inprimis fuit, duplici anchorâ fir-
mare nauem, ac tantisper à cursu temperare, dum de-
feruescens turbinum vis securitatem nauigantibus
redderet. Sed ea tempestas minaciore, quàm diutur-
nior fuit. Hinc sæuientibus minùs procellis, ac cælo
iam sereniore vela facere, anchorasque velli placuit.
Ad hoc ministerium naucleri simul famulus filius-
que impigrè in scapham se demittunt, ac, dum ad
anchoram legendam incautè anchorale expediunt,
scapha corporibus annitentium subducta vtrumque
in fretum excussit: pari quidem discrimine, sed dispa-
ri exitu. Puer, quamquam in tantâ perturbatione, ta-
men in famulum iniicit manus; quòd cum nandi
non imperitum recordaretur. At nauarchus tam tristi

K 3

spe-

M. CCC.
LXXXIII.

ſpectaculo exanimatus, primùm lacrymis & complo-
 rationi, deinde precibus, ad Diuam præſertim Silua-
 ducenſem, dedit ſeſe. Tum ad exſpectationem cele-
 ſtis auxilij, quod humanam induſtriam plerumque
 non reſpuit, conatum ſuum ſollicitè adiungit. Nam-
 que eiecto in præterlabentem ſcapham rudente, eam
 pertrahit ad nauigij latus. Interea famulus non ma-
 gis ſuo quàm alieno pondere laſſatus, reiecto puero
 liberat corpus; & iam leuior factus in diuerſum eni-
 titur, ingenti virium concitatione fluctus, qui ſe in-
 uehebant, euerberans. Erigebat laborantem magis
 mandiperitia quàm fiducia Dei. Itaque feſſi mox ar-
 tus in rapidiſſimos vortices delatum deficiunt, & pro-
 cellis, quâ freti tulit impetus, permittunt. Contra ve-
 rò nauarchi filius voce æquè lugubri ac piâ Dei pa-
 rentem, ſui periculi ſpectatricem, implorans, ceteris
 etiam audientibus, Nunc, inquit, ô Siluaducenſis Pa-
 trona, opitulare pereunti. Nunc meus à te pendet ſpi-
 ritus, inter inſanos fluctus, niſi maturè ſuccurris, ob-
 ruendus. Ergo ne differ opem, Domina, à nullo vm-
 quam fruſtrâ inuocata. Ea vox vt audientium lacry-
 mas, ita Deiparæ opem, non in iſto quidem rerum ar-
 ticulo ſubitam, ſed in tempore tamen opportunam,
 impetrauit. Siquidem omnium ſollicitudine hinc in
 famulum, inde in puerum intentâ; hic quidem velut
 occultâ vi adinotâ prouehi ac fluitare cœpit; ille verò
 nequidquam diu obluſtatus, tandem momento tem-
 poris opertus vndis atque abſorptus periit. Tutior
 vtique

vtique futurus auxilio diuino, quàm conatu suo. Na-^{M. CCC.}
uarchus interim spe filij recuperandi cò magis exar-^{LXXXIII.}
sit, quòd ex aquis etiamnum eminentem spectaret.
Cum altero itaque filio in scapham deuolat, ex-
animatum saltem filium ad iusta exequiarum flu-
ctibus erepturus. Sed rapidior vnda violentiùs inue-
cta iam tanto interuallo puerum subduxerat, quan-
tum triplex teli iactus vix æquaret. Quin etiam dum
scapham moliuntur, dum remos expediunt, ecce tibi,
quà præalto gurgite æstuabat fretum, superfusis vn-
dis haustus puer in profundum demergitur, simul vi-
tæ huius luce, simul oculis & pænè manibus parentis
excedens. Tam funesto casu perculsis ingens dolor,
atque ex eo pietas incussa est. Nauicularius enim Sil-
uaducensis Diuæ paulò ante inuocatæ memor, eam-
dem denuò inclamat, pereuntem sobolem eius tu-
telæ enixè commendans. Eâ spe animo infixâ haud
segniter nauiculam promouet, ad eos vortices, qui
puerum subsidentem inuoluerant. Quò vt delatus
est(quippe oculos ad locum signandum amor inten-
derat) contractum arctiore gyro æstuarium, feruen-
tisquæ aheni instar ebulliens, aspicit. Æger animi Scin-
nartius, nec an perseveraret, an abiret, satis certus, tan-
dem brachium humero tenus in aquam immittit, &
longiùs circumquaque scrutando in filij incidit ma-
num. Extractum cadauer fœdam sanè speciem con-
templanti obiecit. Et nisi superstes filius fraterni vul-
tus fidem constanti testimonio affirmasset, pater siue
per-

M. CCC. IXXXIII. perturbationis magnitudine, siue verâ pueri deformi-
tate victus, ægrè credidisset ad se hoc funus pertinere.
Tantum iam gelu, tanta fœditas artus inuaserat. Ce-
terùm plus valuit in parente, quamuis doloribus ob-
ruto, cælestis fiducia, quàm calamitatis acerbitas.
Quippe à præpotenti cæli Reginâ rursus implorat
opem; neque se mediocribus votis onerat: Abiturum
nempe Siluamducis, laneâ veste, nudis pedibus, nul-
lo per viam comineatu præter panem & aquam vsu-
rum: adiectis insuper donis Virginem culturum: ad
vltimum, ab omni carniû esu mensam, à lucro quo-
tidiano manus temperaturum, donec seruatrici Diuæ
filium seq̃ue stitisset. Voto spes vouentis citiùs quàm
miraculum successit. Ergo gnauiter Ioannes admo-
uere cadaueri manum, pedibus in altum sublatis pue-
ri caput demittere, agitare membra, nihilq̃ue omittere
quo citiùs humor præcordia circumfluens laxaretur.
Sed mors ita dentium sepra occluserat, vt aquæ exitus
non pateret. Inter hæc fortè nauta præternauigans,
animaduersâ laborantium curâ metuq̃ue, facili con-
silio suggerit, vt patefactis vi dentibus aquæ viam re-
cludant. Quo factò, quamquam supra duos aquæ
cantharos ferè puer reuomuit, paternos tamen dolo-
res nullo vitæ signo mitigauit. Dentes etiam quos dex-
teræ manus inserto indice recluserat pater, ita repente
coïuerunt, vt retinuerint demorsum frustum digiti
ægrè subducti. Hinc scaphâ ad maioris nauigij latus
applicatâ, reuincâtâque, translatum ex eâ cadauer, iam
plus

plus quàm tres horas exanime, redintegravit mœro-^{m. ccc.}
 rem & gemitus affluentis turbæ. Itaque preces om-^{LXXXIII.}
 nium questibus mistæ exaudiebantur, auxiliatricis
 Diuæ numen implorantium. Nec mora: quotquot
 illâ naui uehebantur, ad vnum omnes in genua sup-
 pliciter decumbunt, & (vt desperatio religionem
 acuit) conspirantibus animis vota multiplicant: Ca-
 rituros omnes calceamentis & lineâ veste in peragen-
 do Siluamducis itinere; itemquæ omisso carniū esu
 ad panem & aquam nihil præterea cibi adiuncturos;
 nec ab futura dona conuenientia cuiusque fortunæ.
 Non vltra tot supplicum deprecationes clementiæ
 Mater differre sustinuit; eo præsertim die, quem cæ-
 lestis caduceator Gabriel iam olim mortalibus læ-
 tissimum reddidit annuntiato Dei in terras aduentu.
 Ergo siue precum vim, siue omen dici, seu denique
 potentem Virginis manum, extincto mox reddita vi-
 ta prodidit. Iamquæ cunctis miraculo attonitis redi-
 uiuus puer, perinde quasi fauces collueret, motare lin-
 guam, & hiantē ore strepitum primò ciere, deinde vo-
 cem edere cœpit: &, Periclitanti, inquit, mihi & iam-
 iam perituro dulcissima Siluaducensis Domina præ-
 stò fuit: hæc fluctuantem direxit, gurgitibus mergen-
 dum sustinuit, exanimato opitulata est. Hac adiutri-
 ce fretum, plus quàm CLX. cubitis altum, euasi. Nec
 leuis habita est puero fides, tamquam oraculum inter
 compertos Numinis fauores fundenti. Parentes au-
 tem ceterique postquam secundâ nauigatione Dor-
 L dra-

M. CCC.
LXXXIII.

dracum appulerunt, vnà cum Ioanne filio, tanti miraculi indice vnico, Siluamducis ire contenderunt, votiux religionis tenaces. Testimonia affirmantium à compluribus Sacerdotibus, vt de re maximâ, excepta sunt. Munera cum gratulationibus oblata. Virginis misericordia, Deique prouidentia deprædicata. ipsorum quidem expectatione paullo quidem tardius, sed & longè potentiùs opitulantis.

CAPVT XXIV.

Naufragio erepti non pauci.

XXVI.
April.

IAm verò ab vno ad plures hæc Stella maris auxiliares radios extendit. Octodécim vectores siligine onerauerant nauem, Dantisco Prussix in Barauiam, adultâ propè hieme, vela facturi. Nauarchus fuit Ioannes Venius, Amsterodami tum habitans. Atque is secundo quidem cursu ostium tenuit, quo Mosæ fluminis impetus accipitur mari. Iamque in ostij finem penetrabat nauis, cum ex improviso incumbens Circius ventus, periculosa tempestati initium dedit. Mox enim æstuaræ salum, & crebros ex alto fluctus euoluere, demum erigi, miscentibus cælum turbini- bus, cœpit. Hora diei iam ad meridiem vergebat: sed densa repentè caligo ita nauigio circumfuderat sese, vt perspicere cælum vix posset. Ac modicus primò labor, vtpote nascente adhuc periculo, fuit. Vbi verò se tota procellæ vis laxauit, nemo sociorum naualium fuit,

fuit, quem non præsentis naufragij terror ad omnem ^{M CCC.}
 sedulitatem acuerit. Itaque pro se quisque ministe- ^{LXXXIII.}
 ria gnauiter expediunt; donec nebulâ contextos lux
 omnis destituit. Qui puppim occupauerant, non
 cernebant proræ intentos. Credebat quisque sibi vlti-
 mum vitæ terminum imminere. præsertim cùm ex in-
 teritu proximarum nauium, prælagirent facilè per-
 niciem suam. Tantum quippe incertæ lucis subinde
 è nubium tenebris erumpebat, quantum tristem in
 propinquo pereuntium nauium speciem posset osten-
 dere. Interim nouus terror affertur obuersante mor-
 tis imagine dudum attonitis. Namque inhorrescens
 etiam vehementiùs mare, conspirante vento, tantam
 aquæ vim in celocem excussit, vt quidam marino
 nimbo prorsus essent operti, alij genuum tenus in
 aquis hærerent. Quibus tamen plus animorum su-
 perfuit, demissâ bolide explorantes altitudinem ma-
 ris, vix sextum cubitum se abesse sentiunt à vado. Er-
 go periculum erat, ne in breuia cæcasque syrtes adige-
 rentur incauti: æstu maximè quidquid vndarum cir-
 cumquaque furebat ad nauem conuerrente. Tum
 pristinis maior fluctuum moles, totoque altior malo,
 certum impetum in nauem obuertit. Hærebant exani-
 mes, ac velut in maximi montis ruinam, quo iam iam
 opprimerentur, intenti. Nemini dubium erat, quin
 puncto temporis nauigium aut dorсуosus arenis illi-
 sum in partes dissiliret, aut certè plus vndarum accipe-
 ret, quàm egeri atq; exhaustiri vllâ nautarû contentio-

M. CCC.
LXXXIII.

ne posset. Igitur primùm animi, deinde corpora metu exanguia defecere. Soli nauclero amor vitæ desperationem exemit. Is haudquaquam abiecto animo, quoad per tempestatem licebat postulato silentio, adhortandam sibi turbam naualem ratus, In rebus, inquit, asperis ac desperatis, socij, piissima quæque consilia tutissima sunt. Humani certè auxilij nihil superest, diuini verò etiam non ampliùs, quàm nostra pietas nobis addiderit. Hæc, quam exhorrescitis, vnda nos inuoluet, nisi cælestis adfuerit tutela: quam supplices mecum à Siluaducensi miserorum auxiliatrice deposcite. Salus voto redimatur. Diua vel in ipso mortis limine iacentes eripiet. Periculi magnitudini pietatis promptitudo respondeat. Sin pereundum est, vltimum vitæ actum claudat religio. Hæc elocuto vniuersa multitudo assensa est. Tum verò tendentes in altum manus, neque precibusneque lacrymis, quibus sua in MARIAM Virginem studia profiterentur, temperauerunt. Vna vox audiebatur, pari emissâ consensu, Diuam vouendâ peregrinatione conciliantium. Inter hæc sublimis ille ac fatalis fluctus, quem concursus ventorum tantisper suspenderat, acriore flatu concitatus rectâ in nauigium ferebatur. Iamque proram minaci arrectus assultu inuadebat. Sed nauitis contra enixè obtendentibus precum vim, & MARIÆ nomen tutelare idemtidem ingeminantibus, primùm, velut obiecto aggere, stetit impetus, in se ipse reuersus. Tum ingenti fragore strepere, ciere spumas,

mas, & sequentium vndarum impulsu, cœpit rursus M. CCC.
 attolli, nihil tamen præter minas & rabiem ostentans. LXXXIII.
 Ac mox, cum tectam pietate naue[m] superare non pos-
 set, retrorsum, vnde venerat, reflexit sese, atque in pro-
 ximos gurgites delapsus euauit, nullo, præter asper-
 ginem, sui relicto vestigio. Exinde erumpens solis ni-
 tor, repentinâ luce tetram illam caliginem penitus
 absterfit; serenitatem cœli confestim quoque subse-
 cura est tranquillitas maris. Sed & naus vento ne-
 quidquam reluctantè aduersoq[ue] in altum vela dedit
 breuib[us] emersa, & iam secundo miraculo seruata.
 Vt verò reliquum tempestatis ac turbinum desæuiit,
 tum demum nautæ animum tentando vado aduer-
 tere. Primò quinæ, mox septenæ vlnæ in profundum
 demissæ sunt; idonea nauigationi altitudo. Quod
 vbi perceptum est, altera fuit cura, aptare vela, ruden-
 tes tendere, quassata ac ferè lacera arma[m]enta recolli-
 gere, clauo incumbere, & solita nautici ministerij ob-
 ire munia. Alacres igitur, atque insperato gaudio ge-
 stientes pristinum repetunt cursum, &, Mosæ ostio
 feliciter superato, in optatum decurrunt portum. Læ-
 tis interea vocibus personabat naus, & Siluaducensi
 Virgini, cuius præsens auxilium experti erant, enixè
 gratulabantur: donec egressi in terram incolumes ad
 vnum omnes, suorum quisque lætitiâ non tam
 reditu; quàm reditus modo, vehementer auxerunt.
 Proinde spatio ad recognoscendum miraculum da-
 to, præterita omnia debitâ æstimatione pensare cœ-

L ;

perunt.

perunt. Succurrebat ventorum atrocitas, nebularum caligo, fragores insoliti, atque inprimis vndarum illa moles, iam iamque ceruicibus trepidantium incumbens. Hinc in ultimâ humani omnis auxilij desperatione ac solitudine repentina malacia & cæli serenitas. Denique iactura nulla in nauigio non ita magno, & longè supra humanæ staturæ altitudinem repleto aquis. Horum non tam memores, quàm præcones, neque periculi sui obliuisci poterant, nec de cælesti beneficio filere. In omnium igitur ore atque sermonibus res fuit. Bernardus Swyngius Bremensis, omnium sociorum suffragio Siluaducis missus, ut eorum vicem apud Diuam obiret, miraculi modum, uti interfuerat, sic fideliter enuntiauit, dono quoque nomine cunctorum oblato.

CAPVT XXV.

*Puerum morbus comitalis, Siluaducensem ciuem
triplex cruris vlcus deserit.*

xxvii. *April.* **S**Ed crebriora sunt morborum pericula, quàm aquarum. Atque ad morborum remedia redeunti offert sese Henricus Backerus, Bartholomæi atque Aleidis Amsterodamsium filius; qui adeò grauiter comitali morbo prosternebatur, ut is parentes, damnatâ hominum ope, ad implorandum Diuam Siluaducensem compulerit. Placuit Virgini votum, & repentè puerum sanitati restituit. Is mox à parentibus

tibus Siluamducis adductus est, votaꝗue, vinum ac frumentum, impensè reddita. Inter Siluaducenses ciues fuit Ioannes Quirinus, cultorum opifex, Vuch-
 tensis vici incola. Sinistram eius tibiā tres omnino fistulæ fœdabant, insuperabile ac pertinax malum. M. CCC. LXXXIII.
 Medicus enim vltima reinediorum expertus, vt desperatâ curatione, cœpto absistebat. Neque Ioanni vltra Medicorum artes cordi fuere, in propinquæ Vir-
 ginis beneficia spem erigenti. Quocirca sacellum eius tot miraculis illustre adire constituit, atque hoc piæ mentis decretum voto confirmat. Solatij verò impetrandi minimè dubius, fascias medicamentis imbutas fidenter de tibiâ detrahit, & intactum purumque linteolum circumuoluit. XXVII. April.
 Placuit benignæ Virgini cultoris sui in ipsam fiducia, & cælestem vlceribus medicinam fecit. Quippe intra tertium diem illius membri vsum sibi redditum sentiens æger, non tantum insistere pedibus, sed incedere quoque per se nullo adiutore, & Virginis ædiculam lustrare valuit, ad votum & gratias cum fide exsoluendas:

CAPVT XXVI.

*A graui lapsu agra mulier sanitate recreatur.
 Crura infantis puellæ emendantur.*

V Bique Deipara incurrentibus periculis & cladi-
 bus superior apparuit. Erkelæ contigit, vt, cùm
 fortè ad moribundum quempiam Sacerdos præter-
 icns XXVII. April.

M. CCC. iens cæleste Viaticum deportaret, Sophia Rudolphi
 LXXXIII. Romani coniux, tintinnabuli pulsu excita, ad ianuam
 accurreret, siue visura quænam domus peteretur, seu
 potius adoratura præsentem Deum. Sed festinatio sic
 gressum præcipitavit, ut velut oblita sui, in obuiam
 aliquam sedem impingeret, ac prostrata collaberetur.
 Eoque lapsu dudum exanimata iacuit, mortuæ simi-
 lis. Ut verò ad sese rediit, acerrimo cordis dolore cru-
 ciari cœpta est. nec vlla requies dabatur. Quatuorde-
 cim omnino noctes inter præcordiorum tormenta
 gemitusque consumptæ sunt. Sed quantum in mor-
 bo discriminis erat, tantum agræ eiusque marito fi-
 duciæ fuit in Siluaducensis Virginis benignitate.
 Hanc maritus inprimis orat atque obtestatur, ut sa-
 lutē vxoris maturè succurrat. Auditæ confestim pre-
 ces, & mulieris infirmitas sublata, effecerunt, ut ad
 sanctissimam Patronam nullā interiectā morā lætan-
 tes profecti sint. Agatha quoque triennis puella in
 cā Gasbekanæ ditionis parte, cui nomen est à Puteo,
 nata, remedium à Diuâ accepit. Hæc tibiis erat in-
 curuis, atque in diuersa diductis, magisque reptare
 apta, quàm incedere. Quo in malo cū diutius puel-
 læ perseverandum esset, quod ea membra quibus to-
 tum corpus sustinetur, ferendo oneri cederent, gres-
 sumque impedirent, mater non minùs suam quàm
 filix vicem sollicita, expetiit supplex opem Siluadu-
 censis Diuæ. Precationi votum addit, si filiolæ tibia-
 rum vsus concedatur, eam ab se Siluamducis primo
 quo-

XXVII.
 April.

quoque tempore delatum iri. Voti nuncupationem, ^{M. CCC. LXXXIII.}
 non repentina quidem, sed constans intra mensem san-
 nitas excepit. Tum itaque non tantum leuare semet,
 sed etiam pedibus ingredi Agathæ licuit; instabili
 gradu non ultra fallente. Id miraculum matrem ad
 obeundum votiā peregrinationem facile traxit.
 Ergo Siluamducis cum infante perrexit, quam du-
 dum gestaerat, in posterum ductura.

CAPVT XXVII.

Pirate ceduntur à nautis Virgini deuotis.

NVnc vel vnicam cogitationem animi tacite ad ^{xxx. Apr.}
 Virginis præsidium conuersi prædonum armis
 potentiorē fuisse, proditur. Gisbertus Cuenræus
 Dordracenus, cum Oliuero Ioannis, Ioanne Bertol-
 do, Lamberto Nicolao, aliisque partim mercatoribus,
 partim nautis, haud procul Ambianis (quod est ferti-
 lissimum Galliae Belgicæ horreum) in decem onera-
 rias minores triticum imposuerant, in patriam vela
 daturi. Ibi Somona amnis vberes campos interfecat,
 euehendis frugibus alueum intendens. Gisbertus cum
 suis secundo amne defluerunt in mare. Septem milli-
 bus Caleto aberant, cum myoparonem piraticum sub-
 latis armamentis aduentantem conspiciunt. Nimirum
 ipsorum merces ac vita petebantur. Prædatoria nauis
 ut celeritate præstabat, ita breuiter mercatoribus aduersa
 constitit, omni armamentorum genere ornatissima.

M

Eam

M. CCC.
LXXXIII.

Eam XL. piratæ impleuerant, loriceis galeisque & cetero apparatu perarmata manus. Secures, hastæ, conti, bipennes, arcus expediti erant; neque exiguus saxorum modus. Ex summâ prorâ quatuor balistæ eminebant, totidem tela missuræ. At mercatorum naues, nihil præterquam numerus erant. In iis hasta vnica, duo gladij, gesa item duo, vnumque præterea telum, producebantur: tum pauci lapides, in saburram verius quàm in pugnam collecti. Ergo prædones, velut adeptâ iam victoriâ, ouantes, in medium Batauorum agmen incitant sese. Acriter vtrimque concurritur. Illi armis, hi animis paratiores fuere. Hos vitæ, illos prædæ urgebat amor: cumque his ad pugnam decissent omnia, nihil tamen ad virtutem defuisse visum est. Vt enim cominus prælium factum est, Bataui inermes admirandâ audaciâ ex suis nauibus in hostium nauim transilire non dubitant, & extortis hosti armis, dimicatione æquatâ, longè superiores ardore, rem feliciter gerunt. Nec iam missilibus submoueri poterant mercatores nautæque, sic vndique in myoparonem euaserant. Multi igitur latrones impune vulnerati, reliquos ad curam semetipsos tuendi conuertebant. Nec longius à tantâ virtute vindicare se possunt. Itaque partim in naui iugulantur, partim præcipitantur in salum; atque ad vnum omnes, cum ipso ducē, in profundum ruunt. Depressum quoque nauigium, nihil, quod ad impiam turbam pertineret, reliqui fecit. At victores postquam re præclarissimè gestâ

gestâ receperunt sese, tum ad corpora curanda, tum M. CCC.
 ad recognoscendum saucios & interfectos; animad- LXXXIII.
 uerterunt socios omnes, nemine omnino desiderato,
 tam cruentæ dimicationi superesse. Ergo hærent simi-
 les attonitis atque stupentibus: auxitque adiratio-
 nem imbellis paucitas, cum armatorum hostium
 numero, ipsorumque conseruatio cum illorum occi-
 dione atque pernicië comparata. Mox verò ubi altior
 quies sermonis copiam præbuit, inusitatum miracu-
 lum non vnus aliquis, sed pariter vniuersi prodidère.
 Singuli quippe viritim professi sunt, se in primo prælij
 auspicio votum Siluaducensi Diuæ in animo suo nun-
 cupasse. Quæ mens cum omnibus eadem esset; satis
 constat, illam deinceps Virginem galeæ, illam scuti,
 omnisque armaturæ fortium, vice fuisse. ab illâ directâ
 in hostem tela, & dimicationis progressum velut ca-
 strorum aciem ordinatam. huic vni victoriam debe-
 ri, cum ipsorum salute, ac duplici miraculo coniun-
 ctam. neque magis mirum esse, à modicâ atque inermi
 manu complures armatos concidi delerique, quàm
 diuersis hominibus, vitæ suæ tuendæ intentis, vnâ
 atque eandem cogitationem implorandæ Virginis di-
 uinitus immitti. Inter hæc ad portum deuentum est:
 exin terrestri ferè itinere Siluamducis perrectum: ibi
 MARIAE Victrici dona precessque, præsertim ab iis quos
 supra indicauimus, oblata; agnoscētibus omnibus du-
 plex in vno casu miraculum, atque id prælium nō euen-
 tu felicius, quàm pietate religiosius fuisse canentibus.

CAPVT XXVIII.

Infana mulieri mens redit.

1. May.

NEquè mortalibus miseriarum, neque Deiparæ remediorum est modus. Quidquid homines possidemus, morbi impetunt: nec tantum doloribus corpora, sed etiam rationem, ceu arcem, hostili amentia perturbant. Nihil tamen obstare tutelæ Virginis, indicat Elisabethæ Gorlæanæ mulieri restituta salus. In hac enim cum mox à Paschalibus feriis mens laborare cœpisset, nec tantum intra verba desiperet, sed paulatim violentius se gereret, ne quam sibi alterive noxam crearet, sub D. Ioannis Baptistæ natalem asperioribus coërcitionibus continenda fuit. Sed & violenter quædam manu facere, vbi maxime vrgebat furor, & inconditè bacchari cœpit. Quamobrem in tenebris habita, & catenis ferroque compedita est. Sed illa onera veriùs, quàm remedia fuere. Hac in miseriâ sextum ferè mensem deinde extraxit, admodum grauis sibi, viroque. Cui cum multum spei esset in virtute Siluaducensis Diuæ, ardentibus votis eam coniugi afflictæ propitiat, eo remedio nullum certius, nullum præsentius repertum iri ratus. Atque ita vxorem Virginis fidei committit. Ea pietas præmium tulit Elisabethæ sanitatem. Quippe mens à pristina perturbatione abducta breuè consistare cœpit, & consilio ac ratione, vt quondam, pollere. Demptis itaque vincu-

vinculis, libera mulier cum Arnoldo Noydio Rila-
no, marito suo, Siluamducis profecta, incredibile
dictu est, quàm libenti prolixoque animò exequere-
tur, quæcumque eius nomine promissa Diuæ erant:
marito præsertim non tam particeps, quàm ductore.

CAPVT XXIX.

Puella aquis submersa vita datur.

AMsterodami fluuius Amstela portum efficit, qui^{11. Maij.}
ad mediterraneum Batauiæ adigit fretum. Hic
portus altitudinis haud modicæ pontibus iungitur, &
permagnis quoque nauigiis transitum præbet. Vnum
ex his pontem cùm Petri Wysseni vxor cum filiola
Zutâ ascendisset, miserando sanè casu vtraque in pro-
fluentem ex alto decedit. Mater tam diu flumini ob-
luctata est, donec aduolantibus maturè auxiliatori-
bus, in ripam semianimis euasit. At filia priùs aquis
demersa est, quàm suppetiæ ferri possent, & matris
seruandæ studium operas à filiæ periculo defenden-
do auerterat. Conscensâ tamen scaphâ nonnullis cu-
ræ fuit expiscari puellæ cadauer. Quo deprehenso,
superuenit Petrus, dubius animi, vxoris sine salute lata-
retur, an lugeret filiolæ necem. Sed vicit lætitiâ do-
lor, & curam eius acuit ad quæcumque auxilia cir-
cumspicienda, quærendaque. Circiter meridianum
tempus die attigerat, cùm parentibus cogitatio in-
cessit, maximè propinquum solatium occupandi. Eâ

M. CCC.
LXXXIII.

quippe tempestate Amsterodami diuina Eucharistia non vulgaribus miraculis, & magnis populorum concursibus celebrabatur. Huc ergo extinctam puellam deferunt, & prostratis corporibus, lacrymisque vbertim profusis, ingenti animorum ardore cæleste Numen deprecantur. Sed iam nox appetebat, puellâ interim nullum sensus, nullum vitæ indicium prodente. Neque tamen dilatio miraculi supplicibus dempsit spem sobolis recuperandæ. Cogitantem maximè matrem, an nihil vndecumque opis superesset; subit, ingentia Siluæducis edi miracula à Deiparâ Virgine: fortè à Matre obtentum iri, quod distulisset Filius, cui eius, quam ante omnes dilexisset, honor, non minùs, quàm sua magnitudo cordi esset. Filio certè tali haudquaquam displiciturum parentis venerationem, cultumque. Ergo Dei genitricis misericordiam sibi filiaque conciliat, promissâ eidem librâ vnicâ votiua ceræ. Ac Dei Filius, beneficium negando, ad Matris suæ benignitatem dimisisse mulierem videtur, vt & robustior esset illius repetita pietas, & manifestum fieret, insignia gloriæ ipsi cum Reginâ Matre esse communia. Repentè igitur puella non dumtaxat oculos, sed etiam corpus alleuare cœpit, à morte, tot iam horas tenente, haud dubiè excitata. Tum finis lacrymis atque dolori factus est; lamentatione parentum in laudem atque præconia Dei Deiparæque cedente. Simul verò Siluamducis ventum est, nihil eis potius fuit, quàm vt sacellum Virginis adirent, maximum-

munusque beneficium exiguo saltem dono testarentur. Ita Dei Filius impiis MARIAE hostibus auctor fuit, ne Matri suæ honorem detraherent, in quam ipse debitum sibi decus benignè transtulit.

CAPVT XXX.

Puer item submersus reuiuiscit. Claudus gressum recuperat.

NON dissimili perniciæ Brakclanum puerum HUGONEM Siluaducensis opitulatrix exemit. qui puer cum se Gisberti Kocci atque Gertrudis, parentum oculis subduxisset, in cauernam aliquam stagnantem prolapsus est, nulloque opem ferente demersus. Plus quàm solidam horam in profundo iacuerat, cum deprehenditur vitæ & humani coloris, vultusque omnino expers. Quippe mors fœdam illuuiem offuderat, pristinâ specie sublatâ. Tum verò parentes accurrunt dolore exanimati; & filioli corpore, sicut adhuc rigidum erat, ante ipsos posito, gemitu ciulatuque miserabili augent complorationem vicinæ circumstantis mœstæque. Interim incertæ consilij matri memoriam: Siluaducensium miraculorum diuina prouidentia obtulit. Inde confirmatis animis uterque peregrinationem vouent. Nec diu cunctata Diua, vitam puero, parentibus sobolem reddidit. Illi verò gratulabundi eò se contulerunt, vnde finem ipsorum luctui profectum esse non ambigebant. Exinde

Ioan-

M. CCC.

LXXXIII.

IV. May.

Ioannes Papius Roterodami iacuit, circiter bimestre, sinistro genu æger. In tibiā quoque totam malum irrepserat, nullâ incedendi facultate relictâ. Et quoties æger promouendus erat, quamquam aut fulcris aut alienis viribus vteretur, doloribus tamen maximis premebatur. Cū nullum consiliū, nullā humanam opem non adhibuisset; diuinam etiam tandem implorauit. atque ea fuit humanis auxiliis facilior, promptiorque. Nam Diuæ Siluaducensis inuocatione primū roboratus, deinde sanatus fuit; & votum Siluæducis professus, relictis ibi fulcris ad celebrandam miraculi fidem, pedibus domum repetiit.

CAPVT XXXI.

Nobilis femine fœdus cancer abigitur.

IV. May.

Longè grauioris periculi neque minù insanabile malum fuit, quo Annam matronam nobilem Deipara leuauit. Ea mulier Ioanni Corfio, Brabantiae Ducum quæstori, nupta erat, pectus exitiali noxâ contactum gerens. Cancer quippe eam corporis partem non solum tabe, sed vermibus etiam depascebat. Iamque tam altè penetrabat ea pestis, ut breuī præcordia, ipsumque adeò cor infestatura videretur. Et quamquam is morbus desperationem ægræ subinde adferret; attamen remediorum curam omnem auferre non potuit. Hinc ab ipso diluculo ferè ad meridiem medicato liquore vitiosam partem indies diluere,

luere, & medentium consiliis obsequi dudum instituit: donec ab omnibus deserta, ex quotidiano dolorum incremento facile perspexit, nullum nisi in morte superesse solatium. Eo in statu sex menses exegit, cancro vermibusque, consumptâ iam extimâ carne, ad vitalia magis ac magis festinantibus. Nihil igitur illâ muliere desperatius. Amici frequentes aderant, non tam leuando morbo, quàm fortiter perferendo solatia promentes. Fortè autem mentio incidit clarissimorum miraculorum, quibus Deipara Virgo id temporis & Siluamducis illustrabat, & incredibiles mortalium calamitates pellebat. Quâ commemoratione accensa repentè mulier, inter dolores luctusque, ad cælum orationes seque conuertit. Inde ardentibus oculis vultuque effusius lacrymans, Diuam etiam atque etiam obtestatur, vt dexteram illam, tam multis benignam ac salutarem; sibi quoque præbere, & in vltimo discrimine vltimum remedium adhibere dignetur. Nec incassum ea precatio fusa est. Ipso enim temporis puncto, quo finem orandi Anna fecit, ita cancer omnis abcessit, quasi nunquam eam mulierem contigisset: auxilio pænè ipsas preces, non solùm expectationem præcurrente. Anna verò in gratiarum actionem effusa, votiuæ deinceps peregrinationi obeundæ, soluendisque Diuæ muneribus minimè defuit.

M. ecc.
LXXXIII.

CAPVT XXXII.

Membrorum amissum vsum tres omnino recuperant.

TRia miracula magis loco, vbi sunt edita, quàm morbi genere diuersa coniungere placuit. Ante
v. Maij. alios Petrus Vander-Heydius Rodanus cælestis medicinæ vim expertus est. Lapsus erat, cùm vehiculum oneribus graue sinistrum eius pedem obtriuuit; acerbâ, non tantum diurnâ, etiam in tibiam transeunte plagâ. Igitur gressus haudquaquam compotem alieno auxilio gestari necesse erat. Verum huius insolentia leuaminis ad Siluaducensia remedia eius animum vertit. Quocircâ vouet, se Diuam aditurum; votoque sub auroram emisso, circiter meridiem sanitas adfuit, ac fuisseum pedibus, ad Diuæ aram, quò
vi. Maij. eundum erat, perduxit incolumem. Hunc Quirinus Ioannis secutus est, patriâ Schonrewordanus, tertium amplius mensem manibus æger. Quippe vtraque primùm manus ita debilitata languebat, vt nullam officij partem impleteret. Quod vitium ad cubitos progressum, atque incredibili tormento miserum lacerans, simul quietem omnem, simul vocem homini eripuit. Ille tamen post interuallum ad se reuersus, quantum exhaustæ vires permittebant, Sanctè, inquit, polliceor tibi Siluaducensis Diua, si opem tuam mihi propitiam sensero, hisce manibus, quarum vsum nunc adiūit dolor, munusculum aliquod,

quod, magis quidem congruum tenuitati meæ, quàm ^{M. CCC.} tuæ dignationi, deferam ad aram tuam. Quàm grata ^{LXXIII.} Deiparæ oblatio fuerit, euentu doctum est. Nam subito sublata vis mali, statim quoque hominem ad soluendas patronæ grates Siluamducis exciuit. In ^{VIII.} tertio præcedentium duorum miseras morbus ^{Maj.} coniunxerat. Nam simul manibus pedibusque sic laborabat, ut omni eorum motu priuaretur. Nomen ægro fuit Ioannes Caudouenius, patria Borkenia Westphaliæ oppidum, vxor Elsbena. Hæc misera viri, sextum iam mensem prostrati, siue à doloris magnitudine, siue à remediorum inopiâ; ab vnica cæli Reginâ iacentem erigi posse credidit. Quam cum nunc precibus, nunc votis, nunc offerendis piaculis marito conciliasset; is octauum intra diem membrorum omnium compos, non tantum ad surgendum conniti, sed ad laborandum quoque vires intendere potuit. Vxor sicut votum pro coniuge, ita pro eodem etiam iter suscepit; ac cum Bernardo Koeberghio, bonaque vicinæ parte, coram Siluaducensi Diuâ, salutem viri, ab ipsâ profectam redditamque professâ est.

CAPVT XXXIII.

Puer comitali morbo leuatur.

Post hæc haud parua res Siluæducis, in ipsâ mira- ^{ix. Maj.} culorum arce, accidit. Henricus Marcelli atque Aleidis Vuchtensem vicum incolebant, vnâ cum filio

N 2 Petro.

M. CCC.

LXXXIII.

Petro. Morbus comitialis ab infantiâ hunc puerum inuaserat, vltra decennium perdurans. Frequentem huiusce morbi curationem iam tum experta Christianorum pietas diuo Cornelio adscribebat, præsertim apud vltiorem Aquisgranensium regionem miraculis inelyto. Huc semel iterumque profecta mater irritas fuderat preces; Deo abnuente foris peti sanitatem, quam ipsius Parens domi exposcentibus abundè præstaret. Aleydis igitur ad domesticum remedium obtinendum vota admouet, Diuam implorat, sanitatem filij vino ac frumento pensaturam addicit. Et magna vis voti fuit. Nam puerum deinceps morbus, matrem verò sollicitudo deseruit; vterque Deiparæ Virgini gratulabundus memoriam pristinæ miseriæ in Diuæ laudationem vertit, donis, prout votum exigeret, copiosè persolutis.

CAPVT XXXIV.

Puella ceca visus, mortuæ vita restituitur.

x. Maj.

NON minùs externa, quàm domestica pietas quandoque prodest desperatis. Exemplo sit Elisabethæ Franckenix religiosa beneuolentia. Cùm enim Bernardo Bolæo, eiusque coniugi Barbaræ, filiola esset Sweueldis, quàm circumfusa tempestatis violentia, perstrictis oculorum luminibus, iam ante sesquiannum cæcam reliquerat, Elisabetha ætatis illius & calamitatis misera, alienam cladem curare con-

constituit suo labore, precibusque. Diuam ergo Sil-
uaducensem veneratur, & pro recuperandis puellæ lu-
minibus votiua ei peregrinationem promittit. Au-
ditæ confestim preces, & voti pretium, puellæ oculi
fuere. Namque acceptâ mox luce, quamlibet rerum
speciem non modò admittere, sed etiam discernere
puella potuit; constante vsu videndi, euidentiam mi-
raculi asserente. Cælestis autem fauoris magnitudi-
nem vicinæ quoque fauor excepit. Non pauci enim
è loco Cliuix proximo (Nuëteram vocant) cæcitatibus
abactæ testes, Siluamducis vsque Elisabetham cum
puellâ prosecuti sunt. Eodem die nuntiatum est al-
terum miraculum superiore tantò nobilius, quantum
hominis vita ipsius oculis præstat. Quod miraculum
Wiggero Guilielmi atque Hadewigi coniugibus
Goudanis obuinit. Eorum quippe filiola Margareta
in aquas delapsa, duabus iam horis in fundo hæserat,
immaturam sortita mortem. At parentes diu frustra
quæsitam, tandem submersam conspicati, adfluenti-
bus quoque auxiliis, in oram educunt, lustrantque.
Sed immobilem vis frigoris astrinxerat, letali squal-
lore per vultum artusque diffuso. Sic parentum ma-
nibus excepta eorum dolorem idemtidem renouabat;
donec ardentior in aduersis pietas remedium inuenit.
Namque vnâ voce ac mente ad Siluaducensem il-
lam, omnibus salutiferam, tutelam conuersi, vnum-
que in votum conspirantes, vsitato id temporis vini
ac tritici munere, Diuam ipsis natæque conciliant.

M. CCC. LXXXIII. Vix absoluerant votum, cùm ecce calor stupentia membra commouet; vitæque corpori reddita, ingentem circumstantium lætitiâ admiratione pari mixtam accendit. Parentum gaudium cum propinquorum gratulatione certabat. Itaque insperato successu lætissimè, collectâ vicinorum manu, gratitudinis ergo ad auxiliatricis Virginis urbem perferre.

CAPVT XXXV.

Febris puerum deserit. A cuiusdâ item crure grauis noxa remouetur.

xi. Maij. **P**etrum, Marcelli Vennij filium, æquè pertinax ac grauis occupabat febris, vltra quartum iam mensem protracta. Itaque non tantum viribus, sed etiam voce triduum destitutus, ab ipso mortis limine propè aberat. Verum parens trepidus, iamque humanis remediis diffidens, maluit opem Diuæ Matris quàm hominum experiri. Vnum ergo precatur, vt solatium domus, spem ætatis, filium seruet sibi. Tum munere addendo exaggerat preces, sacraturum se argenti, ceræ, ac frumenti, Deiparæ dedicandi ingentem modum. Et voto quidem successus optatus, promissis autem fides extitit. Nam cedente illicò morbi sæuitiâ, repentina sanitas vocem reduxit; eaque valetudinis restitutio, non lætior quàm diuturnior fuit. Igitur voti rei, apud aram Siluaducensem, simul accensis in MARIAE amorem animis suis, simul debito pollicitatio-

rationis votivæ satisfecerunt. Kederipæ, vnde venerant, miraculi celebritas vulgata est. His successit ^{M. CCC. LXXXIII.} Ida Ioannis Lathowerij filia; magno item periculo, ^{xl. Maij.} quod à dextri cruris haud modicâ infirmitate imminabat, Bruxellæ erepta. Ab summo poplite ad plantam vsque, omnibus cruris partibus tormentum inferat, dolore ac pertinaciâ summâ. Cùm enim sextum amplius mensem perstaret malum, crus totum contrahi, & in breuiorem modum arctari cœptum est. Igitur omnia remediorum genera, omnia medentium consilia superando discrimini adhibita sunt, infelici planè conatu. Nec fallebat miseram imminenti exitij certitudo, quæ, in medio cruciatuum ardore, mentem eius ad Siluaducensis Virginis obsequium & cultum accendit. Idque vnum afflictæ saluum fuit. Nam dolor mox diminutus, postridie penitus abscessit, facultatem utique præbens itineris ad salutandam Diuam peragendi.

CAPVT XXXVI.*

Naufragi, & plures item agri seruantur.

Iisdem temporibus à terrâ ad mare (vti sæpè aliàs) ^{xl. Maij.} Diuæ opem transiisse proditum est. Id quod Marcellus & Hugo Valerius Strimondani testatum fecêre. Hi nauigium trabibus præcipuè impleuerant: sed, sæuâ tempestate ortâ, navis vi procellæ quassata primò, deinde etiam euerfa est, ac præcipitata in proram. Sur-

M. CCC.

LXXXIII.

Sursum alucus, fori deorsum ferebantur. Vna salus erat, quod fortè vndique conclusa navis, salum excluderet. Ita omnium per quæ iactarentur ignari, solum sibi interitum ancipiti cæcæque æstimatione augurabantur. Nam & navis pro loculo & vndæ pro sepulcro erant. Nullum restabat tanti discriminis solatium, nisi Siluaducensis Virginis nota benignitas. Hanc votis vrgent (vt in re tam desperatâ) prorsus ardentibus. Præcipuè, si emergant, Siluaducensis viæ milliare vltimum in amictu dumtaxat lineo obituros pollicentur. Ac tum quidem in salo fluctuantes tantum à litore aberant, quantum sagittarius quinto teli missu vix absolueret. Mox tamen diuinitus, etiam antè, quàm auxilium expeditum posset accurrere, in littus incolumes ciecti sunt, tantâ celeritate, quantam ne pacatum quidem mare permisisset. Ibi insperatam salutem immodico celebrantes gaudio, curarunt corpora. Inde modico ad quietem sumpto spatio, sese voti reos Siluæducis in Virginis ædiculâ professi sunt, lineâ veste nitentes. Inter hæc diuersis complurium morbis vnicum remedium à Deiparâ oblatum sufficit. Nam Gerardus Odenus Grauiensis, morbo Herculeo, Ægidius Petri Steenbergius, herniâ totum quadriennium onerante, repentè liberati sunt. Nec minùs promptum ab inuocatâ Deiparâ subsidium adfuit Alberto Hermannno Harderwicano, quem citioris semperque manantis vrinæ profluuium vexabat. Ioanni quoque Oyo Dauentriensi tibia dextra bien-

XI. *May.*XII. *May.*XII. *May.*XII. *May.*

biennio eneruis; Petro denique Stormio Heenvlita-
no sinistrum latus longo dolore debile curatum est. M. CCC.
LXXXIII.
XII. Maij.
Atque hic quidem ceræ massam viciatæ parti, latitudi-
ne parem, ceteri alia pro se quisq; piacula obtulerunt.

CAPVT XXXVII.

Paucissimi nauta longè plurimos piratas prelio superant.

INsignis præterea ad memoriam est celocis vnus XII. Maij.
clarissima de actuariis XVI. parta victoria. Sub
mensis Aprilis exitum ad Mosæ ostium, quod iam
conspici cœperat, ex alto plenis velis tendebat naus.
Merces erant tum aliæ, tum filigo, & bonus farinæ
ac pellium numerus: duodeuiginti, non amplius, ve-
ctores. His cum maximè laboris finis adesset (quippe
Besoudâ profecti erant) conspecta classis est nauium
sexdecim, ipsos petens. Summo illæ impetu ac cele-
ritate ad celocem aduectæ, illicò deditionem impe-
rant, nihil de victoriâ dubitantes. Quippe circiter
ducenti propugnatores erant Normanni, ac piratæ.
Besoudani cum neque prædonum impetum fugere
possent, & simul numero, simul viribus sese impares
cernerent, iamque haud procul exitio essent, vno om-
nes ore animoque spem vltimam collocant in præsi-
dio Siluaducensis Virginis, in alorum omnium victri-
cis. Conclamatum ex omni naus parte est, hostes
numero, ipsos diuinâ niti fiduciâ; nullam virtutem
cælesti maiorem esse: neminem frustra supplicasse

O

Sil-

M CCC.
LXXXIII.

Siluaducensi Virgini, quâ duce etiam victoria obtineri, non modò sperari posset. Hæc tanto ardore effusa, vt etiam minùs fortî ac pauido cuique spiritus facerent, adiectâ insuper religiosâ pollicitatione auxerunt. Nimirum si vita concederetur, simulatque terram attigissent, statim abituros Siluamdueis, pedibus nudis, lancê veste indutos: promissioni quoque huic pro facultatibus munera adiecturos. Ita optimæ spei pleni pro se quisque armantur, omnibusque raptim pro tempore instructis, parati atque intenti hostium impetum opperiantur. Gallus multitudinem nauium ac militum ferox, celoci vndique circumfusus, vt, quod minimè rebatur, compositos ad repugnandum hostes sensit, contemptu in rabiem verso, impigrè, non velut ad iustum nauale prælium, sed ad prædam raptim inuadendam aggreditur. Ergo atrocius, quàm pro disparitate pugnantium, certamen exoritur. Sed vixdum concurrerant proræ, cùm liquidò patuit, quid posset innocentia diuinæ confidens opi. Piratæ vana omnia, protegente nimirum Virgine, in celocem tela mittebant. Contrà videres nullum in piratas irritum missile iaci; multos hauriri fluctibus; ceteros ferro absu-
mi: tumultu pauoreque trepidantium, ac morientium, confusa atque permista omnia. vt quælibet actuaria nauis ad celocem proximè affluerat, ita periculo propior erat. Sed & aliæ ad alias allisæ mutuis cladibus inuicem lacerant, pereuntque. Nec in longum extracta pugna. Nam lassî cædendi satietate victores,

ctores, recognito suorum numero, cum nullum om-
 nino desiderarent, octo non plures è ducentis piratis ^{M. CCC.}
 superstites viderunt, præcipiti celeritate terga verten- ^{LXXXIII.}
 tes. Ita Virgine auxiliante è rebus perditis repentè vi-
 ctoriam referunt, qui salutem ne sperare quidem po-
 tuissent. Neque minor, quàm pro re, lætitia fuit; sed
 eò gravior, quòd in tam præsentì exitio tantum ex in-
 sperato gaudium affulserat. Ergo navis vnica de tot
 armatorum classe triumphum agens, superato Mosæ
 ostio, in portum concedit. Nautæ in terram egressi
 cum summa gratulatione, curis aliis tantisper omis-
 sis, Silvaducense maturant iter. Mox vota quoque ex fide
 reddita sunt; ac tam insignis victoriæ series, ab duo-
 deuginti nautis passim deprædicata, ipsis solatio, ce-
 teris etiam admirationi fuit. Victoris Andreæ, Petri
 Swederi, Andreæ Luckenbenij supersunt nomina, re-
 liquos vetustas præterit.

CAPVT XXXVIII.

*Mulieri decies mortuum fetum enixa viua tandem
 soboles conceditur. Puer epilepsia, puella capitis dolore
 liberatur.*

Præsentis miraculi decus antecedentium in hac ^{XIII.}
 muliere calamitatum frequentia ac magnitudo ^{May.}
 vel maximè asserit. Namque Ioannes Henrici ex Ri-
 chardâ coniuge non tam denos liberos, quàm veriùs
 totidem liberorum cadauera genuerat. Nulli enim è

tanto prolis numero corporis vita, nulli vitale cælestis vnda lauacrum obtigerat. Continua & pertinax tot funerum series, vt speciem præbebat cælestis iræ, ita pari dolore ac metu augebat miserorum orbitatem. Sed non aliàs grauior incessit anxietas, quàm, cum imminens vndecimus partus, expertæ toties cladis formidinem redintegrauit. Neque enim magis lugebant præmaturam infantium necem, quàm tot animulas Baptisini Christiani prorsus expertes. His obruti curis, cum proximè pariendi tempus appeteret, precationem adhibuerunt, conciliatricem vnicam beneuolentiæ cælestis. Nam secundùm Deum spe omni in Siluaduensi Diuâ collocatâ, cum vxore pariter Ioannes vœt, si viua soboles in lucem prodiret, tantum se auri, argenti, frumenti insuper ac vini, Diuæ sacraurum, quantum pro matris ac sobolis retinendâ salute existimaret eidem acceptum fore. Hinc ortâ fiduciâ, satis iam securi periculorum, lætis animis euentum magis felicem præstolantur. Et sanè haud paullò secundior fortuna parientem deinceps mulierem prosecuta, tam commodum illi partum præstitit, vt de accepto cælitus auxilio nemo ambigeret. Quippe valentior, an formosior esset infans, quem ediderat, incertum fuit. Puero inter sacras vndas nomen Theodorum, tamquam verè à Deo eiusque parente dato, indidere. Ceterùm Ioannes cum filiolo, atque vxore maturè à facili puerperio corroboratâ, Harlemo Siluamducis cum lætâ vicinorum manu profectus est, & votiuas

votivas preces ac dona, ex promisso Deiparæ Virgini annumeravit. Creditum fuit cælestem Reginam ostendere voluisse, se matribus ipsam inuocantibus, non tantum virginibus, propitiam fore; cum inusitatâ quadam mixturâ, & virginum florem, & matrum fructum, in se vnâ coniunxerit. Eundem diem haud paullo illustriorem reddiderunt Ioannes Ioannis Brakelius & Margarita Ioannis Dilbekana, vterq; in tenerâ etiamnum ætate non leuibus vexati malis. Et illum quidem comitiali morbo, quem in eâ regione D. Ioanni sacrum volunt, Deiparæ virtus inuocata exemit: hæc autem intolerabili capitis dolore soluta est; cuius magnitudinem primum tristis intra capitis latebras sonitus, omnem quietem excutiens, deinde recuperatæ sanitatis modus indicauit. Namque implorato Siluaducensis Diuæ præsidio, complures ex auribus puellæ vermes eruperunt, excepto, quòd caudam bifurco mucrone non armarent, cetera scolopendris, quæ ferè in aures mortalium se insinuant, haud absimiles. Quos paullo post grandior quidam vermis, ceteris longitudine atque crassitie multum excellens, subsecutus, omni molestiæ finem imposuit.

M. CCC.
LXXXIII.XIII.
Maij.

CAPVT XXXIX.

Ostente ciborum fastidium reprimitur.

MOx quoque pertinaci ac diuturno malo repentinum remedium eadem Diua opposuit; Ioanne Hermanni; post longam octo annorum vexatio-

xv. Maij.

O 3

nem,

M. CCC.
LXXXIII.

nem, ad tam prosperam valetudinem reducto, vt nihil apud ipsum præter morbi memoriam superesset. Is Vollenhouiæ vitam non tam egerat, quàm protraxerat, inter quotidianos vomitus; stomacho omne alimentum genus respuente. Quidquid ciborum, quidquid potionis assumeret, fastidium adeò inueteratum, obsequentibus longo vsu meatibus, egerebat. Hinc non magis languor assiduus, quàm peracerbus dolor, in totum corpus se dispersit; neque victus in villas membrorum partes digeri potuit. Infirmittatis tantæ magnitudini par diuturnitas in Ioannis exitium spectabat, cùm humani auxilij desperatio diuinæ opis fiduciam excitauit. Etenim animo ad MARIAM Virginem, quod est suauissimum Dei hominumque delictum, piè conuerso, rogare cœpit, vt aliquando tam molesta nausea comprimeretur. Exauditæ sunt preces, & Ioanni subitò non tantùm cibi patientia, verùm etiam desiderium diuinitus redditum est. Cuius beneficij ipsemet testis Siluamducis accurrit; gratiores in posterum cibos sumpturus, quorum & copiam Diua faceret, & saporem miraculo condiret.

CAPVT. XL.

In puteo extincta puella ad vitam reuocatur.

xv. Maij.

L Vtuosus Frisiæ puellæ casus haud minora Regi-
næ cælestis laudandæ argumenta suppeditat. Ea
fuit Vlendis, Georgij Lanionis filia, quam in puteum dela-

delapsam illicò mors excepit. Ibi extincta per horam ^{M. CCC.}
iacuit, donec à Ioanne Petri vicino è profundo extra- ^{LXXXIII.}
cta miserabile spectaculum parentibus fuit, attonitis,
lugentibusque. Nam & pristinus color destituerat
vultum, & adstricti letifero rigore artus, speciem
habitumque mutauerant. Ac sanè, sicut de puellæ vi-
tâ actum erat, ita de eiusdem restitutione actum fuis-
set, nisi, absceissâ iam omni ope humanâ, parentum
fiducia in cælum spem suam extenderet. Enimvero
parentes & misericordiam Virgini Siluaducensi mō-
uerunt, quâ lugendo, quâ supplicando. Fecitque puel-
la, repente in vitam redux, certam fidem beneuolentiæ
cælestis. Nihilo quoque obscurius parentes docuerunt;
orantium lacrymas, gaudiis, desideria, speratis re-
bus, persæpè mitigari. Igitur lætabundi, cum bonâ vi-
cinæ parte, Siluamducis Stauerâ profecti piè destina-
ta perfecerunt.

CAPVT XLI.

Puer graui casu vitam amissam recuperat.

PAR discrimen, etsi ex lapsu minùs fortassis peri- ^{xvi. Maij}
culofo, fuit cuiusdam bimi infantis, quem luden-
tes ac triumphabundi pueri, ætatis illius more, incau-
tè in vehiculum imposuerunt, comportandis cespiti-
bus destinatum. Sed Theodorus (id infanti nomen)
nullo eius curam agente, facile ex curru in terram præ-
cipitatus est; atque è viuis excessit; triumpho ludicro
(vti in seriis assiolet) celeriter in funus mutato. Et
quam-

M. CCC.
LXXXIII.

quamquam non modica erat circumfluentium puerorum ciulatio; non potuere tamen tempori parentes accurrere, vt Theodoro adhuc spiranti aliquid opis afferrent. Itaque sesquihoram exanimatus iacuit, in Drunensi, vbi casus euenerat, pago. Hic Ioannes Arnoldi, parens defuncti infantis, dolore primùm æstulare, deinde auxilia circumspicere cœpit, animo Siluaducensia miracula, iam vbique locorum vulgata, retractans. Tum Diuam orare, ac venerari institit, vt innoxix ætati succurreret; cuius virtutem flagitiosi, supplices misericordiam, beneficentiam misertoties perspexissent. Oratio placidè à faultrice Virgine audita est, & puer ipso illo temporis puncto diuinitus reuixit. Parentes, inuicem inter se gratulantes, munus Virgini promissum ad facellum eius detulere.

CAPVT XLII.

Fœdum pueri os correctum.

xvi.
Maij.

PARum Deiparæ videtur incolumitatem mortaliū tueri, nisi etiam venustati ac formæ consulat. Margarita Ioannis, Dordracena mulier, Ioannem filiolum habuit nondum primi anni infantia egressum, vitiato fœdum in modum ore deformem. Quippe dexter oris sinus ad proximam ferè aurem abcesserat, in eo habitu duos menses perseverans. Sed fusz ad Patronam Virginem preces, distractas faciei partes in pristinum locum redegêre. Pueri vultus, vt à cælesti illâ

illâ opifice reſectus , non tantum proportionē , ſed etiam ſpecie nouâ ſplenduit ; longè ſcipto formoſior. M. CCC. LXXXIII.
 Nec aliàs magis intellectum eſt ; Siluaducenſem Matris maximæ ſedem Deo cordi fuiſſe. Mulier enim , priùs etiam quàm Siluaducis opem poſtulaſſet ; in Dordracenum templum ad ſacroſanctum Chriſti corpus ſobolem depoſuerat ; nullo tamen ſolatio recreata. A Siluaducenſi autem Virgine etiam abſens adiuta fuit : non quòd Dei Mater ſit Filio potentior , benigniorque ; ſed quòd diuina prouidentia , cuius occultâ tranquillaque moderatione fouentur vtilitates humanæ , ſubinde quædam loca ac ditiones operibus ſuis magis accommodatas eſſe cognoſcat , ac velit.

CAPVT XLIII.

Puella duæ à mortuis excitantur.

QUæ in diuerſâ regione duabus puellis contigerunt , haud paullo luculentius patefaciunt inſignem Regiæ cæleſtis cupiditatem , afflictoſ , quamuis grauiffimis calamitatibus , adiuuandi. xvii. May.
 Elifabetha enim , filia Margaritæ Vromeleſiæ , ſupremum vitæ diem Caſterlææ obierat , inſuperabili victa morbo. Mater per horam , non voce niſi lugubri , non animo niſi inceſto egit , omnium , præterquam Siluaducenſis auxilij , prorſus inmemor. Ergo genibus nixa , omnibus precibus orat , atque obteſtatur MARIAM Deiparam , vt afflictioni ſuæ ſtatuat modum. Nec fruſtrâ

P fuit

M. CCC. fuit tam pertinax precum vis. Repentè namque sana
 LXXXIII. filia cum matre ex voto supplicatum iuit. Iam & alte-
 xvi. rius item puellæ interitum peragam, reuocatâ postli-
 Ma. minio vitâ vindicatum. Propè abest à Dauentriâ pa-
 gus quidam, cui à nouâ palude nomen inditum. Eo
 in pago Petri Henrici filia Christina, exitiali morbo
 conflictabatur; qui morbus, gliscente sensim perni-
 cie, fessam fractamque puellam absumpsit. Mem-
 bris antequam rigerent compositis, cadauer de more
 in stramenta collocatum est, lineoque inuolucro co-
 opertum; vultus ferali sudario obnuptus. Interim ve-
 spera haud parum processerat, quando corpus iamdu-
 dum exanime arcâ ligneâ inclusum, & ferculo im-
 positum est. Tum verò noctis horrore tenebras ac soli-
 tudinem grauante, parentes mœrorem suum inuicem
 impartientes, liberis fletibus vacare cœperunt. Et om-
 nem quidem consolationem vincebat dolor, donec
 cùm posterî dici luce serenitas aliqua affulsisse torpen-
 tibus visa est. Igitur Petrus, miraculorum Siluaducen-
 sium memoriâ roborante fiduciam animumque, nul-
 lâ beneficiorum multitudine exhaustiri aut lassari pos-
 se benignitatē Deiparæ ratus, eam orare supplex
 institit, vt, cuius fauor neminem excluderet, sibi
 quoque in tam acerbo tempore pateret. Nihil ipsum
 ambigere, quin superesset apud eam gratiæ locus, quæ
 apud Deum esset in tantâ gratiâ, quantam infinita
 miraculorum vis, ipsius arbitrio patrata, non vanè ad-
 umbraret. Neque segniùs Diuæ pollicetur simula-
 crum

crum cereum, quatuor pondo, muneri daturum, si ^{M. CCC.}
 incolumi denuò filiâ frui contingat. Inter hæc duo- ^{LXXXIII.}
 decim horæ elapsæ domesticos admonēbant, vt cetera
 funeri efferendo necessaria procurarent. Sed aliter su-
 peris visum fuit. Parente siquidem inchoatam preca-
 tionem sollicitiùs intendente, puella ex improviso in-
 dices vitæ lacrymas gemitumque effudit: quo mirè
 læti omnes, atque è loculo rediuiuam complexi, solu-
 tis metu animis vocibusque, gaudium agitare cœpe-
 runt. Nec vllam deinde moram interponendam existi-
 marunt, quin quamprimùm Siluamducis, quò votum
 iubebat, ad B. Virginis signum adirent. Neque medio-
 criter Diuæ veneratio increbuit, postquam fama per
 adiunctas regiones manauit, puellam, XII. horis extin-
 ctam, reuixisse.

CAPVT XLIV.

Spiculo altè infixò saucius mirabiliter liberatur.

QUamquam nunc diuturna gratæ pacis otia tri-
 stes bellorum furæ interrumpunt, inter has ta-
 men ipsas spectabile cælestis auxiliij trophæum, à mi-
 tissimâ Dei hominumque conciliatrice erectum, ad
 posteros transmittendum est. Nam supplicem sibi
 Ioannem Bontium, Bruganum domo, opificio sar-
 torem, audaciâ militem, periculoso vulnere saucium,
 à præsentī perniciē reuocauit ad salutem. Gandenses,
 adiunctis Brugenſium copiis, Aldenardæ vrbis mœ-
 nia obsidebant. Hos inter Ioannem Bontium ex ho-

M. CCC.
LXXXIII.

stibus aliquis sagittâ percussit: & fortè in collum incidit telum, dextræ eius parti profundius infixum. Nec defuerunt amici qui euulso promptius quàm cautiùs telo, spiculum tamen in plagâ reliquerunt. Sed & foramini obducta breuî cutis mucronem retinuit, in intimas colli sedes abditum, ac latentem. Interim quinque & viginti hebdomadis clausum vulnus, cò maiores cruciatus ciebat, quò minùs doloris causâ scrutantium oculis pateret. Cognitâ ergo tum mali pertinaciâ, tum remediorum inopiâ, Ioannes opportunam in Siluaducensis Diuæ tutelâ medicinam inuenit. Hanc precibus, hanc votis vrget, Siluaducensem protectionem, etiam sacrando aliquo munere, cumulaturus. Neque diu dilatus est ab eâ, cuius indoles ad benefaciendum est propensior, quàm tarditas humana ad rogandum. Ea quippe nox, quæ proxima fuit precationi, voti effectum aperuit. Post paucas horas quieti datas, cuspis ferrea, cùm quintum iam mensem hæssisset intus, non illâ quâ venerat viâ, sed per os dormitantis excidit sponte suâ. Sic eximia orantis pietas, inopinatæ salutis præmio donata, in lætitiâ illicò transiit. Ipse autem ad venerandam Diuæ statuatam Brugâ profectus, non enixiùs quàm lætiùs grates egit, ac præter vicinorum testimonia, Pauli quoque Vander-Hagij, Gorcomij, asseuerationemiraculum, quibus oportuit, probauit. Quippe oculatus hic testis à Bontio non abfuerat, siue cùm iaculo is feriretur, siue cùm eius mucronem euomeret;

ret; cò maiori noxæ futurum, quòd iam rubiginem M. CCC.
LXXXIII.
contraxisset. Sed belli portas claudamus, plus satis
miseriarum in ipsâ quoque pace inuenturi.

CAPVT XLV.

Puella in puteum præceps delapsa ad vitam redit.

Z Elandiæ locus est (Puttenam incolæ vocant) vnde xx. Maij.
Petrus Thomæ, cum Elisabethâ vxore, illustre
miraculum nuntiarunt. Nam filia eorum Margarita,
triduò antè, quàm Siluamducis procederent, in pu-
teum præcipitata, mortem obierat. Duas ampliùs ho-
ras inter mortua iacuit, colore fædo, membrorumque
rigore, & letali gelu deformis. Parentes mœrore af-
flictati, inque lacrymas effusi, interitum filix, suam-
que orbitatem deplorabant. Sola Deiparæ Virginis
in humanum genus charitas solatio erat. Hanc mater
præcipuè precibus tentat, ac peregrinationem Silua-
ducensem maximo suo incommodo subituram vo-
uer. Neque calceos sumpturam sese, & lineo amictu
carituram in viâ, imò nullam ab se carnem degusta-
tum iri, priùs quàm destinata consummasset. Tetige-
runt Dei Matrem hæ voces. Nam vita puellæ celeri-
ter reddita, parem Diuæ gloriam & parentibus gau-
dium attulit. Itaque vicinis deducenibus, postquam
Siluaducensem Virginis ædiculam adiissent, læti dō-
mos remigrarunt.

M. CCC.
LXXXIII.

CAPVT XLVI.

*Puella pedum, Puero sermonis, Mulieri brachiorum
facultas redditur.*xxi.
Maj.

S Vb hæc propinquiores pagi non obscuris miraculis Diuæ subsidium didicerunt. Nam Genderæ Enghelberta Ioannis Wolfij filia, ita clauda, vt nullam incedendi spem luxata scdè crura relinquerent, non modò stabilem, sed & expeditum quoque gressum recuperauit. Maræ, Ioanni Sebastiani totum mensem ex grauissimâ ægrotatione penitus muto, pristinus redditus est sermonis vsus. Rodæ Elisabetha Ioannis molitoris vxor, triennio brachiorum ac manuum ministerio priuata, sic viribus suis restituta est, vt vix ipsa discerneret, promptiorne an fortior esset ad omne genus domesticarum functionum. Quis horum maius beneficium acceperit, quiuis constituet, vbi considerauerit, quid magis requirat humana necessitas, linguamne, interpretem animi; an manus, vitæ ministras; an denum pedes, totius hominis fundamentum.

xxi.
*Maj.*xxi.
Maj.

CAPVT XLVII.

*Calculus abigitur.*xxii.
Maj.

N On magis foris, quàm domi MARIANA gloria beneficentiæ suæ fixit pedem. Siluaducensium Hintamensis vicus miraculi testis fuit. Hic enim
Hen.

Henricus Hintemius arenoso calculo, seque ipsum ^{M. CCC.} ^{LXXXIII.} idemtidem per vesicam spargente, plus quàm biennio cruciatus, resistere vltra dolori non poterat. Nec humanæ opis remedium fore videbatur. Quamobrem ad notam quotidianis ægrorum leuationibus Diuam refert spes suas; & post voti nuncupationem ne reliquias quidem calculi superesse ex gratâ tormenti absentîâ didicit: eò vtiq; certior inposterum Virginei nominis præco futurus, quòd non tantum, vt domesticus testis, continuam in alios beneficiorum seriem, in dies panè singulos oculis auribusq; acciperet; verum etiam quòd suo ipsius bono expertus est, nullum Virginis auxilio præsentius, nullum facilius petentibus esse.

CAPVT XLVIII.

Puella graui casu extincta à mortuis excitatur; ab alterâ morbus comitalis remouetur.

Miserabilis fuit casus Catharinæ Lishoutanæ, quæ ^{xxiii.} ^{May.} è summo domus tabulato præcipitata occiderat. Triste parentibus spectaculum; cum vltra horam vitæ exfors iaceret filia, neque vultus aut color vitæ index rediret. Saluti fuit, quòd vulgatum Deiparæ auxilium, vt omnibus obuium, ita ipsis minimè interclusum fore, trepida pietas suggessit. Hinc satis fidentes diuinam sibi adfuturam opem, quæ malum omne depelleret, ardentè à Diuâ vitam eius postulant, cuius mortem acerbissimam satis lugere non possent. Promptum

M. CCC.
LXXXIII.XXIII.
Maij.

ptum pietati pretium salus filiæ fuit. Nam repente saliens è naribus cruor recuperatæ iam vitæ impleuit fidem. Circumstantibus verò immensum quoddam ex insperato gaudium affulsit, cùm parentes in rediuitæ Catharinæ amplexum ruentes cernerent. Ioannes autem ferrarius faber, & Enghelberta (hæc eorum nomina produntur) maturato Siluamducis itinere, promissa patrarunt. Neque silendum est Margaritam, ex Alfensi Bredanæ ditionis agro, puellam, comitali morbo leuatam esse, postquam ab Henrico Legghio atque Elisabethâ parentibus votum Diuæ nuncupatum est. Et paria promissis dona fuerunt, filiginis, ceræ, lini, argentiq̃ue is modus, quem & ipsorum facultas permetteret, & Diua sibi cordi esse, non dubiâ puellæ valetudine declarauit.

CAPVT XLIX.

*Incendium reprimitur.*XXIII.
Maij.

NVnc ad remotiores regiones abeundum est; vnde ingentia gloriæ decora, quibus Matrem suam honestaret Deus, nuntiata sunt. Produntur huius miraculi testes quatuor, Gobelus Ekelous, Gerlacus Berkermannus, Curtius Heinsius, Petrus Smitius, Parnouia in Liuoniâ vrbs incolæ, haud sanè ignobiles prudentiâ fideq̃ue. His auctoris cognitum est, Parnouiam ipsorum urbem, Siluaducensis præsidio Virginis, insignem tectorum perniciem ac vastitatem euassisse.

fisse. Barbari erant in vicinâ orâ, non minùs acres Christiani nominis hostes, quàm ingenio ac moribus immanes ac feri. Horum improvîsa manus, siue odio religionis, siue populandi libidine stimulata, cùm secundo vtens vento in Christianorum fines descendisset, non diu morata, passim tectis proximis ignes immittit. Qui vt hæserunt, extemplò proxima quæque, & deinceps continua amplexi, repentè tam dirum effuderunt incendium, vt spatium portandi, quæ restinguendæ flammæ forent, deficeret. Incussa omnium animis formido subita sic mentes turbauerat, vt effusam scædè stragem magis fugerent, quàm sedarent. Iam concurrentium, vt in tali tumultu, permistus clamor, pænè salutaris consilij sensum ademerat. Nonnulli tamen altius voce sublatâ, in nouo casu nouum esse querendum auxilium, vociferabantur: Siluæducis, Brabantiae opido, MARIAM Virginem quælibet vltima rerum discrimina subleuare: ad hanc tenderent manus, implorarent illius opem; misericordiam, fidem exposcerent: haud dubiè supplicibus affuturam. Hæc contentiùs pronuntiata, non minùs auidè exaudita sunt; fremitu vsus aurium non penitus intercipiente. Ergo, vt quisque periculo propior erat, ita magis preces intendere, & spem vltimam in præsidio ponere tam potente certoque. Sed virorum quatuor, quos paullò antè memorauimus, pietas eminebat. Illi precibus vota addere, illi longinquam profectiorem, si incendium sisteretur, polliceri: illi donorum quo-

que

M. CCC.
LXXXIII.

que mentionem non omittere. Tum demum videres repressas diuinâ virtute flammâs euanescere, ac in semet redire. Ventus quoque è Barbarorum ditione vehementer ad propagandam latè flammam incumbens, repentè inhibitus, ac mox in eam, vnde flauerat, regionem coortus est. Hoc maximè modo seruati Parnouiani, tantâ ex insperato affulgente lætitiâ, grantes inuicem plaudentesque; propitiam quoque Virginem non fraudarunt laude suâ. At Gobelus cum sociis ad præstandam promissi fidem curas vertentes, celeriter milliarium quadringentorum iter conficiunt, ac Siluæducis aram Virginis inuisunt. Ibi publicatâ sui periculi magnitudine, maiorem tamen fuisse Virginis misericordiam affirmarunt.

CAPVT L.

Mulieris ex curru præcipitata vitam Diua resuscitat.

xxv.
Maij.

Æ Què facilem in casu non faciliore opem sensit Elisabetha Walteri Huyfsmanni vxor, eius oppidi incola, quod in Brabantiâ Veteris-Siluæ nomen retinet. Hanc mulierem curru, quo vehabatur, fortè corruens sic in terram excussit, vt prius vitam amitteret, quàm à marito, cædem clade prostrato, leuamentum posset accipere. Postquam enim se Walterus ex illâ consternatione vtcumque collegit, exanimi coniuge repertâ, tantus ei dolor accidit, quantum coniugalis amor, viduitatis periculo factus ardentior, facile exerce-

cet. Tum verò ille lacrymans precari consolatricem afflictorum Virginem, & votis lamenta miscere: in terris coniugem, vnicum vitæ solamen à Deo sibi datum esse; eâ amisâ peracerbam reliquam sibi æratem fore; ab huius spiritu pendere suum: in cælis tamen Diuam agere, eius in miseros charitati potentiam non deesse; hanc præberet sibi; quàm in totum hominum genus tam frequenter effudisset. Duæ horæ inter preces & lamenta effluxerant, cùm femina alleuare oculos, motare artus; & pristinis viribus reddi cœpit; nimirum Diuæ auxilio ab interitu reuocata. Vtriusque porrò in visitandâ arâ Siluaducensi gratitudo ostendit, quanti tum ipsam Diuam, tum acceptum ab eâ beneficium penderent.

M. CCC.
LXXXIII.

CAPVT LI.

Viri cuiusdam cecitas depellitur.

VItæ amor proxima accedit oculorum charitas, quorum tam amissio quàm desiderium vehementes in mortalium animis excitant motus. Vtriusque documentum dedit Ioannes Alardi, Hattemo, propè Swollam, oriundus. Hunc mœsta cæcitas iucundissimo sensu exuerat, æquè tenebrarum ac lucis participem gnarumque. Sesiuiannum id vitij durauit, citra omnem spem humanæ opis. Ergo sublimior Ioannes mente agitans, votum concipit, si noxa ex oculis emota esset, salutaturum sese potentem Dei

XXVI.
May.Q²

Ma-

M. CCC.
LXXIII.

Matrem, in ipso loco, quem prodigiosis curationibus clarere felix fama nuntiaret. Nec irrita fuit voti ac precum vis. Quippe repente cæco reluxit dies, & ille lætitiæ plenus, promissis minora non præstitit, iam ducibus oculis Siluaducense iter emensus.

CAPVT. LII.

Præfenti naufragio viri septem eripiuntur.

XXVI.
Maj.

IAm nauigaturi cognoscent, vnde tempestatum victoria; vnde discriminis vltimi depulsio speranda sit. Erat fortè brumæ tempus, cum ab Slusâ solueret nauis, quam Henricus Scherpenborchius, cum sex naualibus sociis, simul ingenti hæcumen numero, simul aliâ merce impleuerant, Antuerpiam traiecturi. E portu in altum euecti, atque è terræ conspectu iam ablati, siue loci artifice imperitiâ, siue cæcâ ventorum violentiâ, applicuerunt onerariam latentibus vadis; & quia prærapidâ celeritate incitabantur, in multas turbidasque arenas altius intorti sunt. Figi crederes nauim, & velut anchoris iactis subsistere. Auxit periculum rima ingens, laceratas hinc inde tabularum compages vndis aperiens, atque in duorum ferè digitorum latitudinem patens. Ministeria nautarum hinc metu, hinc vorticofo fluctuum arenarumque vndique sese insinuantium concursu, occupabantur. Igitur ipso illo quo velut deprehenfi erant loco, tres dies totidemque noctes consistere, non fessis modò & rigen-

rigentibus gelu corporibus, sed multò etiam magis
 animorum abiectione torpentes. Neque repetitus sub-
 inde labor atque admota vis omnis quidquam pro-
 fuit, aut ad aquas, quæ se inuehebant, euerberandas,
 aut ad nauigium moliendum; cùm arenarum con-
 creta vis pænè in virilis staturæ altitudinem aggerata,
 & vndequaque circumfusa, teneret obsessos. Interim
 aliæ naues, eo maris tractu iter habentes, ad conspe-
 ctum huiusce onerariæ periculum idemtidem substi-
 tère, quamcumque possent opem ostentantes. Sed
 iter, quàm mearent nauigia, præaltis vtrimque arenis
 obsitum, sic arcebat accessum, vt qui proximè se ap-
 plicassent, tamen medio teli iactu absistere cogeret.
 Quæ res effecit, vt interclusâ omni spe opitulandi,
 suum quique cursum relegerent, pereuntium amicis
 saltem nuntium de genere & loco mortis allaturi. At
 relictî illi miserandis clamoribus charitatem homi-
 num, sacra communia, naturæ societatem, diuorum-
 que implorabant opem; vitæ conseruationem bono-
 rum omnium pretio haud grauâtè empturi. Sed præ-
 ternauigantium conatibus, vt maximè voluerint, in-
 sidiosa breuib. vada obstabant. Ergo ventis quoque
 aliò vocantibus vtendum rati, curas ad similis peri-
 culi fugam verterunt; solâ, quod poterant, memoriâ
 apud afflictos persistentes. Hi autem, postquam ex
 oculis auxiliares naues sua tempestas auexit, tot cir-
 cumstantibus malis attoniti, cùm se arenis circum-
 fessos, mari cinctos, ab hominibus desertos ceruerent,

Q₃

flu-

M. CCC.
LXXXIII.

M CCC.
LXXXIII.

fluctuantes animis circumspicere auxilia humanis certiora cœperunt. Tum fortè iniecta est cogitatio admirandorum operum, quibus longè lateque clarissima Siluaducensium ædes celebrabatur: quo solatio nullum tanto luctui opportunius interuenire potuit. Quare, cùm vitæ amor, spes salutis, mortisque horror trepidos eorum animos ad sollicitam Siluaducensis Marris inuocationem mox perpulissent, toto itineris successu eius tutelæ enixiùs commendato, nullum supplicandi finem faciunt, vt aliquando ab imminente iamiam interitu potentissimâ eius ope vindicentur. Nec votum omittunt eiusdem ædis, vbi licuerit, adeundæ. Magnum ad salutem momentum preces attulisse, subito euentu declaratum est. Nam, velut signo dato, mare præter consuetudinem ac statas vices vehementiùs exæstuans, & sesquipedem, quàm soleret, altiùs aquas attollens, decumano aliquo fluctu subeunte alleuauit nauem, & leni tractu extra syrtis prouectam profundo reddidit salo. Ibi libero cursu redintegrato, velis in altum datis, breui deinde Antuerpiam appulsi sunt: nauigatio gratulationibus plausuque traducta; donec exscensu in terram facto, domus ad coniuges amicosque latum nuntium portarunt. Henricus autem visendæ liberatricis Diuæ haud immemor, ceterorum nomine destinata impleuit.

CA.

CAPVT LIIL

M. CCC.

LXXXIII.

Iterum naufragi seruantur.

Diuina Virginis charitas haud disparem benedictionem^{xxviii.} exseruit in casu pœnè pari. Quibus benedictionem^{May.} obtigit, Arnoldus Goudanus cum Gisberto filio, & Ioannes Rosa, ac Damianus produntur, magis miraculo inclyti, quàm nomine aut fortunis suis. Ij Goudam peturi phaselum in vrbe Dordracò còscenderant, imposita vini quatuor dolia vehentes. Iamque inclinante meridie, cum primum ferè à Dordracò lapidem placidà navigatione præterucherentur, tam fœda tempestas erupit, vt prorâ in ripas directâ terram occupare metus suaderet. Sed procellæ vis laborantium viribus maior fuit, quamquam ingenti certamine in tellurem nitentibus. Igitur in medios vndarum furores raptim relati, omnium, præterquam periculi, fluctuabantur ignari. Turbida quippe aura pœnè rerum conspectum abstulerat. Quàm citò fluctibus ludibrio futuri essent, quàm propinqua mors incumberet, non animi magis, quàm oculi præfagebant. Vnum succurrebat formidinis solatium, perpetua Silvaducentis Diuæ charitas in calamitosos, perditosque. Arnoldo plus quàm ceteris animorum fuit, ad hoc præsidium comparandum. Quamobrem dissimulato tantisper magis, quàm abiecto metu, ad socios conuersus, Agite, inquit, & mecum spem postremam in Sil-

Siluaducensi illâ suauissimâ MARIA defigite. Huic vota, huic preces fundendæ sunt, quæ nec supplices unquam spernit, nec sperantes destituit. Et quamuis nullâ virtute eius beneuolentiam meruimus, tamen illa nil paruum ducit in quo magnæ misericordiæ locus est. Vt desint omnia quibus tantæ Reginae paretur gratia, ipsa certè hæc tempestas Dominæ maris nos potenter commendat. Si me sequi vultis, breui voto terminum vitæ prorogate. Ceteri pariter conclamant: In MARIA spem suam esse; si infortunium abfuerit, id Siluæducis ad eius gloriam relatu-ros; neque defore ipsis munus aliquod quo MARIAE honos utcumque augetur. His aliisq; hortando inuicem, corporibus, non modò animis, auctæ sunt vires. Ergo industriâ ad tuendum nauigium versâ; ne malus vento districtus velumq; dilaceratum laborantibus obstarent, operam dedere. Huic labori intentis vasti quidam fluctus vento misti superueniunt, qui in ipsum phaselum illati, sic carinam impleuere, vt leuata vndis dolia vltra naus aluco contineri nequirent. Ergo fluctuari & natâre omnia, sursumq; & deorsum ferri; aquis armamenta hominesq; iuxta inuoluentibus. ansam quoque gubernaculi rapida procellæ vertigo nauiculario extorsit. In tantâ trepidatione mansit aliquamdiu Arnol- do vox, quâ socios excitauit, vt tentâ salutis spe, quodcumq; fors obtulisset, arriperent, siue natantibus adiumentum, siue extinctis atque in litus eiec- tis pretium sepulturæ Christiano ritu loco-

locoque obtinendæ. Hinc animus creuit afflictis, & quamquam stupentibus metu ac frigore artibus vix armentorum tenendorum potentia esset; quisque tamen, vt in tantis malis, ad quamlibet opem tetendit manus. Arnolfo pes veli obtigit, ex quo pendulus nunc mergebatur, nunc extabat aquis: Gisbertus gubernaculo se commisit. At Ioannes Rosa dolio inhærens cum frequenti volutatione circumactus rotaretur, præ lassitudine sustentaculum anceps dimittere cogitur. Damianus nauicularius in altum quoque è puppi excussus, diuerberatis fluctibus frustra allenauit semet, sæuo æstu identidem fessum resorbente. Neque telluris potiundæ spes erat; ripis vltra quartum teli iactum à naufragij loco distantibus. Inter hæc superueniens Harlemissis lembus, qui cereuisiam (potionis Belgicæ consuetum genus) vexerat, magis pereuntibus solatio, quàm auxilio fuit. Nam cursu quinies obliquè ad naufragos inclinato, eorum nemini subueniri potuit; insigni tandem Harlemissium charitate vndarum furoribus, licet ægrè, concedente. Et certè ardorem iuuandi summum fuisse, fluitantium corpora haud semel à superuectis perstricta ostenderunt: ita propè ab auxiliatoribus aberant. qui cum sæpè conati nequissent succurrere, metu similis mali ad pristinum cursum receperunt sese. Interim in hac mortis expectatione semiuiuis tres omnino horæ productæ sunt; quo tempore quidquid cogitationum à corpore tuendo mens vacuum habuit, id omne ad

R

Sil-

M. CCC.
LXXXIII.

Siluaducensem Dominam pro se quisque misêre. Et felicitas, vt sæpè aliàs, pietatem est secuta : & puncto temporis momenta rerum versa sunt. Diuino quippe auxilio tres in quemcumque casum tendentes, ripam, iactationi tantæ superstites, tenuerunt, cum vasis omnibus, ipsoque nauigio, quasi dominos suos prosequente. Eâ re animaduersâ Harlemenses, & ipsi nauim ad eundem terræ tractum appulerunt, quinam homines tanto periculo superuierent, quaque cælitum ope seruati essent, hæud paullò certius proximè terram exploraturi. Qui postquam ad destinatum locum expositi fuerunt, è mitioribus iam vndis Ioannem Rosam eodem defluentem conspiciunt. Deo scilicet ac Deiparâ rectâ eò ducentibus, vbi commodè præstolantium manibus exciperetur in terram. Neque cuiquam dubium fuit, cuius ope à præsentī exitio seruati forent. Vt verò primum fatigati spiritum laxauêre, cum ingentibus lætitiæ signis simul Deum, simul Fautricem Siluaducensem venerati sunt; recentis periculi memoriâ copiosam diuinæ laudi materiam suggerente. Harlemenses quoque cum ceteris, quos ad spectaculum rei nouitas exciuerat, euidentiam miraculi magnifico præconio efferebant. Neque quisquam spectantium adfuit, qui non assereret de LX. virorum millibus (sic tunc locutos fuisse accepimus) ne vnum quidem absque cælesti subsidio ex eiusmodi discrimine saluum euadere potuisse. Ceterum naufragi breuî offerendum rati, quod Deiparâ promississent,

fissent, & gratiam eius in posterum quoque pararunt ^{M. CCC.}
 sibi, & miraculum periculo potiùs ingenti, quàm ^{LXXXIII.}
 clade insigne, publicis tabulis, ac perpetuæ hominum
 memoriæ consignatum reliquerunt.

CAPVT LIV.

Infans mortuus in lucem editus reuiuiscit.

QUAM sit certa uiuentibus mortalitas, nemo am- ^{XXVIII.}
 bigit; præsertim cùm etiam nascentium origi- ^{May.}
 nem non rarò mortis festinatio præcerpat. Ipsi enim
 infantibus nondum in vitam editis mors adstat; &
 intercepto natali die, quandoque antè in tenebras
 suas rapit, quàm lucem adspexerint. Hanc leti viam
 Catharina Balduini Ruteri vxor experta est in fetu,
 quem mortuum profuderat, ingenti dolore suo. Non
 dubiæ mortis fidem fecit hora integra, nullum vitalis
 alicuius motionis explorantibus indicium præbens.
 Quo animaduerso mater, & orbitatis metu, & Ba-
 ptismo carentis filij miseratione icta, conceptis verbis
 D. MARIAE Silvaducensi vouet, si puero vita redda-
 tur, & lauacri cælestis piaculum, se vinum, ac triti-
 cum, quantum Deiparæ gratum fore crederet, ipsi
 consecraturam. Hac precantis voce exorata Deipara,
 puerulo animam, parentibus amicisque lætitiâ retu-
 lit. Rediuiuo Balduini nomen indidère, ac post menses
 complures, vbi de vitæ diuturnitate constabat, Heke-
 husâ profecti sunt, ad ea, quæ promiserant, apud aram
 Virginis exequenda.

M. CCC.
LXXXIII.

CAPVT LV.

*Duo claudi sanantur.*xxviii.
Maj.

SVb hæc duobus claudis pedum non dumtaxat fiduciam, verùm etiam celeritatem restitutam comperimus. Margaritæ Dunghenæ, Gelenfis mulieris, prior est mentio. Hæc duodecim hebdomadis supra annum septimum ita parùm valuit pedibus, vt sine adminiculo ne vestigium quidem ponere potuerit, à continenti debilitate. Verùm, cum statim fortè adessent dies, quibus Sacerdotes quotannis de more per compita & plateas celebri pomparum frequentiâ, & crucibus altè prælatis, pro frugibus præcari solent; tum Margarita, Dominico die hæcæ carimonias antecedente, curis & cruciatu in lectulo eam tenentibus, huiusmodi viso recreata est. Locus quidam eximio ornatu & splendore conspicuus, adeunti patere videbatur. Hic aurei torques, hic monumenta multo auro argentoque cælata fulgebant: distinguebant opera variorum effigies, quædam coloribus, aliarum gemmis interlucentibus adornatæ: exiguis intervallis pendebant monilia, ex auro ferè expressa, & margaritis intextis nitentia. Hic magnificentiarum splendor facile admirandæ mulieris cogitationes ad præsidem loci Divinam traduxit. Et mox gliscente eius visendæ desiderio, cuius venerationem spectaculi maiestas iniecerat, nullâ factâ morâ vehiculum comparat, & brevissimo

mo

mo itinere Siluamducis petit. Quò vt peruenit, alienâ M. CCC.
 ope & ligneis fulta sustentaculis in ædem se deportat. LX XXIII.
 Ibi magis, quàm vnquam aliàs, tum ad spem recupe-
 randæ sanitatis, tum ad preces acrius intendendum
 exarsit. Ergo toto pectore totisque viribus in studium
 precandi incumbens, haud exiguum tempus dedit
 pietati iam accensæ. Postquam orandi finem fecit,
 erecta in pedes (nam genibus adhuc nixa fuerat) non
 tantum iis constanter insistere, sed etiam velociter
 ambulare potuit; gressu nullum corporis obsequium,
 nullum animi impetum detrectante. Neque ea cor-
 poris habitudo firmior, quàm diuturnior fuit. Et
 Margarita quidem summâ ex insperato lætitiâ persufa,
 ad præsentis Diuæ aram, actis impensè gratiis, pro-
 missum religionis debitæ cultum cum fide reddidit.
 In simili corporis vitio superando par quoque Petri XXVIII.
 Leydani felicitas fuit. Æquè molestus eius crura lan- Maj.
 guor affligerat, magnis cruciatibus ad inflationes au-
 gendas confluentibus. Hinc non ille quidem animo,
 sed viribus penitus deficientibus, cogitationes omnes
 ad Diuinam opem cœpit intendere. Ea cura salutaris
 fuit, & ad votum Deiparæ Siluaducensi faciendum
 inclinantem facilè perpulit. Concepto voto pedeten-
 tim membrorum turgentium crassitudo se remisit,
 abscessit dolor, & copiam Petro reliquit, gemino sal-
 tem fulcro (quod nondum ad eam diem potuerat)
 promouendi gressum. Sed, vt nunquam imperfecta
 sunt dona cælestia, breuî sanitas in integrum restituta

M. CCC.
LXXXIII.

est, Petrus siquidem sublatiſ in humeros ſuſtentaculis ad venerandam Diuam ſanus inceſſit, & priſtinæ miſeriæ inſtrumenta in accepti beneficij monumenta conuertit.

CAPVT LVI.

Cæci duo lumen recipiunt.

xxxix.
May.

NON minùs effulſit MARIAE Virginis miſericordia in Ioannis Zacci expeditâ curatione. Fullo erat, ac fortè aurorâ in ſextam horam matutinam vergente, pannos calido iam labro immiſſos fouebat. Inter hæc tanta repentinè cæcitas oculis eius illata eſt, vt nullam cuiuſuis obiectæ rei partem colorémve eo ſenſu perciperet, talpâ cæcior effectus. Hæc calamitas à die Martis ad Iouis perdurauit diem; etiam diuturnior futura, niſi tum à Ioanne ipſo, tum ab Henrico fratre effuſæ ad Siluaducenſem cæcorum ducem preces interceſſiſſent; quarum vi, horâ item ſextâ, caligo depulſa eſt. Ioannes itaque breui malo edoctus quanta eſſet oculorum præſtantia, quantuſque uſus, nihil antiquius habuit, quàm vt cum eodem fratre Siluamducis ire maturaret, ad gratulandum MARIAE tanti muneris auctori. Atque hunc quidem in alienâ, Eliſabetham verò Gerardi Colij vxorem in ſuâ ditione atque vrbe ſanare, Diuæ complacitum fuit. Gelriæ pagus eſt, cui Veteris-Eccleſiæ nomen inditum. Hic Eliſabetha annum in cæcitate exegit, luminibus omnino capta. Fatigata ergo diuturnitate ac tædio tenebrarum,

xxx.
May.

brarum, ad illam confugere statuit, quæ lucem veram mundo peperit. Neque oculis ad solis diuini Parentem salutandum precandumque opus fuit: tacite mentis intuitu vota quæuis concipi possunt. Sancte itaque præscribit animo suo, Siluamducis, vnicum afflictorum asylum, petendum esse, ibique, si visum recipiat, dona quædam ex communi supplicum ritu dedicanda. Atque haud segnius quam constituerat destinata exequitur. Cæca, marito præeunte, Siluaducensem inuadit viam, quasi inuitantis ac trahentis Diuæ auspiciū constanter secuta. In reditu ducem non requireret. Et primus quidem dies, postquam Siluamducis peruenerant, non tam spe quam solatio caruit; verum vbi secundus affulsit, tum Elisabethæ oculi non dubiam eius lucem hauserunt. Nec defuere qui ad explorandam oculorum fidem varias colorum rerumque species præberent discernendas. Illa autem sic earum omnium discrimina indicabat, vt nullam cuiusquam animo dubitationem relinqueret. Mox quoque cum diuinæ rei interesset, cumque Sacerdos sublati in altum manibus incruentam Hostiam in conspectum vulgi daret, eandem Hostiam, quam intra annum numquam adspexerat, à se videri cognoscique professæ est. Ita miraculo certitudinem, Diuæ Virgini honorem asseruit, & alienis oculis in posterum minimè egens, domum, vt cordi erat, læta repetiit.

CAPVT LVII.

*Infans teterrimâ corporis affectione soluitur.*xxx.
Maij.

NON infrequentes his temporibus veneficæ, ætati maximè teneræ insidiabantur. Quippe abreptis è cunis infantibus persæpè prodigia quædam veriùs, quàm homines, per præstigias subdebant. Id Ioanni Loyo & Gertrudi coniugibus accidisse visum est in Hedelano pago, quem intra secundum à Siluaducis lapidein Mosa, inclytus amnis, vicino aluco stringit. His puerulus erat, nondum annum natus, Henricus nomine, proximâ superiore hieme, permolestâ grauique vexatione cœptus exagitari. Nam lugubri assiduaque ciulatione totam domum parentumque aures implebat, vocis modo à subditiorum puerorum fletu haud abhorrente. Tantum verò sugebat materni lactis, quantum tribus infantibus abundè sufficeret. Itaque puer (indiciis eâ tempestate consuetis) veneficio contactus, mater sitientis auditati impar futura, credebatur. Perpetuus dolor, & solatij inopia mœstos iam crebrò impulerat, vt contrà, atque parentum fert amor, breuem vitæ miserixque exitum soboli à Deo precarentur. Ea afflictio totum mensem occupauerat, puero indies & suos & suorum luctus integrante. Tum demum Ioanni atque vxori, nullum Siluaducensi adiutorio certius tutiusque contra omnes præstigias incantationesque munimentum esse, visum

visum fuit. Porro cum spe subsidij coniungunt votum, vinoque ac tritico offerendo, se Diuam propitiaturos pollicentur: & ecce nocte ipsâ, quam votum præcesserat, Henricus ab inexplibili illâ lactis appetentiâ, non tantum à ploratu, lacrymisque, temperauit. Mox formosior corporis species, pristinae similis, haud obscure sanitatem integram præcedentibus intemperis successisse indicauit. Parentes B. MARIAE Siluaducensi impensè honorè debitum habuerunt.

M. CCC.
LXXXIII.

CAPVT LVIII.

Cæcus illuminatur.

VT iure quis ambigat, sitne in hominum oculis plus nobilitatis ad ornatum, an ad vsum necessitatis; ita pro comperto est omnibus, amissionem luminis oculorum inter præcipuas mortalium miseras putandam esse. Diuina tamen virtus suppliciter, à Dei præcipuè Matre postulata, remedia faciliè subministrat. Guilielmus Stalinsius longâ quatuor annorum cæcitate in multas ærumnas deuolutus, vtrumque agnouit, & oculorum pretium ex iacturâ; & celestis vim auxilij ex eorundem restitutione. Conditio ei & fortuna erat infimi pænè generis; vt qui modico aucupij quæstu vitam tueretur. Tres tabernas, locum Hulsto vicinum, incolebat. Et fortè insidias aui- bus moliebatur, quando repentina oculis eius offusa caligo, ægrè domum repetendi facultatem reliquit.

S

Sed

M. CCC.
LXXXIII.

Sed & domum reuerso ita spissæ tenebræ incubuerunt, vt neque diei neque solis ipsius iubar agnosceret. Erat illis temporibus Diua Siluaducensis non solum in agro ditionis suæ miraculorum famâ inelyta, sed etiam apud Flandros, aliasque nationes longius posita, maximè celebris. Itaque facilè Guilielmi quoque vota ad se pertraxit: qui cæcitate quadriennio toleratâ victus fractusque, salubri consilio omnibus viæ commodis piè fortiterque repudiatis, Siluamducis perducere voluit, publicam Diuæ opem in se quoque deriuatum iri haud desperans. Hugo Balduinus socium ac ducem se præbet laboris & viæ. Et Diuæ charitas ad eò miserandi hominis est complexa pietatem, vt cum pro egregiâ suâ benignitate, cum optato oculorum lumine, & gaudio copioso, dimitteret. Quippe sub ipsum peregrinationis completæ votique nuncupati exitum, tam viuax luminibus acies rediit, vt nihil eam prorsus effugeret, fallerétve. Ne tamen in maius, vt fit, rem celebraret, Guilielmus, à duobus deinceps Sacerdotibus cernendi vim explorari placuit, haud exiguâ adstantium turbâ in eiusdem iudicij societatem adscitâ. Quorum ille examinationi sic fatiscit, vt nusquam in prodendis rerum variarum discriminibus allucineretur. Ergo actis Diuæ de more gratiis, lætior quàm aduenerat, discessit, oculis viam commodiorem tutioremque præstantibus.

CA.

CAPVT LIX.

M. CCC.
LXXXIII.

*Ex improbi hominis capite spiculum à Deiparâ
mirabiliter educitur.*

SEra pietas numquam fructu caruit diuinæ opis; 11. 7. m. j.
 quæ eò ferè promptius subuenit, quò & longius
 abesse visa est, & tardius inuocatur. Inueteratum Ar-
 noldi Byzi Flandri malum, post longa multorum an-
 norum spatia depulsum, posteris documento erit. Vir
 fuit honesto loco natus, & Ducum Brabantix, in quâ
 tum frequentia bella versabantur, partes secutus. Lu-
 douicus Malanus Flandrorum Comes in Margaretâ
 coniugis dotem non exiguam Brabantix partem pos-
 scebat. A Wenceslao & Ioannâ Margaretæ sorore re-
 pulsam tulit; atque à Bruxellenfibus, eorumque so-
 ciis, Gandauum vsque populando progressis, haud le-
 uem ditionis suæ cladem. Sed mox reparatis viribus,
 ad bellum impigrè gerendum intendit, fufisque præ- M. CCC.
 lio Brabantis, complures vrbes & Furam arcem, ad LVI.
 deditionem compulit. Wenceslaus, collectis interim
 Traiecti Germanorum auxiliis, celeriter ad suos la-
 borantes reflectit iter; & hoste utcumque repulso;
 multisque in fidem receptis vrribus, ad Furam arcem,
 in quâ adhuc Ludouicus hærebat, castra mouet. Vtrif-
 que cruenta fuit hæc obsidio. Brabantos præsentium
 victoriarum cursus, Flandros recentium memoria ad
 experiendum vltima stimulabat. Irruptionem vi ten-

M, CCC.
LXXXIII.

tare Brabantis placuit: vbi dum Arnoldus inter primores incautiùs dimicat, propugnatoribus ingentem missilium vim effudentibus, iaculo in vultum coniecto periculosum vulnus accepit. Quippe sagitta in eum oculi sinistri angulum, qui supercilium cum nasi fastigio committit, adacta, pænè cerebri membranas percusserat. Hoc vulnere afflictus Byæus, cruore mox emicante, remittere arma coactus est, & sociorum affluentium subsidio se tradere. Hi festinando plagæ periculum addiderunt. Nam dum pro se quisque telum certat euellere, solo ligno dimisso, aculeum iaculi angustæ vulneris oræ retinuerunt. Itaque ferrum hæsit in capite, & sanescens breuè caro foramini callum obduxit. Sed spiculum intus latens longo iuxtà ac graui Arnoldum cruciatu afflixit. Totos (quis credat?) sex ac viginti annos, ad hoc septem hebdomadas ferrea cuspis, tenax pristinæ sedis, recrudescentes sæpè dolores aluit, tantâ interdum violentiâ, vt per aduersam capitis partem nouum sibi exitum factura videretur. Diuturnitas mali tam pertinacis effecerat, vt Arnoldus cum spe sanitatis paulatim amitteret curationis vrgendæ voluntatem. Fortè autem eo tempore, quo aduentum Seruatoris Ecclesia Christianis proponit, Byæus fatigata membra in lectum reiecerat, quieti se traditurus. Iamque altior sompnus accesserat, cum huiusmodi viso recreatus est. MARIA Virgo, calo repente delapsa, se illi spectandam dedit. Eius speciem raræ venustatis decor honesta-

nestabat, liquidissimæ lucis fulgore radiisque per-
 mistus. Super cetera ornamenta eminens auri splen-
 dor sic oculos admirantis impleuerat, vt, reliquorum
 velut oblitus, nihil præter Deiparam, auro vsquequa-
 que circumdatam, ac nitentem, videret. Sed dum
 ille, quantum venerabundo intueri contrà fas esset,
 tam iucundo spectaculo mirè lætus, oculos magis ac
 magis intendit, ex improviso percellitur velut nouo
 ac tristiore prodigio. Siquidem aurea illa cælestis Re-
 ginæ maiestas, & blanda lux, quâ vultus eius decora-
 batur, primùm quidem in candorem, deinde sensim
 in pallorem abire visa est. Quo animaduerso Arnol-
 dus, animo anxius, Ecquisnam, inquit, mea Domi-
 na, tam sereno nimbus ortus est? quæ causa indigna
 vultum paullò antè tam amabilem ac speciosum fœ-
 dauit? vnde subitus ille squalor in faciei nitidissimæ
 decus sic repentè inuasit? Hac admiratione defixum
 Diua excipiens, Ego verò, inquit, à Deo Filioque in eo
 pacem tibi ac veniam precata sum. Tu autem mores
 patrocínio meo indignos exue, atque à pristinis cor-
 ruptelis ad veram virtutem sic animum traducito, vt
 mentis, quàm corporis sanitati impensius studeas.
 Cælo te proba, Deoque, sequetur optata sanitas: abi
 modò Siluamducis: ibi & quid à me sperare debeas,
 videbis; & quid ego possim, senties. Hæc vbi dicta,
 cum somno cæleste quoque spectaculum abiit. Byæus
 autem mox expectatus, atque has voces animo repe-
 tens, salutari præcepto promptè obsequitur. Prima

M. CCC.
LXXXIII.

cura subiit placandi Diuam. Vouet igitur, non ante carnem vllam ab se gustatum iri, quàm supplex con-
spectæ in somnis MARIAE effigiem Siluæducis vene-
ratus esset. Hæc elocuto mirabilis visu euentuque res
accidit. Nam spiculum ferreum, quod iam annis sex
& viginti intimas capitis sedes occupârat, sponte suâ
inde elapsum est, nouo transitu infra oculum, digiti
latitudine, iuxta nares inuento. Auxit miraculi ma-
gnitudinem integritas cutis, à ferri regressu nullum læ-
sionis vestigium prodens. Oculo similiter sua sanitas
innoxia perstitit; Arnolde lætitia inopinata magni-
tudinem vix ferente, aut explicante. Sed & votis eius
facta responderunt. Gelâ Siluamducis proficiscitur;
spiculum inibi, quicumque se obtulerant, of-
tentat, Diuæque enixè gratulatur. Nec minor eo-
rum exultatio fuit, quos ad videndum Arnoldum
rumor exciuerat. Audiebantur voces crebræ Deipa-
ram celebrantium, quæ tam diuturno malo, tam
breuem, tamque gratum finem imposuisset. Spes
quoque populorum vehementer accensa est, cogi-
tantium, nullum vnquam ab eâ derelictum iri,
quæ post sextum & vigesimum annum magis pæ-
niè rogans, quàm rogata, non optimis moribus ho-
mini, & fiduciam sanitatis iniecit, & medicinam
adhibuit.

CA-

CAPVT LX.

M. CCC.

LXXXII.

Pueri vulnus, à calculo malè curato relictum, occluditur.

Minùs longam noxæ moram in tormento haud III. Iunij.
leuiore pertulit Nicolaus, Georgij Nicolai filius, Zelandus. Westkerka Scherpeneslæ propinquus locus est, vbi miraculum patratum ferunt. Nicólaus iunior miserandum in modum calculo vexabatur, quem etsi medicus vtrumque secando exemerat, incisam tamen cutem nequiuit adducere. Plaga igitur minimè coëns vrinæ transilienti iuge iter laxauit. Asperum morbi genus, nocte & interdiu humorem fœdum, proxima quæque rodentem, stillando transmittens. Superueniente deinceps impetigine sic increuit acerbitas, vt absque dolore ne considerare quidem misero liceret. Familiares omnes, præcipuè parentem, filij miseratio ceperat: profluuiò illo perpetua annorum quatuor vlcera, & cruciatus producente. Tum enim uerò pater amore, filius dolore stimulatus, ad preces, ad vota conuersi, orare Siluaducensem languentium Patronam, vt tantæ afflictioni remedium opponat. Et preces benè positas fuisse, perceptus inde fructus sanitatis docuit. Ipse precum finis leuamento initium dedit. Neque tarda fuit curatio cælestibus auspiciis inchoata. Quippe Nicolaus filium, omni obductâ & sanatâ plagâ, mox optimè valentem Siluamducis perduxit; vbi promissis soluendis, & suam pietatem, & misericordiam magnæ Matris testati sunt.

CA-

CAPVT LXI.

*Raptatus equis iuuenis à morte priùs ad vitam, deinde
à phrenesi ad sanitatem reducitur.*

VIII. Inn.

ADhuc singula ferè in singulos beneficia collata sunt; nunc etiam in vno duplicantur: vt constet Principem Virginem, quoties salutaria poscuntur, annuere. Hemerta, proximus Hufdæ locus, vetusta-
que munitus arce, miraculum gemino euentu memorabile adspexit. Ioanni Feytio & Elisabethæ filij erant Godscalcus, atque Guilielmus. Horum posteriorem cælesti Virginis ope mirabiliter adiutum accepimus. Ea nox, quâ sacer D. Lamberto dies clauditur, horribili casu Guilielmum excepit. Is quippe secundâ ferè vigiliâ Hemertanæ Dominæ currum agens, ad reue-
hentos cespites intendebat iter. Iamque Doueræ pagi fines attigerat, cum equi (etiam ad ymbras pauidum animal) consternati primùm, deinde velut instincti rabie, cursum citare, & non tam imperio, quàm pauore rapi cœperunt. Ergo effuso prorsus impetu per lubrica atque inuia delati, nec vltra frenis obsequentes, cum à quo regebantur excutunt. Atque ille quidem capite ad solum alliso, omissis habenis præceps corruit, ac pedes fluituantibus sine lege loris sic implicauit, vt quò magis eos retrahendo conaretur eximere, hoc arctiùs nodorum voluminibus stringerentur. Ita curriculum sine rectore ferebatur, quocumque iumen-

iumenta furor impelleret; & iam rotis semianimis
 Guilielmi caput atterentibus, iam solo asperiore artus
 lacerante, dispersus vbique cruor signabat vias. Ad
 quingentos ferè passus equi sic furentes decurrere, cum
 rupti aut laxati nexus, quàm inhæserant vinculis mem-
 bra, aurigam exanguem, atque humi fusum relinque-
 runt. Inde velut nouis agitantibus furis in longius
 iter concitati, Gansoyam vsque præcipites abeunt:
 ibi cum vehiculo cruento restiterunt. Interim ad
 Guilielmum nonnulli, miserandi casus tumultu exci-
 ti, accurrunt, corpusque sanguine & vulneribus defor-
 matum Husdam deportant, ac velut conclamatum
 in facello proximo collocant. Eo loco tres dies, ac no-
 ctes totidem, relictum cadauer nullum vitæ indi-
 cium explorantibus dedit. Pluma quoque leuissima,
 tertio ad os defuncti applicata, nulloque prorsus mo-
 tu agitata, abesse dudum animam arguebat. Inter hæc
 vulgata Guilielmi mors, non paucos Hemertanos, ac
 præsertim familiares mortuo, excitauerat; siue ad spe-
 ctaculum, siue ad funus extincti. Par erat omnium
 miseratio ac dolor, Guilielmi vultum agrè noscen-
 tium. Cementes itaque amici de iuuenis vitâ iam
 actum esse, quod vnum restabat, cælestem Siluadu-
 censis auxiliatricis opem pro se quisque lacrymantes
 exposcere cœperunt. Constat, fuisse omnino quindecim,
 qui se Guilielmo, si reuixisset, Siluamducis vs-
 que futuros cômities vouerint, vno ore animoque.
 Pondus habuisse has voces ambiguum nemini fuit.

T

Nam

 M. CCC.
 LXXXIII.

M. CCC.
LXXXIII.

Nam repentè victâ excussaqué morte, quæ triduum tenuerat, & vita corporis, & loquendi facultas secuta est; cunctis diuinæ magnitudinem potentiae, inprimisque MARIAM Siluaducensem, summâ laude usque ad cælum efferentibus. Sed gaudium illud, sicut humana omnia, mox inopinatus dolor subsequitur. Iuuenis enim; dum sermones lætos cum suis gratulantibus confert, ex improviso multa turbans, eripiente mentem furore, insanire vehementer cœpit. Is ardor sic eius vires accendit, auxitque, ut validi ad sex homines ægrè luctantem compescerent. Prima rabies in ipsam matrem se effudit, cuius vultum haud dubiè dentibus fœdasset, ni fidæ circumstantium manus infortunium auertissent. Interea gliscente vi morbi, bacchari æger, brachiaque & crura miserandum in modum dispergere, furiali voce viciniam implere, nullum violentiæ genus intentatum relinquere. Maximus omnium terror fuit. Excellebat tamen matris consternatio ac dolor, filium, seque lamentabili gemitu deplorantis. Hærebat interim animo memoria recentis adhuc beneficii, & vitæ filio paullò antè per Deiparam restitutæ. Non ideo reuixisse, ut sic periret: quæ corporis curasset vitam, ei mentis tranquillandæ curam potiore fore: ex duplicis miseriæ depulsione Augustæ MARIAE gloriam duplicatum iri: ipsam beneficium quod inchoasset, absoluturam. His cogitationibus animata mulier, Dei Parentem quâ votis quâ muneribus demereri constituit. Spondet igitur pondo

pondo trium simulacrum virile cereum Virgini do-^{m ccc.}
 num; vini, tritici, auriq̃ue & argenti definitum pon-^{lxxxiii.}
 dus adiecturam promittit. Sic illa quidem plus spei
 in auxilio optimæ Virginis, quàm metus in suâ ac filij
 aduersitate constituens, largiorem quoque expecta-
 tione suâ dexteram Diuæ experta est. Nam & eodem
 tempore confedit Guilielmi furor, & mens ad pristi-
 num statum reuerfa, lætam quoque serenitatem in
 corpus diffudit; nihil amplius turbidum, nihil insa-
 num moliens, agitansve. Amicis verò atque Elisabe-
 thæ immensa quædam lætitia affulsit: adeò res illa ex-
 pectationem omnium vicerat. Paruo deinde inter-
 uallo integra totius corporis valetudo secuta, Guiliel-
 mum noxæ omni exemit; ac tum ipsi tum ceteris mi-
 raculi spectatōribus, matriq̃ue, curam implendi
 quamprimùm voti iniecit. Ergo ritè neque segniter
 suscepto itinere, è familiaribus xv. voto omnes adstri-
 cti, Guilielmum cum Elisabethâ matre Siluamducis
 deducunt; & peractis, de more, sacris, Diuæq̃ue bene-
 ficientiâ singulari passim deprædicatâ, Hemertam ala-
 cres exultantesq̃ue reuertuntur.

CAPVT LXII.

Tribus crura sanantur.

Idem dies Iunij mensis octauus, plurium miraculo-^{viii. Iun.}
 rum annotatione non tantùm fecundus, sed parti-
 tium quoque ac membrorum similiū curatione

T 2

memo-

M. CCC.
LXXXIII.

memorabilis fuit. Tres è diuersis regionibus homines, si non morbi, certè membri paris, haud dispar remedium Siluæducis inuenerunt. Et Ioannes quidem Euerartius Petri filius, ita dextro crure laborabat, vt noxa remediis superior esset. Iugis sanies aperto semper vlcere manans, neque cutim sinebat coire, & ingenti cruciatu miserum torquebat. Non solatia humanæ tantùm artis, verùm etiam preces, præsentissima alioqui laborantium medicina, incassum adhibitz fuerant. Votis quoque conceptis, ac nuncupatis, nihil profectum. Intra finem anni vertentis Medicorum septem industriam morbus lassauerat, à quibus remediorum plurimum, sanitatis nihil allatum est. Ita dum pus continenter stillat, contagione sensim in proximas partes deriuatâ, ægro cuncta in perniciem verterunt. Tandem salutare fuit cælestis præsidium Reginae, quæ inuocata mox præstò fuit; ac iacentem sic erexit, vt intra quartum ac decimum diem à Flandrorum Stelantiâ Siluamducis, tibiâ obsequium præstante, accurrere potuerit. Huic superuënit, cum Arnolde Noudio coniuge, Aleydis, ex Heycopiâ inferiore Vianensis agri, & ipsa crure, sed sinistro, magnas acerbitates ferens. Quippe immodicus tumor insederat, nunc ferrugineum, nunc sanguineum colorem duccens. Dies xiv. lectulo affixa fuerat, cùm feruidâ precum vi sedatum est malum, & intra quartum diem sic discussum, vt mulier valida Siluamducis perrexit, ac Diuæ sanitatis procuratrici gratulata sit. Mox quoque

VIII. Iun.

quoque Fridericus Wannemakerus, atque Elisabetha ^{M. CCC.}
 coniuges adfuere. Tres abierant hebdomadae; post- ^{LXXXIII.}
 quam illi Ultraiecto ad Aquas-grani processerant, vo- ^{VIII. Iun.}
 tiuam peregrinationem obituri. Iam aliquantum viae
 confectum erat, cum ingruente dolore subito eò reda-
 ctus est Fridericus, ut non valeret ultra mouere vesti-
 gium. Nam caro dextrae tibiae sic intumuerat, ut rusti-
 ci vasis, in quo ex lacte butyrum cogitur, aequaret mo-
 dum. Ergo, cum ad cruciatum suapte sponte peracer-
 bum accessisset quoque molestissimum onus, necessa-
 riò iter abruptum fuit. Ceterum, cum indies cre-
 sceret atrocitas morbi, maluit Fridericus Siluaducen-
 sem tot miraculorum effectricem, quam Medicorum
 manus ac ferrum implorare. Quare intentiore curâ
 ad opem diuinam sese conuertens, suppliciter medici-
 nam postulat, tot nationibus terrisque communem.
 Nec supplicatio irrita cecidit. Namque è vestigio me-
 liùs esse Friderico cœpit; tumor quoque resedit om-
 nis, & consuetam tibiae habitudinem maior pristino
 vigor crexit. Par etiam in adeundo Diuæ sacello, gra-
 tiisq̃ue referendis, alacritas extitit.

CAPVT LXIII.

Femina morbo è viuis sublata, vitam accipit.

PÆnè totidem sunt moriendi genera quot homi- ^{ix. Junij.}
 num. Vna leti dies cunctis imminet; sed non
 vnus leti modus. Morbi quoque spatiis differunt,
 T 3 dum

dum quorundam vitam breui exitu claudunt, alios lentâ diuturnitate exercent, ac dolorum magis, quàm ætatis senectutem extendunt. Documenta haud alibi ferè crebriora, quàm in hac nostrâ narratione spectaueris. Nunc subitum inexpectatæ mortis imperium, Deiparæ moderatione temperatum, cognoscer posteritas. Gastera, Veteri-Silux adiacens pagus, incolas habuit Ioannem Potterum cum vxore Aleyde. Hanc ægra ex improviso valetudo sic afflixit, vt antequam remedia comparari possent, vitam adimeret. Maritus, vt mortuam coniugem in conspectu habuit, quamquam vehementi dolore angebatur, pietatem tamen lamentis prætulit, & quâ voce, quâ animo ardens sese totum in preces dedit; haud dubias à Siluaducensi Seruatrice suppetias sibi pollicitus. Nec intra preces pietas stetit. Præter triticum, etiam aurum argentumque à se appensum iri, spondet; non ignarus, hisce donis dicandis plurimos ærumnis vexatos, & gratiam MARIAE Virginis, & miseræ alleuamentum impetrasse. Nec diu se rogari Deipara voluit. Aleydis enim, cum duas non ampliùs horas vitâ & sensu caruisset, non tantum sine incommodo, sed etiam sine indicio tam perditæ modò valetudinis repentè surrexit; vnaque cum viro & vicinis, ei, cui vitam debebat, præconia gratesque Siluxæducis perfoluit.

CAPVT LXIV.

M CCC.
LXXXIII.*Puerperam simul & fetum seruat Deipara.*

NON grauiora morientem, quàm nascentem ho-
minem pericula infestant. adeò vita nostra, vbi-
que similis sui, perinde aditus atque exitus suos diffi-
cultatibus impeditos habet. Nec tantùm qui in lucem
mittuntur liberi, sed etiam matres, quæ enituntur, in
discrimen veniunt; pari propemodum infirmitatis
conditione. Id persæpè in singulis ostendimus; nunc
gemina in duas, matrem ac filiam, clades extenditur.
Lugduni Batauorum ciuis erat Ioannes Vander-Hey-
dius, cuius vxor Gertrudis vterum ferens in ipso pa-
riendi articulò vnà cum fetu pænè interiit. Nam
summa prolis egerendæ difficultas spiritum matris in-
tercluserat, omni sensu, vt videbatur, destitutæ. Aux-
liatrices feminæ plenæ desperationis, ac percussæ, ad
ploratum magis, quàm ad subsidium ferendum sese
conuerterant, Gertrudem iam è vitâ abiisse credentes.
Atque vt malum malò feritur, haud leuior pernicies
infantem pressit, velut maternæ calamitatis heredem
vnicum. Siquidem & hæc, grauissimo correpta malo,
pro mortuâ deplorabatur. Caro prorsus tetra squali-
dam nigritiem induerat, haud obscurum mortis præ-
sentis indicium. Cùm plus quàm duas horas, despe-
ratâ ab omnibus vtriusque salute, sic exanimis iacuis-
sent, Ioannes diuinæ fiduciâ clementiæ firmavit ani-
mum,

M. CCC.
LXXXIII.

num, ac votum concipit, si ea clades è domo suâ emota esset, Siluamducis cum vxore ac filiola se petiturum. Eo voto perinota Deipara, viro coniugem cum sobole reddidit: quæ omnium miraculo ad se redeuntes, nullum deinceps valetudinis vitium sensere. Puella subinde, sacris Baptisini vndis lustrata, Gertrudis nomen accepit; cumque iam septem hebdomadarum processu satis corroborata vtraque videretur, cum magnâ vicinorum parte, qui miraculi aut conscij, aut testes fuerant, ad ipsam miraculorum sedem, Siluamducis, gratulabundi processere.

CAPVT LXV.

Nautæ periculoso errore liberantur.

ix. Iunij.

QVæ toties ægris salutarem tulit opem Deipara, nunc se ductricem præstat errantibus ignoto mari, cursuque. Hamburgi XIV. partim vectores, partim nautæ conscenderant, cerevisiæ dolia non pauca in Flandriam deportaturi. Solemne verni ieiunij tempus satis pacatam nauigationem spondebat. Verum vbi longius pelago inuecti sunt, sic à consueto itinere decurrarunt, vt, siue præstigiis oculos fascinantibus, siue locorum imperitiâ, totos dies XIV. fluctuarent, incerti quonam ferrentur. Nam neque signorum ortus obitusve notare poterant, neque Septemtriones ab Austro aut meridie discernere, neque vllam telluris oram vestigare. Quocumque procellarum ageret impe-

impetus, iactabantur; nunc insidiosa nauigantibus M. CCC.
LXXXIII.
vada cautesque, nunc cibarium inopiam haud vano animorum praesagientes metu. Hæc tam tristis ac longa navigationis mora Henricum Vander-Haghiū nauarchum compulit, ut totam in vno Deo eiusque Matris bonitate spem collocaret. Procum-bens igitur, Numinisque & Virginis fidem implorans, ut se suosque reduces domum sistant, orat & obtestatur: missurum è suis quempiam Siluamducis, qui emptam floreno candelam ceream ante aram Diuæ accenderet; nimirum testem eiusce claritatis ac lucis, quā illuminante, speraret ipsos ex hac errorum nocte atque caligine, in certam susceptæ viæ notitiam redituros. Nox erat, quando Henricus exorata hac prece Virginem propitiavit sibi. Verum simul ut primo diluculo tenebræ depulsæ sunt, statim & maris regionem agnoscere, & terram in conspectu habere cœperunt. Nec ampliùs eos fefellit via, & cursum & portum vnà aperiens. Postquam verò exscensum est, Henricus famulum suum Hermannum Reedberum Siluamducis dimisit, qui tum gratiarum actione, tum votiuo luminari illud mundi sidus veneraretur, quod caligantes mortalium oculos, & occæcatis erroribus mentes, suavi fulgore collustrat, atque in viam reducit. Hermannus paullò antè periculi, nunc felicitatis particeps, haud cunctanter hero, tam iusta imperanti, obsecutus est.

CAPVT LXVI.

Femur & crura quorundam vitijs eximuntur.

x. Iunij.

PAria huic miraculo & illa fuere, quæ x. Iunij die ad ædituos delata sunt. Ermgardim Gerardi, femoris graui noxâ contactam, nec se, nisi alieno ministerio, mouentem, postquam id mali mensem durasset, Siluaducensis præsidio Diuæ, incolumitatem Embriçæ recuperasse: Petrum præterea Boschium Alsensem, cui nouem hebdomadis sinistra tibia & vulnere & tumoribus à canis morfu illatis exeruciata fuerat, eodem medicamento diuinitus curatum: Embertum item Guilielmi aduersus sinistri cruris vitium minimè leue, precibus Virgini oblatis vsum esse euentu penitus felici. Distat ab Iselâ flumine circiter M. passus, pagus quem incolæ Vñam vocant, S. Georgij cultu apud proximos maximè celebris: nec longè abest ab Epâ pago eiusdem regionis; à Dauentriâ autem atque Hartemio Geldriæ vrbibus pari ferè vtrimque interuallo dissidet. Hic iacebat Embertus, totâ ea corporis parte, quæ à coxendice ad sinistrum pedem porrigitur, ita captus ac debilis, vt ne motionem quidem vllam aut contactum sustineret, atque in lecto sex mensibus assiduus esset. Nusquam, nisi alieno ministerio, & acerbâ membrorum vexatione, transferebatur. Sic constitutum fortè Valerius Ghisæus accessit, ac docere institit, in Siluaducensi miseriarum omnium

nium expultrice spem figendam esse : eam rarò sine ^{M. ecc.} effectu , semper cum fructu rogari : suauem sentiri, ^{LXXXIII.} non tantùm dici : nec magis vicinos , quàm remotos populos tantæ clementiæ testes existere , atque inde solatium rebus aduersis , animis gaudia , corporibus vires reparare : neminem , nisi perire vltro cupientem , à MARIA destitui. His confirmatus æger , & desiderio suo , quàm amici consilio cupidius obsequens , anxè precatur Virginem , vt saluti suæ consultum velit : se quidem ad sedem eius adeundam , magno animi ardore impelli ; & porro , si per ipsam detur , aditurum consueto peregrinantium ritu ac modo. Et confestim voti virtus se prodidit. Exinde enim fulcris nixus cœpit progredi , ac citra mensem , damnato eorundem vsu , suis sultus viribus insistere longiusque ambulare ; donec illa ipsa debilitatis adiumenta in humeros sublata , ad aram Siluaducensem lætitiis triumphans exilienſque deportauit.

CAPVT LXVII.

Puer aquis mersus reuiuiscit.

PLerumque pueri in aquis mortem amant , & in-^{x. Junij.}ueniunt ; nitore placido in certam perniciem decedente. Ea fors Godardi Petri fuit , qui in aquas delapsus , nulloque succurrente extinctus est. Alter erat solemniū rediuiui Christi dies. Parentes Ioannes Balduinus & Christina , Almkeræ , vbi res accidit , tunc

M. CCC.
LXXIII.

habitantes, adeò tristem filioli casum ignorabant. Ergo immortalis aquis Godardus latuit, donec tertiâ, quàm perierat, horâ extractus fuit, sibi ipse dissimilis, penitusque deformatus. Lutosâ illuuiâ vultum mutauerat, letali colore ac gelu perfusum. Mater fortè prior in puerum incidit; quem mortuum conspicata, tantò acerbius defleuit, quantò maior est matrum in teneros, quàm in adultos liberos, amor & indulgentia. Obuersabatur tamen animo salutaris Patronæ Siluaducensis memoria. Quâ incitata mulier, dulcissimam Virginem supplex rogat, vt & orbitatis suæ, & puerilis innocentiae misereri velit: ipsam cum donis, si Godardo vita reparetur, profecturam ad asylum gentium omnium, Siluamducis. Mox Diuam, in mortalium salutem semper intentam, miseratio subiit afflictæ matris. Vita mortuo, filius matri redditus est: quæ omni honore consolatricem Diuam profecta, quidquid de se pollicita fuerat, summâ fide perfecit.

CAPVT LXVIII.

Altero crure mancus confirmatur.

xi. Iunij.

Continere se in hoc beneficiorum genere Diua non potuit; sed interdum extra consuetos benignitatis fines se effudit. Ioanni Veldio Marensi, quidquid infra coxam dextram membrorum extenditur, graui hebdomadarum XII. debilitate eneruatum erat; ex quo sic claudicabat, vt nec ingredi posset, nec insistere,

sistere, & perpetuum ac peracerbum dolorem sustine-
ret. Fortè obdormierat, cùm augustam cæli Impera-
tricem præsentem sibi conspicerè visus est, præcellenti
maiestate conspicuam. Tum illa, Age, inquit, Siluam-
ducis proficiscere, vise ædiculam, & nomine meo &
beneficiis inclytam. Cum votiuo munere, & his, quæ
te circumferunt, fulcris, illuc peruenire te volo. Ne
quid ambigas, omen præsentia meæ erit sanitas tua.
Ioannes tam læto recreatus nuntio mox expergiscitur,
atque impensius etiam, quàm exigebatur, præscripta
sedulò seruaturum promittit. Dignus repentino Diuæ
auxilio esse visus est. Nam lenitus confestim dolor
intra mensem penitus abscessit, ægroque copiam fe-
cit, tum laudandi Deiparam sanitatis auspicem, tum
dono aliquo Siluamducis delato testificandi piete-
tem suam.

M. CCC.
LXXXIII.

CAPVT LXIX.

Puer è sublimi delapsus vitam recuperat.

Elisabetha, Hugonis Roueri vxor, ingentem quo-
que gaudij materiam à suauissimâ humani gene-
ris Consolatrice accepit. Swyndrechtum in Flandriâ
pagus admirandæ rei celebritatem vulgauit. Ioannes,
Elisabethæ filiulus, in sublimiorem domus crepidi-
nem ascenderat: vnde cùm præceps corruisset, duas
amplius horas exanguis iacuit, animâ miserabiliter
amissâ. Matri nota erant cælestis Reginæ apud Sil-
uaducenses miracula: multa sciebat accidisse diui-

xi. Junij.

M. CCC.
LXXXIII.

nitus eiusdem interuentu MARIAE, sperabatque, si eam Aduocatam apud Filium interponeret, vitam puero faciliè recuperaturam. Abiicit ergo corpus supplex in terram, rogatque fidenter, vt Ioannem sibi ereptum, quod posset, restituat: sese cum rediuuiuo impigre ad ædiculam famâ nobilem aduolaturam. Et votum à Deiparâ probatum fuit. Nam Ioannes, subito alacer ac valens, vitam maternis precibus condonata denuò exorsus est; antè à suâ, nunc ab ipsâ Dei Matre in lucem editus. Quinto igitur die, quàm reuixerat puer, à matre Siluamducis deducitur, diuinam benignitatem miris laudibus euehente.

CAPVT LXX.

E carcere innocentem Virgo emittit.

xi. Iunij.

MVLtos quidem morti, quosdam carceri, velut mortis vestibulo, liberatrix MARIA exemit; omnibus mortalium, quasi liberorum suorum, ærumnis æquè propitia. Maternum certè amorem Gerardus Dullichius in grauissimo vitæ discrimine perspexit. A Monte S. Gertrudis, patriâ suâ, Dordracum petierat, vbi comprehensus, & in publicam custodiam traditus est. Nimirum pugnas mouisse, & quietem ciuium violasse, accusatores criminabantur; idque facinus capitali noxæ habebatur. Et quamquam ille se falso crimine onerari contenderet, plus tamen quàm tres hebdomadas carcere asservatus est, in maiore exspecta-

spectatione supplicij, quàm libertatis. Intercessores ^{M. CCC.}
 quoque omnes à iudicibus abiecti erant, nulli, quam- ^{LXXIII.}
 uis maximo, oblato pretio, nulli deprecationi, manife-
 stum rerum capitalium condonantibus. Quaterni
 quoque aut quini amici, vadimonium haud grauatè
 promittentes, repulsam passi sunt; Dordracensium
 animis ad reum condemnandum obstinatis. Ingens
 deinde pecunia, vnica scilicet seueriorum legum iudi-
 ciorumque moderatrix, frustra, quod sanè mirum, ob-
 lata fuerat. Ergo nihil reliquum erat, nisi vt Gerar-
 dus sententiis omnibus capite damnandus, corpus in
 supplicium & mortem daret. In hoc angore animi
 æstuque curarum versantem, opportuno sermone at-
 que consilio, superueniens frater consolatus est. Aie-
 bat, nocte proximâ acquiescenti sibi præcelsam mun-
 di Reginam adstitisse, blandaque oratione hortatam
 esse, Adiret ad vinctum fratrem; iuberet læto esse
 animo, ac Siluamducis proficisci: lineâ item veste
 pileoque sparteo indutum, adiculam suam visere: nec
 de liberatione ambigeret, cuius ipsa vates ac prænun-
 tia extitisset. Erectum hoc nuntio Gerardum institit
 urgere frater ad votum ex Diuæ præscripto nuncu-
 pandum. Ille subsidium diuinitus oblatum haud-
 quaquam repudiandum ratus, ingenti alacritate pol-
 licetur Diuæ, se, amictu ab ipsâ præcepto velatum,
 statim Siluamducis perrecturum, simul ac vinculis
 neruoque absolutus esset. Cælestibus dictis humana
 facta addiderunt fidem. Nam postero die, ne datam
 à Vir-

M. CCC.
LXXXIII.

à Virgine spem longior mora lassaret, Senatus decreto Gerardus è custodiâ educitur, & infamiæ culpæque liberatur. Igitur ad Montem S. Gertrudis reuersus, nec diu moratus, tertio postquam è custodiis abiisset die, imperata fecit; non paucis familiaribus, quos & paullo antè periculi, & nunc miraculi magnitudo coniunxerat, in comitatum adscitis. Gerardus ipse cum fratre, lineo quisque amiculo vestiti, sparteoque pileo recti sunt: ceteræ turbæ lanca indumenta placuere, & nudati ad maiorem sensum asperitatis pedes: toto itinere nullius alimenti, præterquam panis & aquæ, vsus fuit: comineatus alius religiosè repudiatus. Gratia Virgini actæ, preces ac dona persoluta sunt.

CAPVT LXXI.

In puellâ sanguinis admirandus sudor sistitur.

xiv. Inn.

NON solum custodiâ & compede, sed etiam morbo vinctos gaudet soluere, cuius officium est, exercere clementiam. Et nunc quidem de ignoto ferè mortalibus, sed cò grauiore morbi genere dicendum est. Difficilior curatio, & remediorum inopïa, opitulantis MARIAE potentiam illustant. Lugduni in Batauis Guilielmus Ioannis & Badeloga Gertrudem filiam habuère, quam inuisa corporis valetudo miris affecit modis. Proximis Remigialibus initium malo datum est, causâ omnibus latente. Nam primùm per nares, perque os puellæ sanguis manans iugi cursu
meare

inicare cœpit; mox quoque hac viâ non contentus, per
 ipsas genas exire, deinde per brachia, crura & singulos
 totius corporis artus sese effundere. Sudoris tamen,
 quàm vulneris fluxui similior ferebatur. Ad hæc to-
 tum corpus quaquaversum intumuit, summam cu-
 tem tendens, membranæ aut laternæ instar perlucen-
 tem. Hoc tantum tamquæ inusitatum profluvium, ne-
 que cruoris assiduè erumpentis copiâ minuebatur, nec
 dierum noctiumve spatiis exhauriebatur. Interim,
 quod æquè mirum, cutis integra nec foramina nec
 meatus pandebat villos, per quos cruentus sudor hu-
 morem digereret. Tristissimum spectaculum erat,
 puellam in sanguine suo natantem, & proxima quæ-
 que diro colore tingentem cernentibus. Multi ad cæ-
 lestium iras & prodigia horrificam pestem referebant:
 cuncti eiusmodi sudores ex hominibus vniquam pro-
 rupisse pariter abnuebant: nemo oculis, nemo auditu
 parem noxam didicisse meminerat. Interim tamen
 Medicorum auxilia tentare Ioannes voluit, non tan-
 tum in vrbe suâ consulens peritissimum quemque,
 sed Harlemum quoque profectus, quod eum nobilio-
 ris, vt credimus, Medici fama compulerat. Sed is Me-
 dicus cuncta in ceterorum morborum depulsionem
 alioqui prompta, ad hanc infirmitatem comprimen-
 dum parum idonea reperit. Igitur omnes omnium
 conatus incassum cecidere; cum qui aut indolem aut
 remedium morbi ostenderet, nemo prodiret. Sic to-
 tum mensem Gertrudis iacuit, insudante semper cor-

M. CCC.
LXXXIII.

M. CCC.
LXXIII.

pore pariterque inflato; omnium lacrymis & miseratione in ipsam conuersis. Tum enim uerò parentes fessi tædio tot malorum, omnique spe humanâ destituti; ultimâ necessitate mentibus consiliurn subiiciente, flentes Diuam Siluaducensem rogant, ut pereunti filia opem ferat: vel eam unam esse quæ id possit, vel neminem: salutem puellæ, & reliquorum sibi solationum omnium summam ex eâ pendere, quæ nunquam suo præsidio supplicantes fraudasset. Sub eius finem precatationis repentinam commutationem ægrotæ videre licuit. Quî enim tam diro sudore cruentatam puellam diu illa Mater aspiceret, cuius misericordia toties lacrymis nostris suas addidit? mox igitur & cruoris effusio cohiberi, & corpus tumore liberari cœptum est; atque exinde virium incremento aucta Gertrudis, intra tertium diem sic à morbo confirmata est, ut nullas pristinae valetudinis vires desideraret. Inde quod ad gratulationem honoremque MARIAE Virginis pertineret, itum est Siluamducis, ubi Gertrude ante aram, famâ celebrem, constitutâ, supplicationem Diuæ pro singulari eius merito detulerunt.

CAPVT LXXII.

*Tempestate commutatâ multi naufragio imminenti
eximuntur.*

xiv. Iun.

HIs rebus apud Belgas auctâ Diuæ veneratio, etiam longinquarum nationum vota excitauit, versus Septentriones Prussiam Liunionique incolentium.

lentium. Ex illis enim regionibus, & periculi magni-
 tudine, & numero periclitantium nobile miraculum
 allatum est. E Flandriâ sub autumnum soluit on-
 raria naus, imposito sale, &, seu vectoribus, seu nau-
 tis, duobus & triginta. Euerardus Herwardenus nau-
 clerus, nauigiiq̃ue dominus, ceteris præerat, cursum in
 Liuoniâ intendens. In Regio tamen Monte, celebri
 Prussiarũ vrbe, domicilium fixerat, eodẽ expeditis
 negotiis reuersurus. Egregia tempestas à terrâ abeun-
 tes in altum prouexerat, secundaq̃ue vrentibus aurâ
 progressum felicem ostentabat. Sed plerumque sunt
 breues nauigantium lætitiæ, à vento & mari, in-
 constantissimis auctoribus, pendentes. Itaque subitò co-
 orta procella cum magno fragore turbinibusq̃ue, tam
 denso cælum operuit nimbo, vt propè omnem eius
 conspectum trepidantibus abstulerit. Furentes æstu
 fluctus erigebat mare; iisdemq̃ue mox violentè disie-
 ctis, hiatus vastissimos nauigio laboranti pandebat.
 Parùm aberat extrema perniciēs. Namque vndæ ab
 omni parte in onerariam incitata, sic in eam se infude-
 rant; vt nec armamenta tractari, nec officia nautica
 administrari possent. Ergo mutuis prohibiti auxiliis,
 & aquis vndique ingruentibus, frigoreq̃ue impliciti,
 cum pavor ac desperatio in omnium vultu emineret,
 susceptum laborem deserunt tuendæ vltra naus, vi-
 tæq̃ue. Cumq̃ue iam propè esset vt perirent, subiuit
 animos memoria gratissimæ curæ, quam Siluadu-
 censis Patrona suis clientibus, in discrimen adductis,

M. CCC. LXXXIII. terrâ marique impenderet. Tot publica Virginis beneficia quid aliud esse, quàm totidem ad opem eius exposcendam inuitamenta? Hac adiuuante Reginâ, ipsos quoque breuî oprabilem, ex miserrimâ, fortunam habituros. Eiusmodi ergo cogitatione meliores nunc animos accendente, mutuae fiducia impleti, ardent pro se quisque vota coniungunt; vnoque clamore testantur, fixum ac statutum ipsis esse, si infortunio caruerint, per vnum aliquem de suo numero, quem fors legisset, votiuo munere Siluamducis misso, honorem procurare auxiliatricis Diuæ. Eo voto reparata omnium spes, salutis etiam curam integrauit, pristino torpore damnato. Mox enim, quantum tempestas permetteret, sortitionem instituunt, quâ Andreas Leslinius profectioni Siluamducis capeßendæ destinatur. Qui cùm libenter sortem admisisset, è vestigio tanta tranquillitas exitit, vt non venti modò lenirentur, verùm etiam nulli omnino spirarent. Sed & saluæ pacatæ rabies incredibili felicitate, in malaciam se vertit, labore metuque fatigatis requietem ac respirationem indulgens. Confestim quoque haud disparēs nocti umbræ depulsæ aperuerunt lucem, & amœnum solis inbar, quod per tres dies tempestatibus exactos abditum fuerat, gesticantium oculos & studia recreauit. Namque antiquissima omnium cura fuit, intermissâ tantisper nauali operâ, gratias, vt par erat, diuino agere Numini, Virginiq̃e MARIAE; quòd tot tantisque malis, quorum tamen modò non pœniteret, supe-

superiores effecti, damno, non tantum periculo liberati essent. Hinc alacriores, adhibita sollicitudine ac labore, vndas per totam carinam diffusas egerunt; foros expurgant, armamenta recolligunt, & flantibus iam ventis commodioribus, vela pandunt. Aura igitur, velut diuinitus temperata, leniter increbuit, & placidissimo cursu perfunctos in eum, quod intendebant, Liunionæ portum introduxit. Ibi incolumes ad unum omnes in terram expositi, Andream Lessiniū, quem fors designarat, Siluamducis dimiserunt, qui MARIAE, tempestatum ac periculorum propulsatrici, cunctorum nomine, non tantum grates persolueret, sed donum etiam memoriæ ergo ferret. Id quod ab illo sic est præstitum, ut itineris laborem in gaudium suum, depulsionem periculi in Deiparæ gloriam commutaret.

CAPVT LXXIII.

Puella caca visum recipit.

Illud miraculum foris, hoc domi à Virgine patratum est. Arnoldus Cloeytius, tot rerum mirabilium famâ permotus, Vandericâ venit, Aleydem filiam, vi. hebdomadarum cæcitate laborantem adducens. Is in patriâ suâ votum fecerat adeundæ Diuæ, si filia aspectum reciperet. Voto profectionem subiungit, atque Aleydem oculis captam eò dirigit, ubi multis multa diuinitus MARIAE Matris meritis, & deprecatione

M. CCC.
LXXIII.

catione concedi audierat. Spem bonam habebat, graue malum publico Deiparæ auxilio posse depelli. Ergo Siluæducis, propter Diuæ statuam, animumque vocemque ad precandum intendit. Et ecce supplicatione finitâ, donoque dedicato, puella oculos, cælestis beneuolentiæ vades, aperit; repentè dispicit, & rerum oblatarum discrimina haud cunctanter internoscit. Dici vix potest, quanta ceperit admiratio Marcellum Ossium, Rutgerum Lieshoutium, Laurentium Bode-num, aliosque complures, qui seu inspectores, seu exploratores, rei tam prodigiosæ interfuisse perhibentur. Itaque puellæ oculorum, ceteris pietatis nouum lumen affulsit.

CAPVT LXXIV.

Incendium comprimitur.

xvi. Inn. **P**Eregrina res, sed memoriâ dignissima, traditur facta hoc ferè tempore. Sunderta, cui maioris nomen obtigit, Bredani agri pagus est. Huc flammæ intulit iuuenilis licentia, in concubiam vsque noctem largioribus poculis indulgens. Primùm igitur tabernam ipsam, quæ compotores tenebat, repentinum incendium corripuit. Vbi flamma lucere ac diffundi cœpit, confestim excita clamoribus vicinia, pro temporis modo ac periculi magnitudine, nihil omittit, quo, si non malum opprimerent, incremento certè obniterentur. Sed ventus quoque, velut in ebriosorum

rum supplicium conspirauit, ac scintillas ita latè sparsit, vt domicilia prorsus XI. conflagrarint, soloque æquata sint. Indè mali vis in ipsam quoque sacram ædem incubuit, & prius, quàm sedari posset, absumpsit. Iam vnicus tantum paries templi restiterat; nec ille quidem à noxâ immunis futurus credebatur. Nam pronus venti impetus, more pabuli flammæ alens, nihil intactum relinquebat. Extremo huic muro domus quædam templo adhuc superstes adhærebat, quam fortè cum Margaritâ coniuge Henricus Grobbius tum incoletet. Qui cùm iam æstus tectum lamberet, ac tempestas porro flammæ vrgeret, nec vlla spes sopiendi incendij, nimirum fumante iam tecto, superesset, cæleste præsidium inusitato elementorum furori opponunt. Ergo prouoluti in genua, ad Deum eiusque Matrem conuersi, supplices tendunt manus; &, Tu, inquit, dulcissima Mater, spes omnes nostras tuere propitia: domus nostra sit donum pariter ac monumentum fauoris tui. Videat posteritas domicilium, per te inter cineres & proxima busta seruatum: Nos quidem credimus, etiam flammæ obsequij tui capaces esse. A nobis hanc sponsonem accipe: Ibimus, ibimus Siluamducis, soloque pane & aquâ contenti, corpora quoque asperiore cultu affligemus, & pedibus nudis capestemus iter. Vix finierant votum, cùm procellæ vis cælesti imperio aliorum repentè coacta, & tanta ignium atrocitas in ventum iam mutatum dispersa, præsentem Diuæ opem, incendio
longè

M. CCC.
LXXXIII.

M. CCC.
LXXXIII.

longè potentiorẽ esse, monstraui. Neque verò promptior fuit Henrici anxietas ad vouendum, quàm ad soluendum religio. Nam redditis in loco mox gratis, decimo deinceps, quàm incendium posuerat, die Siluamducis iter intendit, ac Deiparæ potentiam luculento testimonio affirmauit. Ita & miseria supplicum precibus, & intempestiua potatorum temulentia vlticibus flammis vindicata est.

CAPVT LXXV.

Puero aquis suffocato vita redditur.

XVII.
Iunij.

QUemadmodum viuunt parentes in liberis, ita nunc in rediuiuâ sobole parentum vitam, non solum lætitiã, Deipara renouat. Guilielmus enim Berchius haud obscurum eiusmodi clementiæ à MARIA proditi exemplum fuit. Parentes habuit Henricum Berchium atque Gertrudem; in Elstano Batauiæ pago; qui cum Siluamducis filium traducerent, tertiumdecimum ab infortunio diem adesse memorabant. Præcipitatus in aquas puer per tres horas iacebat; vitâ inter vndas effusâ, vultum nigredo subierat, artus reliquos fatalis pigritia, & commune morientibus gelu. Parentes ac familiares inopinatæ rei stupor primùm defixerat: verùm mox emerso ab stupore animo effusi simul omnes in fletum, pietati magis quàm dolori frænos laxarunt. Ergo nixi genibus ad xv. homines desideria sua exponunt Siluaducensi Diuæ.

Pro-

Profecionem vouent, & in eâ obeundâ laneæ vestis^{M. CCC. LXXXIII.} vsum, nudatos pedes, vini triticiq̃ue conceptum pondus. Nec mora: quod optarant, assecuti sunt, & Guilielmus in conspectu tot astantium reuixit. Sic Diua quidem parentibus sobolem, parentes Diuæ votiua munera repræsentarunt, xx. prodigiosa rei spectatores Guilielmo atque Gertrudi Siluamducis petentibus adiunxerunt sese. Memoria tabulis publicis consignata est.

CAPVT LXXVI.

*Duobus subterranei loci graueolentiâ exanimatis
Virgo subuenit.*

Æ Què insolitum diuinæ potentia opus fuit duorum^{xviii. Iunij.} hominum, qui iamdiu exanimati iacebant, restituta vita. Maritimam Flandriæ oram hoc anno Britanni infestis armis vastabant, tanto incolarum metu, vt exiguam haberent victoriæ, aut certè melioris fortunæ spem. Eminebat opulentiorum trepidatio, quorum copia hostilem ferè auiditatem vehementius ad prædandum exacuunt. Slusæ tum Guilielmus Tackius vir nobilis, de periculieuentu sollicitus, haud segniter rerum suarum satagebat. Nam pretiosiore suppellectilem, gazamq̃ue omnem, non aliò tutius se coniecturum credidit, quàm in receptaculum sordium domesticarum: hostem, si urbem opprimeret, fœditate loci auersum, alia omnia perscrutaturum. At Britanni retrò versi Slusam non attingere.

Y

Subla-

M. CCC.
LXXXIII.

Sublato igitur timore, de recuperandis rebus anxius Guilhelmus, mercenarios tres conducit, qui latentem egerant gazam. Octauus agebatur à Pentecoste dies, cum operæ labori adnotæ purgamentis primùm omnibus cauernam exonerant: tum vnus eorum ad ima demittitur, collecta vasa exportaturus. Sed is immani odoris grauitate præfocatus, ne sermonem quidem sociis, diu multumque vociferantibus, reddidit. Tackius partim hortari, partim increpare reliquos cœpit, ne soldalem in vltimo periculi deferant. At verò superstites, alieno docti malo, imperata detrectare perseuerant. Tum denique apparuit, quò se indoles cupiditatis abiiciat. Nam Guilhelmus, negligentior vtique vitæ, quàm auri (tam indignè in subditos auaritia consulit) haud minùs periculofum, quàm turpe ministerium occupat, & fune subter axillas constricto suspensus, in foueam delabitur. Ibi iacentis exanimi corpus reperit, alleuatumque laborat educere. Sed graueolentiæ densum virus, conclusi pridem aëris tabe prognatum, Guilhelmi quoque spiritum repentinà interclusione oppressit. Itaque prolapsus ille priori cadaveri adiungit suum. At qui suprà constiterant, identidem Guilhelmum appellitantes, cum nulla vox rediret, hærebant attoniti, simileque stupentibus: & maiorem subinde clamorem sollicitudo exciebat, præsertim respondente nemine. Ergo raptim vincula quibus alligatus erat Tackius, ipsumque, sed iam extinctum, è profundo ad se trahunt. Vxor Posteluna prostratum

stratum humi corpus gemitu ciulatuque miserabili ^{M. CCC.}
 deplorat. Iamque tantum abierat temporis, quantum ^{LXXIII.}
 permeandæ semel vrbi satis esset, cum iniecta moeren-
 tis animo spes, eam vertit ad implorandam Siluadu-
 censis Patronæ opem; quæ tam prompta adfuit, vt
 mox Tackius reuiuisceret, etiam saltu erigens corpus,
 lætaque sciscitans voce, vnde veniret, quidve sibi fa-
 ctum esset. Tum cura incessit animis salutem alte-
 rius, qui ad tres iam horas decesserat, quâ possent, pro-
 curandi. Extracto igitur è foueâ cadauere, cælestis
 paullò antè adiutricis fauorem tam euidenter experti,
 eam precibus vrgent, ne socium miseræ, consortio fe-
 licitatis excludat, nè dimidiato beneficio partem
 gliscentis iam lætitiæ decerpat. Eas preces pænè ipsa,
 quæ rogabatur, præuenit, & mortuo vitam, ceteris gau-
 dium reduxit. Neque segniter cum incolumi marito
 Posteluna Siluamducis profecta, fidem quam Reginæ
 Cælitum obstrinxerat, exsoluit, numquam sese infeli-
 citatis damnatura, quamdiu ad MARIAM pateret
 aditus.

CAPVT LXXVII.

Infans à morte, quam somno iunxerat, in vitam restituitur.

NON semper potentiz ac splendori fortuna infesta ^{XVIII.}
 est. Etiam infirmæ ætatis obscurique nominis ^{7^{unij.}}
 infantibus notabiles rerum vicissitudines insultant.
 Vixdum menstruus puer, minaci aduersitatis nubilo
 perfusus, mox in lucem iucundiorē asseritur, reuo-

M. CCC.
LXXIII.

cante Deiparâ. Lubberta Ioannis Ruffschij coniux cum rediuiuum Diuæ exhibuit. Quippe in amplexu materno obdormiens, mortem cum somno iunxerat, tres non ampliùs hebdomadas numerans. Intra hoc spatium idem natus, extinctus, rediuius, maximam casuum varietatem breuissimo curriculo absoluit. Euigilans mulier viuum rata, dum fasciis euoluit, extinctum reperit. Verùm ubi plus quàm horam lugendo traduxit, ad Siluaducensem MARIAM versa, precibus filio recuperat vitam. quæ mox Otgero (id pueri nomen.) Amsterodami reddita, ac posterius Siluæducis ad aram Diuæ repræsentata est, anno ab infantis natali nondum expleto.

CAPVT LXXVIII.

Puer ad vitam in puteo amissam renouatur.

xxv. Jun.

NON obscurioris miraculi memoriam Rossemium, Gelrici nominis pagus, suppeditat. Ibi puer Ioannes, benè manè à Guiljelmo Mantelio & Elisabethâ parentibus digressus, improuiso casu in puteum decidit; nulloque opem adferente, suffocatus est. Iamque ad meridiem vergebat dies, quando puella rustica ad mulgendas boues, præter puteum incens, fortè innatantem aquis puerum conspicatur. Illa funesto spectaculo attonita, clamorum atque formidinis viciniam implet. Accurrunt vndique repentinò terrore exciti agrestes, pro se quisque suppetias laturi.

laturi. Itaque maturata vis omnis, & profundo extra-
ctum cadauer, annitente affluentium manu. Tenel-
los artus rigor obsederat, vt in corpore iam vltra
quintam horam extincto. Proinde parentes, damna-
tâ mortali ope, rati vnâ sibi spem reliquam in MA-
RIA Virgine restare, maiores, quàm pro tantâ con-
sternatione, animos induunt, & filij vitam supplices à
communi calamitosorum adiutrice contendunt. Iu-
sta Virgini precatio visâ; pueroque mox inter tot cir-
cumstantes redonata vitæ lux, honorem Deiparæ, po-
puli que fiduciam confirmauit. Parentes sexto exin-
de die Siluæducis votiuâ munera vinum ac triticum,
pendere.

CAPVT LXXIX.

Extincti item pueri duo reuiuiscunt.

VIdetur & puerorum esse labi, & MARIAE Vir-
ginis eosdem attollere. Id vitâ duobus pueris post
tristem casum restituta affirmat. Balduinus, Gerardi
Weckeni filiolus, Werckendami sub currum iusto
pondere grauem prolapsus, actis que per corpus rotis
obtritatus est. Ita plus quàm horam iacuit, omnibus vi-
tæ signis destitutus. Pristinus color in tetrum squal-
lorem versus, rigentes iam artus fœdabat. Sed Gertru-
dis matris votum, à Siluaducensi Matre exauditum,
ipsâ morte potentius fuit. Itaque impetratâ mox filio
vitâ, promissum Deiparæ frumentum vinum que, cum
non paucis miraculi testibus, Siluæducis exhibuit.

M. CCC.
LXXXIII.
XXVIII.
Iunij.

Alterum luti redonatum Ioannem, Nicolai Kemerlinghi filium, vetusti Annales appellant. Is è sutoriâ patris mensâ procidens vitam omnem amiserat. Quippe leuatum corpus pænè sesquihoram exanimatum fuit. Parens, Siluaducensium miraculorum cognitâ famâ, inde subsidium postulare instituit, vnde vix quisquam beneficij experts rediit. Nec vana spes. Confestim clementiam Diuæ expertus Nicolaus, Brêdâ, vbi habitabat, Siluamducis votiuum munus ac rediuuium filium detulit.

CAPVT LXXX.

Infans, in materno vtero mortua, vitâ donatur.

XXIX.
Iunij.

IAm tories in pueris deuicta mors aliò vertit infidias, & infantem nondum in lucem editam maturatâ pernicie occupat. Sed ne sic quidem tam præceps scuitia MARIAE vires elusit. Elisabetha Gisberto Spijckio marito filiolum pepererat, infaustâ sorte mortuam antè quàm natam. Ea res præsentis feminas, & matrem inprimis, ingenti dolore fauciauit: præsertim cùm iam ampliùs horam tam præcoci funeri parùm vtiles lacrymas impendissent. Miseratio extinctæ sine cælesti lauacro puellæ, dolorem præcipuè acuebat; donec missæ ad Siluaducensem Virginem preces finem tanto luctui fecêre. Extemplò enim diuinâ vi reuocata ad vitam infans, plus MARIAE Deiparæ, quàm Elisabethæ matri debuit. Inde ad Baptismi

ptismi fontem delatæ, Enghelbertæ nomē imponi-^{M. ecc.}
tur; MARIA Virgines salutem animæ, non modò cor-^{LXXXIII.}
poris procurante. Neque magis prospera quàm diu-
turna infantis valetudo fuit. Quippe quarto post-
quam reuixerat mense, Werdenberghâ Siluamducis
cum votiuis muneribus delata, ipsa viuum tam in-
signis miraculi monumentum extitit.

CAPVT LXXXI.

Virum panè submersum vndis eripit Virgo Deipara.

TUtissimus portus est MARIAE clementia, flu-^{xxxix.}
ctuantibus semper patens. Huc se feliciter appu-^{Iunij.}
lit Ioannes, Amsterodami acuendis pectinibus ope-
ram locans. Eâ nocte quæ Kalendas Maias anteit
cum sociis duobus cymbam conscendit, è ripâ Tylæ
fluminis palustria stramenta collecturus. A proximis
ripis iam D. passus aberant, cum, reliquis nauigium
celerius incitantibus, Ioannes, qui puppim infederat,
in fretum præceps excutitur. Amici, nauiculæ impe-
tu longè prouecti, socium vi fluctuum abreptum ne-
quidquam requirebant. Et alieni periculi species sa-
lutis propriæ augebat curam. Quippe fluuius in ma-
gnam se latitudinem effundens, persæpè maritimis si-
miles fluctus mouet. Sic ille dimidio milliari à con-
tinenti amotus, gurgitibus iamiam hauriendus flu-
ctuabat. Verùm nulla tam desperata infelicitas est,
cui non MARIA inuocata succurrat. Id Ioanni cum
in

in mentem venisset, quantâ potest pietate animi, votum nuncupat Siluaducensi MARIAE. Tam salutaris cogitatio, hinc metu, hinc inuehentium se vndarum concursu iactatum, tres horas totas sustinuit; donec aspirante Virginis aurâ ripam tenuit. Neque tardius, quàm focij cymbam agentes, in terram euasit. Ibi promptissimam Deiparæ beneuolentiam veneratus, illi salutem adscripsit suam: neque multò post amiculo lineo indutus, Siluæducis votum exsoluit.

CAPVT LXXXII.

Quidam sub plaustrum collapsus periculum euadit.

XLII. Inl.

HAud leuiora ab terrâ, cæloque, quàm ab aquis pericula ingruunt: ita nusquam est tuta mortalitas. Ioannes Spernierus, ante octauum quàm Siluamducis veniret diem, atros cespites plaustro vehens, Vdenâ Volkellam petebat. Auxit itineris laborem inclementia cæli, fulminibus tonitruisque fœdè turbati. Neque manere sine clade, nec progredi poterat. Ibi tum demum Deum Deique Matrem, à Siluaducis tam celebrem, inuocans, virgere iumenta institit, cœptaque viâ promouere. Iam CCC. ferè passus processerat, quando currus eueritur, & Ioannem nequidquam declinautem opprimit. At quamquam prægrauis plaustri moles prostratum corpus affligerat solo, ille tamen repente beatæ MARIAE præsidio se eduxit incolumem, nullaquæ læsum

ex parte. Ita duplici exemptus periculo Ossam re-
uersus est, indeque Siluamducis exsoluendi voti caus-
sâ aduenit. M. CCC.
LXXIII.

CAPVT LXXXIII.

Puella fluctibus mersa vitam recipit.

PENÈ dubites, promptiorne sit mors ad puerorum xiv. Iulij.
necem, an ad eorundem salutem Virgo Deipa-
ra. vtriusque vim Huberta sensit, Ioannis Huberti fi-
liola, Herwynæ in flumen Vahalim prolapsa. Ioan-
nes cum Elisabethâ vxore domo aberant, Gorce-
mum ad mercatum profecti. Vnde cum aduersum
amnem reuertentes subirent, miserabili sanè specta-
culo exanimati sunt: Charissimam quippe filiolum
secundo Vahalidis impetu defluentem conspiciunt, &
mox validis fluctibus obruendam. Iamque antè pa-
rentum oculos puella, quater vorticibus hausta, rur-
sumque emergens, extremum sui conspectum præ-
buisse videbatur. Sed metu tam præsentè accensa est
parentum spes. Discrimen vltimum strenuas preces
expressit. Ergo Virginem Siluaducensem inuocant
supplices, & votiuâ munera pollicentur. Interim ab-
repta vi fluminis Huberta plus quàm CL. decempeda-
rum interuallo aberat à suis. Ioannes quoque licet,
quantâ vi posset, obuius, efficere tamen haud valuit,
quin ad CCC. ferè decempedas prærapidâ vndarum
celeritate aliorsum ageretur. Duplicatus tandem la-
bor eos fluitanti quoque segniùs cadaueri applicuit.

Z

Quod

M. CCC. LXXXIII. Quod postquam exceperet, mortifero gelu iam rigens, demisso capite per os ingentem humoris copiam manantem eliciunt. Inde, appulso ad ripam nauigio, duas etiam horas in terrâ iacuit puella extincta. Verum tanta fuit parentum siue in Deiparam fiducia, siue in Hubertam amor, ut nullo precandi facto sine, propitiam tandem senserint Virginis opem. Adfuit enim lugentibus MARIA, & viuam sobolem lætis reddidit. Sic consuetis illâ tempestate muneribus, vino ac tritico, nono postquam acceperant die, beneficium Siluæducis pensarunt, suam calamitatem in MARIAE gloriam versam esse prædicantes.

CAPVT LXXXIV.

Infans apud matrem suffocatus vitam recuperat.

XIX. Iul. MARIA plus quàm Mater humani generis nuncupetur, cuius in mortalium liberos amor materno maior est. Hinc & teneram sobolem, ne in matris quidem sinu tutam, ipsa tutatur. Heymanno nomen infanti fuit, quem Capellæ apud S. Gertrudis-Montem Ioannes Guilielmus è Gertrude vxore genuerat sibi. Agebat infans quartam ac decimam noctem, quæ illi propè æterna fuit. Puerpera mater eum periculoso amplexu in lectulum receperat, cum opprimente altiore somno corripitur. Interim charissimam sobolem nimius amor interimit; atque expectata Gertrudis, quem viuum ac valentem puerum admo-
uerat sibi, mortuum reperit: sinu suo in tumultum
verso.

verso. Exclamat igitur, & marito excitato atque con-
 territo mortuam prolem ostendit. Is dolore attonitus,
 ac stupenti similis, ubi duas circiter horas, quâ amif-
 sam sobolem deflendo, quâ vxorem miserando, tra-
 duxit, tandem lætiora animo tractare cœpit. Mox et-
 iam sensum tanti mali, fiducia Siluaducensis Virginis
 adimit. Huic itaque supplex vouet, se lineâ sumptâ
 veste Siluamducis abiturum, & solemniam ibi munera
 sacratum, si reuiuisceret iam plus quàm duabus ho-
 ris mortuus puer. Tum enim uerò malè seruatum à
 Gertrude filij vitam Deipara reddidit: utique secun-
 da, & melior infantis mater. Vterque autem parens
 cum sospite filio, tantæ benignitatis participes, post
 decimam atque octauam hebdomadam (ipsâ morâ
 miraculi firmitatem augente) Siluæducis rem omnem
 testati sunt.

CAPVT LXXXV.

Periculum capitis ab insonte in reos auertitur.

ALiquando etiam reis tutiorem Deipara Virgo, ^{xxi. Iulij.}
 quàm ipsorum innocentia opem tulit. Nam fa-
 cilè, qui non timetur, opprimitur, nisi calculus huma-
 no potentior dâmnatum absoluat. Opportunè sanè id
 MARIA Virgo Paulo Rayffino præstitit, inter opti-
 mam conscientiam & iniquissimam fortunam desti-
 tuto. Hic Ypris, nobili Flandriæ vrbe, in Brabantiam
 abierat, Tongerloam, celebre inibi monasterium, pe-
 tens. Fortè eo anno vertente iisdem in locis quidam

eade occisus fuerat, auctore sceleris incerto. Ibi Rayffino fit obuius aliquis ex consanguineis interempti, sub ipsum ieiunij Verni initium. Inclinato ad credendum animo, & iam diu frustra interfectorem quaerenti, peregrinitas Paulum suspectum fecit. Haud difficulter persuasum amicis, vt externus homo, & iam oblato falso crimine reus, Tongerloæ comprehenderetur, atque inde Herentaliam vinculus raperetur, homicidij poenas daturus. Eò vt ventum est, iniecta homini catenæ, velut facinoris iam deprehensi indices, vix purgandi sui misero fecere locum. Enimuero manifesta res visa est, Rayffino praesertim, siue amentia ac stupore, siue tormentorum metu, seu accusatorum perfidia oppresso. Itaque pronuntiata in insontem sententia, gladio ferendum edicitur. Sed vigilat Deipara oculus, deserta causa vnica vindex. Iam in loco supplicij stabat Paulus, quem calamitas populo spectabilem fecerat. Ante oculos, carnificis gladius, ac praesens mors, agrum animi non mediocriter perturbabant. Mox tamen iniecta diuinitus retinenda spes vitae nouum in Siluaducensi Virgine praesidium inuenit; ac securitatem quidem primum innocentia, deinde Patronae potentia fiduciam obtulit. Ita erectior iam animus spei addit vota; si infortunio liberetur, linteo amictum Siluamducis iturum, innocentiae vindictae praconem. Mira creditu dictaque res. Simul ille votum tacitus concepit, ecce tibi, duo perpetratae caedis auctores, è circumstantium turba procedunt,

dunt, clarâ voce negantes, permissuros sese; vt sui sceleris, debitum ipsis, supplicium subeat: sibi necem, innoxio vitam deberi. Percussus eâ confessione iudex, reos ipsorum iudicio in concilium adducit, ac denuò de admissio flagitio profiteri iubet. In quo cum perstarent, illi capitibus multati sunt; Paulus non criminis, sed voti reus, liber abiit: quæ libertas vt gratior esset, imminentis supplicij fecerat metus. Atque hoc tam prospero euentu latissimus, cum se Virgini debere, Siluæducis vulgavit.

M. CCC.
LXXXIII.

CAPVT LXXXVI.

Puella vsus linguæ, mentisque tranquillitas reparatur.

MATRIS quoque suæ meritis dedit Deus, vt Aleydis puella sexennis inusitato malo solueretur. Pridie Paschæ, ingruentis morbi vi linguæ usum amiserat. Mutata insuper vultus species intuentibus terrori erat. Strepebat inconditum oris murmur: oculi in terram proni, & velut ignotum aliquid vestigantes, furiatæ mentis perturbationem prodebant. Non corpus, non animus conquiescens, sanè funestum atque horribile domesticis vicinisque spectaculum dabat. Inprimis luctu occupati parentes Alardus atque Aleydis, cum is pavor diem noctemque durasset, statunt ad Deiparam Virginem, haud dubium apud Siluaducenses ærumnosorum perfugium, cum filiâ, si ea sanaretur, conferre sese. Et salubre consilium,

Z ; voto

M. CCC.
LXXXIII.

voto confirmatum, superauit mali tam atrocis vim. Nam puella sibi è vestigio reddita, cum parentibus Siluamducis profecta, B. Virginem illic salutis auctorem agnouit. Nec vsquam deinceps verborum inopiâ sermo substitit, cum velut iniussus flucret, nec promptior quàm lætior in Deiparæ laudes solueretur.

CAPVT LXXXVII.

Naufragis Deipara subsidio est.

xxviii.
Iulij.

IMplorata quoque à nautis quinque Deipara, haudquaquam spem eorum destituit. Vesaliâ soluerant pridie feriarum D. Nicolai Bertoldus Hontius ac socij, secundo Rheno Dordracum nauigantes. Carbone ac ligno naus minimè valida onerabatur, iamque in Vahalim amnem descenderat, haud procul Noiomago ad exscendendum ripam lectura. Ibi, mutatione cæli raptim in contrarium factâ, procellosus ventus exoritur, in incertum nauim abreptam ferens. Cumque iam cursus in tuta dirigi non posset, nauigium vadis impactum hæsit. Conuulsa mox latera & fluctibus peruia, secum homines in profundum data erant, nisi altior naus pars, paululum aquas eminens, pendentes ex eâ naufragos leuasset. Tum enim uerò tota eorum spes in Deo Deique parente fixa fuit. Præ ceteris Bertoldus Siluaducensem Virginem obtestatur, ne se irritum spei cum sociis perire sineret. properaturum Siluamducis, ac ceream nauiculam
libræ

libræ pondo dedicaturum. Haud surdæ Virgini fusa ^{M. CCC.}
 precatio. Diuino impulsu in ripam delati omnes, nul- ^{LXXXIII.}
 lâ, præterquam nauis, iacturâ affecti sunt. Promissa
 apud Liberatricis benignissimæ aram procurata.

CAPVT LXXXVIII.

Desperata salus afflicto reparatur.

NON minor lætitiæ seges obigit Ægidio Oerbe- ^{xxix. Int.}
 kio Diesthemienfi, quem alia ex aliâ inuoluerat
 secuta calamitas. Primum Poperingæ, magno Flan-
 driæ municipio, familiares Flandriæ Comitissæ arripi
 hominem, & in vincula duci iusserunt IX. Kal. Dec.
 Atque haud multum absuit, quin, acceptâ rei capita-
 lis sententiâ, interiret. Tertiò sanè ad subeundum car-
 nificis gladium raptus fuerat; periculo tantisper dila-
 to, siue ob enatas repenti turbas, seu ob pecuniam à
 ceteris captiuis ad Ægidium redimendum oblatam.
 Interim ingrauescente iam hieme ad vincula reiiçitur,
 ac totos tres dies noctesque, sæuo gelu durante, alliga-
 tus arbori detinetur. Tum pecuniâ ab amicis repræ-
 sentatâ, solutus, eorum tamen beneficio uti non po-
 tuit. Nam acuta frigorū vis ita corpus obstrinxe-
 rat, ut se vestigio mouere non posset, paralytico haud-
 quaquam dispar. Quartum circiter mensem ita vi-
 rium impotens in squalore exegerat, quando mulier
 eius ærumnas miserata, cum nil opis superesset huma-
 næ, erigendo alternis suadendoque impulit, ut à Matre
 mise-

M. CCC.
LXXXIII.

miserorum Siluaducensi salutem exposceret. Quibus ille monitis ad potiendā sperata incensus, impigrè voto se obligat, ad eundā Siluaducensī Diuā. Resque cecidit ut optabat. Mox etenim in lignea fulcra vegetiores iam artus attollens iter arripuit, ac deinde ipsa quibus vectus fuerat, fulcra Siluamducis in Virginis ædiculam lætus valensque deportauit.

CAPVT LXXXIX.

Puer tussiendo extinctus, puella in puteum delapsa, reniuescunt.

i. Ang.

Collata in teneriorem ætatem beneficia opportunè coniungam. Oosterhautæ, qui pagus à D. Gertrudis Montibus haud procul abest, Godscalcus Scoerputius & Iuditha coniuges Henricum filiolum inopinato malo oppressum luxere. Primum occulta morbi vis continuos eiulanti puero fletus exciuit, satis manifestos indices ingruentis noxæ funestioris. Diceres moribundum infantem præcinere morti mox adfuturæ, & prælagas funeris sui lacrymas fundere. Hanc plorandi intemperiem superueniens tussis exasperauit, vehementi concitatione Henricum exagitans. Cessit itaque tum naturæ tum ætatis infirmitas tam ingentibus malis; & morti Henricum permisit, interclusum angustiis spiritum opprimenti. Ad duas horas iacuerat exanimatus puer, luctuosum parentibus vicinisque spectaculum, quando ei vitam magnā

magnâ precum vi, à Siluaducensi miserorum Seruatri-
ce Iuditha mater exorauit. Tum, receptâ vitâ, cunctos
gaudio perfudit puer, ac deinde ab vtroque parente ad
Siluaducensem aram delatus est. Neque votiua mune-
ra defuerunt, tantum filiginis, ceræ, lini, atque argenti,
quantum suggereret animus beneficij inusitati me-
mor. Subinde Diesthemium non leuioris miraculi
fulgorem aspexit, Mechtildi, Godefridi Vorstij filia;
salutarem. Ea puella in puteum altitudinis tantæ lapsa
erat, vt humor despicientium oculos pænè effugeret.
Plus quàm dimidiam horam ibi extincta, cùm extra-
heretur, letali torpore rigentes per artus diffuso, om-
nem vitæ speciem exuerat. Calore tamen & fomentis
adhibitis, num quæ vitalis motionis reliquæ superes-
sent, explorare placuit. Sed irrita spes conantes desti-
tuit. Aleydis mater cadauer sinu complexa, renoua-
bat mœrores suos, iam horâ integrâ postremos gemitus
tam iminatio tamque acerbo filia leto impenden-
dens. Interim propinqui ac vicini, nouâ re trepidi,
concurrerant, quorum pietas Aleydi obtulit, quod illi
non suggerebat inestitia sua. Hi vno omnes ore con-
clamant, Non aliud quærendum esse solatium tristis-
simi casus, quàm quod columnen humani generis MA-
RIA Siluaducis datura sit. Huc tua te impellit cala-
mitas, huc Virginis misericordia inuitat. Ne dubita;
ad ceteras suas de morte victorias, etiam hoc tro-
pæum potentissima Victrix adiiciet. Permotâ his vo-
cibus mulier, breuissimo pietatis labore maximum

M. CCC.
LXXXIII.

opus absoluit; atque, In manu tuâ, inquit, Domina, pono filiam meam: abs te seu mortis eius, seu potius vitæ legem expecto: non iam mea, sed tua Aleydis esto. Confestim & mater & vicini, æqua postulare visi, impetrauerunt. Puella reuixit. Parentum læticiam, conspectus filiæ, gratulatio amicorum, applausus omnium intendere. Exinde quinto die (nam Kal. Augusti res acciderat) Vorstius cum coniuge, ac propinquorum manu, Siluamducis progressi, Deiparæ propitiæ, quæ ad ipsam pertinebant vota, detulerunt.

CAPVT XC.

Nautæ discrimen à tempestate ac piratis euadunt.

XI. Aug.

NVnc in duplex periculum coniectis Deipara, etiam non inuocata, subsidium expedit. Cælestis illa indoles, ubi minus est cladium, accersiri se patitur; in latiore miseriarum campum vltro prouolans. Præuidebat sublimis Virgo, in naufragium clientis sui coorituram mox tempestatem, neque longè abesse atrociores ipso mari piratas, in quamlibet prædam intentos: sed vtriusque cladis impetum maturatâ ope præuenit. Nannus Gualterus Harderuicanus, Prussiæ tum incola, è Liuoniâ vela faciebat Zwinam petens, quæ nunc Slusano in Flandriâ portui obiacet. Onerariâ satis magnâ, siligine ac tignis onustâ, tres & quadraginta nautici vehabantur. Ceteris in ministeria sua diuisis, nauarcho, vt adhuc tranquillo cursu, som-

fomnus non tam lassitudine aut necessitate, quàm ^{M. CCC. LXXXIII.} opportunitate diuinitus captâ, immissus est. Dormienti assistere visa Deipara, ac monere, ut ipsam, uouendâ Siluamducis profectio, propitiaret navigationi suæ. Tam salubre somnium tempestas excepit, & ex eâ vehemens formido omnibus incussa. Fœda pelagi facies, obductæ cælo nubes, ventorum discordia; ignota fluctuantibus vada, naufragij non iam omina; sed initia adesse videbantur. Tum Nanno in mentem venit cælestis moniti per quietem immissi. In pietatem ergo necessitas versa: quippe nauclerus oratione supplice MARIAE Maris Dominæ, quæ Siluæducis celebraretur, se sociosque enixè commendat. Ceream onerariæ effigiem, non ingratae mentis argumentum, se consecraturum adiungit. Ita Virgo tempestati finem, cælo nitorem attulit; rursusque ad fiduciam & gaudium erexit torpentes. Iamque Diuæ gratulantes destinata exequi pergunt, cum nouus ac pristino maior nec opinantibus terror iniicitur. Haud procul cernunt appropere piratas, armis & apparatu expeditos. Hi directo in ipsos cursu, quibus tempestas percerat, exitium intendebant. Sed nimirum occurrit illicò periclitantibus tam recens Virginis fauor, denuò velut auxilium, quod prius quàm posceretur exhibuisset, promittens. Nannus præsertim, velociores imminetibus iamiamque piratis maturans preces, spondet Siluaducensi tutrici, si, ut paullò antè naufragio, ita modò latrocinio eriperetur, argenteam nauculam

M. CCC.
LXXIII.

cius arā donum daturum. Neque celerior fuit ad flagitandum opem Nauarchi ardor, quā ad ferendum promptitudo Deiparæ. Ipso enim temporis puncto, quo consternatis iam nautis inhærebat hostis, circumacta repentē fortuna, latrones victis, quā victoribus, similiores effecit. Ventus quippe subito inhorrescens, tam acri flatu onerariæ vela impleuit, vt à piratico myoparone aliorsum auulsam tanto interuallo seiungeret, quantum prospicientium oculi vix prosequi possent. Neque piis nautis quidquam Virginis imperio siue potentius siue admirabilius visum fuit: cum venti, quos paullò antè à supplicum perniciē Diua cohibuisset, nunc in eorundem obsequium verterent. Quamobrem nouā alacritate gestientes, extraque periculi sortem prouecti, cœptum peragunt iter; ac breuī in portum delati, securis gratulationibus gaudium explicant. At naucletus, quem summa rei tangeret, Siluamducis deinde petiit, ac præter magnum pecuniæ numerum, argenteam nauem dedicauit.

CAPVT XCI.

Dæmonum terrores ac spectra fugat Deipara.

xi. *Aug.* **N**on odio solūm apud infernos hostes, sed etiam contemptu perpetuo laboraret humanum genus, nisi frequenter adesset Patrona Deipara, vna secundū Deum oppressorum mortalium vindex. Hæc corpora nostra eorum iugo, animos tyrannidi eximit. Hæc

Hæc Ioanni Pelegri^mo, Bruxellæ infestis furiarum M. CCC.
intemperiis agitato, quietem pacemque restituit. Il- LXXXIII.
lius auunculum dæmon infederat, cruciatibus immodicis, ac præsertim amentiam, hominem vexans. Qui in templum pertractus, cum sacris carminibus atque piaculis à Sacerdote lustraretur, Ioannem fortè interuenientem funesto impleuit metu. Æstuabant minaces oculi, plus quàm nostro igne incensi. Capillos horror crexerat: membrorum seipsa torquentium fremitus audiebatur. Totum concitum corpus, magnasque minas agens, minimè humanam scditate deprauatum erat. Spiritus coactus ac stridens præruptum turbido murmure sermonem sorbebat. Tam horrendus miserandi hominis aspectus ita Ioannem percussit, ut trepidatione per omnes iam artus diffusam, terribimo spectaculo subduceret sese, ac properaret domum. Ibi attonito similis in lectulum abiicit corpus, quietis magis appetens, quàm capax. In totum quippe cubiculum se mox infudit inmanis dæmonum turba, properè grabatum ipsumque circumstans. Ioannes, sensibus horrore victis, patre sui iam impotens erat. Tum carnifices illi energumenum atrociter præ se agere visi, atque ad iacentis osculum complexumque propellere. Quod quamquam spectri, non hominis, qui à templo non aberat, obiectu fieret, perterriti tamen consternationem nouo tormento oneravit. Ad hæc Ioannis quoque fratrem, etsi nil fœnestum oculis cerneret, tam repentinus incessit pavor,

M. CCC.

LX XXIII.

vt ex altero lecto, in quo acquiescebat, velut expulsus ad Ioannem decurreret, in eius complexu si non magis tutus, certè minùs solus futurus. Tum Ioannes Siluaducensi Virgine, cuius simulacrum aliquando adierat, in memoriam redeunte, ex lecto repentè profuit, manibusque & oculis ad cælum versis, Vides, inquit, Mater qui me vndique terrores circumstent. Sine te nunc tot monstris, an hostibus? impar sum: Tecum praeliantem, etiam inermentem, non sequetur, sed præcurret certa victoria. Tantà duce protegentè vel vnicus miles de omnibus inferis triumphabit. Ades igitur, & hoc metu solutum, breuè Siluæducis expecta. Id supplicis votum Virgini placuit. Confectim quippe ipsamet Ioannis cubiculum ingressa est, eo habitu ac specie, quam ipse Siluæducis spectasse meminerat. Circumfulgebat hinc splendor cælestis; præter hunc suauissimus fragrabat odor: non tamquam omina futuræ, sed decora præsentis victoriæ. Noscebatur quoque Virginis chlamys, Siluaducensem, quando ea, demptis monilibus auroque, ostenditur, egregiè referens. Neque vltra Ioannem tenuit pauor. Nam Virgo, arreptâ chlamydis suæ laciniâ, in hostilem tetendit manum, ac velut vento impulsam cubiculo eiecit. Dæmonum fugam strepitus horribilis finiit, quadrigarum præcipitantium fragorem referens. Verùm ne quis superesset metus, eadem nocte se tertiò Deipara Ioanni spectandam præbuit, lætitiâ tantam vix capienti. Ac Virginem quidem, non autem turba-

turbatae mentis ludibrium adfuisse inuocanti, in cuius M. CCC.
 biculo persistens usque ad solis ortum splendor cla- LXXXIII.
 rissimus, ac deinceps in alteram usque lucem spirans
 diuinus odor satis affirmavit. Sed maxime id cui-
 dens fuit, quando Ioannis animus, non solum corpus
 scuitiae daemonum ereptum est. Erat quippe Ioan-
 nes pietatis negligens, vitio non vni deditus, in po-
 pinis quam templis frequentior. Totos septem annos
 intermissa criminum confessione, in omne nefas
 egerat sese. Infana perpotandi dulcedo, & iuueni-
 lium ludorum licentia, in salutis obliuionem impu-
 lerant. At nunc caelesti oborta luce, perspectaque
 miraculi tam salutaris magnitudine, ex impro-
 viso in alium mutatus est virum. Itaque mox eripien-
 dae ex tanto discrimine salutis consilia secum agita-
 re, Sacerdotem ad expianda delicta tot praeterita ac-
 cire; ad matris, cuius reuerentia pridem animo ex-
 cesserat, genua sese demittere, illius pacem, & offen-
 sarum veniam flagitare. Tum vero se de hoc eius con-
 filio, aut Deiparae potius instinctu, sperare optime
 & Catharina mater, & domestici erecti gaudio fre-
 munt. Mater praesertim optata saepe indulgentiae oc-
 casione libenter usa, reconciliatum simpliciter ani-
 mum filio prodidit. Accersitus interim Sacerdos,
 delicta cum ingentibus poenitentiae indiciis confes-
 sum, haud cunctanter absoluit. Parens multiplici
 laetitia cumulata, quam spem de filij emendatio-
 ne concipiebat, eam gratulabunda Deiparae fauori
 ad.

adscript. Inde cum Ioanne Siluamducis profecta, meritis Diuæ laudes cum donis, opulentiâ suâ dignis, persoluit.

CAPVT XCII.

Periculosa cruris lesio sedatur.

xii. Aug. **A** Liud Siluaducensi sacello decus accessit, Philippo Bommelio, perhonesto viro, ingens capitis periculum, oblati Deiparæ precibus, euadente. Is per viam cum equo lapsus letalem contraxit noxam. Quippe fulcrum ephippij in læuam eius tibiam, quâ popliti subditur, impactum, duabus contritis venis, magnam præterea plagam intulit. Neque cruori exitus patuit, meatibus tam violento lapsu contusis. Initio neglecta curatio, mox pœnas à Philippo repetiit. Nam paucis post diebus crus primum inflari, deinde in tumorem virili corpore maiorem incrementum; tum piceâ nigritie deprauari cœptum est. Cruciatu humanâ pænè tolerantia superior, iam ad mortem, velut præsentem, inclinabat. Quamobrem Bommelius de corpore actum ratus, versâ ad animum sollicitudine, peccata confitendo expiat, & cælesti Viatico instructus, ad extremam expirantium luctam sacri Olei virtute se munit. Conuocati vndique Medici, ne curandi quidem vllam viam restare pronuntiant. Augebat eorum desperationem amentia ægri, ex immodici doloris acerbitate proueniens. Cum iam totos octo dies aberraret Philippi læsa mens, tum deum vxor Sil-

Siluaducensium miraculorum memor, quorum nu-^{M. CCC.}
merum indies afflictorum calamitates augerent, Dei-^{LXXXIII.}
paræ fidenter implorat opem. Redde, inquit, miseri-
cordiæ mater, marito meo, quæ hominem belluis
eximit, rationem. Restituta per te mens, deuovebit se
gloriæ tuæ, &, quâ gaudes, beneficentiæ nouæ occa-
sionem præstabit. Tantisper saltem permitte mentis
vsum, quoad constet, an quemadmodum MARIAE
Philippus, ita Philippo MARIA cordi sit. Hæc elocu-
ta mulier repentino solatio recreata est. Nam protin-
us marito constitit mens, depulsâ priore infantiâ.
Nec defuit precandi ardor, Siluaducensem Fautricem
recuperatâ per ipsam mente venerans. Huic igitur vi-
tiosam tibiam supplex commendat, quæ in ignarum
præstantius donum contulerat. Nec vanæ fuere pre-
ces: quas vt blandus Philippi excepit sopor, ita sopo-
rem tibiæ sanitas subsecuta est. Ille verò, consensu
mox equo, cum amicis quatuor Siluamducis adue-
ctus, postquam urbem attigit, pedibus ædiculam Dei-
paræ adiit, ac se voti liberauit.

CAPVT XCIII.

Filij diu absentis reditum impetrat pater.

VT parentibus liberos ipsâ quodammodò vitâ^{xiv. Aug.}
chariores natura facit; sic velut alteram iis vi-
tam reddi sentias, cum soboles redditur. Adeo iucun-
dæ rei fructum Henricus Enoutius à Siluaducensi

B b

Vir-

M. CCC.
LXXXIII.

Virgine accepit. Huic filius erat, litterarum studiosus, qui deserto patre, Elburgo (quod oppidum Transisilaniæ inter Harderuicum & Campos meridionali Bataviæ incumbit freto) in exteras regiones profectus, iam quintum ac dimidium annum aberat. Parentem hinc perpetua orbitatis cura, inde vanum numquam redeuntis filij desiderium vrebat. Nec ullâ inquirentis diligentia quidquam profectum est. Igitur, in tam longinquâ spe, Henrici animus ad certiores opem à Deiparâ poscendam se contulit. Nec mora: si conspectu filij frui detur, vouet, se iter sacrum suscepturum, quocumque ipsum tendere Diuæ cordi foret. Atque extemplo euentum tam iustæ precationi parem adeptus est. Filius velut de cælo lapsus repente adfuit, diuinisq; iam litteris & Sacerdotio initiatus, paullo post solemniter primam hostiam litauit, tantâ parentis voluptate, quantam fors tam secunda præstaret. Deinde, cum non sanctior esset Henrico concepti voti, quàm soluendi fides, Deiparam supplex obtestatus est, quæ votum ab ipso probasset iter, eius itineris indicaret quoque metam ac locum. Factum est. Cælestium quippe Regina ei se spectandam præbuit, ac Siluamducis proficiscendum esse denuntiat. Sic incitatus Henricus, sumpto vestitu lineo, præscriptum iter sine cunctatione exegit.

CA.

CAPVT XCIV.

M. CCC.
LXXXIII.*Hernia & Paralyfis Virgini supplicem deferunt.*

Proteatrix salutis nostræ MARIA in abiectissimum quemque beneficia spargit; ut cunctis approbet, se necessitatem, non censum, non decus, non domum eligere. Nullius sordes fastidit, nudam infeliciū calamitatem contenta respicere. Neque verò Hugonem Fayum, Auelgenio Flandriæ pago, qui pari ferè spatio Aldenardâ atque Cortrato abest, oriundum, impedito corporis habitu æstimauit; morborum utique sæuitiâ, non naturâ calamitosum. Sinistrum eius femur pertinax vitium hebetabat, ingrediendi prohibens vsum. Dextrum præterea inguen grauis hernia incesserat, intestina foras euoluens. Tantum aberat, ut valeret incedere, ut nec pedibus affectos artus sustineret, & non nisi alieno obsequio sublatus mutaret locum. Ergo Bruxellis ab inopiâ subsidij in publicum valetudinarium receptus est, longum calamitatis exemplum futurus. Inde enim post quintum annum (tanta erat morborum pertinacia) Antuerpiam transfertur. Verum locus ad sanitatem nihil contulit, ægro caussam, quæ Bruxellis expulerat, secum trahente. Antuerpiæ in nosocomio sex acti menses Hugonis inconstantiam prodidêre; Herentaliâ Antuerpiæ, vrbi tam hospitali, prælatâ. Quò ut migravit, nihilo seciùs hospitem iam suum consecuta infirmitas,

M. CCC. mitas, tot sedium mutationem in irritum vertit: ne
LXXXIII: que fuga quidquam profuit, secum scilicet fugienti.
Cum itaque iaceret Herentaliæ inter nosocomij de-
trimenta, non nisi alienâ manu mobilis; commemo-
rari, vt inter miseros; audiit Deiparæ Siluaducensis
potestatem: eam medicinam esse ægrorum, id leua-
men esse malorum omnium. Inde concepta animo
sanitatis cupido, votumque nuncupatum: si valetu-
dinem, ac vires ad quæstum labore pristino facien-
dum Diua redderet, properaturum ad Siluaducense
tot prodigiorum domicilium; ibi beneficij memo-
riam consecraturum tenui dono. Euestigiò sensit au-
ditas preces. Vitiosis membris melius factum est. Ex-
inde hernia & paralyfis, ne relictis quidem vestigijs,
excessêre. Miraculi fama omnium ore celebrata,
Fayum ipsum præconem suum, Siluamducis præcur-
rit. Præceteris Constantinus Ransius vnâ cum Ioan-
nâ coniuge, quam Ioannes III. Brabantia Dux ex
Ermgarde, Viluordienfi pellice, suscepit, ab ipso
Herentaliensium Prætoris auditum miraculum Silua-
ducensibus euulgarunt. Hugo verò nondum elapsâ à
recuperacone sanitatis hebdomade, Siluaducis toto
triduo rem gestam exposuit, inter plurimos tam lon-
gæ miseriæ suæ oculos testes.

CAPVT XCV.

M. CCG.
LXXXIII.*Cæcis septem visus, Surda puella auditus redditur.*

SVccedit insigne humanorum casuum documen-^{xv. Ang.}
tum, in vnâ domum vno tempore multiplex il-
lata clades. Arnemij erat Guilielmus Brugghius, ar-
mamentario præfectus, quinque liberorum parens.
Is (quo casu, non traditur) cum vxore ac liberis omni-
bus, circiter natalem Christi diem repentè cæcus fa-
ctus est. Miserabilis familia, septem cæcos ostentans,
inter pauca miseræ exempla memorandos. Auxilia
inuicem neque dare neque reddere poterant. Sed &
mutuo calamitatis conspectu, vnico nimirum infeli-
cium solatio, carentes, vicinis amicisque haud pau-
ciores mouebant lacrymas, quàm ipsi profunderent.
Alienis igitur oculis regebantur, propinquis nunc ci-
bum, nunc potum, aliàs opem, curando cuiusque cor-
pori necessariam, ferentibus. Tres dies in tam funesto
statu versatus Guilielmus, cum corporis oculis nihil
cerneret, mentem cælesti luci aperuit. Nam fiduciæ
plenus; quando ad recuperandum cernendi sensum
vires humanæ deficerent, rogandam esse Siluaducen-
sem Deiparam censuit, vt pro suâ clementiâ tot suis
suorumque malis medicinam sufficiat. Tum pro om-
nium incolumitate vota suscipit æternæ lucis parenti,
si visum cæcis redderet; ardentes septem lucernas
pollicens. Neque precatio successu caruit. Simul Gui-
liel-

Bb 3

liel-

M. CCC.
LXXXIII.

lielmus, simul vxor, liberiq̃ue, receptâ subitò videndi facultate, liquidum cæli conspectum hausere; nullum inuenientes consolatrici Virgini gratandi finem. Guilielmo summa votorum religio fuit, Siluaducensi Diuæ promissæ candelæ, septenis capitibus numero p̃ares; repræsentatæ: accepti insuper superiore proximo anno beneficij non vulgaris redintegrata memoria. Narrabat quippe Gertrudem filiam suam bimestri surditate eiusdem Dei Parentis, quam implorasset, ope, liberatam fuisse. Ceterum felicissimam domum constabat, in quâ nemo oculis vteretur, nisi quos Virgo aperuisset; nemo alium, quàm Virginis beneficiarium, cerneret.

CAPVT XCVI.

Puer aquis suffocatus vitæ restituitur.

xvi. Aug.

QVò minùs tueri se potest infirma puerorum ætas, cò præsentius illi à Virgine auxilium impenditur. Hedela, Bommelanæ Insulæ pagus, id nobili miraculo testatum didicit. Erat ante cereuisiarij coctoris domum vas ingens aquæ plenum. Huc Petrus, filiolus Petri Hocuelij, incautus accessit, malusq̃ue custos sui. Nam capite deorsum versus inclinato, cum sustinere reliquum corpus non sufficeret, in cupam procubuit, & confestim aquis suffocatus est. Superuênit eiusdem ferè ætatis puerulus, & spectaculo funesto perterritus, vbi primùm vocem laxauit dolor, strenuè vociferatur, puerum aquis mersum esse. Affidebant

debant fortè, vti assolet, in proximâ domo non pauci homines, ludo pocula interpolantes. quos vbi clamor in plateam exciuit, eminentes in altum extincti pueri pedes vident, exangue & rigidum cadauer offendunt, ac domum ferunt. Inde & igni admouent, dilapsum calorem reuocare nitentes; euentu laborem frustrante. Ceterùm humanis deficientibus auxiliis, diuina succedunt. cùm enim plerosque vicinos rei nouitas, matrisque Hedwigis mœstitia eò traxisset, & iam plus quàm duas horas correptus morte Petrus iaceret, tum matre in genua procumbente piissimus quisque astantium, cum ipsâ, ad spem humani generis MARIAM conuertunt sese, eamque multis precibus orant, ne tantum infortunium remedio præsentius esse patiatur. Ad xxx. fuere huiusce voti participes, atque consortes. Admiranda lætaq; visu res. Qui tamquam ad funus & exequias concurrerant, euestigiodè rediuium puerum conspexerunt; & post exactum inde mensem amplius xl. homines, tanti miraculi assertores, Hedwigim cum filio Petro Siluamducis profecuti sunt. vinum triticumque, vti votum erat, pro se quisque tulêre.

M. CCC;
LXXXIII;

CAPVT XC VII.

Periculosus faucium tumor abigitur.

ANtuerpiæ quoque, in dilectâ sibi vrbe, non ambigua charitatis suæ vestigia reliquit benignissima cæli Princeps. Ibi Ioannes Bogardus, honesto vir loco natus,

xxiv.
Aug.

M. CCC.
LXXXIII.

natus, pomeridiani somni otium ceperat, sanitati, vt mox à cibo, haud parum infestum. Et sanè immoderatam quietem abruptit non magis periculosum, quàm velox malum. Eas quippe gulæ & gutturis partes, per quas tum cibi potulq̃ue, tum spiritus introitus est, tantus tumor inflauit, vt pænè occluderet. liquorem omnem, non modò alimenta spissiora, angustia faucium respuebant. Ab difficillimâ respiratione animæ interclusio metuebatur. Interceptus adhæc vocis vsus, animi sensa non sinebat exprimere. Intereà amici tristes accurrunt, pro se quisque salutem Ioannis consulentes. Sed auxilia medentium desperata erant, quòd æger non iam cum morbo, sed cum ipsâ morte luctaretur. Quinque dies ac noctes continuauit hic dolor, etiam Ioanne (quæ desperatio morbo ipso perniciosior est) spem vitæ omnem abdicante. Inter hæc subiit animum, Virginem vno Deo minorem, Siluamducis tot hominum ærumnis mederi, tot pestes depellere : apud hanc semper esse precantibus locum, esse pereuntibus : sibi quoque haud surdam ; haud inexorabilem fore. Et quamquam hæc secum reputanti vox deerat, languentem tamen animum in votum erigit, ac tacitis precibus Diuam implorat : daret facultatem videndi Siluamducis, vsurum per viam miserando afflictosq̃ue habitu, additurum auri argentiq̃ue dona, promissa gratulationibus cumulaturum. Eam cogitantis orationem placidè Virgo excepit. Mox enim ægroto melius esse, recludi fauces, tumorem diminui,

minui, ac spiritum liberè meare cerneret. Vox etiam ^{M. CCC.}
^{LXXXIII.} pristina tam prospero euentui confestim suffragata
 est, & ne mora quidpiam de tanto Virginis beneficio
 detraheret, postridie familiares Bogardum valentem
 omniq̃ue noxâ liberum viderunt. Ille verò sextâ inde
 hebdomadâ, cùm licuit, sine calceamento, sine lineâ
 interiore tunicâ, vicinis famuloq̃ue comitantibus Sil-
 uamducis pedes iter ingressus est. Augebat asperita-
 tem viæ non modica corporis afflictatio, quod recte
 setis hirtâ adstrinxerat. Nec puduit eam speciem ac
 signa, quibus leprâ contacti notantur, præferre. Crepi-
 raculo ligneo ad flagitandam eleëmofynam, scutellâ
 ad eandem excipiendam vsus est. ea modestia Sil-
 uamducis petentis fuit. postquam eò peruentum est,
 ex auro argentoq̃ue Virgini dona portauit, cunctis
 tam illustre miraculum Deiparæ gratulantibus.

CAPVT XC VIII.

Pax dissidentibus restituta.

MARIA publici sanctissimique Deum inter & ho- ^{xxv.}
 mines fœderis auctor, nunc etiam priuatæ pa- ^{Aug.}
 cis conciliatrix dici voluit. Groningæ perniciofa con-
 tentio exarserat, duas factiones in mutuam perniciem
 alens. Nec sustineri ira potuit, quin ad manus ac tela
 veniretur. Ergo dum dimicantes certamina miscuit
 atrocius, pars altera duos è suis amisit. Inter victores
 eminere visus Meuseboschus, in se præcipue hostium
 Cc iras

M. CCC.

LXXXIII.

iras accendit. Quare nec is è pugnâ illæsus excessit, homo cetera innocens, & quietis quàm discordiæ studiosior. Verùm in optimum quemque ferè alienæ peruersitatis pœna recidit. Intenti in hunc vnum aduersa pars nihil omittunt, quo ipsi extremam aliquam cladem parent. Hunc patriâ exigere, hunc fortunis euertere consilium erat. In perpetuo discrimine Meuseboschi caput resque omnis domi ac foris vertebantur. Cùm aduersus tantam tamque pertinacem aduersariorum vim, vnus, qui ferè perebatur, causam suam armare non posset, Ida Meuseboschi vxor, vt in re trepidâ, ad vltimum auxilium decurrit, & caelestem tutelam, à Siluaducensi patrônâ inclinantibus mariti rebus exposcit. Et pacifica Virgo, quæ præcipuâ ope pacis cultores tuetur, longè aliter, quàm hostes molirentur, vertit omnia. Emissum enim à muliere votum, breuî consecuta pax; nec opinantium inimicorum animos in amicitiam, vtrisque salutarem, contraxit. Meuseboschus cum suis metu solutus, atque tranquilla omnia nactus est. Neque Ida segnis fuit ad gratias Siluæducis cum vicinorum turbâ persolucendas.

CAPVT XCIX.

Lepra depellitur.

xxv.

Aug.

Idem dies alterius miraculi interuentu celebratus est, in eâdem quoque vrbe Groningâ patrati. Cuius ibi fuit Lubbertus, Magni cognomine, cuius corpus teter.

teterrimo morbo inquinatum, in tantum tumorem ^{M. CCC.} exaggeratum fuit, vt vestem nullam admitteret. ^{LXXXIII.} Ne pedibus quidem aut tibiis consueta tegumenta indui poterant. Ea lues in lepram erupit, quæ quòd nullis cedat remediis, de eius ferè curatione vulgus Diuos implorat. Vehementer tota cutis rodebatur, alteque depasta, sic vndique obsidebatur, vt ne punctum quidem eâ labe intactum haberet. Tentata medentium remedia, quibusdam salutaria, huic perniciosa esse videbantur. Iam tres ac viginti hebdomadas eâ labe Lubbertus absumebatur, cum vxor eius Gertrudis, ad Diuam Siluaducensem versa, eius potestatem desiderio suo parem inuenit. Vouet vtique profectionem ad sacellum, tot miraculis clarum, si qua mali eius quies veniat; ac statim, quod orauerat, exorauit. Neque diu tardauit euentus, tumore mox residente, & squamulis circumquaque delapsis. Postridie consueta quoque vestis resumpta est, & ingrediendi facultas reddita. Quæ res mirum quantum Virgini & amoris & claritatis, tum apud eos, in quos collata benignitas fuit, tum apud ceteros, quòd eius beneficentiæ fama peruenit, conciliarit: Gertrude præsertim cum vicinis, & Siluæducis, & itinere toto miraculum extollente.

CAPVT C.

*Natator, submersus aquis, ad vitam redijt.*xxvii.
Aug.

NEque Batauis per idem tempus laudandæ Virginis facultas ac materia defuit. Delphi vrbs spectauit miraculum. Nicolaus Bonifacius, Iacobi filius, adolescens, exeunte vere nataturus depositâ veste in aquas descendit. Fossa erat quâ vrbs cingitur, altiore in reliquo fundo scrobem occultans. Eam cereuisiarij coctores antè effoderant, quàm in fossam aquæ immissæ essent. Huc improvisò delatus Nicolaus, illicò præceps in profundum corruit undis haustus. Ibi plus quàm duas horas mortuus latuit, capite in fundum prono. Ad casum adeò tristem multi confluunt, seu luctum, seu auxilium conferentes. Sed, cùm fundum reti euerrent, nil repertum est; quod Nicolaum scrobs profundior occuleret. Ita diu nequidquam laboratum, donec vrinator in scrobem demisit sese, & prehensio adolescentis pede, qui altior capite ferebatur, cadauer extraxit. Quod ubi ad ripam delatum est, vitalis facultatis omnis expertus, Stephana mater, renouato ad extincti propiore conspectum dolore, excepit. Et luctus pietatem accendit. Quippe consolatricem tristem Virginem Siluaducensem, cùm alia non affulgerent præsidia, inuocat mœstissima parens, & si precibus aspiet, voto adeundæ eius ædiculæ se obstringit. Cuius voti vt repentinus ita lætissimus fructus

fructus extitit. Reuixit namque, stupentibus cunctis, Nicolaus, postquam non duas tantum horas sub aquis, sed etiam tertiam in terrâ destitutus omni vitâ fuisset. Grâtionum finis nullus fuit: vota Siluæducis repræsentata.

M. CCC.
LXXXIII.

CAPVT CI.

Mulier viuat sobolem à Deiparâ obtinet.

INsana mortis avaritia quas non ederet strages, nisi validiore aliquâ manu compesceretur? Non sufficit illi fatale suum in homines omnes imperium, quod etiam in paruulos nondum natos extendit. Ita Gerardo Heyo & Mechtildi coniugibus, duobus continentibus annis totidem liberos, nondum obortâ huius vitæ luce, subduxit. Perpetuus matri dolor erat, quod vitæ genuisset, morti cedere; & parere, quod sepe lîret. Atque anxij parentes erant, non tam de infantium corporibus, quàm de animis, cælestis lacrymæ lymphâ destitutis. Agitata hisce curis mulier, per somnum imminentis solatij haudquaquam vanum accepit indicium. Iam firmus sopor quiescentem tenebat, cum illi Deipara Virgo visa est, placidum vultum aduertens; &, Quin tu, inquit, mœrore pulso lætitiâ aduocas, cuius me auspicem vides? Metire in posterum spem viuæ sobolis non mortis impetu, sed meâ potentiâ. Cedunt morti omnia; sed ipsa mors mihi. Equidem tibi filium, filio tuo vitam præstabo.

xxxix.
Aug.

Cc 3

Hunc,

M. CCC.

LXXXIII.

Hunc vbi Siluamducis consecraueris mihi, ceræ pondo redimito. His dictis expergefacta Mechthildis, atque inexpectato perfusa gaudio, nihil antiquius habuit, quàm vt eam vigilans inuocaret, quæ dormienti tantum fauoris obtulerat. Ergo votum ex præscripto concipit, de optato euentu nihil ambigens. Nec diu morata spes conceptam prolem indicauit. Felici inde partu virilis edita stirps Guilielmi nomen accepit. Quem deinceps quartum post mensem, Gasperdâ, è Vianensi ditione, Siluamducis deportarunt, cunctisque ibi ritè perpetratis quæ Diua iusserat, vicinorum quoque testimonio miraculi fidem probarunt.

CAPVT CII.

Tinctori in periculo perdende rei familiaris subuentum.

xxx.

Aug.

NOn modò vitam mortalium, sed etiam fortunas sibi cordi esse, sub idem tempus Diua ostendit. Geldria vrbs est prouinciæ suæ cognominis, in quâ iacturam rei domesticæ à Gerardo Sandero infectore implorata Deipara auertit. Ille cupam glasto impleuerat, vt ærulco colore pannos imbueret. Sed, incertum quâ noxâ herbæ vim hebetante, conatus omnis incassum cecidit: quippe materia tincturam diffluentem respuebat. Gerardus tamen, ne quid intentatum relinqueret, cum summa quæque spargendis coloribus parùm idonea essent, quæ in imo vasis fundo subsederant, explorauit. Sed nec inde tinctum elice

cere potuit. Ita simul industriam, simul industriæ materiam exhauserat aduersa fors. Infortunium tamen quod multis desperationem iniiceret, id in Sanderi animo pietatem acuit. Nam illicò in genua prouolutus, cælestium opum largitricem Virginem inuocat, protectionem in veste asperâ suscipiendam, munusque votium addicit. Tum denuò curâ ad experiendum tincturam versâ, sinistri nihil industriæ suæ obstare sensit. Colores etiam pristinis elegantiores inficiendis lanis dati sunt, & incrementa inter vtendum capere visi, quàm plurimis, præter optatum, rebus succurrunt. Gerardus velut ad rerum suarum, de quâ deiectus fuerat, possessionem reductus, septimo inde die molestum sibi iter indicit; & Siluamducis ingressus, cupam ceream glasto plenam ex arâ Diuæ suspendit.

M. CCC.
LXXXIII.

CAPVT CIII.

Infans igne vehementer vsta sanatur.

VT parùm tuta est humana custodia, si diuina non ^{xxx.} adsit; sic expeditum est vsque cæleste subsidium, ^{Ang.} humano fallente. Vtrumque Campis sensere Ziberus Ioannes cum vxore, quorum curæ aliena soboles ad nutriendum data erat. Eam sic in oculis ferebat mater, quæ nutrici commiserat, vt quotidianâ visitatione, atque aspectu, educantium diligentiam ac sollicitudinem vrgeret. Fortè ita incidit, vt altrix calefactam puellam (Margarita Bruna vocabatur) in sinum

M. CCC.
LXXXIII.

numi attolleret, deinde fasciis circumplicatura. Sed obrepente somno capta, remisit curam, cum interim ex eius sinu illa in rogu defluxit. Experfecta tardè nutritrix, alumnam igni adnotam, totumque eius latus fœdè tostum inuenit. Incredibili affecta dolore mulier, in lamenta atque eiulatus mox erumpit, consorcio mœroris in maritum diuiso. Ille humanâ spe omni destitutus, ut miseris rebus assolet, ad opem diuinam flagitandam versus, Deiparam Siluaducensem impensè obsecrat, misereatur sui, misereatur infantis, in domo suâ tam malè seruata; vxoris culpam commutet in decus suum. Satis constat, exauditas fuisse supplicis preces. Margarita postridie integra, & velut flammis intacta, extitit. Nec vno beneficio contenta Deipara fuit. Nam cum mater quot diebus aspectu se charissimi pignoris recreare consueuisset, cœlesti prouidentia effectum est, ut vnâ illâ luce, quæ filiolarum propè fatalis acciderat, diuinitus aliò versa, non adesset. Ita parens luctu, nutritrix pudore liberata est. Zibertus tanti beneficij æstimationem solutis maturè votis declarauit.

CAPVT CIV.

Senex herniosus curatur.

III. Sept. **N**Ec desperandum etiam diutinos morbos submoueri posse, ubi remedium à Deiparâ decretum senserint. Quippe Nicolaus Gerardus, ætate prouectâ

uētā senex, morbo iuxtā vetere ac molesto exemptus ^{M. CCC.}
 est, Virgine succurrente. Wermondæ habitabat, haud ^{LXXIII.}
 procul Lugduno Batauorum, xx. annos difficili her-
 niā pressus. In dexterā inguinis sede prominebat ra-
 mex, ingentem cruciatum pariens tumori parem. Ne-
 que multum leuamenti erat à retinaculo, quo utcum-
 que coërcebat malum in abdominis capacitatem re-
 pulsum. Ab eā igitur curationem poposcit, quæ nil
 solet negare supplicibus. Et propitiata Siluaducensis
 Diua, laboranti non defuit. Precandi finis sanitatis
 initium fuit: non Medici, non herbæ, aliæve, prom-
 pta in auxilium morborum, adhibita sunt. Curatio,
 vt subita, ita tota Virginis fuit. Nicolaus cum vicinis
 haud segniter Siluaducense iter emensus, vinculum,
 quo corpus pridem astrinxerat, in sacello MARIAE
 Fautricis reliquit.

CAPVT CV.

*Nobilis mulier inueterato dolore leuatur: Comitiali
 morbo puer expeditur.*

PÆnè par in dispari morbo miseria, ope Virginis ^{vi. Sept.}
 leuata, Hornæ, Hollandiæ vrbi, miraculo fuit.
 Ibi Agnes nobili loco nata, Henrici Vilroxi vxor, per-
 uicaci morbo annos xv. obsessa traduxit. Intimas cor-
 poris partes infestans occultum vitium tenebat, succi-
 sis ita viribus, vt ingrediendi facultas torperet. Medi-
 corum industriam fallebat ignota mali indoles, in
 quā nihil adhuc ostendisse vsum fatebantur. Sic ægra

D d

aut

M. CCC.

LXXXIII.

aut dissentaneam, aut nullam prorsus curationem accipiebat: Dei Matre, cui nihil negat Filius, eam suæ gloriæ reservante. Id animo in vitæ curam acriter intento æstimans Agnes, non antè precibus ad Deiparam Siluaducensem fundendis abstitit, quàm peruenit, ut non modò certam spem, sed initium quoque sanitatis sentiret. Atque mox ad spem præclarè respondit euentus; quando tam longâ annorum xv. debilitate, ac tormento fugato, incessus quoq; sano iam corpori adfuit. Quæ comperta res & liberos Agnetis, & vicinos, inulitatâ lætitiâ compleuit, miraculi euentu tam inopinato exultantes. Itaque Agneti deinde consociati, illâ Siluæducis promissa cum fide reddente, ipsi gratulationibus publicis dona auxerunt. Sed nec illud quidem ad declarandam priorum in Virginem Matrem fiduciam prætermittendum est. Gerardo Gisberto Buyckenbenio, haud procul Amsterodamo vici cuiusdam incolæ, filius erat, comitiali morbo (quam D. Cornelij plagam appellant) vehemèter implicitus. Theodoro puero nomen fuit: quem cum parens tam graui malo pressum aspicere longiùs non sustineret, Siluaducensis Diuæ in mentem venit. Huic itaque sub annui ieiunij tempora supplex vouet, si morbus charissimam sobolem desereret, & profectionem Siluamducis initurum, & munera Diuæ sacratum. Confestim salus votum secuta, parentem vnà cum filio lætabundos Siluamducis, non minùs ad edendum miraculi documentum, quàm ad pietatis debitum repræsentandum exciuit.

C A-

CAPVT CVI.

M. CCC.
LXXIII.*Incendium coërcetur: Paralyticus & Puerpera adiunantur.*

HArlingæ quoque, quæ vrbs est Frisiæ, pro consuetudine institutoque suo, in propulsandis mortalium calamitatibus cuigilauit Deipara, atque in varios homines magna fructuosaque beneficia contulit. Ita nuntiarunt tres viri, Folcardus, Delenus, Gualterus, totidemque mulieres, gentis vocabulis Baua, Ata, Reynouta nuncupatæ. Ab his relatum, exarsisse Harlingæ incendium tam suo impetu sæuum, quam vento propagante damnosum. Id cùm satis diu tenuisset, lateque iam vagaretur, ad supradictorum hominum recta, vi flatus, eò cuncta ferentis, tendebat. Ad tristem cladis, vt videbatur tam ineuitabilis conspectum, cum ingenti terrore ac tumultu, concursus vicinorum est factus; comploratio eorum flebilisque voces iactatæ. Iam trepidi, quàm cuique fortunam procella statueret, exspectant; nec quisquam satis certum habet, quid aut timeat, aut speret. Propinquiores tamen spe metum faciebat cæca proruentium porro turbinum vis. Sollicitis sub tanti discriminis casum (quippe iam recta præceps ventus in ipsorum recta proximas flammis vrgebat) opportuna in Diuam Siluaducensem succurrit pietas. Vnà omnes in gentia demittunt sese, Diuamque orant & obtestantur, vt fortunas domosque suas aduersus imminentem

Dd 2

stra-

M. CCC. LXXXIII. stragem munitas velit. Et plus ventis valuisse preces, euentus docuit. Flammæ ipsæ, quamquam impellentibus ventis, non restitère solum, verum etiam contrarium iis cursum explicarunt. Inde velut in semet elisæ atque evanescentes, nulli vltà ædificio, nulli homini damno fuère. Ea res vti præsentibus stuporem, ita celebre iuxta atque amabile Siluaducensis MARIAE nomen fecit: præsertim cùm eadem opitulante Virgine ibidem Folcardus, quem diximus, paralyfi totum corpus eneruante, Reynouta difficillimo partu, expediti sint. Vniuersi autem secundo & vigesimo post incendium compressum die, Siluæducis Deiparæ magnis donis & promisso cultu satisfecerunt.

CAPVT CVII.

Sacerdos claudus incedendi facultatem obtinet: pueri aliquot comitiali morbo & herniâ leuantur.

ix. Sept. **N**E perpetuis fruamur bonis, facit naturæ conditio: ne diuturnis cruciemur malis, prouidet inexhausta aduersum miseros Dei Parentis beneficentia; quam hisce temporibus reddita Sacerdoti sanitas, apud Frisios haud paullò illustriorem effecit. Nam Staueræ (id oppido nomen) Nicolaus Hermanni, domo Amsterodamensis, sacrae cuidam ædi præerat: in patriâ quoque suâ Æditui munere iis temporibus functus, quibus clarissima deinceps tot prodigiis Eucharistia, Amsterodami, in celeberrimo iam tum Batauiæ

uia emporio, effulgere primum cœpit. Hic totos vndeuginti annos optimum à virtute nomen consecutus, administrationem sibi creditam præclare tuebatur; cum fortè alicunde in terram desiliens, sic dextrum offendit pedem, vt dehiscencia ossa, suisque expulsa sedibus, neque in eas redigi potuerint, & nullum eius partis reliquerint vsu. Hinc quòd gressum vltra moliri non sustineret, cum fulcris tantummodò nitèretur, ad extremum Ecclesiæ quoque præfecturam abdicare compulsus est; permagno vtique dolore & incommodo suo. Neque molestior, quàm pertinacior ea calamitas fuit; quæ inter fulcrorum adminicula ad xvii. annos ægrè semet agitantem protraxit. Per id tempus non pauci viatores Siluaducis reuersi, vt qui Diuam inibi venerati essent, fortè in epulum incidunt, ad quod Nicolaus, iuxtaque vicini, conuenerant. Gratus erat reditus amicorum. Itaque familiaris inuicem amplexi consedère. Inde (vt absentibus curis) cupido incessit animis longinqua seu narrandi, seu audiendi. Nicolaus inprimis, sanitatis avidus, percontatur singulos, quæ noscenda videbantur: quæ Siluaducensis fanî religio, quæ Diuæ cultus, quanta miraculorum vis, ac certitudo. Neque cunctanter illi referunt quædam audita, alia comperta. Immensam ab ipsis visam donorum copiam, effigies miraculorum indices, tabulasque votiuas: inter pretiosissimas rerum eminere monilia, ingentis opulentia plena, quæ locupletes homines, miraculorum aut famam,

M. CCC.
LXXXIII.

aut spem secuti, dedicassent. Ceterum redundare in omnes Diuæ beneficia, & quascunque tandem mortalium miseras cedere misericordiæ cælesti. Enimvero pia curiositas Nicolao saluti fuit, atque hospitum affirmatio haud falsam eius animo spem sanitatis iniecit. Ergo sermone à conuiuis ad MARIAM repente conuerso; Quousque, inquit, ô suauissima Siluaducensium Præses, me vnum beneficentiæ communis exsortem esse patiêre? quid? quôdve tempus expectas? & non quamprimum me hac molestiâ liberas? Fac, obsecro, vt pedibus aliquando vti liceat: properabo ad aram tuam, ex eaque suspendam hæc fulcra, testes non tam salutis meæ, quàm auxilij tui. Vixdum votum finierat, cum sensit pedem, vbi iniuria hæserat, absterfo omni malo, sibi reddi. Nec diutius quàm sanabatur moratus, lætissimo saltu recuperatæ sanitatis fidem fecit. Simul clamor atque gratulatio amicorum oritur, magnitudinem miraculi tantâ celeritate mixtam stupentium. Ipse verò postquam sese ex tanto gaudio collegit, primum omnium sublati in humeros fulcris iucundum iter Siluamducis, Diuæ gratulabundus, instituit. Vicini complures, vt plus pietati publicæ, quàm priuatæ beneuolentiæ darent, quemadmodum in epulo conuiuæ, ita in viâ comites esse voluêre. Vt igitur Siluamducis ouantes peruenerunt, Nicolaus ipse, iam dux agminis, post honores opitulatrici Virgini habitos, sustentacula lignea, quibus olim proucheretur, propter aram af-

fixit,

fixit, donisque pro copiâ suâ oblati, eò, vnde adue-
 nerat, reuersus est. Iisdem ferè diebus Ioannem filium ^{M. CCC. LXXXIII.}
 Hermannus Bloemartius ex agro Buræ-malseno;
 itemque è Lederbroecka, Erkelia: ditionis pago,
 Gouburgam filiam Ioannes Sweymius cum vxore ^{VIII. Sept.}
 adducunt. vtrumque comitali morbo exemerat vo-
 tum Diuæ nuncupatum. Pro singulorum incolumi-
 tate tantum vini triticique à parentibus lætitiâ perfu-
 sis oblatum est; quantum cuiusque pietati ac voto
 responderet. Alium quoque puerum non dissimilis ^{x. Sept.}
 fiduciæ votum ad sanitatem perduxit. Is fuit Ioannes;
 Arnolfo atque Hedwigi natus in Erpensi pago, cuius
 corpus herniâ vitiosum, imploratâ Virginis ope, re-
 pentè abactis varicibus perfanatum fuit.

CAPVT CVIII.

Incendium fulmine excitatum compefcitur.

Elementorum æquè & morborum constat Dei ^{x. Sept.}
 param fuisse victricem. Oetmarsia oppidum est
 in eâ Twentia: regione, quæ Oldenzaliam ferè respi-
 cit. Hîc octauâ ante D. Michaëlis Ferias nocte, sopi-
 tis vbique mortalibus, domo fulmine ictâ, incendium
 grassari cœpit. In primis Swaueldam Comannam
 tonitru è somno exciuit, non sine igne ac fragore pro-
 xima quæque infestans. Ea vt relucentem vndique
 flammam, quâ vicina iam domus consumebatur, ad-
 spexit, trepidatione primùm, quantâ necesse erat, in
 noctur-

M. CCC.
LXXXIII.

nocturno, quod se latè circumfuderat, incendio percellitur; tum non diu morata, strato eripit sese, & quantum nox providentiæ adimeret, tantum explet religione ac metu. Procumbit humi supplex, & Ne siueris, inquit, Siluaducensis Mater, vt sic momento ruat fortuna mea. Id certè ne fiat, in tuâ potestate est. Cui elementorum Dominus subditus fuit, elementa subdantur. Hæc elocuta, velut repulsas ab domo suâ flammæ retrò agi videt, moxque omnis ab intactâ domo noxa abfuit. Eam rem à Swaueldâ vicinisque vulgatam, Siluaducenses litteris consignarunt.

CAPVT CIX.

*Infans à morte ad vitam, à vitæ periculo ad
sanitatem reuocatur.*

xii. Sept.

PER idem tempus egregium quâ beneficentiæ maternæ, quâ moderatæ feueritatis documentum Deipara edidit. Wellæ infantem mortuum pepererat Gudula Thomæ Aelstij coniux. Cùm ex eo ad duas iam horas ingens mœror matrem feminasque præfentes tenuisset, atque tamdiu exanimatus puer nullam vitæ spem reliquam faceret, opportunum à Virgine præsidium adfuit. Nam mater Siluaducensem Diuam sibi solatio fore ducens, eius enixè implorat opem. Conclamant deinde pariter, quæ aderant vicinæ, expectandum ab hac Matre beneficium, quæ nullius vnquam vota fefellisset. Profectionē sacram vnâ
pro-

promittunt , si optatis potiantur. His precibus Di-^{M. CCC.}
 uam veneratæ , facilè eius beneuolentiam sibi con-^{LXXXIII.}
 ciliant. Reuiuiscit è vestigio puer , atque altio-
 rem , quàm pro ætate , ciulatum ciens , manifestam mira-
 culi fidem facit. Infans salutifero Baptisimi fonte
 ablutus, Euerardi nomen tulit. Sed Gudula non per-
 inde prompta ad soluendum promissa , atque ad
 postulandum sperata velox fuerat , tam recentis læ-
 titiæ pænè iacturam incurrit. Quippe infans XI I.
 natus hebdomadas repentino ictus malo , ad certum
 interitum properare visus est. Obsidebat collum tu-
 mor , languentem spiritum ægrè transmittens. Os
 fœdè hians , oculique iam lucis , vt videbatur , ex-
 pertes , præsentem mortem nuntiabant. Adfluenti-
 bus ad hoc spectaculum propinquis , etiam sacer
 cereus , qui migrantibus ad sempiternam lucem por-
 rigitur , Euerardo admotus erat. Tum amici negle-
 ctæ , aut certè dilatæ pietatis Gudulam admonent .
 Non debuisse differri gratias Diuæ debitas : hunc
 morbum maternæ tarditatis pœnam esse , quam mo-
 dò innoxia soboles capite suo fortasse luitura sit.
 Quibus monitis , & magis etiam instante filij mor-
 te territa mulier , iteratis precibus Diuam placat , at-
 que agnitâ moræ culpâ , maturandæ pietatis votum
 adiicit. Eâ modestiâ vt Virgo ipsi ignosceret obti-
 nuit. Puer mox vegetatus , vt in complexu matris
 erat , eius vbera pressare , & largiter haurire occe-
 pit. Ita summa ex metu lætitia facta ; & ne de-

M. CCC.
LXXXIII.

nuò cunctatio in luctum transfirer, tertiâ inde hebdomade, Gudula cum vicinis Siluamducis ad exequenda quæ destinauerat, discessit.

CAPVT CX.

Auceps in periculoso casu mirè vitam seruat.

XIII. Sept.

Nihil æquè MARIAE ingenio consentaneum, ac lapsis opitulari. Plurimos animis, non paucos etiam corporibus in exitium ruentes, crexit. Neminem certè ad se preces, ad se manus tendentem præteriiit. Diesthemij inter principes viros celebrata res, huic Virginis studio adstruxit fidem. Peruenerat eò Leodienfis Episcopus, cui vt epulas lautius Dynasta vrbis instrueret, Godardum Strickium, aucupem suum, in circumiacentibus agris perdices excipere iubet. Abeunti ad cælites MARIAE Virgini dies sacer erat, & fortè sanctimoniam diei aucupio violari, Diuæ cordi non fuit. Godardus imperata facturum, Oosterloam, haud procul Diesthemio, eques peruenerat, angustum, sed editum inter profundas vtrimque lacunas, callem tenens. Ibi cespitantis error equi in domini perniciem vertit. Postici pedes in abruptum defluerant, anterioribus adhuc tuto in loco firmatis. Sed Godardus cum neque progredi liceret, neque subsistere, vnde salus speranda fuerat, inde exitium retulit. Contra cto quippe fræno, erigentem sese equum in potestate non habuit, atque vnà cum eo per

per prærupta actus est præceps. In foueâ resupinatum M. CCC.
etiam equus ipse supinus totâ corporis mole oppres- LXXIII.
sit. Ac primò quidem in quamlibet partem sese verte-
re ac subducere nequidquam conatus est; donec me-
tu non minùs quàm labore defatigatum pænè extre-
ma vitæ desperatio incessit. Plus certè quàm x. horas
equo suo sic tectus iacuit. Ceterùm efficacior in peri-
culis pietas, quàm humana spes, remedium tantæ ne-
cessitatis inuenit. Nam cùm pauidus nullam opem,
propè mortem imminentem videret, versare animo
cœpit, Silvaducensem Diuam vltimum periclitanti-
bus præsidium esse. Eâ cogitatione defixus vocem la-
crymis addit, supplicesque ad Diuam preces subiicit,
& quinque ceræ libras, pro se vnam, pro equo reliquas
daturum constituit. Nec frustrâ id votum fuit. Equus
mox erigens se, atque connixus, altiore locum saltu
occupat, pedibusque tranquillius insistit, velut impe-
rantis nutum exspectans. Neque concipere mente
Strickius poterat, quâ vi, quòve modo iumentum pon-
dere leuatus esset. Sed & ipse demum ex humidâ &
lutulentâ folsâ emerfit; licet artus frigore stupentes
ægrè moliens. Ita à ministris, quos ad eum quæritan-
dum Dynasta, de conuiuio auibus instruendo sollici-
tus, miserat, repertus est. Ab his sublatus properè do-
mum defertur. Ibi postquam calor rigentia membra
commouit, ac spiritus, quem lassitudo ac gelu sup-
presserant, sufficere voci potuit, mirantibus Episco-
po Leodienfi, Dominoque suo, ac ceteræ nobilitati,

M. CCC.
LXXXIII.

tum casum suum, tum felicem casus exitum enarrauit. Gratulationes atque lætitia pænè miraculi magnitudini pares fuerunt. conuiuium sine perdicibus iucundè actum. Nec multis inde diebus Strickius planè sospes, ac voti satis memor, promissi fidem Siluæducis impleuit.

CAPVT CXI.

Puer inter ludendum occisus reuiuiscit.

xvi. Sept.

ETiam ludentes morimur, atque irritamenta lætitiæ non rarò abruptim improuisus dolor. Misera profectò sors, quæ ne ludendi quidem securitatem admittit, nec ullas ad liquidum blanditias perducit. Silentio sanè tegendum non est, quod in hoc genere olim vidit Bruga, inclyta in paucis Flandriæ vrbs, quæ vniuersis quondam Europæ nationibus placuit, ad firmandas ibi frequentando mercatui sedes. Nunc publica tot gentium domicilia, vrbisq̃ue splendor, & incolarum ad quemuis cultum habilis indoles, pristini floris memoriæ conseruant. Aduenarum haudquam infini fuere Dani, ceteriq̃ue ad Septentrionem & Balticum fretum incolentes. Ex his nonnulli in compita progressi sunt, gentis more, lætitiā agitan-
tes. Qui positum in medio vas fictile, velatis tantisper oculis, clauâ feriret, hic præmio dignus habebatur. Id ludicrum fuisse ferunt. Non deerant, vt in re tali, frequentes pueri, iucundo ipsis spectaculo gaudentes.

dentes. Hos inter Adrianus Hoeckius fuit, quinquennis puer, in lufum quàm periculum suum intentior. In hunc insciens iuuenis, libratum vi summâ ielsum, frangendæ ollæ destinatum, impegit, puerumque exanimatum in terram porrexit. Perfracta erat calua tam alto foramine, vt ouo recipiendo pateret. Cerebrum introrsum in fauces compulsus, aut foras sparsus iacebat; vulnere vtique non minùs fædo quàm letali. Partes capitis, maximè vulnere propinquæ, alieno mox colore infectæ, ac nigrescentes, emanans confertim sanguis, sudores frigidi, aliiq̃ue id genus aderant mortis nuntij. Sic lusus in luctum vertit. Defixerat pavor cum miseratione adstantes, quando parentes accurrunt, interemptam sobolem deplorantes. Hic renouata omnium mœstitia, ac deinceps tres amplius horas (quamdiu mortuus puer iacuit) continuata est, nullo solatium afferente. Tum piis inter se vocibus (cùm lamentis nihil proficeretur) concitati Nicolaus atque Elisabetha coniuges, ad B. Virginem vltimam spem conferunt, eiq̃ue concessum in mortem imperium gratulantes, Adriani vitam ac salutem enixè commendant. Iter, vinum, triticum vota Deiparæ, placuere, quæ continuò puerum, tamdiu extinctum, vitæ restituit, ac funestum ludum triumpho mutauit.

CAPVT CXII.

Puella è tabulato delapsa vita restituitur.

xvi. Sept. **S**I sunt liberi parentum amor ac deliciæ, velut naturæ ac vitæ, non solum fortunarum heredes; quo pacto non sit omnibus parentibus charissima MARIA, cuius manu tot mortes à pueris depulsæ, tot parentibus gaudia impertita sunt? Huiusce tam frequentis tamque propitij fauoris indicium quoque Vianæ à Deiparâ editum, in ore ac sermone omnium fuit. Gertrudis puella tabulatum ascenderat, altitudine fati eminens. Hinc delapsa casu infelici, inter suorum manus & lacrymas plus horis quatuor exanimis fuit, sensu & colore pristino cum vitâ ereptis. Tum verò nullum miseris asylum præsentius esse ope MARIAE, apparuit. Ioannes enim Gerardus ac Margarita, puellæ mortuæ parentes, huc desideria, huc vota sua contulere, nihil de obrinendâ filiæ vitâ ambigentes. Ac diuinæ quidem potentiæ consors MARIA Mater, nequaquam segnis in impertiendâ supplicantibus clementiâ extitit. Pariter Gertrudi reddita vita, ac parentibus lætitia fuit. Atque illi iter Siluamducis lætis animis emensi, post quartam ab accepto beneficio hebdomadam plausu faustisq; gratulationibus cuncta impluere.

CA-

CAPVT CXIII.

M. CCC.
LXXXIII.*Mulier glandulis liberatur.*

NON modò patrociniò tutari miserorum vitam, xxii. Sept.
 sed etiam manibus suis infirmitates eorum medicari Deipara visa est. Steenbergana femina (Agatham vocabant, Henrici Ryckij vxorem) cum vicinis non paucis id affirmavit. Æstas proxima eam in difficilem morbum coniecerat, sinistro crure glandulis pertinacibus resperso. Cùm alia remedia lenta viderentur, Siluaducensis Deiparæ memoriam cum fide colere institit, certissimum in eius maiestate præsidium suis rebus (quas morbus quæstui aduersus deterreret) repositum existimans. Vt votum Virgini fecit, confestim sopore correpta est, perinde salubri ac repentino. Nam cælestis ei lux affulsit, eodem habitu ac formâ, quâ in Siluaducensi sacello visitur, Deiparam repræsentans. Protinus MARIAM videt appropinquantem primò sibi, dein glandulas mulcentem, atque abstergentem salutiferâ manu. Cuius manus attractus omni lanâ omniq̃ue bombycinâ telâ ei mitior blandiorq̃ue fuisse visus est. Secundùm hoc visum, excusso somno, haud modicam dolorum leuationem sensit Agatha, & glandulas sensim omnes, quibus tibia paullò antè scatebat, dissipari. Curatio sanè, vt à tali manu, non perfectior quàm expeditior fuit. Agatham verò non pauci de vicinis Siluamducis vsque comitati, solutis ibi votis, miraculum enuntiarunt.

CA-

CAPVT CXIV.

Maritus primum sibi, deinde uxori sanitatem impetrat.

N Vllis terminis circumscripta MARIAE beneficentia, quantumcumque ipsam extendentibus obsequitur. Sæpè vni dumtaxat alicui fauorem imperit; quòd non vnà plures qui iuuentur, occurrant. Nunc vni familiæ duplex beneficium gaudet tribuere, ne coniuges Ioannem Falconem & Christinam, quos matrimonij nexus vitæ societate iungebat, sanitatis dispar status distingueret. Maioris ieiunij tempore maritus prior in morbum delapsus est; cuius vt occulta caussa, ita parùm explicita remedia fuère. Atrocitas mali, mentis vsum, non modò artuum vires infregerat; doloris tam inusitati vehementiâ etiam doloris sensum adimente. Verùm vbi animus ægri ad meliora redactus, aliquid interualli nactus est, non vana ei spes oblata est auertendæ noxæ. Siluaducensis Virginis memor, æstimabat, quamuis conditio morbi homines falleret, Deiparæ tamen potentiam omni corporis vitio superiorem esse. Ab hac igitur tam aduersæ valetudinis auxilia, interposito voto, exposcit, & obtinet. Tum continuò stomachus velut pharmaci alicuius acrimoniâ exstimulatus, vomitiones crebras ciere, & multa sibi infensa, visu & colore fœda egerere cœpit. Neque verò aut dati aut epti improvisò veneni suspicio absuit. Paschalibus inde proximis
ad.

ad vxorem morbus æquè infestus transiisse visus est. M. CCC.
LXXXII.
 Flaeubat cutis tota bilioso humore quoquouersum
 perfusa, ceræ quàm carni similior. Icterus crede-
 res, ex alto corpore propellentem foras, atque in
 summum, quidquid intima labes infecerat. Pro-
 nuntiabant Medici, multa adesse, vnde mortis indi-
 cium, non valetudinis solatium. caperetur. Ergo &
 sacra moribundis præberi solita, extremam præfer-
 tim Vnctionem, adhiberi placuit. Verùm Ioannes
 tam recentis in ipsum collati beneficij haudqua-
 quam oblitus, eodém spes suas retulit, vnde paul-
 lò antè non paruum pietatis fructum ceperat. Vti-
 le enimuerò consilium, votiuo potiùs dono Virgi-
 nis opem quàm incerta medentium remedia auro
 redimere. Promittit igitur Siluaducensi MARIAE,
 è vino, tritico, auroque & argento sacrum munus.
 Propitiatae mox Virginis potentia singularis appa-
 ruit. Valetudo Christinae reddita, vires magnis in-
 crementis reparatae sunt. Atque vterque quidem tan-
 tis è periculis diuinitus erepti, conscios miraculo-
 rum vicinos ducentes, votiuum iter pari animi ar-
 dore atque lætitiâ absoluere. Ita Siluaducis quæ
 diximus doni nomine relinquentes, occidentalem
 Hercam (ita locus dictus est) reuerfi sunt.

CAPVT CXV.

*Captiui duo in libertatem afferuntur.*xxii.
Sept.

QUæ publicæ captiuitati eximit humanum genus, mirum nî paucorum libertati in periculum adductæ consulat. Non destituit certè supplices, quæ persæpè adiuuat ne inuocantes quidem. Itaque haud ægrè captiuorum duorum preces Virginem ipsis conciliarunt. Coetseveldâ è Westphaliæ finibus ad Aquas-Grani iuerant Hermannus Weylapius futor, cum Ioanne fratre; & iam procuratis ex voto sacris, natali Virginis(cuius & ibi tum celebrabatur nomen)in reditu haud procul aberant Gelriâ vrbe. Hîc in manipulum equitum incidunt, à quibus spoliati primùm rebus omnibus, deinde vincti in custodiam rapiuntur. Sed de libertate sollicitis prior fuit incundæ à MARIA gratiæ, quàm humani patrocini parandi cura. Inuocatio itaque Siluaducensis Virginis saluti fuit; ad quam è carceris angustiis haud frustrâ missæ sunt preces. Et votum dono cumulatam est, promissio sigillo argenteo peregrinantis viatoris habitum & scipionem gestante. Postero die (neque enim lenta sunt MARIAE auxilia) vtrique à custodibus ereptæ res ac libertas, omnibus rebus charior, reddita est. Illi ad propinquos restituti, & iam nuntij cælestium beneficiorum facti, à suis haud grauatè impetrant, vt secum Siluamducis pergentes,

gentes, honorem Liberatriei debitum soluerent. In ^{M. CCC.} sacrâ adiculâ argenteum peregrini signum positum ^{LXXXIII.} est.

CAPVT CXVI.

Apoplecticus membrorum vsum recipit.

NEquè minùs promptè ciuibus, licet procul ab- ^{XXIII.} sentibus, quàm exteris Virgo subuenit. Arnol- ^{Sept.} dus, Ioannis Hieronymi filius, Siluæducis trans Gerlaci pontem, inhabitabat domum, quam Curiam Hollandiæ dixere. Inde in Hannoniam æstate mediâ profectus, Querceti, eius Prouinciæ vrbe, substitit. Verùm inibi tam grauitè morbo affectus est, vt neque pedibus valeret insistere, & vehementi omnes per artus dolore fuso torqueretur. Apoplexiâ cum teneri periti affirmabant, spe omni sanitatis incisâ. Iam sexta ab initio morbi hebdomas erat, quando ægro opportuna & ad curationem & ad reditum aperta est via. Tum nimirum altè in eius animum descendit salutaris de flagitandâ Siluaducensis Virginis ope cogitatio. Eâ cogitatione perfusus interpellat enixè Virginem, non illius modò cliens, sed ciuis. Sed & muneris nomine ceræ pondo promittit, maius propensæ in MARIAM fiduciæ, quàm opulentiae signum. Has preces benè positas perceptus inde fructus affirmavit. Mox quidquid virium morbus subduxerat, restitui cœptum, redintegratâ quoque incedendi facultate. Ergo sospes in pa-

M. CCC. triam rediit, ac tam longè foras prodeuntem opti-
LXXXIII. mæ Matris opem, inter suos domi celebrare non
desiit.

CAPVT CXVII.

Puer ad vitam renouatur.

XXVIII.
Sept.

ADhæc restituta puero vita, mirum quantum apud Brabantos æquè ac Flandros, Virginis nomini, ac famæ benignitatis adiecerit. Viluordix Michaëlis Melbroeckij statuarij filius, patri cognominis, cum ad octauum diem letali morbo fuisset implicitus, superante tandem malo è viuis sublatus est. Ea mors hoc patri acerbior accidit, quòd bonam copiarum familiarium partem, non modò filium, auferret. Parens quippe annuo librarum septem Flandricarum redditu, ab Teneramundâ vrbe empto, census auxerat, pensionibus tantummodò, quoad Michaël filius viueret, non ampliùs, duraturis. Vixdum ea pecunia Teneramundanis pernumerata erat, cum in puerum morbus, atque exinde infesta mors ingruit. Cruciabat maior parentes dolor, quòd optionem à Teneramundanis etiam habuissent, cuiusnam è liberis (nam plures susceperant) vitâ terminari redditum vellet. Improuidi iacturæ tam propinquæ, Michaëlem tum decennem ac valentem puerum, atque in litterarum iam ludum itantem, prætulerant ceteris. Mœsti tantis malis coniuges exigebant quod reliquum erat noctis, quæ sacrum B. Mariæ Magdalenz præcurrit

currit diem. Tres interim horas ex animis iacuit filius. M. CCC.

Michaël igitur Catharinæ vxori præscribit funeris LXXXIII.
sumptum ac modum; locumque humando cadaueri,
vbi puer maioribus adderetur, designat: ipse appeten-
te iam die, conscensum raptim equum effulis habe-
nis, cursus magis quàm itineris modo, Teneramun-
dam concitat. Sperabat scilicet, si defuncti Michaë-
lis nomen necdum in tabulas publicas relatum esset,
haud ægrè impetraturum, vt alterius cuiuspiam filij
sui nomini, ac vitæ spatio, reditus ille tribueretur. Sed
hanc spem omnem fortuna frustrata est, Michaëlis
nomine iam in litteras constituti reditus descripto. Eâ
re cognitâ, Melbroeckius quâ filij amissione, quâ cen-
su diminuto consternatus, inde Viluordiam redit. Ce-
terùm per viam retexenti clades suas obtulit se mira-
culorum Siluaducensium recordatio, quæ inærentem
optimæ impleuit spei. Sic erectior iam animus ad
Virginem vertit sese, eamque obtestans, conceptis ver-
bis sponderet, si tam acerbæ cladi, reddita filio vitâ, finis
sit, properaturum Siluamducis, atque argenteam viri-
lem effigiem, selibræ pondo, ad Patronæ aram fixu-
rum. Interea, quoad soluta fides esset, abstinentiam
carnium quotidianam, ieiunium insuper quot sab-
batis continuaturum. Talibus ille precationibus sic
confirmatus est, vt haudquaquam vltra ambigeret,
de recuperandâ MARIAE subsidio filij vitâ. Tan-
tum fiduciæ ac securitatis pectus incesserat. Nec vana
præfagientis animi persuasio fuit. Nam reuersus

M. CCC.
LXXXIII.

domum, filium non viuum dumtaxat, sed sanum reperit, & pristino vestitu indutum. Qui blandè gratulatus reditum patri, ac de longiore absentiae morâ sciscitatus, adiecit, perbellè interquicuisse se, infortunij molestiaeque expertem. Ceterum in tantâ familiarum vniuersæ lætitiâ, dum miraculi tempus ac modum retractant, quâ horâ pater votum emiserat, eâdem quoque filium, septem iam horas extinctum, à mortuis extitisse cognitum est. Enimuerò tum parentes amicique gaudere miraculo; nomen Virginis in ingenti gloriâ esse. Nec ita multò post, vicinis in gaudij viæque societatem assumptis, Michaël & Catharina cum rediuiuo, alteroque filio, Siluamducis se contulère. Promissam ex argento effigiem donum statuunt. Peractis Sacris domos reditum est.

CAPVT CXVIII.

*Fistula clauditur, cuiusdam vultui plus quàm
annum infesta.*

11. Oñ.

NEc diutiùs dilatus est Theodorus Ioncherus antequam sanitati redderetur. Huius vultum deformabat tetra fistula, longo ductu pus emittens. Subter oculum id vitium hærebat, nullâ medicinâ sanabile. Quippe Medici tentatis nequidquam remediis omnibus, desertâ curatione, nihil spei reliquum fecerant. Cumque annum, ac tres præterea menses, in cruciatu perquam vehementi Theodorus extraxisset, nequid per-

perditæ valetudini deesset, os quoddam è fistulæ sinu ^{M. CCC.}
 excreescens, sic oculum arctavit, vt nouus coortus do- ^{LXXXIII.}
 lor neque noctu neque interdiu quietem vllam infir-
 mō concederet. Ergo ratus nullam morbi leuatio-
 nem fore, nisi sese ad B. Virginem Siluaducensem me-
 dicinæ causâ conferret; consilium sumit visendi Vir-
 ginem, & ceruum illi caput dono offerendi. Inde
 quieti corpus traditum. Exhaustâ nocte vbi prima
 lux affulsit, totum nudati ossis fragmentum suis sedi-
 bus motum, cūm adhærente circum pure, foras pro-
 lapsum est. Nec quidquam præter vulnus reliquum
 fuit, quod ipsum quoque breuî occalluit. Theodo-
 rus non magis incolumi vultu, quàm Virginis fauore
 exultans, Neomago, vbi primū licuit, Siluamducis
 se contulit, ac Diuam inibi suæ salutis auctorem ve-
 neratus est.

CAPVT CXIX.

E carcere vincti duo euadunt.

DEnuò captiuorum acerba sors Deiparæ misera- ^{v. Octob.}
 tione digna visa est. Occidentales Frisij pagum
 Schillinekhoutum appellant, Hornâ vrbe medium
 circiter milliare distantem. Habitabat eo in pago
 Henricus Iacobus, quando ad arcem Medenblica-
 nam, aliquanto longius Hornâ distitam, in custodiam
 insons pertractus est. Inibi tum Simon quoque Ger-
 lacus, pari innocentia vir, detinebatur; Scadâ, pago
 item vicino, oriundus. Cūm tres iam hebdomadas ita
 op-

M. CCC.
LXXXIII.

oppressi luxissent, industriam Simonis iustus dolor accendit. Perfracto enim cippo aliquantisper laxati pedes, occultum, sed breue solatium habuere. Quippe animaduerso fugæ consilio à custodibus, binæ singulis ferreæ pedicæ iniectæ, omnem omnino sese inde proripiendi spem præcidunt. Eum in modum clausi, desperatæ libertati, quam nulla vis humana promitteret, subsidium cæleste implorant. Neque dubitant, quin Deipara Siluaducensis, pro insito sibi iuuandorum hominum amore, necessitati suæ tantæ præstò futura sit. Itaque votum nuncupant adeundæ Diuæ, & ceruum ei munus, cippum pondo librarum quinque, dedicandi. Eam in rem pecuniâ ab aliis Christi nomine mendicare, prætereaquæ, donec promissum expleissent, omni carniû esu abstinere constituunt. Neque ambiguo argumento proditum est, placuisse Virgini tam pias preces. Nam vix eas finierant, cùm apertus vltro cippus, & seræ omnes reclusæ sunt, nullo manum aut operam admouente. Ne tamen euaderent, obstabant insuper portæ tres, quarum primam prægrandis è ferro vectis obseperat. Illi, velut nouo infortunio trepidi, ardentiores ad Diuam emittunt preces. Ita receptis animis, cùm portam tentarent, vectis sponte suâ defiliit, portæque deinceps omnes diuinâ virtute patuerunt. Neque quisquam è custodibus fuit, qui fugientibus oculos animûmve aduertet. Henricus Siluamducis profectus, omnia, quorum fidem Virgini dederat, persoluit. Sacerdotes duo datis

Lati-

M. CCC.
LXXXIII.

velut haud dubia tam infesti morbi piacula. Eâ denuntiatione expergefactus Ioannes, imperata promptè exsequi statuit, ac voto cogitata confirmat. Neque maior fuit hortantis Virginis benignitas, quàm promissa præstantis fides. Quippe confestim euauit molestus tumor, ac Ioannes Deiparæ gratulaturus, sublata in humeros fulcra Siluamducis deportat. Adiungunt se illi, præter Aleydem vxorem, populares non pauci, quorum aut in MARIAM pietas, aut in amicum tanto malo exemptum beneuolentia emineret.

CAPVT CXXI.

Puella aquis mersa vitæ redditur.

xi. Off.

NON viuos modò, sed etiam mortuos liberos MARIÆ committere tutissimum est: quando illa iam toties parentum destinatis ad se precibus amissæ sobolis vitam reddidit. Tuylæ Christinam puellam aquis extinctam fuisse proditum est, Henrico & Beatrice parentibus maximo luctu præditis. Satis enim diu in fundo puella iacuerat, cùm extractam ac demortuam parentes recipiunt. Vitæ nullum indicium, spes nulla. Ex ore ac naribus extrema, ac spissior morientium saliuâ manabat. Ne quod tamen resuscitandæ fortè vitæ adiumentum omitteretur, cadauer primùm vento, deinde igni expositum est: tum crebrâ frictione nequidquam prouocatus calor. Tres igitur horas defunctam parentes luxerunt: donec inopes con-

consilij Siluaducensis Patrona consolata est. Illi quippe emissio pro salute Christinae voto, cui mortuae dum morerentur adstiterant, eam viventem mox letissimi adspiciunt; atque exacto deinde anno, (morae causam non reperio) votiuis tritici ac vini donis beneficam Virginem Siluaducis honorarunt.

M. CCC.
LXXXIII.

CAPVT CXXII.

Captiuus liberatur.

Rursum Deipara cauendo ne diuturnae sint capti-^{xx. Ost.} uorum angustiae, se amabilem efficit. neque segniter eius fauore usus est Henricus, Wessemij in Hannanâ ditione pagi incola; quem hostis in arcem haud longè à Wachtendonckâ victum abripuit. Eò delatus ad palum alligatur, utroque pollice in retinacula ferrea inserto. Qui ceperant, iam de Henrici fugâ securi, ad curanda corpora verterunt sese, captiuum subinde interpellantes. quos ille supplex orat, ut tantisper interquiescere ipsum sinant, itineris labore, ærumnaeque huius molestiis exhaustum. Inter hæc ad preces se dare Henricus, caelestemque Reginam, quæ Siluaducis à tot afflictis coleretur, obtestari, ut periculum suum suosque luctus intueretur. Si euaderet, ab eius cultu optatum libertatis usum inchoaturum. Eas preces haudquaquam surdâ aure MARIA excepit. Mox enim sinister victi pollex sic extenuatus est, ut cum faciliè anello ferreo, quo arctissimè

subduceret. Atque ille tam propin-
 què intinctus, cum denuò in preces animum
 vinculo solutus extitit, nullo hostium
 adhaerentium (id notante. Ergo velut inuisus
 patientibus, & cibo sumendo, non somno, occu-
 patus, inde trans fossam proripit se, ac per deuios cal-
 les occultam maturat fugam. Ceterùm illi vt sense-
 runt auolasse prædam, consensu properè equis, per
 regias maximè vias Henricum insequi, & impigrè
 quæritare insistant. Verùm incassum susceptus om-
 nis labor. Henricus interim ad suos Wessëmium re-
 uersus, incredibili omnium plausu & gratulatione ex-
 ceptus est. Inde cognitus miraculi modus, atque an-
 gustissimo claustro exemptus sinister pollex, stupori
 fuère. Accersitus denique faber ferreum nexum, quo
 etiam tum dexter pollex vinciebatur, dispescuit. Hen-
 ricus, prosequantibus Siluamducis familiaribus, ibi
 Deiparae tum libertatem suam adscripsit, tum vincu-
 la, quæ attulerat, consecrauit.

CAPVT CXXIII.

Mortua mulier ad vitam reuocatur.

xx. Off.

PLerumque inuocata miseris Deipara subuenit:
 nunc vltro ne valenti quidem auxilium flagitare
 occurrit. Hoc enim tempore planè nouum atque in-
 auditum miraculum, ingentem Siluaducensi Virginis
 facello gloriam addidit. Aleydis nobilis femina (ma-
 rito

rito Petri Mennekeni nomen erat) Spelâ, mille à Iuliano passibus, cum famulis ceterisque domesticis Siluamducis aduēnit. Eam grauissimus morbus è vitâ sustulerat: sed ab hominibus destitutam haudquaquam deseruit misericordiæ suauissima Mater. Traditum memoriæ est, defunctæ obuersatam speciem MARIAE Deiparæ, auditamque dicere, conciperet vitæ spem, Siluamducis rediuiua peteret, & amiculo, quo inuoluta cadauera terræ mandantur, per viam indueretur. Post hæc & Seruator Christus eidem apparuit. Vultus præferebat mœstitiam animi, dolores suos retractantis. Membra per cruciatus vltimos lacerata, & plagis deformia, miserationem intuenti mouebant. His illa visis, pristinam valetudinem, non modò vitam recepit, & cælestis spectaculi haudquaquam oblita, inaurata iuglandis putamina vniuersis Christi cruciatibus depingi curat. Haud ita multò post, cum familiaribus non paucis, Siluamducis, vti Diua mandarat, funesto cadaueris habitu amicta perrexerit, ac tum alia magni pretij atque opulentiae munera, tum iuglandem Seruatoris nostri tormentis insignem, MARIAE tam propitiæ deuouit.

CAPVT CXXIV.

Difficillimus partus expeditur.

Quidni in duplum celebretur maximæ Matris beneficentia, quæ vnius fauoris complexu tuetur duos? Ex partu sanè Falkenburganæ mulieris haud

G g 3

minùs

minùs periculoso, quàm longo, clarissimum miraculum, parente filioque vnà seruatis, emerfit. Mulier sex totas hebdomadas pariendi laboribus exercita, nulum tamen partum ediderat. Non deerant adiutrices feminæ, tamdiu laborantem miserantes. Sed parùm profuêre humana subsidia; præsertim cùm neque à foetu aliquod vitæ indicium existeret. Inopes ergo consilij, nihilque præter cælestem opem reliqui esse ratæ, nummum complicant, eumque famulo Siluamducis, ad conciliandam puerperio MARIAM, ferendum committunt. Ille ingenti animi ardore ac festinatione, vt in re tam ancipiti, breuî iter absoluit, nummum præfectis ædiculæ tradit, rogitans, vt feminæ tam diu parturientis salutem ab illâ, quæ citra dolo-rem & noxam peperit, exorent. Responsum est, Deiparæ magis, quàm ipsorum precibus nitendum esse; si enixè rogetur, illi matrem, illi sobolem, ne Christiani lauacri exsors occidat, cordi fore. Hæc vbi dicta, reuer- sus celeriter famulus, omnia domi plena gaudij solatii-que offendit. Mater iam marem enixa erat, formâ & vâletudine præstantem, ac cælestis Baptismi participem. Ac ne quis de miraculo ambigeret, recognoscen- tibus temporum spatia, compertum est, quâ horâ Siluæducis à famulo munus oblatum esset, eâdem quo- que infantem in lucem progressum. Mulier puerperio defuncta, cùm primùm posse ingredi cœpit, vbi so- lemnij ritu ad ingressum templi expiata est, Siluamdu- cis properauit, dona pro facultatibus dedit.

CAPVT CXXV.

M. CCC.

LXXXIII.

Puellam amissam parentes à Deiparâ recipiunt.

A Missio liberorum persæpè grauius parentum animos sauciare videtur, quàm ipsa mors. Mortis enim & vnicus & brevis tantummodò ictus est, qui cum vitæ fine etiam desiderium regressus præcidit: amissio verò, & dum rapit, letali plagâ obruit, ac velut vltra mortem, mortis sensum producit. Non sinit tamen Virgo Deipara, vt huius generis calamitates longam in cultores suos iniuriam exerceant: siquidem Hermanno Nergennao atque Elisabethæ coniugibus amissam filiam Gertrudem breuî restituit. Superior Assela (id pago nomen) trans Mosam, à Grauiâ abest vix M. passus. Inde parentes estate mediâ sub vesperam Gertrudem, tredecim iam annos natam, emittunt, ad reducendas è pascuo boues duas. Natalis tum erat Ioannis Baptistæ, & feria hebdomadæ quinta agebatur. Primis tenebris egressæ domo puellæ, vt viam inire cœpit, præstò fuit ignotus vir, teretrimâ specie, vultuque nigro. Is consternatam arripit, & ambas eius manus cingulo inuoluens, nequidquam reluctantem in proximam Asselæ siluam protrahit. Stabat inibi, interempti quondam hominis piaculum, fortè musco squalens, & vetusta crux. Puella oculos vt in tantâ trepidatione circumagens, atque è manibus illius monstri (cacodæmonem fuisse credibile est) elapsa, diuino

XXIV.

Ostob.

diuino vtique impulsu, ad humanæ salutis monumen-
tum aduolat, arctissimoque complexu stringit : non
alibi tutior, quàm apud crucem, publicam Christia-
norum tutelam, futura. Perstabat interim iuxta im-
bellem prædam toruus hostis, & cùm nocumento esse
non posset crucem tenenti, ad insidias versus, fameli-
cæ cibum ac potionem exhibet. Sed Gertrudi salus
quàm fames potior fuit : licet exanimata metu at-
que attonita non attollere oculos, non hiscere aude-
ret, solùm ad crucem residens, illius complexu se
tuebatur. At parentes, cùm filia multâ iam nocte
haudquaquam rediret, per vias, per inuia sparsi cum
amicis oberrant, vbique amissam quæritantes. Edocti
quoque duorum pagorum Parochi de amissione
puellæ, nihil antiquius habuerunt, quàm vt vel ad
eam quærendam concionem hortarentur, vel pro in-
ueniendâ preces indicerent. Sed neque duobus
insequentibus diebus ea reperta est. Tum enim uerò
Elisabethæ in mentem venit, à Consolatrice misero-
rum **M A R I A** postulandum esse, cuius copiam non
faceret humanus labor. Adscitis igitur in voti socie-
tatem septem è familiaribus, Siluaducensi Deiparæ
suâ ceterorumque vice pollicetur, si Dominico die
ante obitum solis Gertrudis reddatur sibi, ituros Sil-
uamducis, ac munus è tritico vinoque sacraturos. In
hoc voto reposita vniuersa cunctorum spes, nequa-
quam fefellit. Atque ecce miraculum. Cùm quar-
tum iam diem, is Dominicus erat, Gertrudis ab
omni

omni raptoris adstantis iniuriâ tuta cruci inhæssisset, M. CCC.
LXXXIII.
 improuisò illi cælestis quædam Matrona adstitit, mi-
 râ oris pulchritudine ac maiestate excellens. Hæc
 non erexit modò exanguem metu puellam, verùm et-
 iam nigro illi monstro semet obiecit, ac procul coëgit
 facessere. Inde iam lætiori porrectâ manu, ex nemore
 deductam prosequitur ad paternam vsque domum,
 & longo terrore fessam, in lectulo acquiescere iubet.
 Illa simul tranquillo sopore, simul cælesti offuso ocu-
 lis spectaculo non mediocriter recreata, appetente
 iam meridie, à suis in eo, quò diuinitus adducta erat,
 cubiculo inuenta est. Ac parentibus quidem turbæ-
 que amicorum, tantam ex mœrore ac desperatione
 lætitiâ fecit, vt clamor viciniam peruaderet, gratu-
 lantium saluam rediisse. Mox auidè rogantibus, quo
 viarum errore acta, quâ regione locòve tam diu mo-
 rata esset, visa auditaque omnia, vti exposuimus,
 enarrauit. Illi vix præ gaudio còmpotes sui, præcla-
 ram emissi voti, Gertrudis verò parem retentæ con-
 stanter crucis mercedem, tulère. Præcipuè stantis
 iuxta crucem puellæ inuicta virtus, Deiparæ placuit,
 suos iuxta crucem dolores necdum oblitæ. Sub hæc
 tam inopinato felicique euentu gestientes ad quinque
 & viginti pagani, Siluamducis contulère sese, ac testi-
 moniis de miraculi euidentiâ dictis, donoque votiuo
 repræsentato, non minore famâ quàm gloriâ Fautricis
 MARIAE beneficentiâ celebrarunt.

CAPVT CXXVI.

*Vaccas furto subductas recuperat dominus.*XXVI.
Ostobr.

NEque solùm puella, sed animantes etiam amissæ, Deiparâ scilicet curante, possessoribus restitutæ sunt. Ekeræ (id pago Antuerpiæ proximo nomen est) Mathias Dyckstratius noctu vaccas quatuor amisit. Postero die magnâ contentione quæsitæ nusquam apparent. Sed irritus labor consilij perutilis auctor fuit, vt cum Elisabethâ vxore Mathias Siluaducensis Patronæ propitiâ imploraret opem. Adii ciunt, si voti compotes euadant, carnem non antè gustaturos, quàm Deiparam in vrbe atque æde suâ salutassent. Vixdum dimidia abierat hora, cùm à vicino discit Mathias, Puttæ, inde haud procul, equam à quodam viro venundatam esse : non alium vtique furto vaccas abegisse ; eundem Ekeræ item habitasse, locorum profectò peritiâ nefas ausum videri. Mathias, qui hominem etiam nôrat, his auditis Ekeram in cauponam templo adiacentem concedit. Ibi virum furto suspectum cum caupone prandentem offendit, ac velut Deiparæ instinctu se moneri sensit, adesse facinoris auctorem. Itaque protinus iniicit deprehenso manum, furem clamitans, atque abacti pecoris reum, iam iam debito supplicio scelus luiturum. Illum & vultus, haud sanè securæ mentis index, & corporis trepidatio, prodebant. Ergo vinciri se, non accusari
ratus,

ratus, ac Mathiæ dexteram complexus, orare cœpit, supplici semet dediti parceret, recepturum abactas boues, quas nouem scutatis nummis leuibus vendidisset. His dictis illicò pecuniam omnem in mensam effudit. Sed parùm eâ re mitigatus Mathias, Prætorem aduocat. Fur, quæcumque patrarat, sine cunctatione confessus, equam item ac lorica[m] aliaque complura à se furto ablata adiecit, augens imminentis supplicij causas. Proinde Deum suorum scelerum vindicem esse cognoscens, recte suspensus est; boues possessori suo redditæ. Exinde nono die Dyckstratius cum vxore Siluamducis abiit, ac se voto liberauit.

CAPVT CXXVII.

Ab energumena demones xxv. expelluntur.

Nihil vsquam est mali, quod non & in hominem ^{xxii.} incumbat, & non Deiparæ tutelâ propellatur. ^{Non.} Quippe nihilo seciùs in malos demones, quàm in morbos, ceterasve mortalium calamitates, summa Virginis potestas, viget. Aleydem inuenio Virginem Deo sacram, MARIA opitulante, à diabolis compluribus liberatam. Parentes erant in Gelriâ opibus & genere clari, Godefridus Rauensberghius atque Aleydis. Filia ad Vefaliam urbem Monasterio sese addixerat. Ingruerat eo anno pestilentia scæda, quæ vniuersam peruagata regionem, miras hominum edebat strages. Eius morbi metu consternata religiosa Virgo, nocte, Cali-

Hh 2

tum



M. CCC.
LXXXIII.

tum omnium anniuersario cultui sacrâ, vexari cœpit miseris modis. Quinque & viginti dæmones teterrimi corpus infederant, quorum vi ac furore exagitata Aleydis, ne continenter eâ quoque molestiâ ceteræ Dei famulæ turbarentur, in paternam domum deducta est. Eò Sacerdos euocatur, qui diuinis carminibus atque exorcismis atrocissimos hospites è Virginis corpore facessere iubeat. Illi indicto bello nihil moueri; iactare, quinque supra viginti coniuratos adesse; attonitum pauore corpus occupasse; ditionem, nunc suam, nequaquam deserturos. Nec furiosis vocibus eorum crudelitas multum abhorruit. Postquam enim nihil Sacerdos profecit, illi velut inflati victoriâ fauere immaniùs; atque Aleydi tam afflictæ, ne cibatus quidem sumendi, loquendive facultatem relinquere. Quo animaduerso mater, liberandæ filiæ intenta, positis humi genibus, O Siluadueensis, inquit, MARIA, quæ nullius vmquam fefellisti spem, sine & meam domum debere salutem ac tranquillitatem tibi. Imperium tibi traditum in hostes exerce. Fac, eos & audaciæ tantæ, & immanitatis pœniteat. Ne sit diuturna possessio, quam vi arripiunt. Si Regina eorum vocari renuis, victricem sentiant. Hoc velut hostili classico perculsi dæmones, ferociam posuère. Neque Virgini posterius aut victu aut vitæ commodis carendum fuit; libero alimonix usu, non solum appetentiâ restitutâ. Sentires infestos tortores, MARIAE potentiâ ligatos, cibum vltra subtrahere non posse.

Ac

Ac Sacerdos satis intelligens miraculi gloriam Deiparæ Silvaducensi reservari, omiſſis exorcismis, hortatur mulierem, vt inde ſubſidium efflagitet, vnde tantam ſpes oſtenderetur. Eius ergo ſuaſu poſtquam triduum ea carnificina Aleidem agitaſſet, mater denuò filiam enixè Silvaducenſis Virginis fidei tutelæque commendat. Preces voto auget adeundæ eiſdem ædiculæ. Vt votum à matre editum fuit, elingui adhuc per dæmonum artes filiæ non modò facultas, ſed etiam facilitas, quæ vellet eloquendi reſtituitur. Atque illa, vt par erat, primum linguæ vſum in precationem vertit, ac materno voto adiecit ſuum, è monilibus quoque, quod haberet chariſſimum, Deiparæ promittens. Vtiusque tam pia ſupplicatio MARIAE cordi fuit. Extemplò importuni vexatores, diuinâ vi coacti, ex ægro corpore exceſſere, & læta continuo ſecuta pax ſanitatē redditam confirmauit. Mater ſubinde cum filiâ, & magno amicorum numero, lætitiâ ex mœnore geſtientes, Siluamducis iter intendunt, grates agunt, donis ſe dignis ſedem Reginæ cæleſtis exornant.

CAPVT CXXVIII.

Mulier graui caſu afflicta ſanatur.

Feminæ porrò Ardenburganæ, Margaritæ, ſalus ^{xxv.} reddita eſt. Ea ante annum & aliquot amplius ^{Non.} menses, Dunkeræ, vbi cum marito Gualtero Segero degebat, nocte in editum locum aſcendit, vnde no-

Hh 3

Eturmi

M. CCC.
LXXXIII.

Æturi ignes nauigantibus ostentantur. In excitandam
flammam, quàm in periculum suum cauendum Mar-
garita intentior, ex eo loco, qui fastigiis domorum
multò altior erat, præceps decidit. Vt solum attigit,
parùm à morte abesse visa est; tibiâ, brachio, ipsoque
in super dorso contractis. Ex illo cruciatus orti perma-
gni, diu lecto ægram affixêre. Ad vltimum plus MA-
RIÆ Patronæ præsidium, quàm remediâ meden-
tium profutura existimans, ad illam pariter fiduciam
& vota conuertit: quæ haudquaquam irrita cecide-
runt. Repentè inuocata adfuit Mater Dei, ac tantum
virium imbecillæ suffecit, vt fulcris saltem ligneis cor-
pus loco moueret. Haud ita multò pòst, abiecto quo-
que omni sustentaculo, suis ipsa pedibus cœpit incede-
re. Siluamducis quoque (vbi licuit) cum vicinis pro-
gressa, cæleste beneficium læta prodidit.



OTHO-

HISTORIAE
MIRACULORVM
B. MARIAE
SILVADVCENSIS
LIBER TERTIVS.

CAPVT PRIMVM.

Mulier variis laborans à morte reuocatur.



IN Operis huius decursu multò aliter mihi euenit, quàm iis qui in diurnâ versantur viâ. Horum quippe, quò pergunt longius, eò maior est lassitudo: mihi verò vltior tot caelestium beneficiorum tractatio non tam cessationem eximit, quàm impetum progrediendi accendit. Quò enim ex hoc miraculorum fonte plus bibo, plus sitio. Nihil certè reperio dulcius deliciis, quas MARIA condiuerit. His irritata satietas, semetipsa consumit. Tam verò MARIAE beneficium, quàm scribentium voluptas est, narrandis eius operibus

M. CCC.
LXXXIV.

bus non lassari, ac moli rerum parem animi magnitudinem experiri. Hac imbuti alacritate, ad octogesium quartum tertijdecimi sæculi annum transgredimur, cuius initia illustrat Mater clementiæ, sanitatis dono, in mulierem varis aspersam collato. In Flandriâ erat Catharina, nobilis femina, equestris familiæ viro nupta, quam circiter ferias Remigiales variopleuerant, in mortis periculum adductam. Cumque domesticis nihil spei, ægræ parum vitæ superesse videretur, hæc Virginem Siluadueensem fidenter implo rat. Eidem certam pecuniæ summam, atque intimum ex lino contextum amiculum voto destinat. Nec sua Catharinam frustrata fides. Mox euanescentibus pustulis cuti pristinus rediit color: ægra leuius habens breuî conualuit omnino, ac promissam lineam vestem cum numinis per certos homines Siluamducis Ianuario mense misit.

CAPVT II.

E. periculo naufragij complures euadunt.

x. Ian.

NUsquam abest MARIAE numen; quod medio quoque Oceano luctantes tuetur. Celocem conscenderant centum circiter vectores, cum omni mercium genere è Britannîâ in Belgium tendentes. In medio cursu aduersa fors præsens omnibus intentauit exitium, nauigio in vada delato. Ibi ad duas horas coacti subsistere, nequidquam aut moliri nauim, aut
Syr-

Syrribus educere tentarunt. At Henricus Droeghius, ^{M. ccc. lxxxiv.} cum aliis nonnullis, manifesto periculo territus, Silvaducensem Matrem precationibus placare votisque instituunt. Admiranda dictu res: simul ac adeundæ Silvaducis votum prolatum fuit, è vestigio se navis è fundo attollere, ac libero per altum cursu meare cepit; cunctis stupore defixis. Itaque brevè portum, quò proficiscebantur, ad vnum incolumes tenuere. Nihil eo portu tutius, nihil iucundius rati, quem Domina marium ac terrarum Virgo panderet.

CAPVT III.

Mulier nocturno terrore liberatur.

HAud frustra MARIAE potentiam Luna exprimit, ^{xvii. Jan.} Regina noctis ac Præses. Huius quippe luci caligo tenebræque cedunt; illius propitio favori vexationes, pauoresque nocturni. Ac feminam quidem, huiusmodi molestiis iactatam, egregiè Deipara protexit. Ea natione Litvana erat, ac parentes habuerat veræ omnis religionis exsortes. Galli puellam è Litvaniâ abduxerant, & Christianis mysteriis imbutam, obtulerant donum Reginae suæ. Ludouicæ nomen impositum: ac deinceps adultæ maritus cum libertate datus, cum quo Dauentriam commigrârat. Hic, cum per æstatem in lectulo se ad soporem componeret, inusitatis perturbationibus correpta est. Ex eo, quotiescumque vesperti quieti corpus daret, terro-
I i
ribus

M. CCC.
LXXXIV.

tribus concuti cœpit, ac ne quis iugulum suum peteret, infano mentis errore formidare. Anxiam de instantibus malis vrgebant etiam sub somnum species imminentium malorum; siue illas imagines sensibus obiectæ, siue animi desipientis consternatio suscitât. Mensibus omnino tribus hisceterriculis agitata, circiter Diuis omnibus sacrum diem Siluaducensi Patronæ commendat sese. Nec irritæ fuerunt Ludouicæ preces. Nocturna formido omnis, ac trepidatio, in securam tranquillitatem mox versa, cælestis beneficij magnitudinem prodidit, quietem, iucundissimam vtique vitæ partem, restituens. Illa malo libera, ac Deiparam laudibus ad cælum ferens, illius se subsidio è grauissimâ molestiâ emerxisse Siluæducis enarrauit, donisque narrationem cumulauit.

CAPVT IV.

Innocens vinculis expeditur.

XVIII.
Iannar.

Fidissima innocentiae tutrix MARIA, non diu clientem suum, Paulum Boeykenum, violari passa est; quem improbi quadruplatores Louanium in custodiam publicam traxerant, nullius planè maleficij compertum. Et quamquam crimina atque accusationes struerent, quò in miseri scilicet pecuniam inuaderent; nihil tamen, illo innoxio deprehenso, profecêre. Ceterum iam antè, quàm victus esset, alterâ tibiâ æger, hoc molestius compedis asperitate vexabatur.

Quo

Quo cognito, nonnulli homines probi infontem miserantes, ut affectæ saltem parti dematur vinculum, à Iudice impetrant; nihilo seciùs crure sano ferreâ pedicâ constricto. Vnam iam supra tres hebdomadas diem in eo carcere Paulus exegerat, anxietate luctuque confectus, cum eum inuocata Dei Parens saluum voluit. Voverat quippe Paulus, si visendæ Siluaducensis ædiculæ potestatem fecisset Diua, ibi se ferum quo teneretur, cum sacro aliquo munere dicaturum. Et pia infontis vota Liberatrici miserorum cordi fuere. Diuinitus quippe oblatam è carcere exeundi facultatem Boeyskenus arripuit, morante nemine, quo minùs, uti erat, altero adhuc pede compedem gestans, abiret. Ergo ad templum Dominicanorum diuertit, chorumque ingressus est, religioso illo cœtu vespertinas Deo laudes (Dominicus tum erat dies) canente. Quem ut viderunt, magna simul admiratio miserationeque viri incescit homines pios. Ad demendam ergo, quæ restabat, compedem allegare quempiam ad Prætozem constituunt, qui obtineret vinculi clauem. Sed nimirum obstitit Pauli fiducia; quæ è carcere emisisset, ab eâdem Siluaducensi Adiutrice se ferreâ quoque pedicâ haud dubiè liberatum iri asseuerantis. Nec eius expectationem Deipara distulit. Cum enim suauissimum illud carmen quo, ipsâ Auctore, magnificare supremum Numen didicimus, decantaretur, ecce aliud miraculum, inspectantibus qui in choro psallebant Dominicanis omnibus, aperta nullo

M. CCC.
LXXXIV.

M. CCC.
LXXIV.

attingente claustra semetipsa laxarunt, atque in terram delapsa sunt. Accurrunt confestim Religiosi, ea vincula vt miraculo, ipsorum in æde patrato, à Virgine sibi tributa vindicaturi: monumentum vtrique non leue tam manifesti MARIAE fauoris, quo simul suam in ipsos beneuolentiam proderet, simul templum ipsorum honestaret. Non minorem ibi, quàm Siluæducis MARIAE potentiam censendam esse. At Paulus contrà niti, & Siluaducensi auxilio rem omnem adscribere; huic Patronæ vincula, ceu tropæa, deberi, quam vnâ ipse, cuius maximè interesset, cogitatione votoque respexisset. Ceterum nil dubitare sese, quin vbique gentium ac locorum, & preces MARIA audire, ac miraculis vim suam testari possit: persæpè tamen eam certas quoque sedes aliis potiores habere, ac velut arcem suam occupare, vnde longè lateque beneficiorum suorum splendorem diffundat. Quæ vbi dixit, æquitatis vtrique plena, approbantibus Dominicanis, iuxtaque gratulantibus, Cortembergiam, qui pagus non longè abest Louanio, reuersus est. Inde paucis post diebus Siluamducis tendens, ipsa vincula eodem detulit, Virginiq; cum donis sacrauit.

CAPVT V.

Brachium Viri luxatum restituitur.

XXIII.
Iannar.

NON celerius aduersi casus in homines ingruunt, quàm iis opituletur Patrona publica; quæ Reynero etiam Culto prodesse voluit, in præsens vitæ discrimen

crimen coniecto. Is defunctorum omnium piacul-
 ri die ligna findens in terram corruit, sinistro bra-
 chio (altero scilicet humanæ vitæ adminiculo) fœdè
 luxato. Supremi ossis caput è sinu suo promotum, at-
 que in alam prolapsus erat. Hinc magnus tumor per
 brachium diffusus dolore pari laborantem cruciabat.
 Implorata Medici opera haudquaquam proderat, in-
 sanabilem esse mali vim pronuntiantis. Tam impro-
 uisa aduersitas altè penetrauit Reyneri animum, ne-
 que minùs repentino incurfu, quàm sensu perculit. Sed
 Reynero mora subsidium peperit, quod nescierat subi-
 ta noxæ vis. Nam gliscente sensim morbo, & remediis
 medentium iam desperatis, cùm ea pestis tres hebdo-
 madas tenuisset, Siluaducensem Virginem inuocat,
 vouens, semet ad eam, si salus redderetur, iturum, per-
 quæ viam emendicaturum pecuniam, quâ cereum bra-
 chium redimeret offerendum Deiparæ. Sentires gratas
 fuisse Virgini preces. Os quod à sede suâ foras exciderat,
 repentè in locum pristinum se recepit: atq; æger quidè,
 paulò pòst valetudine recuperatâ, voti doniq; memor,
 nihil eorum, quæ Diuæ debebantur, prætermisit.

M. CCC.
LXXXIV.

CAPVT VI.

*Captiui nouem liberantur; è quibus septem contemptâ voti
 Religione diuinitus puniti.*

PErenni profectò copiâ manarent in calamitosos
 diuina beneficia, nisi eorum cursum aliquando
 interpolaret humana peruerfitas. Quos cælestis cle-
 XXXII.
 Iannar.

li 3 men-

M. CCC.
LXXXIV.

mentis fastidium ceperit, seueritatem Numini extorquent, licet aliquâ semper lenitate temperatam. Hanc Dei indolem, tum sæpè aliàs, tum præcipuè olim quorundam subsidio, aliorum supplicio maturando, MARIA expressit. Onerariam conscenderant vectores multi, è Flandriâ cum Ioanne Sandio in Zelandiam traiecturi. Vbi Middelburgum applicuerunt, ab incolis inclementer excepti sunt. Mox enim nouem ex iis in custodiam abducti, homines quosdam in mare per summam iniuriam præcipitasse arguebantur. Tam acerbum, sed falsum crimen inficiantibus surdæ iudicum aures erant; quantumcumque rei pertenderent, se Ludouico Maleano, Flandriæ Comiti subditos, atque addictos, eius partes & nomen tueri, ditionibusque illi recuperandis, quod possent, arma sumpsisse. Sed arctior indies custodia, & quotidianæ ad extremum supplicium deposcentium voces, vehementer victorum intendebant metum. Iamque pridie Natalis Christi catenæ iniectæ ad integrum mensem innoxios afflixerant. His malis fatigati, salutem suam Siluaducensi protectrici credere statuunt, atque vno ore, ut tutelam ipsorum gerat, ardentissimè obtestantur. Interim carnem non degustaturos, quoad voto Siluæducis expediuerint sese. Mirum est. Tam infensis antea custodibus vsi, mox eisdem longè æquiores, & initiorem præterea carcerem habuere. Post tertiam quoque hebdomadam, soluti vinculis omnes, nullaque exactâ pecuniâ, dimissi sunt. Ioannes porro
San-

Sandius cum vxore Catharinâ, libertatis, diuino beneficio assertæ, haudquaquam immemor, Brugis Siluamducis contendit, ac promissa Diuæ exsoluit. Reliquorum vt dispar animus, ita infelicior exitus fuit. Eorum nemo se Diuæ stitit. Vnus tamen Iacobus Gauweloosius, creditorum vexatione, in Flandriâ detentus, iustam moræ excusationem habuisse visus est: præsertim, cum circumactò iam anno, quo vinctus fuerat, à carniū esu religiosè abstinuisset. Neque deinceps diuturnitas carceris implendi voti constantiam fregerat. Ceteros siue mentis impietas, siue beneficij obliuio, in diuersum abstulit. Nam depositâ tam Siluæducis ad eundæ quàm abstinentiæ voti curâ, quem capti Deiparæ cultum addixerant, iam liberati omiserunt. Sed breuî septem illi religionis contemptores insanam cibi vetiti auiditatem præsentī exitio luerunt. Ad vnum omnes intra annum, posteaquam liberati fuerant, cælestis ira perculit. Variis cladibus ærumnisque iactati, ne vno quidem impunitatem adepto, infausto exitu supremum vitæ diem omnes clausere. Ita vindicatus est Deiparæ honos metusque; pij beneficiis aucti, fontes malè mulctati sunt: illorum felicitas, horum pœna à simili vecordiâ plurimos, miraculi gnaros, deterruit.

M. CCC.

LXXXIV.

CAPVT VII.

*Navis cum vectoribus mirè servatur.*xxviii.
Ianuar.

IN mediâ rerum hominumque pernicië inuocata Deiparæ virtus, omnia strata atque euerfa sustollit. Zegero sanè Dyckio certam opem tulit, vnâ cum nauis in vltimum periculum delato. Gorcomio ille auenam euehebat, sociis duobus in nauigium assumptis. In medio cursu navis erat, cùm vi procellæ in incertum abrepta tandem latentis subter vndas cuiusdam anchoræ brachio illata sedit. Procumbit illicò Zege-
rus, præsentis periculo pavidus, ac Dei Matrisque Siluaducensis fidem implorat; utque se suosque reduces domum sistat, cerèum navis simulacrum muneris loco repræsentaturum affirmat. Iam preces effuderat, cùm decedens æstus freti affixam immani anchoræ, qualis ab Hispaniam petentibus vasto Oceano immittitur, nauem destituit, vadum hinc inde ostendens. Tum verò suspensa altè navis, & ne subiectas quidem aquas attingens, nutare ac fluctuari, nautæ neque egredi tutò neque subsistere, & vltima sibi met (nisi tutiorem anchoram obtulisset Diua maris præses) ominari; donec reciprocans æstus vndas refluas inflauit. Sic alleuatum nauigium, non solum fractumve, aquis leni tractu subeuntibus, ex anchorâ in fluctus recubuit, illæsa pristinum repetens cursum. Ceterum non pauci, qui præternauigauerant,
pen-

pendulum ac vacillans nauigium cum stupore eminus intuiti, faciebant miraculo fidem; testati ne vacuam quidem nauem vllam, sine diuinæ opis vi ita sublimem retinaculo hæere potuisse, vt non disruptis tabulis, laxatisve compagibus, solueretur. Itaque satis apparere, cuius præsidio incolumis naus existeret. Zegerus autem decimo, quàm seruatus fuerat, die, & promissa Siluæducis præstitit, & Virginem omni laudum genere celebrauit.

M. CCC.
LXXXIV.

CAPVT VIII.

Mulier strumis liberata facilem quoque partum obtinet.

NEque silentio prætereundum est quod Bruxellæ^{1. Febr.} accidit in Falconum plateâ Catharinæ, Ioannis Sinitti vxori. Dispositæ longâ serie strumæ cernebantur per corpus cumulata, ac prorepentes. Cùm ad leuandum malum secta vena esset, inspecto sanguine, foetum vtero ferre chirurgus ignaræ indicat. Ea res marito curam acuit, tenellum adhuc conceptum in ortu ipso periclitari, manifestæ perniciosæ radices iam agentem. Nec quidquam eius pietatem morari potuit, quò minùs vxori à Matre salutis ac vitæ suppetias posceret, quæ Siluæducis tam promptè supplicibus obuenerent. Eodém profectionem suscepturum vouet, sine lineâ veste calceisque obeundam. Adhæc ceruum simulacrum Diuæ promissum. Eidem infans, qualemcumque nasci dederit, consecratur, addicitur.

K k

Nec

M. CCC.

LXXXIV.

Nec id vanum euasit. Confestim depulsus de sedē suā morbus, in vitiatis partibus non vltā perstitit. Concepta quoque soboles felici constitutione increfcens, paulatim id magnitudinis ac roboris accepit, quod neque pręgnanti graue, & ipsi consentaneum esset. Secundo inde partu in lucem edita infans femina, die lustrico Batæ nomen accepit. Ceterum, ne vulgari Deiparę beneficio Catharina seruata crederetur, vnā cum prodeunte in vitam infante prodigiosum ostentum effudit. Effigies ea fuit mulierculæ, grandis oui magnitudine, quæ & vtero velut grauida tumeret, & venā in brachio apertā, sanguine manaret. Trecenti eoquē ampliūs famā rei tam nouæ exciti, spectatores miraculi fuere. Infans post tertium vitæ diem ē viuus excessit, salutiferis tamen Baptismi aquis ritē abluta. Smitus decimo quā Catharina sobolem peperisset die, Siluæducis vota exsoluit.

C A P V T I X.

Incendium compressum.

v. Febr.

SVbinde vehemens incendium à MARIA, ceu fonte misericordiæ, patentibus semper venis aquas fundente, Middelburgi restinctum est. Quo tempore Seruatoris aduentum Christiani celebrant, flammæ ex improuiso præcipuam vrbis regionem populari cœperant. Cumquē ad octo iam domus igne periiissent, etiam vento cladem vrgente, incolæ auxiliij inopes,

inopes, serpentes latius flammās spectabant attoniti. M. CCC.
LXXXIV.
Officinæ quædam oleo & adipe refertæ, illato in eas incendio vehementer conflagrata, subsidium omne arcebant. Sola supererat diuina vis, tanti mali potens futura. Hanc impigrè occupant Michaël Ioannes, Paulus Loyus, Ioannes Victor, alique non pauci, eiusdem periculi pauorisque participes. Hi prouoluti pariter in genua Siluaducensis MARIAE inclamant opem. Quæ haudquaquam lenta miseris adfuit. E vestigio flammæ concidunt, venti aliò vertuntur, ac furorem ponunt, nulla vicinis additur strages. Michaël cum sociis, ad agendas B. MARIAE grates, Siluaducis profectus, præter Siluaducenses alios, Midelburgi tum fortè versatos, atque incendiij sopiti spectatores, Theodorum quoque Batenum, haud vanâ fide virum, testem habuit.

C A P V T X.

Miles è mediâ morte subducitur.

SÆpè exercitus & castra, nunc vnum caput MA- VII. Febr.
RIA tuetur. Memorabile est Rosebecanum prælium, quo Carolus VI. Gallorum Rex, Ludouico Maleano Flandriæ Comiti suppetias ferens, Gandensium audaciam fregit. Comitem defectio subdita urbis, Gandenses supplicij metus, ac veniæ desperatio effrauerat. Vtrimque valida manus, atque, ut animis tam irritatis, pugnandi ardore ac fiduciâ victoriæ in-
Kk 2 censa.

M. CCC.
LXXXIV.

censa. Sed Gandensium dictator, Philippus Arteuclda, ferocius quàm cautius prælium iniit. Cùm enim aperta nimium latera irrumpentem hostium vim non sustinerent, Gandensibus in arctum coactis, non spatium ordines explicandi, non expediendi tela, non hostem pari conditione fortunave lacessendi relictum est. Inde alij super alios ruere, inuicemque collidi, & magis suorum quàm hostium armis premi sauciarique cœperunt. Consternatio ac tumultus in rabiem verterat, solis pereuntibus infestam. Fusa, fugataque Gandensium acies: Arteuclda non vno vulnere ictus cadit; cæsi que circa omnes. Exin duplex fama est: Galli ad XL. millia Flandrorum cecidisse tradunt: Flandri auctores ad dimidium detrahunt: utrique genti suæ indulgentes. Ioannes Arlæus Helmondarius, quem in tam ancipiti dimicatione Diua seruauit, circiter xxx. millia desiderata fuisse, retulit: idque propius fidem esse existimo. Sequebatur ille Gandensium signa, & priusquam concurreretur, salutem suam Siluaducensi Deiparæ enixè commendarat. Abstineret omni carniū esu, donec satis voto fecisset, animo fixum ac statutum erat. Ita incitatus in hostem iuit: qui cùm dextrâ læuaque circumfusus consternata Gandensium agmina incurfaret ac premeret, Arlæus, suorum ruinâ in foueam oppressus, & corporum partim spirantium, partim exanguium cumulo obrutus est. Ibi votum initio pugnae conceptum redintegrat, & cùm iam pedibus tumultuantium conculicaretur,

magis

magis magisque Deiparae se regendum committit. M. CCC.
LXXXIV.
Haud frustra. Felicem exitum MARIA expedit, Ioanne in tutum recepto. Ille salute latus, cuius ignorabat non auctorem sed modum, dein Virgini Silvæducis vota persolvit.

CAPVT XI.

Cuidam sigillum in hostili direptione seruatum.

ETiam levis momenti res, à mortalibus custodiæ VII. Feb.
sua contradita, Deipara conseruauit. Britanni pro Gandensibus Ludouico Malcano Comiti infesti, occidentalem præcipuè Flandriam vastantes, cuncta latè ferro ac rapinis scedabant. Relictis sedibus suis incolæ, quidquid fuga hostili furori demeret, de rebus suis asportabant. Qui res auferre nequiuert, saltem vitæ consulebant. Neque Montes S. Winoci eius cladi expertes fuere, quam & Spickera pagus iis proximus sensit. Inde profugus Winandus Wentelius, magis de se quàm de suis rebus, ut in tanto metu, sollicitus, non supellectilem, non monilia publicæ expilationi subduxit. Hostes, paratam nacti prædam, domum exspoliant, armaria effringunt, cuncta diripiunt. Interea fugienti Winando sigilli argentei, de catenâ eiusdem materiæ pendentis, in mentem venit. Augebat animum cura, ne sigillum ablatum verteret in damnum suum, eoquæ raptor aliquis interuertet fortunas suas, atque ad se transferret. Hunc metum versanti spes orta est, sigillum, desperatis aliis rebus,

K k 3

Tutelâ

M. CCC.
LXXXIV.

Tutelâ Deiparæ seruandi. Ergo Virgini Siluaducensi illud deuouet, cui vtilius cum omni supellectile domum totam commisisset. Neque Diua modicæ licet rei curam abnuuit. Britannis aliò versis, domum redux Wentelius, cum scrinia omnia effracta atque expilata essent, nec quidquam reliqui factum, vnum sigillum catenæ suæ innexum reperit; idque haud ita multo post Deiparæ custodi Siluæducis repræsentauit.

CAPVT XII.

Extremâ fame propè eneçto Diua subuenit.

VIII. Feb.

Quemadmodum Dci Parens misericordiâ vel maximè Filio similis est; ita nullum propè miraculorum genus à Filio patratum nouimus, quo non clareat etiam Mater. Ille non semel sectatoribus suis famelicis cibaria præbuit; hæc modò Rogerio Steenbergio Bruxellano, inediâ pereunti, panem suppeditat. Romam adierat, fœdatâ tum bellis Italiâ. In reditu, priusquam ad locum, pari ferè spatio Perusiâ Affisioque distantem, perueniret, à viarum obsessores spoliatus est. Iamque tridui Româ aberat. Eatenus strenuè progressum, cum, vt in exhaustâ populationibus regione, per biduum cibi nihil gustasset, languidæ vires destituunt. Neque intra quartum inde lapidem vlla apparebat circumspèctanti domus, quæ solarij spem ostenderet. Ergo fame siti que inaceratus, cum nullum præsentis fortunæ leuamen adesset, deficien-

ficiente vitali robore, languens substitit: tum mem-^{M CCC.}
bra fluere, sensus labi coeperunt. Ita prouolutus in ge-^{LXXXIV.}
nua, manusque ad cælum attollens, etsi videbat hu-
manum omne subsidium in tantâ necessitate inter-
clusum esse, nihilo feciùs tamen diuini præsidij spe
fretus, quidquid animi nondum languor excusserat,
ad Siluaducensem Auxiliatricem inuocandam erexit:
Protinus igitur madentibus fletu oculis torpentem
iam vocem summâ ope excitans, MARIA, inquit,
quæ Siluamducis colis; quæ nihil ibi, nisi misericor-
diam, spiras; & potentiam orbi terrarum parem exten-
dis; te oro obtestorque, vt vnde mea fortuna non po-
test, inde tua me virtus expediat. Extorrem patriâ,
coopertum ærumnis, & non, nisi te alente, victurum,
sustenta. Ne lux hæc misero nouissima sit, quod po-
tes, prospice. Vel umbrâ tui auxilij reuiuiscere pos-
sum. Quod si hîc fame moriendum, nullam recuso
fortunam, quæ à te mihi imposita fuerit. Saltem, si
audire hoc sustines, tuus occumbam. Hæc non incas-
sum precatus, quò propiùs periculum aberat, hoc præ-
sentio rem supremæ Reginæ sensit opem. Res noua.
Protinus ante se triticeum panem conspicit, in glauci
coloris saxo iacentem. Augebat miraculi eminenti-
am candidissimi panis, velut à fornace recens non
odor modò, sed calor. Deliciis non necessitati para-
tum crederes. Neque cunctatus Rogérius, cum arre-
ptum auidè panem diuideret, mirabili eius fragrantia
haud parùm recreatus est. Sapor quoque libo ouis
tem-

M. CCC.
LXXXIV.

temperato, quàm pani affinior, iucundum vefcenti gustum præbuit. Sed & panis ea magnitudo fuit, quæ viri etiam famelici appetentiæ sufficeret. Confirmatus hac ratione Rogerius, ac iam denuò compos sui, pro loco ac tempore grates egit Deiparæ, atque in patriam reuerfus, ad reddenda vota Siluamducis perrexit.

CAPVT XIII.

Exulcerato erysipelate correptus sanitati redditur.

IX. Febr.

PErpetuò recens Deiparæ ad omnem beneficentiam promptitudo, non commisit, vt Reynerus Burchius, nobili genere natus, diu opis suæ expers iaceret. Is Damasi atque Reyneri Berghiorum, equestri splendore illustrium virorum nepos fertur. Ceterùm perniciali ardore per corporis summa obrepente cruciabatur. Exulceratio altè in cutem penetrans, septem apertis foraminibus purulentam sanie[m] eructabat. Corruptæ carnis species cum fœtore, tum sordidâ illuie horridoque aspectu præsentibus miserationem fastidio parem incusserat. Et quamquam morbus diu citra perniciem non poterat consistere; haud obscurâ tamen medicorum sententiâ, acriorem esse ignem, quàm qui humanâ vi extingui posset, iudicabatur. Reynerus intereà æstulare, torqueri, deficere, ac totum triduum sine sermone, sine sensu languere, non similior, quàm propinquior defuncto. Tum egregia famuli aduersus dominum se prodidit fides. Henricus
nomi-

nomine, nihil non tentandum censuit, dum familiæ ^{M. CCC.}
incolumem præstaret herum. Exuto seruo, amorem ^{LYXXIV.}
filij induisse diceret, paternæ salutis inuigilantis. Deiparam igitur Siluaducensem multis precibus Reynero propitiâ; quem, si reualesceret, velut voti à se nuncupati vinculo nexum, Siluamducis ad celebrandum MARIAE honorem, sit adducturus. Consilium salutare, piumque, ac felix. Nam Dei parens, magis pietatem quàm fortunam precantis respiciens, pronâ aures votum excepit. Extemplò enim, ceu vitæ redditus Burchius, loqui cœpit, & contra spem omnium coercitum erysipelas sanitati locum dedit. Nec modò intra triduum valetudo Reynero tuta fuit, sed & incrementa virium euenire. Amici, omnisque domus lætitiâ perfusi. Idoneam inde opportunitatem secutæ matronæ nobiles, Reyneri Berghij filiæ coniunctum arcâ propinquitate Burchium, comitatu magno utrosque stipante, Sittardiâ, atque ex Falkenburgensi ditione, Siluamducis contenderunt. Stamelartus Kellius vniuersos hospitio excepit; & miraculum ab iis proditum, in tabulas inferri curauit.

CAPVT XIV.

Hemiplegia puellam deserit.

IN externos tam prodiga Mater, denuò domesticis ^{xiii. Feb.}
curam impertit. Henrico Littio, atque Elisabethæ Valeriæ, Molarij montis vicum incolentibus, filia
LI erat

M. CCC.
LXXXIV.

erat Mechtildis, quam circiter D. Seuerini Férias perti-
 nax morbus inuasit. Sinistrum corporis latus, perem-
 pto sensu iuxta motuque, obsidebatur, velut influente
 spiritu destitutum. Resoluta faciei pars, frigore obri-
 gens, oris rictum ad sinistram propè aurem contor-
 quebat. Mater ingenti malo oppressam filiam cer-
 nens, nihil sibi prosperè cessurum sperauit, præter in-
 uocationem præsentis Diuæ: cui nimirum & ipsam
 filiam sistere, & tritici viniq̃ pondus, quantum filia
 charitas posceret, dedicare, interposito voto, decreuit.
 Obsecrationi successus optatus adfuit. Mechtildis sa-
 lute diuinitus partâ, cum matre ac vicinis, miraculi
 gnaris, Dei Parentem summâ religione coluit.

CAPVT XV.

Puerpera ancipiti morbo leuatur.

xv. Febr.

Aliorum remediorum sera, ac ferè post sanitatem
 voluptas est: medicina Deiparæ sine interuallo
 delectat, dum sanat. Quippe cælestis hæc Auxiliatrix
 non difficilius voluptatem præstat, quàm sanitatem.
 Huius clementiæ suæ significationem non obscuram
 quoque Louanij protulit. Ida, claro orta loco femi-
 na, Septembri mense prolem enixa, à quintâ puerperij
 hebdomade vehementi morbo iactari cœpta est.
 Iamque ita grauius se habebat, vt preces magis pro
 felici eius obitu, quàm pro incolumitate funderentur.
 Diuinis itaque præfidiis, & commeatu sacro, quo mor-
 ribun-

ribundos firmare mos est, instruitur. Corpore hunc in modum prostrato, etiam mens phrenitide agitata est. Ergo quâ mente, quâ sensibus à statu suo abductis, superuenire mors visa, faciliè circumstantes impulit, ut expirantis manui sacrum cereum imponent, velut ad Beatorum regionem cælesti cum luce abituræ. Proinde non semel è vitâ migrasse credita est; præsertim cum totos quindecim dies tam ferox malum perseveraret. Duplici morte oppressam diceret: nunc animâ, quæ vita est corporis, nunc ratione, quæ vita est animæ, sedem suam linquente. Ioannes Roboedius maritus, vxore iam pænè amisâ, ad sistendam mali vim tum demum vota, necdum sera, adhibuit. Deipara precibus eius permota (nam carniû sibi esum interdixerat, usque dum voto solutus esset) mox Idæ sanitatem obtulit, quæ nec à mentis inopiâ vltra desipuit, & abolitas vires breuî recuperavit, maritoque adiuncta, votiuis muneribus Siluamducis allatis, Virgini grates rependit, tanti boni à Virgine accepti diuturnam sibi possessionem promittens.

M. CCC.
LXXXIV.

CAPVT XVI.

Navis cum nautis in tempestate seruatur.

Q Vos propitia MARIAE aura prouchit, eorum ^{xvii. Feb.} perinde tuta ac felix est nauigatio. Ita Reynero Deyo euenit è Prussiâ Amsterodamum repetente. Is appetente ætate è Prussiâ soluerat, multiplices mer-

M. CCC.
LXXXIV.

ces vehens. Ceterum in Oceanum vsque delatus, iam directâ in Hollandiam prorâ, in procellam vehementem incurrit. Horribili impetu, rapidisque turbini- bus excitati fluctus, quassatâ violenter naue, omnem salutis spem trepidantibus ademcrant. Naufragium ante oculos erat, æstu onerariam ideintidem absor- bente. Reynerus itaque, ad vora potius quàm ad armamenta se conferens, pollicetur Siluaducensi Mâ- tri argenteam naus effigiem, si portum tenere con- tigerit. Ponderus habuisse id votum, tempestas con- tinuò mutata docuit. Nam sedatis procellis, optata nauigantibus affulsit lux, quæ securum deinceps cur- sum aperuit. Illi, commodâ vsi nauigatione, Amste- rodamum tenuêre. Neque diu ibi moratus Reyne- rus (adeò Virginis tutela erexerat animos) alteram profectionem in Prussiam suscipit, incepto non mi- nùs audace, quàm fortunato. Nullis enim illâ rem- pestate nauiculariis tutum videbatur, intra vnâam æstatem secundò vela in Prussiam facere. Perrexit tamen Reynerus, & nauigatione denuò vsus est ad- modum prosperâ, ventisque adeò pronis atque feren- tibus, vt cæptis illius adesse Dei Matrem, haud ob- scurè appareret. Ergo redux, & iam bis à cælesti illâ Adiutrice seruatus, Siluæducis eidem argenteam na- uiculam, vnciarum quinque pondo, cum vicinis, Amsterodamo cum prosequantibus, consecrauit.

CA.

CAPVT XVII.

M. CCC.
LXXXIV.*Fur suspendio eximitur.*

N Eminem, quantumvis sceleratum, misericordiae XVII. Feb.
 Mater destituit; tutricis eam loco implorantem.
 Thenis, Brabantiae vrbe, ad Praetorem Guilielmum
 Wildertum, equestris familiae virum, facinorosus qui-
 dam ab accusatoribus minimè vanis delatus est, non
 vno furto infamis. Asserebant, leprosi habitu rituque
 oberrare, stipem cogere, & miserabili specie rapinas
 occultantem, alienis fortunis insidiari. Quereban-
 tur, hanc furandi licentiam, scelere quæsitam, vsuque
 confirmatam, nimis esse diuturnam. Guilielmus Præ-
 tor haud multò post foras egressus, fortè hominem
 conspiciatus est, delatis ad se indiciis lepram ostentan-
 tem, ligneoque crepitaculo excientem viatores ad lar-
 giendam stipem. Ratus, id quod erat, deprehensum
 à se furem, satellites immittit, mandatque vinciri. Ut
 religatis post tergum manibus adductus est, Praetor
 ex eo multa scitatus, sagaci interrogatione facile com-
 perit, haudquaquam criminis expertem esse. Inde
 reus in ciuitatem missus, factâ dicendæ causæ pote-
 state, Nil, inquit, tormentis, nil quæstione opus est.
 Peccavi: non vnius facinoris sum reus. Ut decimum
 & sextum annum attigi, animum fraude, manus fur-
 to pollui. Neque ætate flagitia correctæ sunt; sed pec-
 candi consuetudine, falsaque impunitatis spe corro-

Ll 3 bora-

M. CCC.
LXXXIV.

borata. Quidquid fors obtulit, arripui: multorum etiam bona inuasi. Nunc obstrepente conscientia, meoque iudicio damnatus, me clementiae tuae offero. Haec reus. Nec quisquam dubitabat, quin ultimum supplicium meritus esset. Igitur Sabbato proximo extra urbis pomeria ad furtam rapitur, prosequente ingenti omnis generis spectatorum manu. Plus mille homines interfuisse spectaculo, proditur. Cum ad patibulum religatus iam staret, carnifex è Prætoris quaerit, velitne ac iubeat è scalis deiici. Tum victus ad Prætores versus, Voti, inquit, Siluaducensi MARIAE nuncupati sum reus. Angit animum siue dilata, siue neglecta religio. Vnum oro atque obtestor, quandoquidem me certa iustaque mors pietati, quamvis feræ, non finit obsequi, saltem liceat eleemosynæ nomine tantum pecuniæ ab hac multitudine exposcere, quantum conducendo viatori, meam vicem Siluaducis obituro, sit satis. Non iniqua visa postulatio. Interea, dum corrogantur nummi, inaudita res accidit. Prætores subito inuadit dolor, velut vrgentis morbi initium, per omnes artus diffusum, nullam sui causam prodens. Miserandum in modum corpore pariter animoque æstuabat. Verum, quod magis admirandum omnibus visum, cum, quoad eleemosynæ esset collecta, interea reus è scalis descenderet, repente Prætor Wildertius melius habere cœpit; imò ne morbi quidem vestigium sentire; altero humi iam stante. Qui simul ac denuò sursum versus ascendit,

conti-

continuò eadem mali vis in Prætorem ingruit; mani-^{M. CCC.}
 festo indicio, ab ascensu furis eius morbum, ab impu-^{LXXXIV.}
 nitate salutem pendere. Neque id semel dumtaxat,
 sed iterum, ac tertio, quò miraculum foret illustrius,
 accidit: diuino vtrique ostento miserum tam propin-
 quæ neci subtrahente. Tum enimverò velut cælesti
 admonitu instinctus Prætor, ab insitâ humanitate la-
 crymas cohibere non potuit; & quâ dolore suo, quâ
 vincti miseratione permotus, euentum tam nouum
 in omen vertit, atque vt ipsemet alienâ liberatione
 sanaretur, nimirum ex diuinâ voluntate esse credidit.
 Ergo ex captiuo sciscitatur, velîne per se Diuam vise-
 re, ac Siluæducis voto se liberare. Cumque mirè læ-
 tus annuisset, Guilielmus funem iam ceruicibus in-
 sertum, patibuloque annexum detrahi iubet, homi-
 nemque vinculis metuque solutum dimitti. Is præ
 gaudio, velut à morte redux, vix potens sui, semel
 iterumque rogitare cœpit, an supplicium inhibutum
 sine fraude, atque in perpetuum remitteretur. Ac
 Prætor impensius etiam, quàm petebatur, omnem
 illi pœnam condonat. Ire sospitem, ire felicem iubet,
 cultum fauori Virginis parem reddere, immortale
 beneficium Siluæducis profiteri. Hæc elocuto vniuer-
 sa multitudo assensa est, oblatam diuinitus miseri-
 cordiæ occasionem gratulantium. Ille, publicâ om-
 nium sententiâ absolutus, lætitiâ triumphans, decimo-
 nono, quàm captus fuerat, die, rectâ Siluamducis
 abiit; ibique gratis Deiparæ actis, patibulum cereum,

M. CCC.
LXXXIV.

ex coque pendentem viri effigiem, liberationis suæ monumentum esse voluit. Ioannes Ryfinghius, qui spectaculo adstiterat, rei que uti gesta est seriem omnem ab ipso Prætoris acceperat, Lucas præterea Eycius, alii que complures, auctoris ipsius fidei graue testimonium addiderunt.

CAPVT XVIII.

Tibia XL. annis affecta sanatur.

XXVII.
Febr.

Longam inde calamitatem breui remedio superauit Deipara. Guilielmus Vossius sinistram tibiam exulceratam habuit totos annos quadraginta. Constitit in affectâ parte corruptio continens, atque è patente semper sinu sanguinem emittens. Interdum irritata morbi vis sic ingrauescebat, ut annum integrum æger se lecto continere cogeretur. A Medicis non paucis, quorum se arti commiserat, molestiæ plurimum, remedij nihil, acceperat; incassum labore sumptuque adhibitis. Ad vltimum cum nihil præter miseriâs suas animo volueret, saluari maximè somno usus est. Iacere humi visa est Deiparæ statua, atque adesse importunus quispiam monitor, qui in frustra, eam diffringi iuberet. Idcirco lacrymari Guilielmus, ac Diuam obtestari, ut miraculo proderet numen suum. Tum statua benè precantium ritu manum sustulit, ac Guilielmum lætitiâ gestientem signo crucis muniit. Finito somnij viso, mirè in amorem Virginis Gui-

Guilielmus exarsit. Inde nuncupat votum Siluadu-
 censi Diuæ pro auertendo tam inueterato malo. At-
 que misericors Mater, protinus adfuit cultori pio.
 Nam fistula mox carne suâ circumuoluta atque im-
 pleta est, & sanguis pabulo subtracto constitit. Vos-
 lius tam diuturno cruciatu immunis, comitantibus
 amicis, qui Dinterâ illum Siluamducis deduxerant, ibi
 crus cereum duarum librarum in Deiparæ ædiculâ
 suspendit.

CAPVT XIX.

Nauis obuic hostium classi eripitur.

NAuigantibus non rarò infestior est hominum xii. Mar.
 quàm tempestatum vis. Sed Virginis præsidio
 ad vtramque frangendam nihil potentius. Atque alias.
 quidem sæpè procellas hac ope discussas memoraui-
 mus; nunc magna hostium manus in vnam se na-
 uem immittens, MARIA aliò vertente, cœpti irrita-
 abiisse traditur. Domicilium habebat Eluingæ in
 Prussiâ Guilielmus Simon Campensis, qui è Rupella-
 no portu soluerat, CCCL. vini doliis in onerariam be-
 nè magnam impositis. Martinalia tum appetebant.
 Ab orâ Gallicâ profecta nauis iam Hispanico veheba-
 tur Oceano, cùm repentinus magnæ classi aduentus
 eam vehementer perterruit. Centum erant bellicæ na-
 ues, multis præterea minoribus adiunctis, ad Simo-
 nem rectâ tendentes. Eas, vt propiùs accessêre, Britan-
 nicas atque hostiles esse compertum est, ampliùs quin-
 que

M m

que

M. CCC.
LXXXIV.

que armatorum millibus instructas. Mox è primo tantæ classis agmine emissâ præcipua aliqua nauis, prodiit, cursu in onerariam directo. Ducenti milites ostentabant sese, in præsentem prædam magno impetu concitati. Guilielmus non vltra quinque & quinquaginta capita numerabat, quorum partim institores, partim nauæ erant, multitudini tantæ & viribus & animis haudquaquam pares. Ergo improuiso periculo attoniti, ingentem primò pauorem, ac deinde desperationem mentibus versare cœperunt: nunc de fortunis omnium, nunc de salute vitæque actum esse. Ceteris eâ consternatione torpéntibus, nauarchi tamen animo neque spes declinandi hostis, neque cura decessit. Non exciderat Siluaducensis Adiutricis beneficentia, auertendis iam toties cladibus vltimis celeberrima. Huic igitur se, socios, merces, nauem commendat; edito etiam voto, si è tanto discrimine salui enauigassent, se donum daturum Deiparæ, simulacrum è cerâ, magnæ Flandricæ libræ pretio coëmptâ. Tam opportuna precantis nauarchi pietas Deiparæ cordi, periclitantibus saluti fuit. Dies quippe repentinâ caligine offusus, haud disparem nocti tempestatem dedit. Qui proram tenebant, intendentibus se tenebris, in puppi laborantes videre non poterant: tantum aberat vt ab hostili classe viderentur. Inter hæc secundissima afflans aura, onerariam protinus è Britannorum conspectu abstulit. Tum demum, velut altero miraculo, extemplò depulsæ cælo tenebræ reddi.

reddidere solem. Iamque clarâ luce, respectantes Flan-
dri, ut quàm procul abesset classis cernerent, nihil v-
quam hostile conspiciunt. Itaque insperatâ latitiâ
exultantes, non vento magis quàm Deiparâ aspiran-
te, mirâ celeritate ad Slusanum in Flandriâ portum
appulsi sunt. Nec ea nauigatio Guilielmo latior,
quàm quæstuosior fuit. octingentorum & mille flo-
renorum lucro ex mercibus ac vecturâ ditatus est. In-
de voti cælestisque beneficij memor, Siluamducis
delatus, ceream nauim Diuæ promissam xxxviii
pondo donum dedit.

M. CCC.
LXXXIV.

CAPVT XX.

Quidam prælij primùm, deinde vulneris periculum euadit.

PRælium, cuius suprà meminimus, Rosëbecanum, xix.
altero præterea miraculo, non solum cladibus & Mart.
occidione Gandensium, insigne fuit. Nicolaus An-
dreas, maiore Littâ iuxta Mosam oriundus, conficien-
di sulphurei pulueris (qui tum recens pessimo publi-
co vsurpabatur) atque eo ferrea missilia torquendi ad-
modum gnarus erat. Eius relatu cognitum est, me-
morabilem pugnam salutis nostræ anno trecentesimo
octogesimo tertio supra millesimum, proximè à
D. Catharinæ natali, perpetratam fuisse. Ceterum
Nicolaus in perturbatâ Gandensium acie, vbi Mars
erat cruentissimus, exteriore femore læuo sagittam ha-
matam excepit. Eo vulnere in terram abiectus est,
M m 2 atque

M. CCC.
LXXXIV.

atque incurfantium turbâ proculcatus. Haud dubia mors Nicolao aderat, vltimi discriminis formidine perfuso. Sic fatalem aliquem ictum expectans, inter cælos fauciosque confertos iacebat, ne mouere quidem valens corpus, nedum attollere. Tum velut cælestis moribundo oborta lux, eius mentem ad meliora sperandum impulit. Nam repentè precibus ad MARIAM Siluaducensem versis, eam rogare institit, vti saluum se funestæ dimicationi subtraheret: eo impetrato, argenteam læsæ partis imaginem ei donum laturum. Vix preces fuderat, cùm euestigiò speratum affulsit auxilium. Primùm enim subleuari sibi Nicolaus cælesti ope visus est; inde vires diuinitus sic confirmatæ sunt, vt confusæ præliantium multitudini etiam sese subduceret, atque inter tot tela, tot gladios impunè transiret. Iamque è periculo in tutum progressus, tam admirabilem ex atrocissimâ strage exitum attonitâ æstimatione pensabat, cùm recrudescens plagæ dolor vehementer eum exercere denuò cœpit. Siquidem adunca teli cuspis in vulnere hæserat, altè carni immersa. Et quamquam deinceps labia vulneris adducta, & glutinata paulatim erant, numquam tamen acerbo cruciatu vacabat offensa pars. Itaque metu grauioris mali incidendum ab artifice femur fuit. Sed ferrum è pristinâ vtique sede (nam supra poplitem penetrarat) dilapsum, nequaquam se in conspectum scrutantibus dedit. Sic denuò vulnus coaluit, & nullam in corpore latere cuspidem creditum est. Ceterùm
cùm

cùm redintegrata doloris vehementia satis indicaret, M. CCC.
LXXXIV.
necdum absterfam noxam omnē, secto iterum mem-
bro abditum sagittæ spiculum vestigare placuit: quod
cùm ne tum quidem in apertum promeretur, iam
tertio vulnus coire permissum est. Acerrimo interim,
nec umquam se remittente cruciamento, Nicolaus
afflictabatur; quando circiter tribus ante Pentecō-
sten diebus, melior spes, postquam tot labores vani
euaferant, ei tandem affulsit. Siluaducensem Virgi-
nem denuò inuocat, vouens, si exitiale spiculum eucl-
latur, se ipsum illud argenteo infixum femori Siluæ-
ducis ex arâ Virginis suspensurum. Voto facto, ani-
morum iam plenus, rursus sese chirurgi manibus
tradit, ad spiculum quacumque tandem ratione edu-
cendum. Illâ constantis viri pietate perniciēs de-
mum abacta, & curationis euentus celerior atque fe-
licior, quàm pro humanæ artis modo, fuit. Vul-
nus quartò renouatum cuspidem sub poplite mer-
sam illicò prodidit, omniq̃ sedato dolore mox ob-
ductum est. Sentires Deiparâ curante sanari, qui cā-
dem protegente in aduersâ pugnâ seruatus fuerat,
Nicolaus votiux peregrinationis ac doni haud im-
memor, Gandauo sacrum iter executus est, & Siluæ-
ducis duplicis miraculi monumentum reliquit.

CAPVT XXI.

*Sacrarum caussarum iudex Leodij eiectis tribus
calculis leuatur.*

TEstatur quoque Leodium, se præsentius in gra-
uissimo cruciatu remedium vix vñquam vidif-
se. Edmundus Boystius Siluaducensis, Iuris admo-
dum peritus, atque pro Episcopo sacrarum caussarum
Iudex in Eburonibus erat: quem circiter Kal. Iulias
vrina, ita suppressa vt nihil proflueret, in maximos
dolores coniecit. Obstructa omnis humori via, ad
summos, sed irritos conatus, laborantem vrgebat.
Medici, licet certis notis à calculo arctari omnes du-
ctus corporis deprehenderent, emoliri tamen, aut mo-
uere loco calculum non valebant, consilio curaque
depositis. Increscebat interim tormenti acerbitas, at-
que Edmundum dolore amentem, nunc capite ad
parietem alliso, nunc alio furoris genere, in multa
perpeſſu aspera, impellebat. Omnino triduum hac
corporis mentisque perturbatione agitatus, cum nec-
dum humor foras manaret, mediâ iam in morte Sil-
uaducensem Matrem venerabundus inclamat. Et pre-
cibus apud Deiparam locus fuit. Extemplò copiosus
liquor impetu profluens, tres calculos secum vexit,
magnitudine inusitatâ: quorum vnus iustum digiti
articulum figurâ æquabat. Tum verò Edmundus vo-
ce manibusque exuberantem significare lætitiâ;
salu-

salutiferam pariter ac dulcem hac beneficiâ Virgi-
nem dicere, amore Deiparæ victum se fateri, huic se
debere omnia; verùm soluendo non esse. Inde ad gra-
tes soluendas in patriam Leodio profectus, MARIAE
salutem acceptam retulit.

CAPVT XXII.

Captiuus è vinculis euadit.

HAud minoris admirationis fuit, Gerardi Groenij *11. Apr.*
in libertatem assertio. Somnam ille petierat,
tertio lapide ab vrbe Groningâ, patriâ suâ, distantem.
Ibi per insignem iniuriam, nihil tale promeritus, in
carcerem conditus fuit. Raptores in quæstum intenti,
hoc spectabant, vt Gerardum parens magno redime-
ret. At cum Theodorus pater tanti sibi filium esse ne-
garet, ad tres hebdomadas Gerardus hæsit in vinculis.
Fortè tum illac iter habuit viator quidam, Siluaducis,
voto vtrique soluto, redux. Et huic ab iniquis manus
iniectæ sunt, pecuniosum esse suspicantibus. Atque
is in eandem custodiam datus est, quâ Gerardus vin-
ctus tenebatur. Ad quem diuinitus profectò mitti vi-
sus est, prouidentia Numinis, huius captiui miseriâ
ad Gerardi leuamentum vtente. Nam, colloquio in-
uicem habito, Gerardum edocet de tot tantisque mi-
raculis, quæ Siluaducensis Virgo patrarer indies, publi-
co afflictorum omnium bono. Hortatur, vt huic com-
mendet iniurias suas; huic queratur manifestam la-
tronum

M. CCC.
LXXXIV.

tronum vim, quibus nihil sanctum neque publici neque privati iuris esset. Hæc ut à peregrino illo fidenter dicta, ita à Groenio avidè accepta sunt. Interea peregrinus, à quo lucri nihil sperari poterat, dimittitur. Tum de eius consilio Gerardus, rogare Deiparam, ut se, quando aliud nullum auxilium suppeteret, ipsa defendat: duo ceræ pondo, emendicato pretio comparata, addicere; voto pronuntiato, certæ spei plenus esse. Ac supplicem MARIA Regina favore suo complexa est. Momento ferreæ pedicæ, quibus astringebatur, aperuere sese, impagibus quæ necdebant, spontè sursum ultra pedis altitudinem exilientibus. Tum Gerardus impigrè se in publicum è carcere eiicit, fugamque maturat. Et frustra hostes insecuti sunt, mox in diuersæ ditionis locum, quem violari impunè non liceret, transgressum. Subinde Siluæducis Deiparæ partam libertatem gratulatus, promissi fidem egregiè præstitit.

CAPVT XXIII.

Mutus puer loquelâ donatur.

- xii. Apr. **D**Electari Matris laudibus Deum sentias, quando de Matris voluntate muti linguam soluit, in eius præconium. Ad D. Trudonis fanum res accidit. Ioannes Stochemius, Abbatis pecuarius, filium habebat Cornelium, nouennem puerum, ab ætate incunte prorsus elinguem; ceterà ingeniosum ac docilem. Parens hanc filij sortem miseratus, multipli-
- cem

cem animo versabat curam, siqua tam diuturno malo posset occurrì. Demùm pridie Natalis Christi cum fratre, quando haud humanæ opis res videbatur, à Deiparâ Silvaducensi flagitandum sibi auxilium censuit; & votum vouit, sibi lætum, filio salutare. Nam puer, qui numquam ad eum diem verbum emiserat, repentè sermonem protulit; ac deinceps expeditè, non modò rectè, locutus est: Siluamducis quoque à parente, patruo ac vicinis adductus, linguam, cuius vsum à Deiparâ acceperat, eius gloriæ propalandæ impendit.

M. CCC.
LXXXIV.

CAPVT XXIV.

Mulier dysenteria & partu periclitans adiunatur.

QUæ partus felicitate feminis cunctis excellit, haud segniter ægræ prægnanti, & foetui, in periculo constitutis, succurrere existimanda est. Eiusmodi periculum Helmondæ in Hedwigem, Henrici Schuermanni vxorem, incubuit, ac præsentì Deiparæ ope discussum est. Torquebat mulierem cruenta alui deiectio, etiam grauidam sexto iam mense. Accelerauit pariendi necessitatem gliscens morbi atrocitas, ac totos octo dies enixu immaturi foetus exanimatam Hedwigem detinuit. Non leuius soboli quàm matri imminebat discrimen. Iam cælesti decedentium Viatico instructa, iam sacro ad supremum diem obcundum Oleo delibuta erat. Ab omnibus pro mortuâ putabatur: adeò vires torpebant. Namque &

XIII.
April.

Nn

infer-

M. CCC.
LXXXIV.

infernæ corporis partes corde tenus mortiferum gelu astrinxerat, & velut exspiranti cereus sacer in manum insertus lucebat. Tum amici Henricum adhortari, percellere; si coniugem saluam velit, quamprimùm Deiparam Siluaducensem ei conciliet. Haud ægrè à marito impetratum. Vouet igitur, si vxori ac soboli in hoc temporis ac rerum articulo præsidio sit, siquæ ini-
tiam salutiferis vndis prolem dederit, se tantum Deiparæ auri, argenti, tritici, vini, ceræ ac lini appen-
surum, quantum vxoris & sobolis charitas imperaret sibi. Ab eâ precatione cùm mulieri iam melius esset, sine molestiâ atque offensione partum enixa est. In-
fans Baptismo ablutus diem vixit: mater repente conualuit. Inde Siluamducis itum est, actæque MA-
e Virgini grates. Hedwigis, sublatis ad Diuam manibus, beneficium mirè extulit, quòd sibi spiritum ac lucem, soboli salutem, marito ipsam reddidisset.

CAPVT XXV.

Insolens membrorum contractio remittitur.

xvi. Apr.

PAri felicitate subuentum est feminæ miserandâ corporis specie deformatæ. Catharina nomine, Florentij Alpheni vxor erat; Dammæ Flandriæ oppi-
do habitabant. Vniuersum eius corpus ante sesquian-
num repentinâ motus priuatione percussum, sine vi-
ribus torpere cœperat. Accedente mox neruorum ac musculorum contractione, pænè à naturali figurâ
ac

ac situ membra descuerant. Genua ad pectus adducta fixaque, labra in sinistram aurem distenta, totumque os peruersum, aspectantium animos miseratione atque horrore inuicem variabant. Morbus acutus ac vehemens breuiter interempturus videbatur. Itaque Christiano ritu Sacramentis ultimis impertiendam maritus curat. Cum sex iam hebdomadas Catharina magis in morbi quam in medentium potestate fuisset, mœrens, demissa obtestatur Siluaducensem **MARIAM**, ut curationem tanti mali benigna suscipiat. Exiguo munere addendo, (ceræ pondo fuisse traditur) votum auget. Neque diu dilatum beneficium est. Mox immodica oris distentio laxari cœpta est, labris ad pristinam sedem reuersis. Vigore quoque per membra diffuso, etiam crura exporrigi potuere. Inde per xx. hebdomadas artus fulcris subleuans, incessum non planè incommodè molita est; donec receptis plenius viribus Siluamducis valens abiit, ibique, plus in **MARIAE** ope, quam in humanis adiumentis, præsidij inesse vulgauit.

CAPVT XXVI.

Puella tibia fracta restituitur.

Semper Deipara inuenit, cui prosit; semper ei restat, xv. Iun.
 in quod benignus eius fauor incurrat. Nunc Brugis puellam complectitur, & parentum precibus eius incolumitatem tribuit. In eam, fortè collapsam, se
 N n 2 equus

M. CCC.
LXXXIV.

equus intulit, & calcatam ferreâ soleâ tibiâ confregit. Extabat fragmen tibiæ, cute nudatum; quod eximere conati Medici, cùm periculum suæ artis frustra fecissent, nihil profecere. Ipsos nouem menses Catharina decubuit, quando Medicus, nihil morbo clementior, seuerè pronuntiat, totum crus præcidendum esse. Parens Edwinus Priccus, eâ re perculsus, quod à mortalibus vltra expectari non poterat, id à cælesti Regina contendere statuit. Siluaducensis itaque MARIAE implorat manum, tantâ miraculorum celebritate conspicuam. Nec illa defuit. Nam proxima Edwini precibus nox, nullo manum admovente, solutas tibiæ partes è loco suo expulit foras. Mox totum crus persanatum est, ne vitiatâ quidem ingrediendi facultate. Edwinus cum vxore Clarâ sanitate filia mirè latus, eas, voti soluendi causâ, Siluamducis perduxit, ob tanta in ipsos promerita impensè MARIAM veneratus. Frustra aliquot contracti ossis, quæ spontè exciderant, in ædiculâ Deiparæ monumento relicta sunt.

CAPVT XXVII.

Putei ruinâ oppressus vitam seruat.

xix. Iun.

Nihil tam aut naturâ aut casu abditum est, quod non penetret propitia MARIAE virtus. Etiam latentem sub terrâ respicit, ac profundo ereptum luci restituit. Ioannes Ponderneylius appellatus fuit, cui reddita salus præcipuam admirationem habuit. Is ad
ege-

egerendas sordes in puteum se dimiserat coctili later-^{M. CCC.}
culo instructum, atque in magnam altitudinem pres-^{LXXXIV.}
sum. Huic operi intentum soluta fatiscentis muri cre-
pido obruit. Hærebat Ioannes ruderibus limoque de-
mersus, ac tantâ superfusâ mole oppressus, vt vnâ
linguam, vix digitos, mouere posset. Accurrit confe-
stim, vt in re tali, excita vicinia, sed plus consterna-
tionis quàm subsidij adferens. Ioannem interea sum-
mus per omnes artus cruciabat dolor, tot lapidibus,
tantoque terræ cumulo vnius caput vrgente. Iamque
acerbissimum sibi interitum appropinquare, mœstâ
præfensione augurabatur. Sola mens, necdum læsa,
perstabat, miraculorum Siluaducensium vteumque
memor. Ea recordatio Ioannem exstimulat, ad vo-
tum Siluaducensi Patronæ faciendum. Quo peracto,
& cessauit ipso momento omnis dolor, & immensi
ponderis pressu se planè leuari Ioannes sensit. Abesse
terræ grauitatem diceret, aut oppresso vires ad iusti-
nendum augeri. Nec eas mora quidem, quamuis ma-
gna, lassauit. Quippe meridies nondū aduenerat cū
ille in puteo tumulatus est, & iam à meridie vesperti-
næ Deo preces decantatæ erant. Tanto vicinis haud-
quaquam cunctantibus spatio opus fuit, ad incum-
bentem Ioanni materiam, è puteo vtiq; profundo,
eximendam. Qui vt, effossâ humo, capite humeris-
que extare cœpit, & non spirare modò, sed etiam va-
lere visus est, è foueâ ipsum eripientium alacritatem
mirè incendit. Ergo velut sepulchro creptus, & à leto

M. CCC. LXXXIV. redux, nullâ sui parte læsus, prodiit. Circumfundebantur amici admiratione attoniti, ac sciscitantes, quâ ope, quâve ratione sic è puteo sospes euaderet. Ac Ioannes fauori Deiparæ, quam voto conciliaffet, tam felicem exitum adscribens, vehementer auxit cunctorum lætitiâ. Itaque faustis ominibus summoque populi applausu exceptus est, ac Siluamducis ad gratulandum Virgini lætus abiit.

CAPVT XXVIII.

Equitem Geldrum Deipara, ac deinceps eiusdem equum à morte eximit.

XXVI.
Iunij.

N Vllum erga eos, qui segniter beneficia oblata arripiunt, benevolentia pignus atque indicium omittere, id mentis est omni bono plenæ. Huiusmodi, secundum Deum, se Deipara mortalibus præbet, ne post sui quidem neglectum, obliuioforum dedignans preces. Etenim de salute Henrici Boetberghij, nobilis viri, sed non satis in pietate constantis, admodum sollicitam se ostendit. Hic cum Falkenburgi datus esset in vincula, non leui morbo implicatus est, rationis, linguæ, ac reliquorum sensuum usu deperdito, ad hebdomadas ferme tres. Permotis eâ viri miserâ qui ceperant, custodiâ liberatur, atque in commodius hospitium transfertur. Ibi redeunte paulisper mente, concubiâ nocte vocem ad se delatam audire visus est, seu monentis seu sciscitantis: *Quin tu peregrina-*

grinationem Siluamducis voues, tot vtiq̃ue calamito- M. CCC.
 sis salutarem? Ea vox cūm somnum abrumperet, illicò LXXXIV.
 suscipit votum, diuinitus, vti fides erat, imperatum.
 Nec id somniantis ludibrium fuisse, acceptā repentē
 sanitate didicit. Alleuat igitur semet, vestem induit,
 erectus obambulat. Sed brevis fuit tanti beneficij
 memoria. Ille, voti incuriosus, in popinam se abdere,
 multūm poculis, pietati nihil dare, ingluuiem & cra-
 pulam religioni præponere. Eò progressus temerita-
 tis Henricus, paratam in se Virginis acciuit iram. Mox
 pristinus, velut Dominæ vindex, morbus adfuit, ho-
 minemq̃ue sic viribus exuit, vt ab imbecillitate non
 aliter quām ferculo asportari domum potuerit. Hoc
 supplicium aperuit oculos, quos occæcārat impietas.
 MARIAM denuò, & iam magis ex animi sui senten-
 tiā, rogatā veniā, votoq̃ue repetito placat. Et tutum
 ad expertam clementiam reditum habuit: Deiparā in
 occasionem, quā magis gauderet ingenio suo, vltro
 intentā. Nam sanitas ei sic reddita est, vt quamuis
 MARIA æquiore se vti sentiret, superesset tamen, velut
 relictus seueritatis aculeus, aliqua imbecillitas, quæ
 ipsum præteritæ culpæ admoneret. Quamobrem &
 fulcris ei ad incessum, & ad peregrinationem obeun-
 dam vecturā opus fuit. Ita Siluamducis delatus, for-
 tē in ipsum incidit diem, quo solemnī supplicationis
 pompā Deiparæ imago circumferebatur. Confert se
 in ædiculam fulcris nixus & precibus Diuæ persolu-
 tis, ad hospitium redire instituit. Vbi templi portam
 atti-

M. CCC.
LXXXIV.

attigit, velut iniectâ diuinitus manu, retentus est, vestigium efferre non valens. Quocircâ, frustra secum aliquamdiu luctatus, retrò flectit gradum, & recenti malotimidior iam factus, ad statuam Deiparæ venerabundus reuertitur. Iteratis ibi precibus, aucta egrediendi fiducia rursus successu caruit. Nam ad fores utcumq; procedentem denuò in ipso limine stitit occulta vis. Tum pristinæ impietatis conscientia ictus, cuiusque abs se pœnas expecti ratus, crebros edere gemitus cœpit, ac manantibus vbertim lacrymis, à Virgine, necdum penitus conciliatâ, pacem precari. Neq; Boetbergij perturbatio ac pavor multitudinem fefellit, à dici celebritate copiosam, atque euentu rei suspensam. Ille interim anxius ac nutans in Virginis facellum se recipit, ac proiecto humi corpore, brachiis in crucis formam expansis, certiolem sibi opem accuratis precibus implorat. Postremò septimùm Angelicam salutationem summo animi sensu repetenti, tibia, velut conflictu saxi rupta, concrepuit. Id absolutæ sanitatis indicium fuit. Namque erectus in pedes sine adminiculis substitit, quæ ipsa protinus ad MARIAE aram appendit. Secuta tunc gratulatio publica, pænè nouo infortunio interpolata est. Quippe necdum inde digresso occurrit famulus, equo, quem in hospitio curasset, ingruere mortem (immotus enim torpebat) vociferans. Hoc nuntio percussus Henricum hortatur circumfusa turba, ut iumentum Deiparæ tuendum mittat; cereum equi simulacrum voueat: cui dominus
cordi

cordi fuisset, equo non defuturam. Boetberghius ob-^{M. CCC.}
iectâ spe frerus, inuocatâ eorum suasu Deiparâ, mox^{LXXXIV.}
exauditur. Cerea rediuiui equi imago sacrata: grates
actæ: miraculum, multiplici euentu lætum, aduen-
rum sermonibus longè lateque diuulgatum, vrbs Gel-
ria, vnde venerat, à Boetberghio repetita.

CAPVT XXIX.

E pueri corpore dæmon exigitur.

QUemadmodum malignus dæmon præsentem^{XXIX.}
nobis felicitatem inuidet, futuram intercipit; sic^{Imy.}
Dei Mater & illam seruare nobis, & hanc adferre, pro-
fligato teterrimo hoste, singulari voluntate contendit.
Id quod mortalibus eò certius ac frequentius accidit,
quòd illa numquam victa ex hoc certamine discedit.
Arnoldus equidem Ioannis Douerrodij atque Hel-
wighis filius, victrici Virginis pro ipso propugnatio-
ni salutem debuit. Ante tres, quàm miraculum fieret,
annos, illum nocturnus sopor oppresserat, in nauigio
auenâ onusto procumbentem. Ibi (siue serpentis
bestiæ vera species, siue præstigiæ ei se obtulère) fœ-
dus vermis atro colore, in eius nares irrepere visus est.
Ex eo die puer haud secus ac si infernam aliquam pe-
stem imbibisset, penitus immutatâ mente ac mori-
bus, valetudinem semper aut suspectam aut læsam
protraxit. Nec diu sese crudelis insidiator occultuit,
quin atrocibus indiciis præsentis suæ virus proderet.

O o

Iam-

M. CCC.
LXXXIV.

Iamque satis comperto, hostem in Arnoldi corpore residere, nulla piacula cælestium placandorum, nulli exorcismi, precësve omissæ sunt. Sed perstitit ad annos pænè tres infractus dæmon, non nisi Virgini cessurus. Tandem, cum solemnitas annua appeteret, quâ per urbem gestari statuam Virginis mos erat, diabolus, velut præsentiens propinquum exilium, sæuire acrius in puerum institit. Sexta ante celebritatem illam dies erat, cum Arnoldus conuulsâ omnino mente rabieque percitus, miserandum in modum furere ac bacchari cœpit. Inter hæc placidiore nocturnæ quietis interuallo vsus, Deiparam cælesti lumine radiantem aspicit; atque illa, Ne dubita, inquit, aut quartâ aut sextâ post imminentem festum diem feriâ, omni molestiâ liberabere. Vaticinatio vera fuit. Sextâ feriâ quam Diua suggererat, parentes comitati amicorum manu à frumentario ponte, filium in ædiculam Deiparæ, tum (vt veteribus miraculorum tabulis traditur) adhuc nouam, adducunt. Illa nihil cunctata hostem expellit, fugatque; puero salutem reparat; circumfusæ multitudinî admirationem iniicit. Ac parentes tranquillo iam filio, puer exhilaratis mirè parentibus, ex conspectu mutuæ felicitatis ingentem cepere lætitiâ, ac dona Virgini pependere. Dæmon rabie suâ inuolutus, in debitas sibi tenebras rediit; numquam victricem Reginam sine cladium suarum memoriâ visurus.

CA.

CAPVT XXX.

M. CCC.
LXXXIV.*Suffocati aquis pueri duo vitæ redduntur.*

VTi puerilis ætas, à consilij & prouidentiz inopiâ, VII. Iulij.
ferè maximè infortuniis opportuna est: ita plurimum ei à Deiparâ opis impenditur. Quod satis constat, vno die è diuersis regionibus Siluamducis allatum fuit, duos pueros, pariter defunctos, saluifero Dei Parentis subsidio reuixisse. Mathias, Elisabethæ Herwerdiæ filius, Nistelræ in puteum prorsus altum præceps decidit. Fortè pueri superueniēre, qui viso socij periculo ad vicinorum domos, longè, vt in pago, inuicem dissitas, properant, matrem quæritantes. Ea diu non reperta, serò adfuit. Puer iam animam efflauerat, supinus innatans aquis. Quem vt mater extraxit, ac mortuum humi deposuit, effusè lacrymans, & sibi & filio Siluaducensem inuocat Virginem; ei certum vini, tritici, argentiq̃ue & auri pondus addicens. Incredibile dictu: Mathiam illicò viuum aspicit parens, cumq̃ue Siluamducis comitata, cum votiuis muneribus sospitem Diuæ repræsentat. Atque hic quidem matris, alter amicorum precibus morti ereptus est. Theodorus erat, Aleydis Neyliæ VII. Iulij.
filius, Anholti in Zurphanien si ditione tum degentis. Is in lacunam fimeto proximam lapsus, cum diu colluue haustus iacuisset, à matre aquis, sed iam mortuus, eximitur. Illa filium vitâ sensuq̃ue penitus de-

M. CCC.
LXXXIV.

stitutum intuita, exanimis iuxta cadauer corruit, animo viribusque collapsis. Frequentes vicini astiterant, quâ solatio quâ auxilio futuri. Qui haud segniter matris occupant vicem, & quod ipsa non poterat, votum suscipiunt. Neque longas preces expectauit Deipara. Vixdum cæ finitæ erant, cum è mortuorum numero exemptus puer, matrem plurimum recreauit, quam qui eius vicem vouerant, Siluamducis cum Theodoro deducentes, promissa Deiparæ gaudentes soluerunt.

CAPVT XXXI.

*Quidam manuum ac pedum usum diu expetitur
recuperat.*

x. Aug.

NEque minùs illustri miraculo longus Gualteri Baerlij morbus depulsus est. Ipsòs decem annos ita pedibus manibusque debilis fuerat, vt ne incedere quidem per morbum licuerit. Plerumque increscens etiam noxæ vis, lecto miserum ad hebdomadas continentes decem affigebat. Non tamen eius oblita Deipara Siluaducensis, siue precibus viri, siue misericordiâ suâ adducta, diuturnum eius mœrorem diuinâ visione leuauit. Etenim nocte quadam dormienti, præclarâ specie, augustoque splendore fulgens MARIA Virgo se ostendit, atque incredibili benignitate hortata est, Haberet in ipsâ certam sanitatis spem; votiuâ utique profectione muneribusque promissis. Cælesti monitu mirificè recreatus Gualterus, aduocato con-
festim

festum Parocho visum aperit: qui dein pro concione auditores rogat, vti ad Deum Deique Matrem pro ægri salute fundant preces. Verum Deiparæ alienâ deprecatione Gualterum sanare, cordi non fuit. Itaque nouâ superueniente calamitate creuit afflictî ægritudo, vt pariter miraculi se splendor intenderet. Inuasit oculos repentina cæcitas, interclusâ penitus omnî cernendi facultate. Ad quinque dies præpedita visio, mentis oculos Gualtero exacuit. Itaque non alia certior obtinendæ sanitatis via, Deiparæ subsidio, visa est. Eò diuina vis Gualterum impulit; eò ipse haud cunctanter confugit, recenti præsertim eius aspectu clementiaque inuitatus. Nec cæca aut fallax spes illa fuit. Statim sibi melius esse sensit, simul vt votum emisserat. Oculi, ceteraque membra officio mox fungi cœpère, nullo amplius motu sensûve carentia. Ac Baerlius quidem in viam se dedit, ac breuî Huneslemio Siluamducis peruenit incolumis. Hic persolutis quæ vouerat, decennis morbi tædia oblati à Virgine gaudiis commutauit.

M. CCC.
LXXXIV.

CAPVT XXXII.

Innoxius grauissimâ questione liberatur.

IN minuendis quoque tormentis insonti illatis ad-
miranda Deiparæ potestas enituit. Petrus, Engel-
berti Gruteri filius, Parisiis in Belgium reuertens, in-
ter D. Quintini Fanum & Quercetum comprehen-
sus,

xxxii.
August.

M. CCC.
LXXXIV.

sus, atque in custodiam traditus est. Proditorum ritu infestas insidiis vias habuisse, atque institores, hosti dedendos, obseruasse, crimini dabant. Mox in caput eius quaestiones de proditione habitae sunt. Et postquam in conspectu Petri à carnifice omnia crudelitatis instrumenta deprompta sunt, duabus primùm horis altè à terrâ suspenditur, ad veritatem, quam ab eo sedulò tegi credebant, exprimendam. Sed ille nullum crimen confessus, gentium iura nequidquam apud surdas aures implorans, in innocentiae suae defensione perstitit. Illi rursus tormentis admotis hominem scilicet applicant, ab eaque manibus pedibusque religatum, vi summâ distendunt. Ingens inde truncus distenti tergo subiicitur; quem cruciatum ceteris acriorem fuisse, testatus est. Nec sic quidem frangi constantia potuit, ut falsa confitendo sibi perniciem conscisceret. Verùm, cum nullus doloris finis ostenderetur, Gruterus incertus, quatenus illi saevitiam exerceant, versâ ad Siluaducensem Patronam fiduciâ, eam intentâ supplicatione inuocare coepit; & Cur, inquit, innocentium Patrona vnica, cur seruum tuum, & sceleris, ut nosti, expertem, in tam immani laniatione destituis? Si nemo vnquam te frustra coluit, recordare, me bis in sacello tuo supplicem Maieitati tuae caelestes honores detulisse. Quid reliquum est? nisi ut post hoc periculum semel aspiciam effigiem Siluaducensem tuam, quam ante periculum sapius veneratus fui? Praesens sors mea ut peracerba est mihi, ita tibi
glo-

gloriosa sit. Quem respicies, si cultorem iam cognitum auerfaris? Dum hæc Petrus eloquitur, derepentè fidiculæ omnes, quibus neſcebatur, ruptæ diſſiliunt: Deiparâ proſectò non vltrà ſuſtinente tam crudeliter vinciri ac torqueri, cuius & innocentiam ipſa cognoſceret, & amorem probaret. Qui quæſtioni præerant Iudices, ac tortores, miraculo omnes hæſere attoniti, vt ſolutum diuinitus Petrum videre. Ergo pœnitudine animos ſubeunte, inſonti ſe noxæ damnoque fuiſſe conſeſſi, quem tam euidenti prodigio MARIA ſolueret, promptiſſimè dimittunt; oblatiſ etiam in viaticum, vt tum res erant, ſatis lautum, florenis tribus. Petrus libertate, quàm acceptâ pecuniâ lætior, Vdemium, in patriam, inde ſe contulit; ac poſteà Siluamducis proſectus vota perſoluit, etiamnum cicatrices non paucas, tam ſæuæ quæſtionis teſtes, oſtentans.

CAPVT XXXIII.

Tres vinctos Deipara ſoluit.

Rurſum vt ex miſerâ captiuorum ſorte ipſis felicitas, Deiparæ gloria obuenerit, exequar. Godefridus Cranius, Bartholomæus Bodenus, atque Henricus Keſſelmannus, Moſam amnem, vbi is Ruremundam alluit, nauigantes, ab Adamo Culeno, prænobili equite, intercepti ſunt. Haud procul aberat eiſdem arx, in quam vinctos compulit, cuſtodizque mandauit. Ibi vno omnes cippo induti tenebantur. Cùm
reme-

M. CCC.
LXXXIV.

M. CCC.
LXXXIV.

remedio solatiōve nihil esset, optimum visum est, Siluaducensis Diuæ benignitati se credere. Huic igitur (quod in Christi etiam vulnerum honorem cederet) ceræ pondo quinque promittunt, ex emendicatâ stipe, non ex bonis suis præbendæ. Emissio voto eorum vni in mentem incidit; cessantibus fortunam abesse; impigros, propriæ felicitatis auspices, quam sortem sibi occupando disponderent, suam facere: secundos lætorum euentuum exitus à strenuis inceptis pendere: si libertas cordi sit, conatu ad eam enitendum esse. Hæc cogitata vbi sociis enuntiauit, non displicuerunt illa quidem, sed plena tamen vel difficultatis vel amentię visa sunt: quandoquidem nihil ad manum erat, quod moliendæ fugæ conueniret. Vnus dumtaxat lapillus & clauus iacebant humi; exiguum ad effringendam custodiam adiumentum. Huic tamen consilio intentos nox oppressit. Et quamquam ingens libertatis cupido stimulabat animos, densissimæ tamen tenebræ cælo offusæ destinata exequi vetabant. Ergo denudò MARIAE supplices fiunt, ac demissè ab eâ lucem exposcunt, cuius subsidio è tantis se malis expediant. Tum enim uerò manifestus Virginis eluxit fauor. Quippe obscuro in carcere inusitato fulgore radians lucerna apparuit, & sponte suâ in ipso, quo victi claudebantur, cippo quieta astitit. Ea lux haud lætior eorum oculis quàm animis affuit. Itaque probè animati lapillo (res noua) icti cippi fibulas feriunt, iisque resolutis corpora explicant. Neque ta-

men

men is finis periculi fuit. Nam candela mox oculis M. CCC.
LXXXIV.
mirantium subducta, in tenebras, pristinis haud minores, evanuit. Eâ re non parum consternati, iterum ad exploratam MARIAE se conferunt opem. Iam tertium obtestantur, non ostendet gratiam, sed absoluat, nec eam ipsis fugam funestam faciat, cuius dux adesset: longiorem utique lucem ad id discrimen quod restaret opus esse. Precationem alia, non minus admiranda, subsecuta res est. Cælum clarissimam lucem in ipsos effundere visum, opportunam è carcere exeuntibus viam aperuit. Illi, cippo in humeros sublato, quâ Diva daret, quinque passuum millia progressi, in Homanam ditionem, unde venerant, contendere. Neque cippus, quantumvis ponderosus, properantibus oneri aut moræ fuit, ne levis quidem alicuius baculi tum pondus excedens. Ita seu leuitas ligno, seu videntibus vires à Deiparâ additæ fuere. Ut in tutum recepti sunt, infinitas MARIAE gratias agentes, Siluamducis se contulerunt, eundemque cippum gestantes cum votiû cerâ delubro Virginis consecrarunt. Sic æterni splendoris Mater parum se beneficam humano generi fore credidit, nisi quam lucem semel felicissimo partu ediderat, persæpè eiusdem lucis vel radium demersis caligine mortalibus impertiret.

CAPVT XXXIV.

Naufragi è mortis faucibus eximuntur.

11. *Maij.* **E**iusdem lucis radij non modò terrâ, sed etiam mari periclitantibus salutare fuerunt. Redibat Scônâ Iacobus Petrus, haleces onerariâ Dordracum vehens. Medium nauigationis cursum vehemens, vt hiberno tempore, procella abruptit. Nauis diu exæstuantibus oceani fluctibus quassata, tandem vadôsæ syrtis dorso illisa dissiliit. Socij nauarcho amplius xx. erant, è quibus promptiores decem se raptim in scapham coniiciunt: ceteri fragmenta nauis, quæ cuique obtulerat fors, complexi, tandem cum Iacobo in nauis speculam multum luctati euadunt. Malus enim à reliquâ naui auulsus, cæcoque impactus vado, cum trabe cui hæserat, vndis extabat, speculam vndarum fastigio eminentem sustentans. Qui se scaphæ crediderant, aliquamdiu tempestate iactati, demum ex alto in portum decurrere. At quos nauis magistro calamitas iunxerat, longè sæuior fortuna excepit. Tres ipsos dies totidemque noctes cibariis omnibus destituti, obuersante perpetuâ mortis imagine, incertum ad exitum in speculâ pendere. Erat propè continuus cæli fragor, immistæque niuibuss grandines torrida frigore corpora læcessabant. Pigritia ac desperatio in omnium vultu ac voce eminebat: cum nec rigentibus manibus adstrictos gelu funes retine-

tinere possent, nec in ullam regionem se tutò obuertere; quod undique procellæ tetrior facies, quàm vitabatur, occurreret. Ergo falsâ illuic obsiti, fameque ac siti enecti, quem quisque locum ceperat, eum se morti elegisse augurabantur. Verùm deficientibus tot malorum tædio, nox tertia salutem ostendit. Repetita enim Siluaducensium tot prodigiorum memoria, facilè ad Deiparam, in ultimâ necessitate inuocandam, impulit, & in tantâ alimentorum penuriâ tum cibi, tum potionis instar, aluit. Neque Virgo spreuit humilibus fractisque animis emissas preces. Quippe obscurâ nocte, ingens medio cælo se effudit lux, adfuturæ mox opis prænuntia, quæ rectam in facis modum flammam explicans, sereno latè fulgore tenebras pepulit: vnicum in tam propinquo discrimine versantium solatium. Simul enim aurora proxima solem extulit, dirigente nimirum Deiparâ, in conspectum se navis quædam dedit, rectâ ad ipsos visa tendere. Quæ, ut adfuit, utque ad malum sese applicuit, naufragi properè è fastigio mali delapsi, in eamque excepti sunt, pro se quisque Deo, Deique Matri gratulantes. Tum somno ciboque curatis corporibus, in terram expositi, periculorum finem viderunt. Iacobus Dordraco dein Siluamducis profectus, destinata perfecit; ac præter alia, Diuæ cultui idonea, ceream speculam, nauali ornatu, donum obtulit.

CAPVT XXXV.

*Furioso mens ac ratio redditur.**Iunio.*

HAud leuior alienatæ sensu mentis, quàm æstuantis irâ pelagi tempestas est. Verùm vtriusque violentia facilè frangitur, Deiparâ tranquillitatem immitteute. Et Iacobo quidem Houckio ad componendum mentem inuocatio MARIAE mirè profuit. Is Westerscoudæ agebat, cùm ferocibus deliriis iactari cœpit; inde horrendo aspectu, inconditis clamoribus, ac vesano corporis impetu, semet aliosque infestare, atque inusitatâ rabie multa petulanter moliri. Quamobrem ne aliis vim afferret, ferreæ manicæ indicatæ sunt, quæ miserum sesquianno utcumque compescuerunt. Intereâ Medici omni remediorum adhibito genere, nihil omittunt operæ, quò furentis animus conuertatur. Vbi id parum processit, Siluaducensi Deiparæ, cuius tot miracula fama vulgaret, ab amicis enixè commendatus est, promisso eidem tritico, ex consuetudine tum vsitatâ appendendo. Hîc diuinum beneficium ab omnibus agnitum est. Mox ferrum ab vtraque vincî manu spontè defluit, deliramenta abeunt; ratio tamdiu de sede suâ deiecta, menti redit. Neque deinceps Iacobus absurda atque à sensu consiliôve abhorrentia vel locutus est, vel effecit. Amici, quorum preces ei Diuam propitiauerant, Siluamducis profectum frequentes deduxêre. Ille vo-
rum

tum illorum , præcipuè suum existimans , religiosè ^{M. CCC.} perfoluit. Dona quoque Virgini data sunt : quæ quòd ^{LXXXV.} amenti intelligentiam , furioso quietem reddiderat , planè hominem homini restituisse visa est.

CAPVT XXXVI.

Quidam quater captus, toties liberatur.

MUltiplex quoque Arnoldi Renghelwartij captiuitas promptam MARIAE misericordiam ciuit. Middelariæ primùm, haud procul Guyckâ, ab hostili equitatu exceptus, ac, transmissio Rheno, in paludoso saltu ferreis vinculis arbori annexus est. Octo ibi dierum fuit mora. Tum libertatis capeffendæ oborta spes, diuino vtique instinctu , Arnoldi animo Siluaducensis MARIAE memoriam indidit. Eò omnis versa cura. Pollicetur Virgini cerum ; viatoris sigillum libræ pondo, octo item comites peregrinantium ritu, adsciturum se, qui sacrum iter vnà peragant. Sic illi parta libertas, sed lætior quàm diuturnior fuit. Quippe à vestigantibus ex fugâ retractus, denuò in vincula compellitur, etiam maligniùs, quàm antè tractandus. Sed iam degustata Seruatricis Virginis benignitas, iterùm supplicanti facilem viam expedit. Nondum tamen aderat miseriarum finis, instabili sorte mirum in modum gaudia luctumq; alternante. Nam tertium ac quartum , tot frustra conatibus cœptis , in persequentiū furorem incidit. Verùm quod toties calamitas

M. CCC.
LXXXV.

esse videbatur, id nouæ felicitatis initium fuit. Deinum enim redintegratis idemidem ad Deiparam precibus, ex hostium vinculis manibusque elapsus est; ac se plusquam totum Virgini debuit, à quâ toties dulce libertatis pignus accepit.

CAPVT XXXVII.

Puer ab apibus interemptus in vitam reuocatur.

II. Inly.

INfirmisimum est naturæ humanæ robur, quod non vrsi modò ac leones, sed etiam apes, minimæ mitissimæque animantes, prosternunt. Neque illæ tamen, nisi laceffitæ, lædunt; ac bellum magis arcunt quàm inferunt. Ceterum asperrima, vt lenissimorum, ira est, si irrites. Sensit Ioannes Gertrudis Daemsiæ filiolus, quem Maræ (id pago nomen) infestæ apes aculeis confossum peremerunt. Irritatus puerili temeritate sæuissè, etsi id nusquam in monumentis notatum reperio, tamen propius vero existimo. Vtcumque fuerit, destitutus virâ puer, ad duas horas iacuit, donec maternis precibus permota Siluaducensis Mater, eum à morte reuocauit. Quo Virginis clementissimæ beneficio mirè gestiens Gertrudis, quæ rediuuium repentè filium habuit, paullò pòst vñtatis eâ tempestate muneribus, vino ac tritico Siluæducis grates addidit; longè mitiorem apibus MARIAM experta.

CA.

CAPVT XXXVIII.

M. CCC.

LXXXV.

Paralytica neglecti voti dat pœnas, ac demum sanatur.

NE ingratos quidem ac perfidos, si impietatis in- v. Olib.
 dō pœniteat, aspernatur Virgo Deipara. Aleydem
 Dibboudij Weltij filiam, annos quatuor membro-
 rum vsus defecerat, paralyti corpus hebetante. Progredi
 eo tempore numquam valuit, donec voto Deiparæ
 Siluaducensi nuncupato, optatam incedendi vim e
 vestigio recepit. Tam insignis beneficij, ab animi ve-
 cordiâ, parùm memor, recenti Virginis merito ne per-
 mota quidem est, vt promissa seruaret. Itaque mox in
 Dei immortalis iram offensionemque incurrit, sensit-
 que beneficium cæleste agnitum, durare, neglectum,
 in pœnam vertere. Quippe reuersus illicò morbus,
 præsentem terrorem incutiens, eam spretæ religionis
 admonuit. Tum parentes reuerentiâ supremæ Reginæ
 metuque tacti, vnâ cum Aleyde à necessitate consi-
 lium petunt, & secundo filiæ voto adiungunt suum. Is
 resipiscentium dolor, ac pietas clementissimæ Dei Pa-
 rentis miserationem, velut ad tempus depositam, re-
 uocauit. Aleydi sanitas restaurata est: Deiparæ vota
 persoluta: Eldenam, vnde aduenerant, reditum: nihil
 optimâ Virgine clementius esse, compertum.

OTHO-

OTHONIS ZYLII E SOC. IESV
 HISTORIÆ
 MIRACVLORVM
 B. MARIÆ
 SILVADVCENSIS
 LIBER QVARTVS.

CAPVT PRIMVM.

Complura miracula compendio narrata.



VAE post hæc auspicio Virginis contigere miracula, si quæque suis temporibus ac locis reddidero, fortè & narrationis prolixitate, & argumenti similitudine, legentibus tædio sim. Itaque complura simul, sicut in idem ferè tempus confluunt, in conspectum dari, haud paullò aptius videri potest. Sic neque in Virginem, neque in posteros iniuriosus habebor, qui illius nimirum beneficia clarissima horum saltem memoriæ annumerauero. Antiquissimis sanè litteris testatum vidimus, sex in diuersis locis pueros aquâ merfos, ac penitus

M. CCC.

LXXXV.

M. CCC.

LXXXVI.

nitus omni virâ destitutos, votis Deiparæ Siluaducen-
 si pro eorum salute nuncupatis, repente è mortuorum
 numero exemptos, ac vitæ redditos esse: neque dona à
 parentibus vota defuisse. Locos ubi hæc euenierint,
 memoriæ prodere, nihil attinet. Sed & hominum no-
 mina, locis suis obscuriora, consultò prætereo. Ad
 hæc tribus locis, totidemque miraculis, captiui ope
 Virginis è custodiis educti: mulier duodecim, puel-
 la tribus annis, ita membrorum obsequio priuatæ, vt
 ne vestigium quidem promouerent, libero incessu vsæ
 sunt; cælesti Reginâ cò efficacius opitulante, quò
 simpliciùs tum placabatur.

M. CEC.
 LXXXVI.

C A P V T I I.

*Pauci, & inermes nante, piratas vincunt; Puella
 è mortis faucibus eripitur.*

NOuum & inauditum victoriæ genus, sine armis, VIII. Iun.
 sine telo, longè viribus ac numero superiores
 vincere. Verùm cò plus splendoris obtinent diuinæ
 Tutricis beneficia, quò minus iis, quos protegendos
 duxit, præsidij humani adfuerit. Iam medio mari,
 quibus vel fuga difficilis futura fuerit, felicem pugnæ
 exitum præstat. Traiiciebant è Belgio in Britanniam,
 cum sociis octo Guilielmus Ludouicus Dordracenus,
 atque Henricus Cammakerus Leydanus. Vt velis in
 altum datis processère, in piraticum myoparonem
 incidunt, piratis XL. omnique apparatu bellico in-

Qq

stru-

M. CCC.
LXXXVI.

structissimum. Piratæ simul ac Batavis propiores facti sunt, ingenti sublato clamore, internecionem denuntiant, nō voluntate confestim se tradere, quā vim experiri malint. Illi metu exangues deditiōnem haud abnuunt, modò vita & libertas sine fraude addicatur. Sed triste responsum redditum est, non esse pactionibus locum, nisi quas victoris gladius victis imponeret. Eā re etiam magis consternati Bataui, quod vnum supererat, Siluaducensem Patronam unanimi precatione inclamant, votum suscipiunt, dona spondent; nihil dubitantes, pro quibus MARIA dimicaret, victores fore. Quibus supplicationibus ac votis mota Deipara, pro eorum causā se stare mox prodidit. Nauarchus enim propitiatæ iam Diuæ haudquāquam diffusus, magno animo suos hortatur, ut certā cælestis præsidij spe se muniant, ac prælium sine trepidatione capestant. Ceterū, cū vnicus dumtaxat in naui gladius esset, filicibus, qui non deessent, strenuè hostem incesserent. Factum uti monuerat; ac, demptā formidine, tantus è vestigio ardor, tantæque fiducia cunctis iniecta, ut lubentes ac celsi in piratas se concitarint. Sic vel inermibus tutela MARIAE armatura est. Itaque victoriam partam, non prælium instare crederes. Nec tulere impetum prædones: ac ter consertā cominus manu repulsi, queis nullum in fugā dedecus, terga vertere. Victores adeò manifestam Deiparæ opem experti, ac repetitum inde cursum emensi, feliciter portum tenuerunt. Guilie-

mus

mus atque Henricus profecti Siluamducis simul victoriâ gaudentes, simul gratulabundi, votorum se religionibus liberarunt. Eodem quoque die, Siluæducis illustre miraculum (quod Marchianis acciderat) à Gerardo Engelberto narratum est. Filiolam eius Clementiam, fortè humi prostratam, currus obtrierat, per puellæ corpus delatus. Illa pro mortuâ diu habitata erat; cum voto, à parente Virgini Siluaducensi oblato, exurgit illicò, ne vestigium quidem læsionis præ se ferens. Gerardus miraculo æquè attonitus ac lætus, Clementiam tanto beneficio sibi redditam, velut nouam à benignissimâ Matrè oblatam sobolem accepit.

CAPVT III.

Cæco videndi sensus redit.

VT præstantissimus homini sensus oculorum est, xxv. Iun.
sic eius privatio tristitiæ plurimum, restitutio gaudij non minus exhibet. Vtrumque expertus est Siluaducensis civis, Guilielmus Brunus: qui cum tres ferè menses morbo conflictatus fuisset, demum ad quinque hebdomadas extinctâ cernendi vi, cæcitatem pertulit. Sic animo quàm corpore haud minùs æger, nocte quadam præsentia Dei Matris mirè recreatus est. Ea quippe ciuem suum hortari visa est, vti voto triticum ac vinum, ponderi quod indicabatur respondens, promittat: de suâ ope nihil ambigat; postero die solem visurum. Ille tam præclaram recu-

Qq 2

peran-

M. CCC.
LXXXVI.

perandæ sanitatis occasione arripuit libens, & mox Dei Parentem etiam expectatione suâ faciliorem atque æquiores sensit. Vbi enim diluxit, solis iubar in fenestram immissum conspexit, ac deinceps illas oculorum acie cuncta discernere valuit. Atque ille pro nobilissimâ corporis receptâ parte, cuius pretium carendo magis quàm fruendo didicerat, cum viginti, partim amicis, partim liberis, in ædiculâ Deiparæ miraculi modum ac magnitudinem, agendis gratiis, muneribusque dandis, celebrauit.

CAPVT IV.

Quidam ab equo raptus grauissimeque afflictus, vltimo periculo subducitur.

Certissima periclitantium tutela MARIA, pari felicitate Ioannem Petrum Weertæ seruauit. Cùm is fortè equum foras ageret, incautus funem, quo religatus equus duceretur, medio corpori suo circumductum altrinxerat. Id pesti fuit. Equus enim, velut furor concitus, nequidquam retentantem trahere primum cœpit, deinde solo allisum raptare. Ad medium milliare, per equa, per iniqua iactatus, cùm iumentum tandem fatigarum quieuisset, duas ibi horas exanimis, accurrenti multitudini vel spectaculo vel miserationi fuit. Inde domum deportatus, sex omnino dies, cùm dolore interim nullum ferè membrum vacaret, velut mente lapsus, ac nullis reliquis sensibus,

sermo-

sermone abstinuit. Inter hæc amici suppliciter inuo-^{M. CCC.}
cant Siluaducensem Virginem, eiꝛue Ioannis nomine ^{LXXXVI.}
faciunt votum; euentu minimè pœnitendo. Mox enim
recepto vocis vsu, sermonem Ioannes cum aliis con-
ferre institit, miraculo tam euidenti stupentibus. Nec
iam dolor vltrà infestabat artus, coëuntibus etiam
spontè vulneribus. Ac breuî expeditus omni malo
Siluamducis contulit se, & cuncta pro ipso vota præ-
stitit: quòd vitam retineret, Deiparæ; quòd in gratiam
Deiparæ venisset, amicis adscribens. .

CAPVT V.

Gangrena, abscessus & phrenitis miseri hominis tolluntur. ^{M. CCC.}

PRona semper in munificentiam Deipara, quasi ^{LXXXVII.}
in proximo adstaret, sic vltrò ad laborantes aduo-^{XIV. Ian.}
lat. Et ne inuocata quidem ad Ioannem Stecnium illa
benefaciendi velocitas properat. Insulis, Flandrorum
emporio celebri, in valetudinario degens, ligneum
aculeolum improuidè impegit in digitum. Neglecta,
vt fit, parux rei curatio, ingenti malo initium dedit.
Quippe gangræna sensim illapsa per alteram manus
partem se effudit, cadauerosâ nigræ emorientem.
Adhæc, ne solus esset hic morbus, durior lateris locus
in tumorem attolli cœptus est, circum quem carnea
quoque tunica vetustate obduruit. Cumque vehem-
entior ac lancinans incumberet dolor, scalpello ab-
cessum incidere placuit, & substantiam alienam crue-

M. CCC.
LXXVII.

re. Immissum altè ferrum pænè ad intestina, quæ iam se in conspectum adstantibus dabant, accessit. Ioannes interim acerrimi doloris impatiens, furore, non solum delirio, vrgeri, sibi aliisque periculum creare, violenter multa designare. Ergo cum mentis suæ non esset, concludendus ferroque vinciendus fuit. Cum totos septem menses ita coercitus teneretur, tandem refractis vi summâ vinculis, foras profiliit, rectaque ad aquas contendit, in eas præcipitem se missurus. Quò ut peruenit, aspicere visus MARIAM Virginem adstantem sibi, ipse momento discussis, velut diuinâ manu, turbulentis animi motibus, ad pristinum mentis statum rediit. Hic semet, ac periculi, à quo tam propè abfuerat, magnitudinem agnoscens, ad orandum Siluaducensem Virginem se dat: Respiciat propitia multiplices dolores suos. Quid enim superesse, si ipsa defuerit? Acceptæ fuerunt lacrymosæ supplicis preces Deiparæ Virgini: quæ subito tot eius morbis iniecit manum, & finem imposuit. Vires, vigor, ac ratio simul cum sanitate rediêre. Quæ curatio eò iucundior Stenio accidit, quò maturius liberauit. Nec defuit illi grata mens ad exsoluenda promissâ. Breuî enim Bruxellâ Siluamducis abiit, beneuolentiam Virginis mirè efferens, quæ ipsum nec opinantem, imò sui impotem, salutari præsentia anteuerterat.

CA.

CAPVT VI.

M. CCC.
LXXXVII.*Duo mirabiliter vinculis exsoluti.*

IAm similitudo miseriae, series temporis, & par ^{Sabbato} Deiparae fauor, captiuos duos coniungunt, solo fere ^{post Pen-} carceris loco disiunctos. Balduinus Petrus Slusanus Loonae in custodiam datus erat, manuum pedumque digitis vno ferreo vinculo connexis. Semel dumtaxat in die frustum panis, atque vnicus frigidae haustus, ceteris victus vitaeque commodis sublati, praebebatur. Hoc modo quotidianis ærumnis inediaque confectus, ad meliorem tamen sortem erexit animum, propitiandae Siluaducensi Deiparae iam deditum. Quam ubi supplex implorauit, salutari planè somno consopitus fuit, ac postquam cuigilauit, solutas vtrò compedes reperit. Supererat tamen discrimen haud modicum, quòd duplex tabulatum (in secundâ enim contignatione asseruabatur) perrumpendum esset. Sed omnia experiri necessitas docuit; praesertim pietate acuate audaciam. Ille enim vtendum animo, dum spe caleret, optimum ratus, exemptis gnauiter tabulis ac tignis, foramen aperuit, ac se in plateam demisit. Neque id conspicatae tres feminae fugam eius prodiderunt. Ipse per medias pagi vias ante solis occasum digressus, morante nemine, mox Siluamducis peruenit, haud segnior in soluendo voto futurus, quàm fuerat in emittendo. Neque longiùs dilata est Henrici

M. CCC.
LXXXVII.
*Festo die
ven. Sa-
crum.*

rici Veechij liberatio, qui septem hebdomadam captiuitate Moenmentæ detinebatur. His fordibus squallidus, ac fupertæsus, non prius cum Dei Parente pugnare precibus destitit, quàm venisset in magnam euadendi spem. Vouet igitur, se adscitis comitibus x v. (si saluus inde exierit) aditurum Siluaducense Deiparæ signum, ac ceream compedem consecraturum. Talibus curis intento somnus obrepfit. Et huic se Dei Mater visendam obtulit, in meridianum tempus clauem, quâ se inde explicaret, suppeditaturam addicens. Euentus promisso fecit fidem. Ipso meridie iacentem humi bacillum arripit, compedum fibulas discludit, seque eximit. Inde è custodiâ in arcem progressum, vbi præfecti carceris vxor cum domesticis aspexit, cuncti elingues similesque attonitis hæere. Henricus, ne minùs gratam MARIAE professionem suam mora faceret, eam simul cum votis continuò absoluit.

CAPVT VII.

Infans aciculam faucibus infixam egerit.

*Octaua
ven. Sa-
crum.*

BAtauoduri (quod Vltraiectinæ ditionis peranti-
quum est oppidum) res dictu leuis, miraculi oc-
casio fuit. Theodoro Valerio atque Helenæ coniugi-
bus infans erat, Ioannes nomine; qui in matris sinu
iacens, ex eius manicâ detractam aciculam in os &
fauces immisit. Hærente ibi doloris causâ (vt ex mo-
mentis

mentis paruarum plerumque rerum vita hominum ^{M. CCC.} pendet) violentus cruciatus incescit puerum, mis- ^{LXXXVII.} randis indicis tormenti magnitudinem satis prodentem. Duos dies, vnamque noctem acerba vexatio tenuit, & nec volsellâ prehendi, nec hamo retrò recipi infixus altè aculeus potuit. Neque Ioannis modò, sed etiam parentum ægritudo eminebat, nihil remedij, quo infans alleuaretur, inuenientium. Tantùm mœsti Siluaducense auxilium respicere, & lacrymis precationes miscere; fiduciam denique desperatione potio- rem habere. Constituunt igitur solâ veste lancâ instructi, nudisq; pedibus incedentes, infantem Siluamducis deferre; vinumq; ibi ac triticum, non modico pondere, dedicare. Ardentem pro filij salute parentum precationem lætus Virginis fauor excepit. Ipso illo momento acicula ex faucium, quas insiderat, angustis per os pueri effusa est, tamquam Deiparæ nutum secuta. Parentum pietas Siluaducensibus deinde, narratione miraculi gaudentibus, ac Deiparæ inprimis gratum spectaculum præbuit.

CAPVT VIII.

Triginta nautæ piratas trecentos superant.

EAdem tempestate Wolfgangus Iacobus, MARIA ^{Circiter} propugnante, inclytum facinus ausus est. Ab Verâ ^{XXII. Iun.} Zelandiæ oppido profectus, iam per apertum tendebat mare. Nautæ triginta eius naui vehebantur. Post-

R r quam

M. CCC. LXXXVII. quam longiùs processêre, infestus pirata occurrens, tres in eos parones instruxit. Itaque non de mercibus, sed pro salute Zelandis dimicandum fuit. Concursum acriter initio est, & Superis pro meliore stantibus causâ, latronum impetus egregiâ virtute repulsus est. Rarò aliàs exigua manus tantis animis cum hoste longè potentiore confligit. Quippe licet trecenti omnino piratæ adessent, deni profectò in singulos pugnaturi; Zelandi tamen, prælio strenuè in totum diem noctemque producto, infracti perdurant. Verùm ne hostium multitudo tandem lassaret suos, Wolfgangus in medio pugnae ardore Siluaducensis Diuæ memor, suppetias ab eâ implorat, suam suorumque salutem in eius collocans victrice manu. Eæ preces quâ omen, quâ initium victoriæ insignis fuêre. Quippe cælestis militiæ Regina, pro vitâ periclitantium, se furori telisque piratarum obieciisse visa est; & concitati nouâ alacritate Zelandi mox vnam hostium nauim indepti, in potestatem redigunt. Paullò pòst in latus alterius, quæ inhibere se retrò non valebat, tantâ vi inuecti sunt, vt eam depresserint. Eo successu elati, ne tertiam quidem ab se dirimi passi sunt. Nam, confertâ ex propinquo pugna, impigrè in eam transgressi, piratas omnes aut ferro cædunt, aut exterritos, præcipientesque deturbant in mare. Ita ex ancipiti spe metuque, tutelâ Deiparae, magno sibi parto decore, ad secundos ventos referunt vela, & in altum euecti cursum peragunt. Wolfgangus victrice inde naue in portum Veranum reue-

reue-

reuectus, victoriam auspice Virgine partam, gratula ^{M. CCC.}
bundus Siluæducis in publicas tabulas ab ædilibus ^{LXXXVII.}
referri voluit.

CAPVT IX.

Graue pariter ac longum mulieris tuber discussum.

E Videns quoque Virginis numen prolapsæ sanitati ^{xxi. Inly.}
mulieris adfuit. Ida mulieri, Guilielmus Hugo
marito nomen fuit. Montibus, vti credo, S. Gertrudis
(nam id non exprimitur) Idam humor quidam vitio-
sus præter naturam cummulatus, ipsos xiv. annos exer-
cuit. Prominebat subter costas nothas collectus in
globum tumor, Brabantici, vt tum erant, panis ma-
gnitudine. Minuebat corporis vires perpetua pænè
vigilia, tubere, in quemcumque situm se fessa com-
poneret, adfluente, ac soporem vetante. A Medicis
quoque frustra petierat opem, pertinaciâ morbi su-
peratis. Itaque inueterato iam vitio liquefcens vniuer-
sum corpus hebdomadas quatuordecim lecto tene-
batur, tantâ virium defectione, vt ne transferri qui-
dem Ida posset, nisi linteis excepta & inuoluta. Tum
somnia illi, non vtiq̃ue temerè, quod euentus do-
cuit, oblatum est; quo ad adeundam cum quatuor
comitibus in veste laneâ, sine calceamento, Siluadu-
censem ægrorum Præfidem, & vinum ac triticum,
certi ponderis, largiendum, admonebatur. Hæc si ritè
fecisset, haud dubiè diuturnâ inualetudine leuandam
esse. Ida, cum libens immissis diuinis monito pa-

R r 2

ruif-

M. CCC. LXXXVII. ruiſſet, eiufdem quoque præſentem fructum retulit. Namque & tumor continuò euauit, & priſtina ſanitas longo interuallo rediit : quâ benè promptèquè uſa mulier, Siluæducis voti liberata eſt.

CAPVT X.

Mulier inſons tormenta ſuperat, ſupplicioquæ imminenti ſubducitur.

HIs fermè temporibus, circiter Chriſti annum M. CCC. LXXXVII. aut populorum pietatem, aut miracula ſcribentium diligentiam, ſenſim refrixiſſe autumo. Nam MARIANÆ beneficentiæ fontem, nuſquam niſi contemptim præteritum, exariſſe, ſatis conſtat. Interim vel ex ipſâ miraculorum, præ innumeris pænè ſuperioribus, paucitate, quædam dumtaxat indicabo magis, quàm exponam ; non quòd ceteris obſcuriora, aut minùs certa, ſed ſimiliora videantur. Captiuos ergo duos, præterea puerum crure, virum ſagittæ inſanabili vulnere, puellam genibus aduſque pectus contractis, laborantes, hoc anno, inſequente verò mulierem mente pròſus emotam, virum vinculis nexum, à Deiparâ præclare adiutos prætereo. Quæ autem deinceps xx. per annos à Virgine miracula patrata ſunt, ferè è memoriâ exceſſère, nullis utique litteris conſignata. Ceterum octauus poſt milleſimum quadringentefimum Chriſti annus memorabili miraculo inſignitur. Mechliniæ pridie feſtæ D.Mar-

M. cccc.
VIII.

D. Martino lucis patrata cædes, ignotus cædis auctor M. cccc.
VIII.
 erat. Vbi fama se facinoris diffudit, Maria Moutimolenia (in eam enim suspicio valuit) à lictoribus arripitur, & in vincula ducitur. Innocentia uti plerumque parum tuta, ita tunc etiam infelix fuit. Mox quaestiones haberi, & tormenta admoueri cœpta sunt. Sublatæ in altum feminæ tria maximi ponderis saxa alligantur, quæ distenderent artus. Postquam quinque horas ita pependerat (horribile auditu) prioribus saxis, quæ etiam robusti viri tolerantiam frangere poterant, quartum addere placuit; ad confessionem adhuc tacenti exprimendam. Verùm nec hoc quidem cruciatu adigi mulier potuit ad promenda, quæ non admiserat; innoxia constantiâ cum tormentis crescente. Sed nimirum cultrici atque cognomini suæ, aut indolentiam, aut animos doloribus maiores sufficiebat Deipara. Instabat nihilo seciùs iudex, & nouo cruciamenti genere verum extorquere satagebat. Igitur in scamnum exporrectæ tantâ vi os discludunt, ut, dentibus duobus ciectis, viam ruperint immittendis in ventrem aquis. Mirum dictu; irritum quoque illud inceptum fuit, humore nullo trans gulam eunte. Patronam quippe Siluaducensem afflicta mulier, quotiescunque supplicia tortores intenderent, toties quâ gemitu, quâ voce implorabat. Tum proprætor, Henricus Eyckius, indignabundus, incassum ab eâ preces missi asserit, quæ viua numquam Siluamducis, numquam sedem prodigiis inelytam visura sit. Hoc

Rr 3 illa

M. cccc. illa terrore nihil de constantiâ decedens, ac velut tor-
VIII. quentibus securior, *Quin*, inquit, & ego ibi Deipara-
ram venerabor, & in vestram potestatem, qui cædem
fecit, venturus est. Ac vera cecinit. Postridie homi-
cida in carcerem compulsus, ne expectatâ quidem
quæstione, semet reum professus, infontem feminam
liberauit. Atque ille quidem supplicio publico im-
pium facinus luit, Deum cædis ultorem adesse testa-
tus; hæc autem tormentis ope Virginis exempta, eius-
dem sacellum adiit, ac tam religiose grates *MARIAE*
egit, quàm id facturam certò prædixerat.

CAPVT XI.

Pater cum filio ex incendio euadit.

M. cccc. **N**Ec obscura aut dubia fama est, duos in Zelan-
XIII. diâ, haud procul Ermuico, è mediis flammis
seruatos esse. Patrifamilias locupleti vnicus erat filius,
viduitatis solatium. Quo ne diu frueretur, pænè effe-
ctum est repentino incendio, quod tres ipsius conti-
guas domos, medio ferè inter Pascha & Pentecosten
tempore, comprehendit. Luctuosa rerum facies; hinc
pater, inde filius, propè nullâ euadendi spe cum flam-
mis luctantes. Et pater quidem in tanto pauore sibi
non defuit. Quippe antequam ad viuum, iam vestes
lambens flamma, perueniret, nihil moratus, Siluadu-
censem Liberatricem submisè inclamat, seque vnâ
periculo eximit. Vix à suis malis respirabat, cum, versâ
mox

mox curâ ad charissimam sui partem, respectare filium cœpit. Iamque circumfusam de eo turbam^{M. cccc. XLII.} sciscitans, iam nomen illius magnâ mœstaque voce ingeminans, augebat dolores suos; & cùm puer nec appareret, nec vocem redderet, pro deplorato tandem habitus est. Interim gliscebat ignium vis, & trepidi parentis terrorem redintegrabat; non iam præteritum periculum suum, sed præsentem filij fortunam deplorantis. Inops ergo consilij auxilijque humani, denuò occupat cæleste præsidium, ac prouoluit in genua, sacrosancto se voto obligat, cuius hanc summam accepimus; non solum pedibus, sed etiam corpore (quoad sineret pudor) nudato, se filiumque ituros Siluamducis; eo in itinere, præter panem & aquam, nihil degustaturos; ex argento, auro, vino, tritico donum daturus, pondere notabili. His dictis, illicò puer ex ignibus illæsus planeque incolumis prodiit, & in lætissimum parentis complexum receptus est. Dubitare spectatores poterant, uter plus amaret hunc filium, an MARIA, an pater: hic siquidem ex incendio ereptum voluit; illa eripuit. Ceterum expletis gratulationibus, pater filium cum duobus famulis, traiectis Zelandiæ æstuariis, Siluamducis vsque comitatus est, ad vota ritè dissoluenda.

CAPVT XII.

*Naufragus vitam seruat.*M. cccc.
xliii.

ATque illis quidem ignis abstinuit, arcente Dei-
parâ; nunc, vt aquarum violentia eiusdem vir-
tuti cesserit, referendum. Neoportuensis quidam ci-
uis è Flandriâ (nomen non editur) cum vxore in Ve-
netam ditionem concesserat, actabernâ ibi meritoriâ
per xvii. annos aperiendâ, satis lautum (vt ex istius-
modi stipe) quæstum fecerat. Otio igitur, & partis
opibus inter propinquos (tanta est patriæ dulcedo)
fruituri, Flandriam cogitant, & longinquo itineri
necessaria parant. Coëmpta primùm oneraria, tum
conducti nautæ; domestici, & quæ rerum transferri
commodè poterant, in nauem composiæ. Destinato
profectioni die conscendunt, & prospero primùm
cursu in altum vectos infelix deinde nauigatio exce-
pit. Nam ventus, initio prosper, haud procul eos lit-
tore amouerat, mox diram tempestatem daturus, cum
procellâ mistus imber vndique nauem incessit. Tum
verò horribili fragore cælum strepere, mare accensum
vi turbinum exasperari: nautæ nequidquam contrâ
eniti: ad alienam opem quisque inops tendere. Iam-
quæ quassata nauis latera patebant fluctibus, quando
vltimum malorum sensêre, carinam ingenti hiatu di-
ductam. Itaque pro desperatâ res erat, nautis etiam
à tanto metu in scapham elapsis. Atque hos quidem
æquè

æquè pertinax ac durus labor demùm littori reddi-^{M. cccc.}
 dit. Ceterorum longè tristior fuit fors, in naui iam^{XLIII.}
 iamque subsidente fluctuantium. Erant omnino
 nouem, qui alternis extantes, merisque, & crebro
 armamentorum incussu lacerati, tandem omnes,
 præter cauponem, aquarum vi obruti extinguuntur.
 Vnus ille, in tantâ vndarum ac ventorum luctâ, Silua-
 ducensem Virginem memoriâ retinens, precibus ad
 eam fundendis se tueri non desinit. Precibus votum
 subiungit, cereæ naui ad Siluaducensem eius aram
 statuendæ. Atque illicò manifesta voti virtus fuit.
 Fluctuanti satis magna tabula, haudquaquam temerè,
 se obtulit, quâ sustentatus, cùm ante oculos vxorem
 coràm pereuntem cernere non sustineret, ad cælum
 versus, Ne siueris, inquit, clementissima miserorum
 consolatrix, vt hisce oculis coniugis omnisque fami-
 liæ tam acerbam mortem aspiciam. Auerte hæc lumi-
 na à funesto spectaculo; ne morientes videam, quos
 vel sic viuos vidisse horrori est. si annueris, argenteos
 duos oculos ex voto debiturus sum tibi. Has item pre-
 ces mox audiit Virgo propitia, & ne quem suorum
 in posterum paterfamilias in conspectu suo intereun-
 tem spectaret, effecit. Neque ipsum interea adhuc ta-
 bulæ innatantem deseruit. Quoties enim ille attol-
 lentibus se vehementer vndis, ac rursus ad imum præ-
 cipitatis profundo hauriebatur, toties præsentem sibi
 Diuam agnouit; nunc tabulam dextrâ dirigentem,
 nunc magno velut nisu eius conatibus ferentem auxi-

M. cccc.

XLIII.

lium. Species Virginis illi perfimilis, quam Siluæducis olim conspexerat, visebatur. Postquam cā iactatione, haud semel opertus salo, spumantiq̃ue æstu in diuersa actus fuisset, conspicati hominem piscatores, directā eò scaphā, excipiunt, atque in littus exponunt. Ibi pro mortuo habitum derelinquunt, cursu denuò ad legendas naufragij reliquias, vbi dissoluta sedebat nauis, intento. Conquisitis quæ supernatauerant, in littus reuecti, semianimem in oppidum proximum, indicio Magistratibus factò, deferri curant. Ille diu nec vbi requiesceret, nec à quibus eò delatus esset, agnouit. Nam torpentibus gelu nervis, vix lassos artus mouere poterat. Tandem omni ope ad excutiendum rigorem adhibitā, & factò maximè igne reuocatus vitalis calor, paullatim illi spiritum ac motum indidit. Inde sumpto spatio, quod ad curandum corpus necessarium erat, vbi se itinerum laboribus parem sensit, alacer corpore animoque in Belgium processit. Siluæducis autem (nam hic viæ terminus fuit) non solum ipsemet calamitates suas, ac Deiparæ in se beneficia exposuit; verum etiam totam rei gestæ seriem ab Episcopo vr̃bis, quæ exanimem resouerat, litteris consignatam ostendit; quibus Episcopus ille narrationis veritatem ac fidem suā quoque affirmatione corroborabat. Inde gratiæ Virgini impensè habitæ sunt. In tantā tamen aduersus Deiparam fiduciā angustus naufragi animus, angusta pietas censeri potuit; qui suam modò vnus, domesticorum verò, ac præsertim

tim coniugis vitam à benignissimâ Adiutrice non postulat. MARIA enim non locupletior bonorum copiis, quàm propensior ad largitiones, plerumque etiam summa petentibus summa tribuit. Sed illum perturbationis magnitudo, & circumstantium malorum atrocitas non siverunt consilium in tot curas dividere, propriorum periculorû depulsiōi vix parem.

M. cccc.
XLIII.

CAPVT XIII.

Colonus ex prædonum manibus post multa pericula elabitur.

MArítimo naufragi periculo haud absimile alterius terrestris discrimen fuit, in quod infestorum hominum sæuitiâ, non multùm clementiore procellis infani maris, impulsus fuit. Kessela, Brabantiae pagus Mosæ amni adiacet, haud procul exiguis insulis, quas Vahalîs & Mosâ interfecant, in arctum coeuntes, angustumque inter se relinquentes terræ spatium. Huc silentio noctis (quæ festum B. Mariæ Magdalænæ diem antecedebat) progressi hostes (Geldros fuisse multa faciunt fidem) in Rutgeri Couwij domum irrumpunt: ipsum in lecto obruncant: confanguineo mortiferam plagam imponunt: Thomam, eiusdem fratrem, abripiunt. Nec repelli vis potuit, cum faciliè XIV. armati paucioribus incautis ac percussis instarent. Mox transmissa Mosâ, Thomam quâ funibus, quâ ferreâ sibilâ, utrumque pollicem stringente vinciunt, ac per tenebras ad Vahalim flumen

M. cccc.
XLV.
XXIII. Inl.

M. cccc.
xlv.

infra Rossemium (is quoque pagus est) pertrahunt. Inde præparatâ antè cymbâ in aduersam ripam euecti, vinctum equo imponunt, pedibus subter iumenti ventrem religatis. Ipsi quoque conscensis, quos ibi reliquerant, equis, per deuia ac transuersos calles, ad obscurandam viarum memoriam, captiuum multis verberibus præ se agentes, ad vltiorem regionem iter intendunt. Aliquot millia emensi, circiter vltimam noctis vigiliam in salictum deueniunt. Hic sumpto ad quietem spatio, datus quoque sermoni locus, ac de redemptione tractatum. Illi tria florenorum millia minitendo exigere; captiuus rem ad amicos reiicere, ex quorum vtique arbitrio penderet. Cùm interea lucefceret, repetito itinere in modicum pagum, propter quem propinqua arx erat, peruentum, ac rursus de ingenti pecuniâ pendendâ disceptatum est. Inter hæc cum tergiuersante in horreum succedunt, eius tabulationem subire, abluere atque alligare vulnera, in lecto cubare & acquiescere, custode addito, iubent. Ceteris quod xlv. ferè milliarium restaret iter, ad corpora somno curanda versis, qui vinctum obseruabat etiam sopori succubuit. Thomas illorum somnum suam fore occasionem ratus, suppliciter à Siluaducensi Virgine opem petit, ac mox, velut eam accepisset, nouâ spe calens, strenuè alterum pollicem ferro expedit, integrum atque illæsum. Tum utcunque liberâ manu vincula pedibus demit, ac suspenso gradu descendit in vacuam domum; inde in
aream

aream progressio fit obuius aliquis, quem ab hostibus Domini vocabulo honoratum audierat. Ab illo (mirum) ne agnitus quidem in plateam se trepidus eiecit, nulloque iam insequente, quam citatissimâ potest fugâ, in dumerum proximum condit sese. Vix eâ latebrâ se texerat, cum vehementer eum exterruit præceps equitum cursus, per totam circâ regionem citatis equis volitantium. Denuò igitur MARIAM periculorum comitem obsecrat, ne se in tantis angustiis consilij impotem perire sinat. Iis precibus non promptius quam tutius consilium adfuit, inuertendæ nimirum penulæ, cuius intima albi coloris, extrinsecus panno in rubrum vergente tegebantur. Solutis itaque nodis illâ quâ poterat manu (nam etiam tum alteram æquæ ac brachia religatam habebat) penula in humeros reiecta cum vinculis vtrò decidit. Atque ille verso mox amiculo, cum nemo circâ appareret, iterum fugæ se dedit. Sed iam satis magnum spatium crenso (& propè aberat flumen fugam prohibens) haud leuior pristino terror ingruit. Accurrunt de priore hostium numero equites tres explorabundi, si qua fortuna profugum redderet. Quos ut agnouit, ad flumen versus, expedito ibi reperto lintre, raptim traiecit, adhuc persequentibus ignotus. Post aliquantum progressus, actis Deiparæ gratiis, rursus in duos incidit ipsum venantes. Verum mutatâ, ut erat, veste minimè agnitus, in auenam adultam abiectus latuit. Qui metus ubi transiit, patentem latè campum Tho-

M. CCCC.
XLV.

mas ingreditur, oculosque circumferens, & notitiam loci nactus (Nouiomagum enim propè aberat) ad stationem, à fluminis traiectu olim sibi cognitam, rectà contendit. Nec istud iter terrore, licet vano, caruit, equitem, sed non infestum, haud longè ostentans. Exinde propior, toties paufacto, admota spes. Descendebant secundo amne viri quatuor nauiculâ ripam legentes: in quâ ripâ quintus obambulabat pedes. Horum vnus fortè in sex armatos paullò antè inciderat, fugientis vestigia secutos, actam opimam prædam (è quâ sibi tria facile millia florenorum desponderant) è manibus modò elapsam indignantes. Id cùm sociis enarraret, Felicem, inquit, virum, si, fortunantibus Superis, nostrâ operâ è prædonum manibus, summoque discrimine possit eripi. Hæc loquentibus Thomas interuenit, consternatione attonitus: quem intuiti & rati, id quod erat, ipsum adesse, qui toties hostium insidias elusisset, vbi aliò trepidum abire senserunt, benignè reuocatum appellant. Ille vnde præsidium affulgebat, inde noxam veritus, ac plus de effugio, quàm de responso sollicitus, et si blandè rogaretur, an captus vinculusque fuerit, an fugâ salutem adeptus, non vocem, non salutem reddidit. Eò magis hominem miserati aduenæ, communi consensu in nauiculam inuitant. Verùm fugitiuus se captari existimans, ac fauorem nec opinatum, aut insidias, aut ludibrium interpretatus, Ne rursus, inquit, vinciar, quantamcumque postulatis pecuniam addico. Tum illi

illi maiorem amicitiam professi, dant fidem, cum in columem Siluamducis perductum iri, sua etiam capita pro ipsius salute deuouentes. Ita hæsitans comiter in cymbam pertrahitur, etiam atque etiam admonitus, occupandam esse fugam, quod hostis intra secundum teli iactum toties quæsito immineret. Ecce autem aliud ex alio discrimen. In ipso Vahalis transitu, cum, ut eius amnis periti, fatis latebroso loco traicerent, adeo fœda tempestas cymbam corripuit, ut precedentium casuum terrorem penè superârit. Inter horrendos cæli fragores crebri micare ignes, & cadentia circum fulmina perniciem minari. Iamq; internitente luce, iam condita, permisti turbinibus imbres in ora nauigantium ferri: capti auribus & oculis, pauore omnes exanimari. Inter hæc in littus enisi exsiliunt, cymbam in terram attrahunt, in eaque reliquo diei spatio, dum aduersperasceret, vnum Couwium, ne conspici posset, procumbentem relinquunt. Primis tenebris, fatigatum tanto labore, in cauponam transfuchunt, ubi & cibum per otium capere, & somno operam dare licuit. Orto sole Nouiomagum abitum est, inde Megam peruentum. Huc postquam amicos Thomas acciuit, ac fautoribus, quos in tali temporis articulo prouidentia diuina submiserat, gratias egit, cum suis protinus Siluamducis iter arripuit, votisque persolutis, funes & ferream fibulam quibus vinctus fuerat, ibi ecutestes reliquit; quò frequentius periculum adierat, hoc præsentius Deiparæ auxilium prædicans.

M. cccc.
XLV.

CA-

M. CCCC.

L.

CAPVT XIV.

Quidam asperâ custodiâ exemptus.

PAUCIS post annis (nam M. CCCC. L. post Christum natum agebatur) etsi rarefcentibus iam tum miraculis , peruagata tamen remotiores regiones beneficiorum caelestium fama , ex Holsatiâ hominem ad exposcendum Virginis praesidium , eiusque aediculum visendum , exciuit. Mathias Wolfius erat , ab Senatu Hamburgensi campanis aeneisque tormentis fundendis praefectus , artis nondum satis tum vulgatae gnarus in paucis . In Rauensbergenfi regione Limburgiam arcem , duobus ab Mindâ vrbe millibus , tenebat Arnoldus Hoerdenus , nobilitate armisque potens vir . Ab hoc paullò ante natales Christi Ferias Mathias exceptus est , atque in custodiam datus , iniectis tam crudeliter vinculis , ut summum laui pollicis articulum demerent. Adhæccippo , viris facile quinque & viginti coërcendis idoneo , impositus. Semel dumtaxat in die pane & aquâ reficiebatur , ad exprimendam eâ sauitiâ maiorem , quàm pro eius fortunâ , pecuniæ vim : hostibus non tam censum eius , quo tenuerat , quàm artem , eâ maximè tempestate quaestuosam , immodicâ aestimatione pensantibus . Ergo & preces eius , & summam pecuniæ , quantam promitti æquum esset , auersati , atrocibus responsis satis consilium suum praeferebant. Wolfius desperatâ hominum

mise.

misericordiâ, cælestium clementiam, haud paullo fa-^{m. cccc.}
 ciliorem, tentare statuit. Circumfert itaque vota ac^{L.}
 preces; & quicumque succurrebat inclytus prodigiis
 locus, eius præsidem ac tutelarem supplex implorat.
 Sed dilatae spei lætum exitum, Siluaducensis Adiutri-
 cis gloriæ, prouidum æternæ mentis Numen serua-
 bat. Etenim Mathias, satis memor auditæ olim de
 matre suâ Siluaducensium miraculorum celebritatis,
 non vanum sibi inde præsidium spondere cœpit.
 Octauus fortè dies aderat ante D. Ioannis Baptistæ
 natalem (tanta in duro carcere mora fuit) cùm albe-
 scente primùm cælo MARIAM, prænuntiam veri so-
 lis auroram, lacrymabundus respexit. Sed & votum
 concipit, seruatu quidem arduum, sed præsentī fortu-
 næ congruum, quotannis, dum vita sineret, Siluam-
 ducis religiosè excurrendi. Nec incassum votum ce-
 cidit. Illicò feræ tres, quibus & cippus ille immanis, &
 vectis eundem comprimens, & pedicæ claudaban-
 tur, vltro apertæ sunt; Mathiâ lætitiis attonito, ac
 Deiparæ grates reddente. Sed hæc lætitia ingressu cu-
 stodis, summo manè, vt fit, claustra lustraturi, in me-
 tum vertit. Quocircâ Mathias veritus, ne visis paten-
 tibus feris custodiam inspector intenderet, saltem pe-
 dicas denuò obserat, cetera stramentis, queis incubue-
 rat, contegit. Actum erat, nisi præsens Virginis tu-
 tela, vigilantiam præfecti retudisset. Ille enim solito
 remissior, ne inspectis quidem feris, velut ad alia pro-
 perans, egreditur; rogasse dumtaxat, vt haberent

T t

Wolffj

M. cccc. L. Wolfij tibiæ, & maioris pendendæ pecuniæ mentionem obieciſſe contentus. Tum propior metu ſpes eſſe cœpit. Eo enim digreſſo, captius ſatis gnarus intra horas XII. non rediturum, ad MARIAM paullò antè propitiâ iterat preces. Ac ne dubia foret vis cæleſtis ſubſidij, repentè ſera, quam clauſerat, concrepuit atque aperta eſt. Tum ſicco oſſe bubulo, quod humi iacebat, in cippum, quâ ille cõiret, inſerto, eum tantisper alleuat, dum pedes ſubducit. Id verò laboris velut de integro initium fuit. Sed nihil obſiſtit fauori Deiparæ. Iam enim ſolutus, amiculo, veſtibus, ipſoque adeò induſio (nimirum pro libertate) corpus exiit, eaque diſſecta in funem producit, quo ex murorum pinnis religato, pedicaque collo circumdatâ, in foſſam haud altam ſe demittit. Eâ facilè ſuperatâ, omni amictu nudatus, vti erat, fugâ occupat proximum nemus. Tres ibi dies, totidemque noctes ſine cibo potuque traductæ. Quarto die, cùm & torqueret famēs, & ſitis magis ſerè deſperatione quàm deſiderio bibendi vreret, aquam pluuiam humi ſtagnantem offendens, eo humore hauſto vtcumque repreſſit ſitim. In hac omnis humanæ opis ſolitudine deſtitutus Wolfius, quidquid miſeriarum ingruere poteſt, expertus eſt; penuriam, frigus, ærumnas, nuditatem. Quinta demum lux haud paullò lætior, ædificium aliquod oſtendit. Huc progreſſus, ac viam Siluaduſenſem inquirens, durum nigri panis fruſtum accipit, viamque edoctus eſt. Sed mandere panem con-

nanti

nanti maxillæ, defuetudine edendi peruerfæ, haud-^{M. cccc.}
quaquam obfequebantur. Tandem ad cultiora deue-^{L.}
niens, aurigas reperit, qui præterita incommoda ac Di-
uz beneficia recensentem, ciboque & potione refe-
ctum, Cliuos deuehunt. Exin Siluamducis perrectum:
vbi interpositâ iurifiurandi fide tot suos labores, à Dei-
parâ, dulci solatorum vice pensatos, exposuit; & pe-
dicam miraculi indicem, quo die Elisabetham visi-
tantis MARIAE solemne agitabatur, ex eiusdem altari
suspendit.

CAPVT XV.

Dona varij generis oblata Deiparæ.

NVnc annorum ferè LXX. silentium, incutiam
eorum condemnat, quibus aut miracula scri-
bendi cura, aut conscripta custodiendi credita fuit.
Tot certè labentibus annis non stetisse cursum mira-
culorum, frequentia interim dona, Deiparæ dedica-
ta, indicio sunt. Quamquam minore longè studio,
qui illustria quædam munera Virgini consecrarunt,
quàm qui eiusdem beneficiis aucti sunt, in Epheme-
rides (vnde hæc miracula deprompsimus) relatos
comperio. Quòd si par saltem esset donorum ac mi-
raculorum memoria, equidem donantium honori
hanc seu temporum seu scriptorum iniuriam liben-
ter detraherem. Nunc pauca de muneribus, quæ no-
titia nostræ verustas subducere non potuit, æstima-
tioni posterorum elabi non sinam. Circiter annum à

Tt 2

partu

M. cccc.
lxxxii.

partu suo M. cccc. lxxxii. complurium donariorum Deipara heres facta est. Nummorum erat ingens numerus, cum annulis pretij haud vulgaris. Zona affabrè ex argento expressa eminebat inter cingula, è bysso versicolore contexta, atque argenteis bullis illusa. Adhæc pateras sacrauerant multo auro argentoque distinctas. Seruatij quoque Siluaducensis Medici mors ac pietas facelli splendorem adauxit. Is quippe ex asse Deiparam heredem instituit, satis utique gnarus, ingratam non fore. Accessit holoserica vestis à Florentio Heermannò, ornandæ Virgini, testamento legata. Item alterum amiculum pretiosum à muliere dedicatum. His corallina anademata, intercurrentibus globulis aureis nitentia; his gemmæ, variâ magnitudine ac decore, adiectæ sunt. Visuntur præterea tunicæ & materiâ & opere maximè insignes. Vnam è rubrâ bysso argentæ lamellæ inter se corruentes percurrunt, velut errantibus temerè stellis nitentem. Inter has exsurgit eximiæ magnitudinis arbor, cleuatas opere Phrygio frondes per planitiem latè porrigens. Truncum & ramorum clauiculos, pretiosâ luxurie diffusos, splendidus ambit cortex, perpetuâ densaque margaritarum serie turgens. Rarò aliàs vnum in opus tot simul margaritas opulencia contulit. Imum tunicæ limbum pensiles ex argento inaurato bractæ circumcunt, quernis foliis haud absimiles. Infantis quoque IESV effigiem sua tunica adornat, à materno amiculo solâ magnitudine dissidens. Altera Deiparæ tu-

nica

nica Principis feminæ donum est, ex textili aureo, insignia Austriaca Mediolanensibus iuncta ostentans. Ceteras vestes magis vulgus quàm periti mirantur. Crescentibus interim donis, etiam statuæ habitus innouatus est, auroque & pigmentis nitidioribus adornatus. Neque is donorum finis fuit. Argentæ precantium corollæ, & plures crumenæ, auro gemisque lucentes, reliquorum monilium opulentiam cumulauere. Periscelides, torques, numismata, textilia egregij operis vela tanto numero allata sunt, ut diuendere satius fuerit quàm seruare. Ad reliquum ornatum custodiendum matura è Beghinarum cœtu Virgo deligitur. Ceterùm ne splendidior esset quàm religiosior ædiculæ cultus, iam olim à Ioanne Binnincko, eiusque coniuge, Deiparæ Virgini eximiè deditis, curatum est. Ab his perpetuum stipendium constitutum, Sacerdoti bis quot hebdomadis statò die ad Virginis honorem ac laudem ibi Sacrum facturo. Quamquam autem hæc Silvaducensium largitas ad tempus non vnum pertineat; credidi tamen iucundius fore, quæ huc spectarent, simul in conspectum dari omnia: nobis certè commodius fuit. Verùm ad exponenda porro miracula reuertamur.

CAPVT XVI.

Claudus ingrediendi vim recuperat.

M. D. XIX.

GRatissima semper miseris læticia est; præsertim cum ad cælestium benevolentiam referri potest. Eò sanè cupidiùs arripitur, quò ab humanâ spe longiùs aberat. Ita Iudocus Euerardus oblatum cælitus gaudium pluris fecit, quia & naturâ sublimius, & opinione citius adesse visum est. Quippe momento, pedum usu donatus est, largiente Deiparâ. Testantur id suis chirographis Sacerdotes tres, Henricus Marenfis Vdenæ Curio, Andreas Personius Erpæ Vicarius, atque Andreas Broeckhouius, miraculi, quod prodimus, satis gnari. Iudocus Euerardus annos xx. natus, circiter biennium pedum obsequio caruerat, adminiculis ligneis ægrè moliens gressum. Ne ad annuam quidem Communionem sacram secundò accesserat, nisi curru prouectus. Cum humanæ opis pridem nihil affulgeret, Curionis & complurium Sacerdotum hortatu, pridie natalis B. MARIÆ, eam se Siluæducis veneraturum promittit, fiduciæ plenus. Et profuerunt auditæ à Deiparâ preces. Cum enim improuisam lateris compressionem atque impulsum sensisset, è vestigio rectus constitit, & sine scipione incescit, qui biennio claudus fuerat. Miraculum Vdenæ (pars est Rauensteyniæ ditionis) ac Siluæducis ab Iudoco vulgatum, ac tam à Canonicorum collegio, quam

quàm ab Senatu sedulò examinatum, fidem inuenit. M.D.XIX.
 Ædiles solemnī Sacro procurato, MARIAE laudes per-
 soluerunt; campanarum quoque omnium festo plau-
 su eidem Virgini additus honos.

CAPVT XVII.

Vitiosus adolescens pes emendatur.

Longioris etiam mali æquè facilis curatio fuit, præ-XII. Nov.
 stante Deiparâ; quæ nullius vīquam necessitati
 rogata defuit. Guilielmo Deylio annorum XIII. ado-
 lescenti, inde à primâ ætate pes fuit scdè peruersus.
 Vitium (vt innata pleraque) insanabile, etiam tem-
 pus confirmauerat. Amici nihilo seciùs Siluaducen-
 sem Diuam, cuius beneficia nullis temporum spatiis
 merienda sint, inuocandam censuerunt, freti non va-
 nâ spe optati euentus. Admonent itaque tum filiū,
 tum matrem Elisabetham, vt B. MARIAE misericor-
 diam ad memoriam redigentes, ei faciant votum.
 Quod consilium non conuenientius Guilielmi ne-
 cessitati, quàm exitu felicius fuit. Etenim monitis
 adolescens paruī: confestim distortus pes, ossibus in
 debitas sedes redactis, concinnum habitum recepit, &
 mox non ad insistendum tantummodò, sed etiam ad
 incedendum decorè idoneus fuit, Deiparâ tam prom-
 ptam curationē adferente. Hunc pietatis fructum cum
 filio mater tulit, ac dedicato Siluæducis distorti pedis
 sigillo cerco, Someram adiacentē Tilę pagum repetiit.

CA.

CAPVT XVIII.

*Defuncta mulier vitæ restituitur.*M. D. XX.
VI. Iul.

SVb hæc renouatum est Deiparæ in ipsam mortem imperium. Worcomio atque Ryswicâ Siluainducis aduenêre mulieres duæ, Adriana Arnoldi Damij, atque Ziburga Ioannis Hugonis vxor. Illa correpta peste de vitâ exierat, caloris & spiritus iamdudum expers. Nam & locus, quo efferretur, coemptus erat; & humus, quâ conderetur, effossa. Sed vnus amicitiae potentissimo vinculo retenta est, ne vltimam mortem occumberet. Ziburga magis vitæ eius quàm fortunæ amica, Adrianam admodum charam habuit, & amorem viuenti redditum in mortuam extendit. Neque tamen ad muliebria lamenta, & nil profuturos vlulatus, se vertit insanus dolor; sed inde subsidium, vnde non frustrâ speraretur, expetiit. Deiparam enim Siluaducensem, cuius potentiae nihil difficile esset, voto pro se, proque defunctâ emissio, propitiatur; & cum rediuiuâ, si daretur, peregrinationem sacram ab se susceptum iri, addicit. Virgo simul precibus, simul charitate mulieris delectata, eam voti compotem fecit. Res mira visu. Extincta mox spiritum, & vim vitalem per omne corpus pertinentem recepit. Vires paullatim accessêre. Vtraque deinceps tam iucundo amicitiae veræ fructu latissima, excalceata, & lanceo dumtaxat amictu indu-

induta, votum Siluæducis impleuit. Affirmatio nar- M. D. XX.
ratae rei, religiosissimâ ab iisdem fide sancita est.

CAPVT XIX.

A Siluaducensi ciue concepta pestis auertitur.

HAc quoque tempestate magis famâ & sermoni- Iulio.
bus, quàm litteris inclaruisse frequentia Deiparae
miracula comperio. Vt plurimum enim quæ omni-
bus nota sunt, conscribit nemo. Quasi verò cæca po-
steritas diuinare possit, quid maiores viderint. Nunc
iterum parca in scribendo vetustas Arnoldum Pe-
trum, peste vexatum, ad Deiparam confugisse tradit,
multitudine scilicet euidentiaque miraculorum, qui-
bus passim Diuæ nomen celebrabatur, adductum. Sic
beneficium vni impensum exactè ac plenè referens,
cetera transilit, ac velut per transennam exhibita, com-
pendioso indicio attigisse contenta est. Sed ea tandem
incuria etiam sterilitatem miraculorum attulit. Ar-
noldus ille, ciuis fuit Siluaducensis, scriniorum opi-
fex, Orthenis vici incola, quem morbus anceps, ple-
nusque discriminis, pænè in præcipitem interitum
impulit. Pestifera febris non modò vehementi perni-
cie membra, sed etiam veneno cor obsederat. Mox
vires omnes, præsertimque vitales, concidere, appe-
tentia deiici, inexhausta sitis vrere, interiorum vehe-
mens incendium vrgere cœpit. Neque diu incomitata
malignitas, torridum carbunculum prompsit, in in-
guina

mentem. Sed multiplicatus discrimi-
 talubris consilij occasio exstitit. Ar-
 consideratis tot prodigiis, quæ non alibi
 in vrbe suâ mortalium bono Diua ede-
 solarij lenimen captare institit, vnde tanta
 vbertas manaret. Vt ergo supplex Ma-
 obrulit preces, ac donum spondidit, repentè
 absterfa pestis omne virus amisit; Arnoldo æquè
 varibus reddito, ac si ne afflatus quidem morbo fuisset.
 Tumores cum ceteris corporis inquinamentis
 euanuere. Itaque sanus ædiculam Deiparæ adiit, ac
 monile, prout res opifici haud opulentæ erant, non
 spernendum, dono dedit; cumque vniuersâ familiâ
 lætabundâ, quàm benè de se merita esset MARIA, ad
 obuios quosque gaudio cum ipso certantes, prodidit.

CAPVT XX.

Captiuus se carceri eripit liberante Deiparâ.

212. Sept. **D**iuinorum Virginis operum non minima quo-
 que pars fuit, Ioannis Iacobi Keyserij, Rodâ pa-
 go, D. Odæ nomen ferente, oriundi, liberatio. Is vin-
 ctus pertractus fuit in castellum Tornense, supra Neo-
 magum Vahali amni adiacens. Possessorem eius tum
 arcis Ioachimum Wyum ferunt, Hernensem Dyna-
 stam, ac Neomagenfis imperij Procomitem. Huc
 cum aduersa fortuna Keyserium compulisset, iniectis
 in manus pedesque vinculis squalibat miser, de capite
 fortu-

fortunisque periculum metuens. Adeò nulla inimicos pœnarum fatietas mitigabat. Ceterùm Ioannes in eo rerum suarum discrimine vindicias à Siluaducensi Deiparâ sperare ausus, ab eâ non minus animorum sibi ad eruptionem cogitandam, quàm virium ad faciendam, sensit immitti. Nam simul ac Virginis implorauit fidem, seque omni, quoad viueret, sabbato nihil præter cereuisiam ac panem degustaturum vouit, increscens repentè fiducia in summam totius profecit spei. Iamque satis collectum animorum erat, eùm manifesto prodigio aucta est Ioannis alacritas. Soluente Virgine, bona vinculorum pars, ac præcipuè pedicæ vltro delapsæ, magno ad effringendam quoque custodiam incitamento fuère. Exigua erat fenestra, quâ lumen carcer accipiebat. Inde extracto vitro, foramen, licet in arctum coëns, ad descensionem tamen patuit, atque elabenti Keyserio transitum præbuit. Ita corpore è fenestrâ in subiectam fossam demisso, ex parte etiamnum vinculis adstrictus, & custodes frustratus, aduersam oram natando petit. Quò eluctatus, eùm duæ insuper præcipuâ altitudine fossæ residuæ superandæ essent, denuò plus spei in Deiparæ auxilio quàm metus in suâ fortunâ reposuit. Itaque nouo impetu capto in aquas desiliit, & vtramque fossam tranauit incolumis; rem ausus Deiparæ magis ope quàm virtute suâ. Grata erga tantam Virginis beneficentiam Keyserij pietas fuit. Nihil enim antiqius habuit, quàm, omiſſis aliis curis, Siluamducis

M. D. XX. contendere, & vincula, quæ nondum ruperat, proprietatæ Liberatrici repræsentare. Arreptam xv. Kal. Oct. libertatem XII. ante eandem Kal. Siluæducis MARIAE acceptam retulit. Testes cum Sacerdotibus non paucis, digni fide complures viri feminaeque adfuere.

CAPVT XXI.

Duobus calculis puer leuatur.

Septembri.

Quamquam plures in hominem morbi irruunt, quàm membra habeat; remedia tamen, quæ penes Matrem Deus esse voluit, & morborum vim potentiâ, & numerum copiâ antecedunt. Nunc puero calculorum doloribus cruciato medicinam exhibet, æquè gratuitam ac promptam. Filium habebat Henricus Guilielmus, atque Hildegondis, Nulanti pagi incolæ, circiter x. natum annos, Paulum nomine. Is pænè quinquennium ferocis mali tormento dilaceratus fuerat, etiam post adhibita medicamenta pertenui, aut nullo fructu valetudinis melioris. Et si enim aliquid in ætate spei erat, vix quidquam tamen in adiumentis Medicorum fuit. Tantum vitij suberat, vt ad extremum neque vinci neque trahi posse videretur, quò minùs interposito aliquo spatio interimeret. Temeraria quoque, mutatis subinde Medicis, curatio nihil profecerat, vnoquoque in obscurâ humili-que personâ industriam suam haud ægrè periclitante. Iam toties vltima experti parentes, cælestibus remediis
viti

vti constituunt. Primum S. Cruci Cranenburgensi, M. D. XX.
 dein prodigioso Christi Sanguini Boxtellano, denique Deiparae Elschotiae votiuam pro salute filij peregrinationem spondent. Sed inde cum spe magis (Numine opem differente) quam cum praesenti auxilio dimissi sunt. Itaque non penitus incassum fusas preces aliò verti oportuit. Ergo opportunè ab leuiro suo Ioanne Euerardo admoniti sunt, ad propinquum & commune Siluaducensis Virginis perfugium preces adhibeant; ita fore, vt à Deo Diuaque quidquid poscerent, impetrarent. Innumerabilium vtique donorum Largitricem, quæ, quod constaret, plerosque ipsorum vicinos beneficiis ingentibus beasset, ipsis quoque patentem gratiæ portam non clausuram. Id monitum æquè conueniens necessitati, atque euentu prosperum fuit. Illicò nuncupant pro filio votum, quod probauit Deipara. Paulus enim facili nisu duobus calculis benè magnis exoneratus est; quos mirabundi propinqui, Diuaque gratulantes, aspexere. Henricus cum vxore filioque Siluæducis rem affirmarunt, complurium testium auctoritate compertam.

CAPVT XXII.

Mulier è gravi ac diuturnâ latione conualescit.

ETiam fera pietas Virgini placuit in muliere Silua- M. D. XXI.
 ducensi, haud acerbius quam diutius afflictatâ. VI. Maij.
 Gertrudi Boertgeniæ nomen fuit. Illa præcipiti lapsu

è scalâ corruens, præter crus luxatum, duas insuper
 costas & brachium confregerat. Ex eo hæsit mem-
 bris omnibus, præsertim lumbis, continuus dolor, ac
 vires tam imbecillæ, vt vestem neque induere sibi, ne-
 que detrahere Gertrudis valeret. Liberorum ministe-
 rio in lectum inferebatur; inde sine eâdem ope non
 discedebat: vbi incessu opus erat, adminiculo ligneo
 fulciebat artus, ob ingentem molestiam detrectantes
 consueta obsequia. Cùm duos & amplius annos ea
 noxa perstitisset, Siluæducis (nam ciuis erat) ad
 D. Ioannis ædem fulcro nixa se contulit, interfutura
 in sacello Virginis Diuinæ rei. Vt limen attigit, cre-
 uêre vires, &, quod iam pridem ne tentare quidem li-
 cuerat, genua posuit humi. Hinc spe non dubiâ obti-
 nendæ à Deiparâ opis imbuta, sub Sacri initium pre-
 cationes intendere, ardentiusque supplicare Virgini
 cœpit. At tum quidẽ, procedente re Diuinâ, defe-
 ctionem virium subitam passa, semianimis iacuit, vix
 spiritum ducens, sui que & sacrificij, quod perageba-
 tur, ignara. Verùm confectis propè Sacris, laxato de-
 mum spiritu, quem perturbatio arctauerat, non menti
 solum, sed etiam sanitati absolutæ reddita est. Itaque
 continuò alacritate nouâ exortâ, in grates Deiparæ
 soluendas se effudit; ei que fulcrum ligneum dicauit,
 à quâ, ne tali subsidio egeret in posterum, consecuta
 erat. Inde domum reuertens, quibus in viâ ducibus
 uti soleret, nunc comites sequi iubet, totum pedibus
 iter emiciens. Domi liberorum plausu, faustisque pro-

propinquorum acclamationibus omnia plena fuere. M.D.XXI.
 Cuius iucundissimum miraculum accidit, quod
 non auribus, ut pleraque, sed oculis, optimis testibus,
 acceperunt.

CAPVT XXIII.

Infans aquis haustus ad vitam redit.

MAternum Deiparæ animum nemo citius quam
 mater exoret: quæ si misera etiam fuerit, haud
 paullo efficaciores preces adferet. Hoc MARIAE in-
 genium Theodori, triennis pueri, infelix casus in pago
 Dichdâ patefecit. Cum æqualibus in prata lusum
 abiit, procul à suorum conspectu, securus impenden-
 tis mali. Blandæ puerorum pellices aquæ, imminen-
 tem ipsis Theodorum fefellerunt. Fouca erat x. pedes
 alta, è cuius crepidine delapsus puer, à sui similibus
 nihil opis accepit, puerorum ritu, insolitum casum
 magis ploratu quam auxilio ciendo prodentibus. Ita-
 que mox haustus aquis videri desiit. Tam longè ab-
 erant villæ, ut antè hora præteriret, quam parentes,
 accepto sodalium complorantium indicio, ad extin-
 ctum filium aduolarent. Quò ut serò ventum est, non
 conspecto puero, diu flentes vocem non misere, stu-
 pentibus similes. Inde necessitati præsentis cessit do-
 lor, & quærendo cadaueri data est opera. Quod ubi
 repertum est, mater defuncto assidens filio, mananti-
 bus adhuc lacrymis, Siluaducensem Diuam piè ob-
 secrat, ne salutarem tot calamitosæ dexteram sibi
 clau-

M.D. XXI. claudat. Recogitet, quare sit Mater, non illius modò, quem genuit, sed miserorum omnium, quos ipse eius Filius fraterno affectu magis, quàm vocabulo, dignatus est. Iamque plenior spei, ne donum quidem omisſuram vouet, è vino, tritico, argento, auroque tantum pondus, quantum rediuiuo filio reddita vita præſcriberet. Vix ea emiſſa vox erat, cùm, admirantibus cunctis, reuixit puer, iam magis Deiparæ quàm parentibus vitam debens. Ioannes Henricus, Theodori pater, haud ita multò poſt paruulum filium Siluæducis cum donis Deiparæ obtulit, & ipſe velut in ſobole rediuius.

CAPVT XXIV.

Miles tormenti maioris globo iectus, nihil leditur.

M.DC. III.
Oſtobri.

ERga militem quoque, ſed pium, MARIA mater-
nos animos gerit: neque militiam auerſatur, feliciùs precibus quàm armis pugnantem. Cùm Mauritiuſ Naſſauius, anno poſt CHRISTVM natum ſexcentreſimo tertio ſupra milleſimum, ſecundâ obſidione Siluamducis premeret, gregario militi certiffimum inter pericula diuinæ opis auctoramentum, pietas in Virginem fuit. Italus erat, ex eâ legione, quæ Lælium Brancaccium tribunum ſequabatur. Is miles circiter vi. Id. Oſtob. primâ luce, Deiparam propitiaturus, in ſacellum cuius ſe confert; ſtaturam ſecum Virginem ratus, cuius ſibi tutelam precandi ſtudio conciliaret.

Sup-

Supplicatione ritè peractâ , cùm salutem suam MARIAE cordi fore, non ambigeret, intrepidus ad Vuchtanam portam vadit, pietate quàm loricâ aut hastâ tutior. Adeunda erat suburbana statio, crebris hostium missilibus infesta. Ibi portâ egressus in aggerem procedit, transuersis fossiarum mœandris intersectum. Tum profectò Deipara clientem suum, in extremo discrimine versantem, protexit. Ferreus quippe globus tormento excussus militem, ictui fortè patentem, impetiit. Nec dubia certissimæ mortis causâ aderat. Nam ferrum in summam pectoris sedem, quâ ad collum pertinet, incitatum, trium & viginti librarum pondo excedebat. Sed globus, ab hoste nequaquam in miraculi gloriam missus, in colli dumtaxat armaturâ, relicto irriti impetus vestigio, in terram defluxit. Corpus viri, ne leuiter quidem saucium, solam ab impulsu incussam consternationem paululùm sensit; formidine maiore quàm damno. Mox additus animo vigor, etiam pectus percurrit; & reprehensum ante pedes globum sustulit miles, atque intra mœnia ad Deiparæ sacellum portauit; instrumentum mortis in trophæum versurus. Ceterùm vbi ædiculam ingressus est, supplex ante MARIAE simulacrum procubuit, felicissimum tanti miraculi euentum, vitæque suæ conseruationem eius tutelæ ascribens. Inde sacelli Curatori, multisque ad inauditi nuntij rumorem accurrentibus, rem adeò prodigiosam, vti gesta erat, exposuit, ac denuò nudatis genibus in terram prouolutus,

M.DC.III. multis cum lacrymis precabundus mediam circiter horam traduxit. Verum gliscente miraculi famâ, cum quâ gratulantium quâ sciscitantium frequentiâ ob-rueretur, declinato turbæ concursu, templo excessit; stipendia Regis, Reginaeque cælestis, longè utique meliora ac certiora, in posterum cogitans. Nec de narrationis veritate ambigendi relictus est locus, non modò tanti ponderis globum, sed etiam globi impulsus, cui ferrea lamina, summos humeros protegens, intro- sum repressa cesserat, coram spectantibus. Etsi verò ad digniorem militiæ gradum, deinde à Centurione vltro inuitaretur, missionem tamen honori prætulit: indignum ratus, militarem dignationem sectari, quem cæleste beneficium satis ornaret. Exauctora- tus igitur, belli fastidio in quietem se abdidit, procul armorum strepitu salubrioris militiæ disciplinam cul- turus. Res omnium sermone celebrata, quot specta- tores, tot testes habuit. Nos ipsi globum è facelli pa- riète pendentem, cum ferreo illo colli tegmine, im- pressum globi vestigium etiamnum retinente, haud semel admirantes conspeximus.

CAPVT XXV.

Silvaducis in hostium potestatem venit.

HAc tantâ miraculorum luce non magis quàm incolarum erga Deiparam amore præstans ciui- tas, longè pluribus etiam beneficiis, in cælestis auxiliij indi-

indigos manantibus, MARIAE praesidis liberalitatem agnouit. Quorum tamen beneficiorum non exiguus numerus (vix supra quoque monuimus) à nobis consultò praetermissus est: ne frequens vel morbi vel cladis minimè disparis mentio fastidium pareret. Iis itaque praeteritis, tandem quod & stilus memoriae, & memoria posteris tradere refugit, exequendum est. Nono & vigesimo septimidecimi post CHRISTVM natum saeculi anno, illa religionis arx, illud antiquum caelestis Reginae hospitium, illud publicum calamitosorum perfugium, ille Batauorum terror, pari Reip. luctu ac damno, in hostium dirionem concessit. Kalend. Maijs obsideri coepta est. Atque initio quidem obsidio magis quam oppugnatio fuit. Munimenta indefesso opere, magnaue celeritate ab hoste circumdata; praesertim ea, quae arcendis auxiliis obstruebantur. Pauca, quae in urbem contra oppidanorum eruptiones versa erant, deinceps perfecta. Serò adueniēre suppetiae. Irruptionem in Batauorum castra non tentandam, pluribus copiarum ducibus visum. Itaque Regius exercitus & virorum robore, & animorum ardore praestans, aliò abductus est: nimirum hostem ab obsidione ad curam tuendi sui conuersurus. Ad Siluamducis interim acerrimus feruebat Mars. Hostis continuato maximè fodiendi labore obsessos in arcum cogere; tormentis propugnacula, domos, corpora sternere; non vno loco in urbem aditum moliri. Obsessi contra pristinae virtutis memores, crebris

& secundis ferè dimicationibus Batauos carpere ; machinas hostiumque labores corrumpere ; egregiis facinoribus digniorem exitum mereri. Neutris aut cessatio aut quies fuit : non sudori, non sanguini, non sumptui paritum. Cumque obsidentes nihil inexpectum omitterent, id omne fermè propugnantium seu audaciâ seu industriâ pessumdabatur. Et quamquam hostis sæpè in munimenta per cuniculos aperta ingenti ardore signa inferret, sustinere tamen Siluaducensium impetum numquam potuit. Semper, qui discrimen tentauerant, repulsi sunt ; rarum obsessis decus relinquentes, quod ne fundi quidem palmum, nisi quem Regij vltro defererent, occupassent. Ergo & senserunt virtutis enixæ vim, & Siluaducensium animos, vt Romanis veteribus pares, verâ quidem, sed infelici tamen laude, non fraudarunt. Itaque Batauus ligone, Regius miles gladio promptior habitus. Sed nimirum paulatim imminui oppidanorum numerum necesse erat ; quos domi continuus vigiliarum, operis, pugnæ & vulnerum labor, quæ eodem semper vrgebant, foris noui oppugnatores, idem tamen fessis succedentes, atterebant. Subinde igitur propinquiore muris hostes, terram cuniculis, aquam molis, tecta incendiariis ollis, (quâ peste nihil atrocius) pugnacissimum quemque perpetuis missilibus infestantes, visi sunt Siluamducis non antè expugnare potuisse, quàm elementa omnia, atque adeò naturam vniuersam debellassent. Interim Henricus

Ber-

Berghius Comes, superato feliciter Iselâ anne, in Velauiam regionem transiit, atque incredibilem terrorem hostibus intulit: haud dubiè totam belli molem cò-tracturus; nisi Vefalia, patefactò ruinâ muro, hostem ad maiorem, quàm pro præsentè fortunâ suâ; conatum inuitallet. Itaque nihil cunctatus Barauus, primâ luce, quâ via dabatur, per prona mœnium irrumpit, & modicâ cæde editâ urbem occupat. Ea clades omnia repentè mutauit; exercitumque Catholicum dolore atque irâ, Siluamducis consternatione, luctu patriam, hostes fiduciâ gaudioque impleuit. Adeò vniuersa tam ancipitis belli fors à neglectâ collapsi munimenti tutelâ pependit. Siluæducis intereà etsi animi in spe vltimâ obstinati ad decertandum erant; longam tamen spei moram obsessorum fortuna non tulit. Iam pluribus simul locis vi summâ hostis muro appropinquabat; neque arceri vltrà poterat, tum propugnantium paucitate, tum copiâ sulphurei pulueris consumptâ. Senescebat etiam expectatio externæ opis. Ergo vt omnia sibi indies arctiora vidit esse; omnibus bellis victrix ciuitas, ad rumpendam dedicationis moram compellitur. Et quamquam Antonius Baro Grobendoncquius Præfectus ad vim aliquantò diutiùs cum extremo periculo repellendam obstinauerat animum; Clero tamen Senatuque contendentibus, nefas esse, tot ciuium sanguinem hostili sæuitiæ per inutilem dilationem obicere, tandem ciuitas per pactiones hosti tradita est. Cruenta obsidio quatuor

350. 9TH. ZYLII HISTORIAE MIRACVLORVM
mensium ac propè dimidij fuit, non obsidentibus,
quàm obsessis gloriosior. Vel ipsam fortitudinem vin-
ci potuisse, Siluaducis victa docuit; eximiam in
Deum ac Reges fidem etiam vltimâ calamitate satis
indicans.

CAPVT XXVI.

*Siluaducensium luctus ob Sacrorum & Religionis
mutationem.*

NVnc ad ingentem mœstissimæ ciuitatis luctum
vertenda mens est. Postquam enim à ciuibus
cognitum est, ipsos vltà defendi non posse; attonitis
similes, & quid potissimùm timerent incerti, multi-
plici doloris expectatione percellebantur. Ab Rege;
cui tot fidei suæ documenta dederant, ab reliquarum
vrbium Catholicarum velut sororum nexu, se auelli
cernebant. Aliis legibus moribusque in posterum vi-
uendum esse. Ad hoc, vnicam in illâ fortunâ opem;
consuetum numquam desertæ Religionis vsum aufer-
ri. Non aras, non templa, non Cælitum imagines, non
statas solemnesque cærimonias, non Christianos ri-
tus pietati suæ relictum iri. Ecclesiæ, Matris vtique
amantissimæ dulcissimæque, conspectu non ampliùs
fruituros. Diuini verbi pabulo, cælestiumque myste-
riorum solatio carendum. Cœnobitarum Monasteria
sacrilegis cultoribus, an corruptoribus? dedenda. Re-
ligiosarum Virginum intemerata ad eam diem pene-
tralia disparet oculos subitura. Iam Episcopo, totque
Sacer-

Sacerdotibus ac Cœnobitis, quorum & sermonibus virtutum notitiam, & exemplis vsum didicissent, solum vertendum esse. Solitudinem deinde suam in morbis, in aduersitatibus, in ærumnis, in ultimo vitæ exitu, qui etiam cum duce vix tutus est, mentibus augurabantur. Et, cum diu, nunc in pristinae felicitatis memoriâ, nunc in metu tot instantium malorum hæssissent, tandem miseratio versa est in liberos ac nepotes paruulos, ob id ipsum miserabiliores, quod nondum sentire possent factorum iacturam, maximâ ex parte ad ipsos redundantem. Quem enim Christianis mysteriis initiaturum illam ætatem, quæ seu bonam seu prauam sortem acceperit, cum ingenti scœnore sit redditura? Quem cælestis doctrinæ ac pietatis semina animis, æquæ antidoti ac veneni capacibus, præbiturum? Veteranos Catholicos, quos ætas, quos longa disciplina firmasset, quam fidem sanguine defendissent, non spe, non metu abiecturos: verum tironibus eos annos ingressis, qui commenta fallentium degustent, & nondum eos qui respuant, omnia timenda imminere. Nihil citius, quam hosce vixdum pullulantes pueritiæ flores leui errorum afflatu in herbâ elidi posse. Matres igitur pœnitebat fecunditatis suæ: patribus filij graues erant in tot pericula crescentes. Præuisos tot luctus auxit deinde euentus omni expectatione funestior; postquam hostes intra mœnia conspecti sunt. Tum verò ciuitas plenè didicit infelix esse. Cum enim nudarentur cultu altaria; cum & effigies,

gies & Reliquiæ Diuorum, & consecrata templis vasa, & sacra omnia publica, ceteraq; pietatis incitamenta, procul ab hostili contumeliâ auferrentur; cùm occluderentur pietatis ac litterarũ scholæ; cùm Sacerdotes, virtutumque ac veritatis Magistri, parentibus vitaque cariores, iam in exilium abeuntes, corruenti ad genua multitudini, lacrymis, quod verbis nō possent, postremum benè precarentur; cùm tribunalia, pœnitentium lacrymis non ampliùs riganda, sedibus suis euellerentur; cùm è sacello suo dulcissimæ MARIAE Virginis statua, illud omnium cladium, præterquam præsensis, remedium, cui vltimas spes suas deuouerant, abesset; cùm CHRISTI ad mortales se demittentis tabernacula, immenso thesauro vacua, paterent: non iam vltra conceptum animis dolorem fortissimi ciues perferre poterant, neque flentium oculis vltrà lacrymæ sufficiebant. Facies rerum etiam hostibus tristes. Quippe cùm nihil superesset solatij in dubiâ victoris clementiâ, non in gemitus modò, sed etiam in eiulatus totâ vrbe effusi, ac sensim deinde obtorpescences, in mœores tamen quos tot causæ multiplicarent, perpetuò reuoluebantur. Vnicum restabat, sed miserum solatium, tam fortiter cecidisse ciuitatem, quæ tam diu fortissimè steterat. Ceterùm vix aliàs ad tot simul clades Catholicũ Belgium trepidauit, præterquam ereptâ Regiis classe, captâ etiam Vefaliâ, desertâ Velauiâ, Siluaducis expugnâtâ, exercitu Regio penuriâ, itinerum molestiis, morbis, atque aduersâ, sicut ferè fit, fortunâ dissipato.

C A.

CAPVT XXVII.

*Silvaducentium calamitas ad diuinam prouidentiam
relata expenditur.*

EXinde, vbi per vniuersum Belgium se in querelas pronus effudit dolor; vt in publicis malis omnes sapiunt, ita tantæ cladis seu caussas seu remedia pro suo quisque captu promebant; non vtilia pro tristibus, sed ferè acerba pro necessariis adferentes. Cumque non satis perspectas haberent æternæ prouidentiae leges, vtiliores ferè quàm notiores mortalibus; ne considerabant quidem, iustissimis, licet ignotis de caussis, ciuitatem eiusque incolas, incorruptæ doctrinæ ac pietatis tenacissimos, potestati hostium à Deo Deique Parente permitti potuisse. Quis autem diuinorum secretorum caussas euoluet; quarum vt occultæ sunt viæ, ita inuestigatio cæca est? Nónne sui iuris Numen est? an ad leges humanas componitur? Nónne, vt-cumque res euenerint, summa iusticia est voluntas Dei? An Deo, eiusque Matri tueri quosuis necesse est, non iudicio suo, sed lege suffragioque cæcorum mortalium? non hoc est Numen seruum pro domino facere, ac Deiparam pedissequam pro Reginâ? At Silvaducentibus, inquit hæretici, in Præsidi suâ præsidij nihil fuisse visum est. Quid? ideóne cælestis Regina suos defendere non potuit, quia vim atque iniuriam non arcuit? Profecto si hoc est opitulari non posse,

Y y non

non vident illi, quâ impudentiâ Virgini potentiam detrahunt, eadem se vel ipsi Deo, si insanire pergant, dominationem quoque suam, quantum quidem in ipsis est, erepturos. An ergo Deus etiam se suosque tueri non potuit, quia Ierosolymam, illam Religionis magistram, illam maiestatis suæ sedem, etiam Seruatoris nostri vestigiis sacratam, oraculis eruditam, celebratam miraculis, toties obsideri, capi, vastari, ac demum pessumdari sustinuit? quia augustissimum templum orbis terrarum deleri incendiis, superstitionibus inquinari, ruinis euastari? quia Arcam, vnicum Reip. suæ decus ac pignus, tot prodigiis nobile, ab hostibus excipi, & barbarorum conspectu profanari permisit? Nónne sanctissimus Caluariæ mons, vbi salutis trophæum CHRISTVS erexit, barbarorum pedibus subditur, & ne gratis quidem venerationem admittit? Nónne Constantinopolis, ciuitas Virginis appellata, sub Turcarum gemit iugo? Nónne plurima impia bella, atque aduersus Deum magis quàm homines gesta, etiam in victorias desierunt? Quis hæc ad Numinis impotentiam retulit? An verò idcirco inermis est Deus, quòd arma det hosti, quibus populum suum ad bonam mentem atque ad animorum demissionem impellat? Ideóne infirmus, quia domum suam mauult hostilibus flammis ardere, quàm domesticis vitiis? & inimicorú sacrilegiis pollui, quàm filiorum? Iam, quando in CHRISTO ipso sapientia ludibriis, omnipotentia vinculis, innocentia criminibus,

nibus, mendaciis veritas; Maiestas suprema tot indignitatibus obruta fuit, an tum CHRISTVS potentiam suam exciderat? an Iudæ, Herodi, intersectoribus suis impar erat? an tum CHRISTO cælestes legiones, cælestibus legionibus fulmina decrant? Deipara verò, cur viribus suis fraudetur, quas non diuinis quidem similes, sed proximas obtinet? Illane Siluamducis seruare non potuit, quæ in Hispaniâ Cæsaraugustam, quæ Lauretum in Italiâ; atque vt notiora proferam, quæ in Belgio Tornacum, Atrebatum, Hallam, addictas sibi vrbes, quondam tutata est? Potuit profecto, potuit Deipara fortunæ in suos ciues sæuientis acerbitatem mitigare: ceterum quò robustior esset eorum extra delicias virtus, quò clarior virtutis nulli malo cedentis gloria, quò stabiliior post tot damna felicitas, idcirco hostes moribus suis vti passa est. Non satis tutum est diuturnæ felicitatis commercium. Hinc mauult suos Diua saluos quàm lätos esse. Fiunt miseri, ne fiant mali. Neque idcirco eos MARIA deserit, quòd affligantur: sed affligi finit, ne deserat. Itaque non vires ad compescendum hostem, sed causa Virgini defuit. Quis autem Deum ac Deiparam iactabit efficere non potuisse, quidquid non faciunt? Summum imperium est, non omnia facere, sed omnia posse. Siluaducis deinde Regi suo erepta est, non Deo: cum, præter mœnia ac tecta, hostis ibi nihil ceperit. Locum victor inuasit, non conscientiam ciuium. Muri sunt violati, non mores. Religionis abla-

1134.

1470.

2340.

1491.

1489.

& 1580.

tus vsus, non sensus; deque obfessorum armis, non de animis triumphatum est. Hinc vel maximè Numini cordi sunt, dum perferunt bono suo siue hominum arma, siue flagella Dei: quæ non tam sunt grania tolerantibus, quàm tolerare nolentibus. Neque verò arx Religionis euerfa est, vbi propemodum tot arces fidei sunt, quot pectora ciuium; tot aræ, quot corda; tot veritatis præcones, quot linguæ: vbi templis exulant ciues, non cælis. At domo suâ pulsa Virgo est. Falleris. Non Virginis domus Siluaducis, sed Siluaducenses sunt. qui quamdiu erunt, hospitium sibi gratum Diua inueniet. Quid? quòd ne ablata quidem sunt MARIAE siue beneficia, siue miracula, sed quodammodò mutata: olim ferè corporibus consulente Deiparâ, nunc animos magis tutante. Quod miraculorum genus, vt salubrius calamitosis, ita cælestibus longè iucundius est. Numquid affine miraculo est, calcitam fidem non stare modò, sed crescere, & pietatem incitare, quidquid infestat? Atque adhuc quidem in Ecclesiæ castris stipendia accepère Siluaducenses, nunc suo sumptu militant; & quæ illis fructui fuit religio, nunc impensæ est. Hoc spectatâ fortissimorum ciuium virtute, hoc glorioso Siluaducensium nomine dignum est. Sic patientiæ victricis exemplo mutuam quoque constantiam confirmant; & præliantis Ecclesiæ trophæa suâ calamitate multiplicant. Preces ergo, & supplicationes, ceteraque diuinæ iræ placamina, quibus non magis singuli quàm vniuersi Belgæ Siluam-

uamducis ex imminente ruinâ eripere nisi sunt, tantum abest ut irrita fuerint, ut fructus etiam tulerint, precantium votis non alienos. Nihil enim humile, nihil medium exposcebant, qui Deum Siluæducis propitiabant. Non flagitabatur illa prosperitas, quæ insolentiores facit quàm sanctiores. Non affluentia caducarum rerum in votis erat, quas si magnificeret Deus, in hostes suos haudquaquam effunderet. Longè alia intuebantur, quibus Siluaducenses potius quàm Siluaducensium fortunæ cordi erant. Nam perseverantiam in fide, Cælitum pacem, sanctimoniam vitæ ac morum, incrementa virtutum bonorumque cælestium, æternas opes, ceteraque diuini magis fauoris quàm humanæ industriæ pignora, pro Siluaducensibus postulabant à Deo. Ad cetera, quæ cæca spargit fors, non expandebant sinum; scientes, huius vitæ commoda non esse stipendia amicorum Dei. Quòd si veris illis bonis abundaret Siluaducis (quorum insignia tot inter clades non modò retinet, sed ostentat) non dubitabant, quin & præteritæ fortunæ memoriam, & præsentis iugum fortiter pati posset. Itaque aliorum magis abierunt verba quàm mentes precantium; satis gnaræ, non quidquid est contra voluntatem infelicium, id omne contra eorundem utilitatem esse. Virginis porro gloriæ nihil officit etiam inulta hæreticorum procacia, quidquid ex magistro suo didicerunt, vociferantium. Hi enim potius malæ quàm nullius rei auctores, dum vesanam maledi-

cendi rabiem exercent, quo in Filium sint animo satis indicant, cuius Matrem conuiitiis incessunt. Verùm, vt canes timidi acriùs latrant quàm mordent: ac nebularum instar, vbi se aliquantisper offudère soli, mox ex alto in paludes suas recidunt, lutoque merguntur: tantum abest vt solem inficiant. Non est sublimior Filio Mater: & tamen in illum quoque impunè obtreectatio incurrit. Atque vtinam tam felix esset illorum impietas, vt vini supplicium soluant Deiparæ, non tam semet vlciscenti quàm ipsos emendenti! sed hæc eorum grauissima pœna est, nondum puniri. A nobis autem misericordiæ Mater roganda est, vt pro suâ etiam in hostes clementiâ, non tam infesta sit illis quàm inuisa est; vtque antè eius gratiam expetere discant quàm iras timere. Iam si disceptandum sit, an urbis euersio sit criminum pœna; quisque semet inspiciat, ac si domi suæ deprehenderit pestem, expellat. Quemque actorem ac iudicem suimet facio. Accusante Siluaducis, quisque sibi ius dicat. Non est levis morbi tam durum remedium. Non cuius delicto tanta clades irrogatur. Fortè & totius Belgij conseruationi profuturum erat; quidquid Siluaducis tulisset. Vnius clade plures sapient. Ad huius enim iectum fulminis non vna Silua, sed etiam vicina omnia tremuerunt. Illam procella percussit, ceteros cautelæ magister metus. Neque de animaduersione Numinis querelæ texendæ sunt. Penes reos numquam est supplicij modus; maximè vbi fert sententiam iudex, qui nocere

non

non vult, falli non potest. Ceterum ne Siluaducensium intereat fides, id fidei largitori curæ futurum est. Quos vltima flagitia indignos verâ religione fecerint, illos sua impietas ex Ecclesiæ quoque sinu excutiet. Qui crimine innoxius est, fide non excidet. Verumtamen vnum, seruata nimirum ciuitatis, miraculum desideratur. Hoc vulgi iudicium euentus à Deo permissus condemnat. Nobilius miraculum Deo visum fuit, Siluaducenses extra humana præsidia, & sub hostili iugo veritatem propugnare, quàm inter secundas res oratione securâ profiteri. Neque levis ciuibus additur gloria, si quibus ceteri cladibus procumberent, his ipsorum triumphet constantia. Nos interim Deo Deique Matri supplicabimus, vt ne diu sordidatos suos ciues aspiciat, neque magis votis Catholicorum quàm armis adsit. Ita fiet, vt neque longiùs eodem vestigio fortuna persistat, & virtutis Siluaducensis experimento in veniæ testimonium mutato, minimè diuturnum victori sit gaudium ex calamitate amicorum Dei.

CAPVT XXVIII.

B. MARIAE statua Bruxellam transfertur.

Ceterum, vti hostis iam potitus vrbe, mox Sacrorum omnium ac Religionis pristinae vsum sustulit: ita Siluaducenses, quos nondum stupefecerat communis luctus, consulere Sacris publicis, ac Diuorum signis,

signis, ceteroque templorum instrumento coeperunt. Suam quisque religionem, sua consilia, communibus deploratis, exequebatur. Itaque permulta ab iniuriis & contumeliis hostilibus procul ablata sunt. non pauca in priuatas etiam domos, hoste minimè vetante, comporrata. Anna Hambroeckia, nobilis virgo, MARIAE Matris statuam primùm abdidit domi suæ, ac fideli custodiâ asseruauit: deinde, ne quo casu ea perisum ireret, auexit Antuerpiam, nouum tam sancto pignori hospitium quæritans. Tandem ciuitas Bruxellæ non augustior quàm tutior visa est. Quamquam ego cælesti potius instinctu, quàm humano consilio, hanc exulæ statuæ sedem oblata existimo; nimirum ut Principes Reip. tum exilij sui, tum captæ Siluæducis eò vsque admoneat, dum tantæ cladi sit partum remedium. Sed & singulare Bruxellensium erga Deiparam studium, quod in multis illa rebus pridem perspexit, non fuit aliò diuertere tam gratam hospitem. Siluaducensibus quoque religione ac fide in Virginem Bruxellenses haudquaquam cessuri sunt. Ceterum ubi Bruxellæ in vulgus indicatum est, signum illud Deiparæ Virginis, tot miraculis illustre, intra mœnia delatum esse; enimuero plurimorum animos gratæ nouitatis non admiratio tantum, sed etiam religio incescit. Præcipua ISABELLÆ, Hispaniarum Infantæ, ut pietas, ita studium fuit. Hæc velut de cælo transmissum ad se donum eximio cum honore decreuit excipere; satis fidens, quem locum Mater adamasset, eum

Filio

Filio quoque cordi fore. ISABELLAE ergo iussu primum tantus thesaurus in Caudenberganam ædem, quam D. Iacobi frequentat parochia, infertur, sæculi à CHRISTI Natiuitate sextidecimi anno trigésimo. Quò vbi fama multitudinis concursum exciuit; omnem ætatem, omnemque ordinem, tum visendi, tum venerandi ardore feruere cerneret, & insolitam quamdam lætitiã, sed dolori mixtam, præ se ferre. Recreabat mirè omnium oculos conspecta dulcissimæ Dei Parentis effigies; cui tamen in pristinâ sede mansionem diuturniorem, quàm in nouâ inexpectatum aduentum gratulari mallent; Siluaducensis vtique vulneris recenti memoriã, præsentis gaudij non tam sensum quàm exuberantiam inhibente. Confluentis quoque populi religionem commendabat effusa largitas, oblati cætatim donis abundè prodita. Nec ISABELLAE Austriacæ desideria aut decreta magnificentiora factis fuere. Imago quippe deinceps ad Capellæ templum delata, quantis maximis potuit studiis ab eadem Principe honorata est. Fortè res in secundam sacrosanctæ hebdomadæ Feriam incidit: quo die publicæ ibi preces, ad propitiandum Belgis Numen, à Patribus Capucinis instituebantur. Earum precum celebritatem haud parum auxit Deiparæ transitus, solemni apparatu ac pompâ nobilis. Alfonso de Cueva Cardinalis inibi Sacrum fecit, augustâ quâ vocum quâ musicorum organorum symphoniâ decoratum. Ab oratore Capucino subiecta est con-

cio. Cùm vtrique ISABELLA Infanta magno pietatis exemplo interfuisset, supplicatio aliquando peragi cœpta est. Procedebat ingens oppidanorum vis, collucebantque plurimorum faces, non suâ magis luce quàm gestantium affectu conspicuæ. Prosequebantur Patres Capucini, & Magnatum Sodalitas, non auro, non discolori veste, sed pannoso atque horrido habitu, & sublimi cruce, irrogatas Christo indignitates recolens. Super ferculum, vnde ab omnibus conspici posset, imago Deiparæ ferebatur. Quatuor Capucini, Siluaducenses omnes, totius patriæ vice, subiecerant humeros; ne, cùm ab vrbe suâ Patrona abesset, ab ipsâ etiã abessent ciues sui. Comitabatur & alia Siluaducensium inanus, solis lacrymis ac suspiriis præsentem damni & orbitatis suæ sensum leniens. Post Virginis statuam incedebat ISABELLA Princeps, cunctique Primores, & copiosa Nobilitas. Hos claudens multitudo inundauerat viam, etiã pluuiæ incommodo pietati posthabito. Vbi ad frumentariam domum ventum est, è D. Gaugerici parochiâ (quò totum tendebat agmen) Clerus cum populo obuiam prodire. Hîc maior opinione numerus hominum fuit. Non mulieres, non puellæ, non senes se domi continere poterant. Vniuersam D. Gaugerici parochiam impetu quodam ardoris effusam diceres. Tædarum ac cereorum vis immensa fulgebat. Supplicatio hoc tanto comitatu frequentior, postquam ad Patrum Franciscanorum regionem descendit,
nouâ

nouâ porro , nec minùs splendidâ accessione aucta est. Illustris ibi ac vetusta est Sodalitas , à Deiparâ , concentu auium celebratâ , nomen obtinens . Inde Sodales progrediebantur , spectabiles ornatu suo. Tredecim inter ceteros notabantur , toridem rubra è damasceno serico vexilla , quæ ferè ante biennium ISABELLA Infanta dono dederat , præferentes. In quolibet vexillo expressus aureis litteris titulus enitebat , in multiplicem Virginis honorem indicans . Eam inscriptionem circuibant rami aurei , coronâ , foliorum apicibus incumbente , connexi. Hanc Sodalitatem sequebantur virgines duæ , altera Bruxellam ciuitatem , altera Siluamducis repræsentans : quæ Sodales modicis interuallis distantes prætergressæ , ubi in conspectum Diua venit , eam venerabundæ excipiunt . Cultus puellarum vtriusque fortunæ conueniens spectabatur. Bruxellam decorabat festus habitus , triumphantis in morem , inusitatæ lætitæ , ob tantam receptam hospitem , index . Proximus ibat illi Sodalitati Præpositus , ingens cærulei coloris vexillum gerens . Puella Siluamducis referens , atrata ac mœrens , funesto insuper peplo vultum obnupserat . Ponè sequebatur eidem Sodalitio à secretis , qui vexillum luctui concolor sumpserat . Postquam omnis hæc pompa in vnam coiuuit , D. Gaugerici templum ingressos , quò sacra effigies inferebatur , festiuus concinentium plausus excepit . Hic omnium veneratio redintegrata est , præsertim , cum tot calamitosi auxiliarem thesaurum

iam nouâ in sede repositum cernerent. Ac tum Siluaducenses quidem asseruandæ in posterum statuae cura, sed non spes reducendæ deferuit. Sacellum in eo templo visitur versus meridiem aram principem cingens. Quibus dysenteria infesta est, vix alibi præsentius remedium inueniunt. Inde celebre loco nomen obtrigit, eiusce morbi curatione vulgatum. In hoc sacello medius super aram locus virginco simulacro tributus est: honoraria vtrimque vexilla ibidem ad triduum relicta. Neque ignotam sibi domum cælestis Regina subiisse visa est. Quippe Septemtrionalis aræ summæ regio altero sacello clauditur, quod insuper Deiparæ, septenis dolorum aculeis sauciæ, consecratum est. Hic singulis sabbatis solemnî carinoniâ Sacrum peragitur, prægnantibus ex vrbe totâ feminis æquè frequentatum ac salutare. Huc celebre Sodalitium conuenit, Deiparæ doloribus memorandis à Philippo Pulchro, Hispaniarum Rege, ac Belgarum Principe, institutum. Ceterum vbi in hoc domicilio iam consedissee Dei Matris imaginem fama vulgauit, augeri concursus cœpit, non tam ad spectaculum quàm ad solatium confluentium. Neque celebrior ea pietas quàm fructuosior fuit. Alij quippe ad primum gratissimi signi conspectum inusitatâ sese dulcedine imbui, longè plures horrore quodam sacro pectora animosque percelli senserunt. Inde, vt sunt auidi beneficiorum mortales, prout sua quemque religio aut necessitas vrgebat, valetudinem quo-

quoque ac sanitatem non pauci flagitarunt. Nec vota vana, nec precantium voces in irritum cadebant. Graues quippe, etiam de Clero, auctores habeo, satis multos depulsis variorum morborum atque ærumnarum molestiis salutiferam dulcissimæ Matris opem expertos esse. De quibus equidem consultius duxi nihil prodere, vsque dum publicam iis legitima auctoritas certitudinem adstruat. Malui enim planè certa quàm multa proferre, atque audientium fidem non tam onerare quàm mereri.



INDEX CAPITVM HISTORIÆ MIRACVLORVM B. Mariæ SILVADVCENSIS.

LIBRI PRIMI.

Multiplicia Mariæ
Virginis in omnes ho-
mines, ac præsertim
Siluaducenses, benefi-

cia. CAP. I. Pag. 1

Siluaducis urbis situs, atque
origo. CAP. II. 6

Loci gentisq. indoles: aliquid de
rebus bello gestis. CAP. III. 9

B. Mariæ statua in templum
illata, colli incipit. CAP. IV. 11

Paralytica mulier, calcæsti monitu
imaginem B. Mariæ Silua-
ducensis venerata, sanatur.

Imago locum tandem certum
obtinet. CAP. V. 17

Eadem mulier graui dentium do-
lore lenatur. CAP. VI. 20

Iuuenis aquarum periculo eripi-
tur. Incendium sopitur. CA-
PVT VI. ibid.

Imaginis suæ contemptum Dei-
para vindicat. CAP. VIII. 21

Mulier à Dei Matre edocta,
furem in scelere deprehen-

dit. CAP. IX. 22

Imago B. Mariæ incendio
eximitur. CAP. X. 23

Caca mulier visum recipit: ca-
ptiuus vinculis liberatur. CA-
PVT XI. 24

Nauta quatuor & quadraginta
triduanâ tempestate defun-
guntur. CAP. XII. 25

Cuiusdam viri crus, fistulis ple-
num, sanatur. CAP. XIII. 27

Fædus annorum XXX. morbus
tollitur. Epilepsia infantem
deserit. CAP. XIV. 28

Vinctus è custodiâ euadit. CA-
PVT XV. 29

Cruris vitium periculosum abi-
gitur. CAP. XVI. 32

Surdi duo audiendi sensum diu
desideratum recuperant. CA-
PVT XVII. 33

Captiuus è carcere euadit. CA-
PVT XVIII. 38

LIBRI SECVNDI.

Brugensis signifer in prælio
seruatur. CAP. I. 40
Mulier

INDEX CAPITVM.

Mulieri crux persanatur. CAP. II.

43

Cecus illuminatur. CAP. III. 44

Tibia perusta restituitur. CA-

PVT IV.

45

Nauta naufragij & piratarum

periculo eripiuntur. CAP. V. 47

Aqua intercus, ac diuersi morbi,

abiguntur. CAP. VI. 49

Ignis sacer extinctus, atque in-

cessus mulieri redditur. CA-

PVT VII.

51

Puero aquis suffocato vita reddi-

tur. CAP. VIII. 52

Puella à presenti mortis pericu-

lo renouatur. CAP. IX. 53

Mulier amissum dimidi corporis

vsus recipit: Fistula, ti-

bia pueri infecta, curatur.

CAP. X.

55

Mulier in partu difficillimo ser-

uatur. CAP. XI. 56

Puellam opprimens veternus

gravis discutitur. CAP. XII. 58

Iuuenis carcere eximitur. CA-

PVT XIII.

59

Quidam ob dilata voti solutio-

nem multatus, graui tandem

morbo eripitur. CAP. XIV. 60

Patens quidam sibi vitam, agro-

tanti filio mortem optatam im-

petrat. CAP. XV. 63

Infirmis quatuor redditur sani-

tas. CAP. XVI. 64

Puer in canosa lacuna extin-

ctus, vita redonatur. CA-

PVT XVII.

65

Sagitta cuiusdam corpori altius

infixa, diuinitus inde exigi-

tur. CAP. XVIII. 67

Sacerdos videndi sensum recupe-

rat. Puerpera è duplici pericu-

lo euadit. CAP. XIX. 69

Puella apud parentes in lecto ex-

stincta reuiuiscit. CAP. XX. 71

Vir nobilis ab interitu vindica-

tur. CAP. XXI. 73

Puer ad vitam plorando amissam

redit. CAP. XXII. 75

Nauta filium undis submersum

atque extinctum Deipara ser-

uat. CAP. XXIII. 77

Naufragio erepti non pauci.

CAP. XXIV. 82

Puerum morbus comitalis, Silua-

ducensem cinem triplex cruris

ulcus deserit. CAP. XXV. 86

A graui lapsu agra mulier sa-

nitate recreatur. Crua in-

fantis puella emendantur.

CAP. XXVI. 87

Pirata caduntur à nautis Virgi-

ni deuotis. CAP. XXVII. 89

Insane mulieri. mens redit.

CAP. XXVIII. 92

Puella aquis submersa vita da-

tur. CAP. XXIX. 93

Puer item submersus reuiuiscit.

Clau-

INDEX CAPITVM.

<i>Claudius gressum recuperat.</i>	<i>Spiculo alse infixo sancius mirabiliter liberatur.</i>
CAP. XXX. 95	CAP. XLIV. 115
<i>Nobilis femina fœdus cancer abigitur.</i>	<i>Puella in puteum princeps delapsa ad vitam redit.</i>
CAP. XXXI. 96	CAP. XLV. 116
<i>Membrorum amissum vsum tres omnino recuperant.</i>	<i>Puella pedum, Puero sermonis, Mulieri brachiorum facultas redditur.</i>
CAP. XXXII. 98	CAP. XLVI. 118
<i>Puer comitiali morbo lenatur.</i>	<i>Calculus abigitur.</i>
CAP. XXXIII. 99	CAP. XLVII. ibid.
<i>Puella ceca visus, mortua vita restituitur.</i>	<i>Puella graui casu extincta, à mortuis excitatur; ab alterâ morbus comitialis remouetur.</i>
CAP. XXXIV. 100	CAP. XLVIII. 119
<i>Febri puerum deserit. A cuiusdam item crure grauis noxa remouetur.</i>	<i>Incendium reprimitur.</i>
CAP. XXXV. 102	120
<i>Naufragi, & plures item agri seruantur.</i>	<i>Mulieris ex curru precipitata vitam Dina resuscitat.</i>
CAP. XXXVI. 103	CAP. L. 122
<i>Paucissimi nauta longè plurimos piratas pralio superant.</i>	<i>Viri cuiusdam cecitas depellitur.</i>
CAP. XXXVII. 105	CAP. LI. 123
<i>Mulier decies mortuum fetum enixa vna tandem soboles conceditur. Puer epilepsia, puella capitis dolore liberatur.</i>	<i>Præsenti naufragio viri septem eripiuntur.</i>
CAP. XXXVIII. 107	CAP. LII. 124
<i>Ostente ciborum fastidium reprimitur.</i>	<i>Iterum naufragi seruantur.</i>
CAP. XXXIX. 109	CAP. LIII. 127
<i>In puteo extincta puella ad vitam reuocatur.</i>	<i>Infans mortuus in lucem editus reuiviscit.</i>
CAP. XL. 110	CAP. LIV. 131
<i>Puer graui casu vitam amissam recuperat.</i>	<i>Duo claudi sanantur.</i>
CAP. XLI. 111	CAP. LV. 132
<i>Fœdum pueri os correctum.</i>	<i>Caci duo lumen recipiunt.</i>
CAP. XLII. 112	CAP. LVI. 134
<i>Puella dua à mortuis excitantur.</i>	<i>Infans reserriamâ corporis affectione soluitur.</i>
CAP. XLIII. 113	CAP. LVII. 136

Cacus

INDEX CAPITVM.

<i>Cacus illuminatur.</i> CAP. LVIII.	<i>naufragio imminenti eximuntur.</i> CAP. LXXII.
137	162
<i>Ex improbi hominis capite spiculum mirabiliter à Deiparâ educitur.</i> CAP. LIX.	<i>Puella caca visum recipit.</i> CAP. LXXIII.
139	165
<i>Pueri vulnus, à calculo male curato relictum, occluditur.</i> CAP. LX.	<i>Incendium comprimitur.</i> CAP. LXXIV.
143	166
<i>Raptatus equis iuuenis à morte prius ad vitam, deinde à phrenesi ad sanitatem reducitur.</i> CAP. LXI.	<i>Puero aquis suffocato vita red- ditur.</i> CAP. LXXV.
144	168
<i>Tribus crura sanantur.</i> CAP. LXII.	<i>Duobus subterranei loci græco- lentia exanimatis Virgo sub- uenit.</i> CAP. LXXVI.
147	169
<i>Femina morbo à viuis sublata vitam accipit.</i> CAP. LXIII.	<i>Infans à morte, quam somno innoxerat, in vitam restituitur.</i> CAP. LXXVII.
149	171
<i>Puerperam simul & fatum seruat Deipara.</i> CAP. LXIV.	<i>Puer ad vitam in puteo amis- sam reuocatur.</i> CAP. LXXVIII.
151	172
<i>Nauta periculoso errore liberan- tur.</i> CAP. LXV.	<i>Extincti item pueri duo reui- uiscunt.</i> CAP. LXXIX.
152	173
<i>Femur & crura quorundam vi- tæ eximuntur.</i> CAP. LXVI.	<i>Infans, in materno utero mor- tua, vitâ donatur.</i> CAP. LXXX.
154	174
<i>Puer aquismersus reuiuiscit.</i> CAP. LXVII.	<i>Virum panè submersum undis eripit Virgo Deipara.</i> CAP. LXXXI.
155	175
<i>Altero crure mancus confirma- tur.</i> CAP. LXVIII.	<i>Quidam sub plaustrum collapsus periculû euadit.</i> CAP. LXXXII.
156	176
<i>Puer à sublimi delapsus vitam recuperat.</i> CAP. LXIX.	<i>Puella fluctibus mersa vitam re- cipit.</i> CAP. LXXXIII.
157	177
<i>E carcere innocentem Virgo emittit.</i> CAP. LXX.	<i>Infans apud matrem suffocatus vitâ recuperat.</i> CAP. LXXXIV.
158	178
<i>In puellâ sanguinis admirandus sudor sistitur.</i> CAP. LXXI.	<i>Periculum capitis ab insonte in</i>
160	Aaa
<i>Tempestate commutatâ muli</i>	reos

INDEX CAPITVM.

<i>reos auertitur.</i> CAP. LXXXV.	<i>Natator submersus aquis ad vitam redit.</i> CAP. C.
179	204
<i>Puella vsus lingua, mentisq; tranquillitas reparatur.</i> CAP. LXXXVI.	<i>Mulier vinam sobolem à Deipara obtinet.</i> CAP. CI.
181	205
<i>Naufragus Deipara subsidio est.</i> CAP. LXXXVII.	<i>Tinctori in periculo perdendæ rei familiaris subuentum.</i> CAP. CII.
182	206
<i>Desperata salus afflicto reparatur.</i> CAP. LXXXVIII.	<i>Infans igne vehementer ustasatur.</i> CAP. CIII.
183	207
<i>Puer insensendo extinctus, puella in puteum delapsa, reuiuiscunt.</i> CAP. LXXXIX.	<i>Senex herniosus curatur.</i> CAP. CIV.
184	208
<i>Nauta discrimen à tempestate ac piratis euadunt.</i> CAP. XC.	<i>Nobilis mulier inueterato dolore leuatur. Comitiali morbo puer expeditur.</i> CAP. CV.
186	209
<i>Damonum terrores ac spectra fugat Deipara.</i> CAP. XCI.	<i>Incendium coercetur, Paralyticus & puerpera adiunantur.</i> CAP. CVI.
188	211
<i>Periculosa cruris latio sedatur.</i> CAP. XCII.	<i>Sacerdos claudus incedendi facultatem obtinet: Pueri aliquot comitiali morbo & hernia leuantur.</i> CAP. CVII.
192	212
<i>Filij diu absentis reditum impetrat pater.</i> CAP. XCIII.	<i>Incendium fulmine excitatum compestitur.</i> CAP. CVIII.
193	215
<i>Hernia & Paralysis Virgini supplicem deserunt.</i> CAP. XCIV.	<i>Infans à morte ad vitam, à vita periculo ad sanitatem renouatur.</i> CAP. CIX.
195	216
<i>Cecis septem visus, surda puella auditus redditur.</i> CAP. XCV.	<i>Auceps in periculoso casu mirè vitam seruat.</i> CAP. CX.
197	218
<i>Puer aquis suffocatus vita restituitur.</i> CAP. XCVI.	<i>Puer inter ludendum occisus reuiuiscit.</i> CAP. CXI.
198	220
<i>Periculosus faucium tumor abigitur.</i> CAP. XCVII.	<i>Puella è tabulato delapsa vita restituitur.</i> CAP. CXII.
199	222
<i>Pax dissidentibus restituta.</i> CAP. XCVIII.	<i>Mulier glandulis liberatur.</i> CAP. CXIII.
201	223
<i>Lepra depellitur.</i> CAP. XCIX.	
202	

Mari-

*Maritus primum sibi, deinde
uxori sanitatem impetrat.*

CAP. CXIV. 224

*Captiui duo in libertatem asse-
runtur.* CAP. CXV. 226

*Apoplecticus membrorum usum
recipit.* CAP. CXVI. 227

Puer ad vitam renouatur. CA-
PVT CXVII. 228

*Fistula clauditur, cuiusdam vul-
tui plus quàm annum infesta.*

CAP. CXVIII. 230

E carcere vincti duo euadunt.

CAP. CXIX. 231

*Diurnus ac molestus tibiæ
tumor leuatur.* CAP. CXX. 233

*Puella aquis mersa vita reddi-
tur.* CAP. CXXI. 234

Captiuus liberatur. CAP. CXXII.
235

*Mortua mulier ad vitam reuo-
catur.* CAP. CXXIII. 236

Difficillimus partus expeditur.

CAP. CXXIV. 237

*Puellam amissam parentes à Dei-
parà recipiunt.* CAP. CXXV.
239

*Vaccas furto sublatas recuperat
dominus.* CAP. CXXVI. 242

*Ab energumena demones xxv.
expelluntur.* CAP. CXXVII.
243

*Mulier graui casu afflicta sana-
tur.* CAP. CXXVIII. 245

LIBRI TERTII.

Mulier variis laborans à
morte renouatur. CAP. I.

247

*E periculo naufragij complures
euadunt.* CAP. II. 248

*Mulier nocturno terrore libera-
tur.* CAP. III. 249

Innocens vinculis expeditur.

CAP. IV. 250

*Brachium viri luxatum restitui-
tur.* CAP. V. 252

*Captiui nouem liberantur, è qui-
bus septem contempti voti
religione diuinitus puniti.*

CAP. VI. 253

*Nauis cum vectoribus mirè ser-
uatur.* CAP. VII. 256

*Mulier strumis liberata facilem
quoque partum obtinet.* CA-
PVT VIII. 257

Incensum compressum. CAP. IX. 258

Miles è mediâ morte subducitur.

CAP. X. 259

*Cuidam sigillum in hostili dire-
ptione seruatum.* CAP. XI. 261

*Extrema fame propè enecto Di-
na subuenit.* CAP. XII. 262

*Exulcerato erysipelate correptus
sanitati redditur.* CAP. XIII.
264

Hemiplegia puellam deserit.

CAP. XIV. 265

Aaa 2 Puer-

INDEX CAPITVM.


<i>Puerpera ancipiti morbo lenatur.</i>	<i>Suffocati aquis pueri duo vita</i>
CAP.XV. 266	<i>redduntur.</i> CAP.XXX. 291
<i>Nauis cum nautis in tempestate</i>	<i>Quidam manuum ac pedum</i>
<i>seruatur.</i> CAP.XVI. 267	<i>usum diu expetitur recupe-</i>
<i>Fur suspendio eximitur.</i> CA-	<i>rat.</i> CAP.XXXI. 292
<i>PVT XVII. 269</i>	<i>Innoxius grauissima quaestione</i>
<i>Tibia XL. annis affecta sanatur.</i>	<i>liberatur.</i> CAP.XXXII. 293
CAP.XVIII. 272	<i>Tres victos Deipara soluit.</i>
<i>Nauis obuia hostium classi eripi-</i>	CAP.XXXIII. 295
<i>tur.</i> CAP.XIX. 273	<i>Naufragi de mortis faucibus exi-</i>
<i>Quidam praelij primum, deinde</i>	<i>muntur.</i> CAP.XXXIV. 298
<i>vulnetis periculum euadit.</i>	<i>Furioso mens ac ratio redditur.</i>
CAP.XX. 275	CAP.XXXV. 300
<i>Sacrarum caussarum index Leo-</i>	<i>Quidam quater captus, toties</i>
<i>dij eiectis tribus calculis lena-</i>	<i>liberatur.</i> CAP.XXXVI. 301
<i>tur.</i> CAP.XXI. 278	<i>Puer ab apibus interemptus in</i>
<i>Captiuus de vinculis euadit.</i> CA-	<i>vitam renouatur.</i> CAP.XXXVII.
<i>PVT XXII. 279</i>	302
<i>Mutus puer loquelam donatur.</i>	<i>Paralytica neglecti voti dat pæ-</i>
CAP.XXIII. 280	<i>nas, ac demum sanatur.</i> CA-
<i>Mulier dysenteriam & partu peri-</i>	<i>PVT XXXVIII. 303</i>
<i>clitans adiunatur.</i> CAP.XXIV.	
281	
<i>Insolens membrorum contractio</i>	
<i>remittitur.</i> CAP.XXV. 282	
<i>Puella tibia fracta restituitur.</i>	
CAP.XXVI. 283	
<i>Putei ruinam oppressus vitam ser-</i>	
<i>uat.</i> CAP.XXVII. 284	
<i>Equitem Geldrum Deipara, ac</i>	
<i>deinceps eiusdem equum a mor-</i>	
<i>te eximit.</i> CAP.XXVIII. 286	
<i>E pueri corpore demon exigi-</i>	
<i>tur.</i> CAP.XXIX. 289	
	<i>LIBRI QVARTI.</i>
	<i>Complura miracula compen-</i>
	<i>dio narrata.</i> CAP.I. 304
	<i>Pauci, & inermes nauta, piratas</i>
	<i>vincunt; Puella de mortis fan-</i>
	<i>cibus eripitur.</i> CAP.II. 305
	<i>Caco videndi sensus redit.</i> CA-
	<i>PVT III. 307</i>
	<i>Quidam ab equo raptus grauissi-</i>
	<i>meq; afflictus, ultimo periculo</i>
	<i>subducitur.</i> CAP.IV. 308
	<i>Gangrana, abscessus & phrenitis</i>
	<i>miseri</i>

INDEX CAPITVM.

<i>miseri hominis tolluntur.</i> CAP. V. V. 309	<i>datur.</i> CAP. XVII. 335
<i>Duo mirabiliter vinculis exsoluti.</i> CAP. VI. 311	<i>Defuncta mulier vita restituitur.</i> CAP. XVIII. 336
<i>Infans aciculam faucibus infixam egerit.</i> CAP. VII. 312	<i>A Siluaducensi ciue concepta pestis aueritur.</i> CAP. XIX. 337
<i>Triginta nauta piratas trecentos superant.</i> CAP. VIII. 313	<i>Captiuus se carceri eripit liberante Deipara.</i> CAP. XX. 338
<i>Græne pariter ac longum mulieris tuber discussum.</i> CAP. IX. 315	<i>Duobus calculis puer leuatur.</i> CAP. XXI. 340
<i>Mulier insons tormenta superat, supplicioq; imminenti subducitur.</i> CAP. X. 316	<i>Mulier è grani ac diuturnâ latione conualefcit.</i> CAP. XXII. 341
<i>Pater cum filio ex incendio euadit.</i> CAP. XI. 318	<i>Infans aquis haustus ad vitam redit.</i> CAP. XXIII. 343
<i>Naufragus vitam seruat.</i> CAP. PVT XII. 320	<i>Miles tormenti maioris globo iectus nihil laditur.</i> CAP. PVT XXIV. 344
<i>Colonus ex prædonum manibus post multa pericula elabitur.</i> CAP. XIII. 323	<i>Siluaducis in hostium potestatem venit.</i> CAP. XXV. 346
<i>Quidam asperâ custodiâ exemptus.</i> CAP. XIV. 328	<i>Siluaducensium luctus ob Sacrorum & Religionis mutationem.</i> CAP. XXVI. 350
<i>Dona varij generis oblata Deipara.</i> CAP. XV. 331	<i>Siluaducensium calamitas ad diuinam prouidentiam relata expenditur.</i> CAP. XXVII. 353
<i>Clandus ingrediendi vim recuperat.</i> CAP. XVI. 334	<i>B. MARIÆ statua Bruxellam transfertur.</i> CAP. XXVIII. 359
<i>Vitiosus adolescentis pes emen-</i>	

INDEX MIRACVLORVM,

Morbos, clades, pericula, & beneficia
DE IPARÆ *exprimens.*

 Missa puella. <i>Pag.</i> 239	28.64.86.99.104.109.120.
Apoplexia. 227	210.215.
Aqua intercus. 49	Erysipelas. 264
Brachia affecta. 118.252	Exanimati. 169
Cæcitas. 24.44.69.100.123.	Fames. 262
134.137.165.197.307	Fastidium. 109
Calculus. 118.278.340	Fauces aciculâ liberatæ. 312
Cancer. 96	Faucium tumor. 199
Capitis dolor. 50.109	Febris. 102
Capitiuitas. 24.29.38.59.158.	Fistulæ. 27.50.55.230
226.231.235.253.295.301.	Fur deprehensus. 22
305.311.328.338.	Furor, <i>vide</i> Infania.
Claudi. 95.118.132.133.212.	Gangrana. 309
334	Glandulæ. 223
Cruris vitia. 32.43.64.87.103.	Hemiplegia. 265
<i>vide</i> Tibia.	Hernia. 104. 195. 208.
Curru-obriti. 98.307	215
Dæmonum spectra. 188	Ignis sacer. 51
Dæmoniacy, <i>vide</i> Energumeni.	Incendium. 20. 23. 120.166.
Dentium dolor. 20	211.215.258.318
Dysenteria. 281	Infans natus mortuus. 131.
Energumeni. 243.289	174.216
Epilepsia, morbus comitialis.	Iniuria B. VIRGINIS vindicata. 21
	Inno-

INDEX MIRACVLORVM.

Innocens liberatus

gladij periculo.

179

quæstione.

293

supplicio.

316

vinculis.

250

Infantia.

92.300

Lapſi variè. 87. 119. 122. 157.

174. 176. 218. 222. 245.

341

Lateris dolor.

105

Lepra.

202

Lethargus.

58

Mamillæ inflatio.

51

Mancus crure.

156

Manus debilitata.

51.98

Manus pedesque reſtituti. 292

Membrorum contractio. 282

Morbus periculofus. 53. 60.

63. 73. 136. 209. 224. 286.

Mortui ad vitam reuocati. 71.

75. 111. 113. 114. 119. 122.

131. 144. 149. 157. 171. 173.

174. 178. 184. 185. 220. 222.

228. 236. 302. 336.

Muti.

118. 181. 280

Naufragi.

47. 82. 103. 124.

127. 182. 248. 256. 298. 320.

vide Tempeſtas.

Nauis hoſtes euadir.

273

Occiſus.

220

Oris ſcæditas.

112

Paralyſis.

17. 55. 195. 211.

303

Partus. 56. 70. 107. 151. 205.

212. 237. 266. 281

Pauor.

249

Pax reſtituta.

201

Perculum ſubmerſionis.

175

Pes obritus.

98

Peſtis.

337

Phienefis.

145. 310

Pirata.

47. 89. 105. 186

Prædones.

323

in Præliis terreſtribus ſeruati.

40. 259. 275

naualibus.

305. 315

Puerperæ, *vide* Partus.

in Puteis extincti, obruti. 117.

172. 185. 284

Raptati equis.

144. 308

Reditus filij diu abſentis.

192

Sanguinis ſudor.

160

Sigillum ſeruatum.

261

Spiculo corpus liberatum. 67.

115. 139

Strumæ.

257

Submerſi. 20. 52. 65. 77. 93. 95.

101. 110. 117. 155. 168. 172.

177. 198. 204. 234. 291. 304.

343

Surditas.

33. 64. 197

Suſpensionum.

269

Tempeſtatibus erepti. 25. 152.

162. 186. 267. vide Nau-

fragi.

Tibia affecta. 45. 104. 147.

148. 154. 192. 233. 272. 283.

vide Cruris vitia.

Tin-

INDEX MIRACVLORVM.

Tinctori subuentum in tin-	Vaccæ furto sublatæ.	<u>242</u>
cturâ vitiosâ.	Vari.	<u>247</u>
Tormenti globo <u>ictus</u> miles.	Vlcera.	<u>86.147</u>
<u>344</u>	Voti neglecti pœna.	<u>60.253.</u>
Tumores. <u>148. 149. 154. 199.</u>	303	
<u>233.315</u>	Visiones.	<u>45.207.</u>



INDEX

INDEX MIRACVLORVM PRÆTERMISSORVM,

quibus adiuti ac subleuati sunt.

A Popleeticus	1
Brachio laborantes	3
Caci utroque oculo	15
altero	3
Captiui	16
Calculo vexati	5
Cephalalgia afflicti	1
Contractis scdè membris puella	1
Cordis graui dolore cruciatus	1
Crure utroque affecti	2
altero	10
Curru obruta puella	1
Dolore totius corporis diuturno agri	2
Epileptici, seu morbo comitiali oppressi	29
Facies pueri in bulliente lebetes scdè vsta	1
Faucium tumore occupatus	1
Febrilaborans	1

Summa 91

Bbb

INDEX MIRACVLORVM

<i>Fistulam gerentes</i>	2
<i>Furiosi, aut amentes</i>	6
<i>Gangranâ periclitans</i>	1
<i>Hemiplegiâ torpentes</i>	3
<i>Herniâ vexati</i>	6
<i>Incensa domus</i>	1
<i>Incendio periturus pater cum filio</i>	1
<i>Incessu impedito vsq̃</i>	10
<i>Inflatione corporis grauati</i>	2
<i>Lapsu equi prostratus & graniter latus</i>	1
<i>Lumbagine cruciati</i>	2
<i>Manci brachijs, pedibus, manu</i>	4
<i>Morbo letali obruti</i>	6
<i> grauissimo conflati</i>	4
<i>Mortui variè</i>	5
1 <i>Infantes mortui in lucem editi</i>	8
<i>Lapsa ex tabulato ac mortua puella</i>	1
<i>Lapsus in cacabum ac mortuus puer</i>	1
<i>Plaustro oppressus ac mortuus puer</i>	1
<i>Plorando, ruffiendo, extincti pueri</i>	3
1 <i>In puteis submersa puella</i>	2
<i>Submersi pueri aut puella</i>	34
<i> Viri</i>	2
<i>Muti</i>	4
<i>Summa</i>	110

Summa 110

PRAETERMISSORVM.

Oculorum vitio contacti	2
<i>Os</i> femoris fractum gerens	1
Paralytici	10
Partus in extremo periculo constitutus	1
Profluuiū laborans	1
Puerpera aduersissimā valetudine oppressa	1
Sagittā pertinacissimē infixā lesus	1
Surdi utraq̃ue aure	3
alterā	1
Tempestatum & priatarum periculo iactati	2
Vulnere insanabili saucius	1

Summa 24

In primā Indicis huius paginā 21

In secundā 110

Summa summarum 225



FACULTAS R. P. PROVINCIALIS.

CVM Historiam Miraculorum B. MARIAE Virginis Siluaducensis, à P. Othone Zyllo Societatis IESV Sacerdote conscriptam, tres designati Societatis nostræ Theologi legerint, & in lucem edi posse probauerint; ego Guilielmus de Wael Præpositus Prouincialis Societatis IESV per Flandro-Belgicam, potestate ad id mihi factâ ab admodum Reuerendo Patre nostro Mutio Vitellesco Præposito Generali, facultatem concedo, vt typis mandetur. In quorum fidem hæc meâ manu subscriptas sigilloque officij munitas dedi. Bruxellæ XXV. Iunij, M. DC. XXXI.

Guilielmus de Wael.

APPROBATIO CENSORIS.

HISTORIAM Miraculorum B. Virginis MARIAE apud Siluaducenses celebratæ, à R. P. Othone Zyllo Societatis IESV Sacerdote Latinè scriptam, ad Dei Deique Matris gloriam, salutem animarum, Ecclesiæ bonum & Catholicorum Siluaducensium solatium, in lucem euulgari posse iudico. Antuerpiæ XXIX. Iunij, M. DC. XXXI.

*Gaspard Estrix Plebanus &
librorum Censor Antuerpiæ.*

SVM-

SVMMA PRIVILEGII REGII.

PHILIPPI IV. Hispaniarum & Indiarum Regis Catholici ac Serenissimi Belgarum Principis Priuilegio cantum est, nequis *Othonis Zylj è Societate IESV Historiam Miraculorum B. MARIAE Siluaducensis*, præter Balthasaris Moreti voluntatem vlllo modo intra sexennium imprimat, aut alibi terrarum impressam in Germaniæ Inferioris ditiones importet, venalemve habeat. Qui secùs faxit, confiscatione librorum, & aliâ graui pœnâ mulctabitur, vti latius patet in litteris datis Bruxellæ, xxi. Iulij, M. D C. XXXI.

Signat..

Steenhuyse.

ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXXII.





